

8.21  
- 87

90


1073

№ 197



5015W

208.2  
F-8#



ԲՈՍԻԻԷ

ՄՏԱԾՈՒԹԻՒՆՔ ՅԱԿԵՏԱՐԱՆՆ

Բ



պ.

ԲՈՍԻԻԷ



ՄՏԱԾՈՒԹԻՒՆՔ ԶԱԿԵՏԱՐԱՆՆ

ԿԱՄ

ՅԵՏԻՆ ՇԱԲԱԹ ՅԻՍՈՒՍԻ



ՄԱՍՆ Բ.


ԸՆԹՐԻՔ ՅԻՍՈՒՍԻ

31945



ՎՆԵՆՏԻԿ — Ս. ՂԱԶԱՐ

1890



30665-582

ԱԶԴ



Գերահուշակ հեղինակ մատենականա՝ քաջ  
 ծանօթ է մերոց բանասիրաց եւ հայերէն  
 թարգմանութեամբ ընտիր ընտիր գրուած  
 ծոցն, որպիսիք՝ Գամբանականքն, Ներբող  
 դեանք եւ Խօսք ի Վէպս ազգաց, քան զորս  
 յաւէտահրաշ եւ պիտանի ամենայն քրիստոս  
 սասիրաց վկայեալ են Մարտիրոսի նորին Սե-  
 ւեպարանն, եւ յատկապէս՝ ի գործս եւ ի բանս  
 Յեպին շաբաթս տնօրէնութեանց Փրկչին .  
 - այսինքն, ի վերջին մտիցն յերուսաղէմ՝  
 ց'երան ի վերնատանէն, եւ անտի ի մուտս  
 կեդրոնեան ձորոյն ի Գեթսեմանի . - ոչ այն  
 քան բարձրագոյն իմաստիւքն, որովք Ար-  
 ծուի վերասլացիկ դատեցաւ անհամեմատն  
 այն յեկեղեցական գրիչս նորոց դարուց, որ  
 քան խորագոյն խաղացիւքն՝ յամենախոնար  
 հըն յամենաքանչն եւ յամենատենչիկ խո-  
 րանն խորհրդոց եւ կրից մարդասիրին եւ  
 մարդակեցոյցն Յիսուսի, յաստուածայրա-  
 կան Սիրտն . յորմէ, եթէ չիցէ ժպրհութիւն

2001

43558. 58

ասել, գերագոյնք քան որ յառաջն երբեք՝ բղխեցին բանք՝ ի վերջնումն երեկոյի կենսաբեր կենացն, որպէս եւ գործք անդրագոյնք՝ գերածայրեալ ցածութեամբ լուսաման ոտից աշակերտաց, եւ գերածայրեալ ամբարձմամբ մարդկութեանս խորհուրդ Հաղորդութեանս։ Բանք եւ գործք՝ յորս սլանայ եւ խոյանայ արծուիս մեր՝ զհետ աւանդողի նոցին առաջնոյ աղանձեզոյն արծուի, բունելոյ ի լանջս վարդապետին իւրոյ եւ սիրողին Յիսուսի. — Բանք եւ գործք՝ յորս ամենայն քրիստոնեայ միաք՝ եթէ հօրք եւ եթէ տկարք՝ հրաշասցին ի դարս դարուց, մինչեւ ի միւս անգամ գալուստ Անարարին։ — Բանք եւ գործք անգուգականք, յորս՝ եթէ սրբան սքանչացեալ ներակրթէր մտահարուսան Բոսիւէ, եւ տակաւին անհաս կամ անյազ մնացեալ զանձն վարկանէր, զայն՝ սխրացուցիչ իմն օրինակաւ յայտնեաց ինքնին յիւրումն կենաց կատարածի, մինչ յանկանգնելի մահիձս անդ անկեալ դնէր, աւելի քան վաթսուն անգամ՝ տալով ընթեռնուլ զկտակն զայն Քրիստոսի, զոր վաղ ուրեմն մեկնաբանեալ էր. եւ ունկն դնէր որպէս նորալուր ինչ երկնաւոր աւետեաց։ Շատ լիցի այս ի ծանօթութիւն ջրուոյ հեղինակին եւ արժէից խորհրդածութեանցս նորին. որք՝ եթէ թողուն ինչ պակաս յոգիս հոգեսէր ընթերցողաց, այն է՝

զի ոչ յառաջ եւս խաղացոյց նովին ոճով գըլխաւորել ի գիր՝ եւ զանցս անցս կրից եւ բանից Փրկչին՝ ի վերջնում պահու ահեղագին գիշերոյն եւ ի կարճատեալ վաղուի մեծի ուրբաթունս։


Իցիւ թէ չթողոյր միւս եւս պակաս՝ թարգմանութիւնս այս նուագեալ ի շնորհաց բնագրին. զոր՝ բազում անգամ ընթերցեալ եւ յառաւել զբօսանս հոգւոյ յեղեալ ի հայրենի բարբառ, յայժմուս՝ ի շշուկ Յիսուսի յիսներեակ ամաց քահանայութեանս (Նախաշաւիղ անեղրականին), ժտիմ յանարգամեծար սիրոյ Հարց իմոց եւ Եղբարց հոգեկցաց, յոր այնքան ամս վայելեցի եւ վայելեմ՝ առաւել քան զիմ արժանն, ընդունել ի յիշատակ փոխադարձիկ հաճութեան, զայս՝ ըստ պատեհի եւ ըստ փութոյ ժամուս՝ մասն թարգմանութեան գրոցս, զՄտածութիւնքն ի խորհուրդն Հաղորդութեան կամ Ընթերցութեանս. — այլում թողեալ ժամանակի՝ եթէ իցեն նոցա կամք եւ դիւր՝ տալ ի տպագրութիւն եւ զԱռաջին Մասնն՝ զոր անուանեմ Երեսուցեմ, քանզի ճառէ զմտից Փրկչին անդր եւ ի Բեթանիա, մինչեւ յԸնթերիսն. եւ զվերջինն, որ է Յեթն Ընթերցանն՝ ի վերնասրահն եւ զճանապարհայն որ ի Չիթեանսն անդր. — Աղբարելով զմի մի ի պատուական Եղբարցս վիճակակրցաց եւ զձայնակիցս նոցին բարեմաղթուս

ինձ եւ Չուգից իմոց օծելոց, ոչ միայն հաճութեամբ ընդունել զփոքրս ի փոքուէս, այլ եւ կրկնակի հաճութեամբ յիշել՝ յաւէտ յօրըստօրեայ պաշտաման սրբազանի եւ ահեղ խորհրդոյ Պատարագին, — յոր այնքան երկար բանիւ խորհրդածէ հեղինակս, առ ի հաստատութիւն հաւատոց իսկական լինելութեան Մարմնոյ եւ Արեան Քրիստոսի, ի հերքումն բարբանջանաց նորոց աղանդասար թերահաւատից, եւ ի յաւելումն հաւատոյ եւ մանաւանդ սիրոյ հաւատացելոցս եւ կատարողաց խորհրդոյս. որ՝ որպէս իմ անարժանիս՝ եւ ամենայն աստիճանակցաց՝ գերագոյն եւ զգուշագոյն գործառնութիւն է ի վերայ երկրի. եւ վասն որոյ՝ առանձինն համար եւ հաշիւ մի է քահանայի ի քահանայապետէն Քրիստոսէ. — եւ եւս առաւել յիշել՝ յետ հարկաւորապէս եւ վաղ քան թէ անագան հրաժարմանս ի ներկայիցդ, եւ ամփոփելոյ առ նախընթացս՝ Միւս զոյգ օժակիցս եւ առ այլն համօրէն. ընդ որոց երկոցուն դասուց մէջ (կենդանեաց եւ հանգուցելոց), հաւատարիմ վկայ յուսոյ եւ սիրոյ արձանացի, հայցեմ, սոփերիկս սուղամասնեայ:

Հ. Ղ. Մ. ԱԼԻՇԱՆ Մ. Մ.

# ԸՆԹՐԻՔ

Փ Ր Կ Չ Ի Ն Յ Ի Ս Ո Ւ Ս Ի



Ա. Վերնատունն պատրաստեալ: — Մտք. ԻԶ. 17-9: Մարկ. ԺԳ. 12-17: Ղուկ. ԻԲ. 7-13:

«Յառաջնում աւուր բաղարջակերացն, (յետ որոյ օրէն էր զենուլ զգառն պասեքին), մատեան աշակերտքն առ Յիսուս». և զի գիտէին զնա յամենայնի հրամանակատար օրինացն, «աւսեն. Ո՛ւր կամիս՝ զի պատրաստեսցուք քեզ ուտել զգատիկն»: Աշակերտքն են որք զայդ ասեն: Արժան է տերանց, ըստ օրինակին Յիսուսի, հրահանգել զամենեւին՝ զորս ի սպասուելեանց ունիցին, ինքնին զմտաւ ածել զոր միանգամ օրէնքն Աստուծոյ և պաշտօն նորին պահանջէն, և առնուլ վասն այնոցիկ հրամանս ի տերանց:

«Եւ նա ասէ յնոսա. Երթայք ի քաղաքն՝ առ այս անուն»: Չասեն աւետարանիչք զանուն

առնն. և ինքն իսկ Յիսուս առանց անուանելոյ զնա՝ տայ աշակերտացն նշանակս հաւաստիս ճաշակելոյ. « Երթայք, ասէ, ի քաղաքն. և իբրև մտանիցեք, պատահեսցէ ձեզ այր մի՝ բարձեալ սափոր ջրոյ. երթիլիք զհետնորա ի տունն յոր մտանիցէ. և ասաջիք ցտանուածէր տանն. Ո՛ր էն վանքն իմ՝ յորում զպատեքն ուտիցեմ աշակերտօքս հանդերձ: Եւ նա ցուցցէ ձեզ վերնատուն մի մեծ զարդարեալ, և անդ պատրաստեալիք»<sup>1</sup>: Աւետարանիչն Մարկոս ծանուցանէ մեզ զի երկուց յաշակերտացն պատուիրեաց զայս. Գուհաս յանուանէ իսկ՝ ՂԱւարոս և զՅովհաննէս:

Մեծի ինչ իրիք աւաղիկ հանդերձանք էն. մեծագունի քան զպատեքն օրինական, քանզի զերկոսին գլխաւորս աշակերտացն առաքէ. զՊետրոս՝ զոր ի գլուխ ամենեցուն կարգեաց, և զՅովհաննէս՝ զոր առանձինն իմն մտերմութեամբ պատուասիրէր: Չասեն աւետարանիչք եթէ զայս օրինակ առնէր և յայլ նուագս պատեքին, և ոչ եթէ ընտրէր այսպիսի տեղի վերնատան զարդարելոյ: Վասն այսորիկ ցուցին մեզ շարք սուրբք, եթէ այդ հանդերձանք վասն խորհրդոյ Գոհութեանն էին: Կամեցաւ Յիսուս ազդ առնել մեզ, եթէ քանի՛ ինամով անկ իցէ զարդարել զվարս նուիրեալս ի մատուցումն խորհրդեանս: Յայս դէպս և եթ թուի Յիսուս չկամել երեսել աղքատ: Յօրինակէ աստի ուսան քրիստոնեայք ի սկզբանէ հետէ զզարդարանս, զորս տեսանեմք ի սակա շքով կատարելոյ զխոր-

հուրդն Գոհութեան, ըստ բաւականի իւրաքանչիւր եկեղեցեաց: Այլ որ կարևոր ևս է նոցա ի գիտել՝ այս է, պատրաստել զանձինս առ բարոք ընդունելութիւն նմին. այսինքն է, պատրաստել որպէս զվերնատուն մեծ՝ զիրտ ընդարձակեալ սիրով աստուածայնով, բաւական ընդունելութիւն մեծամեծաց, ամենայն զարդու շնորհաց և ուղղութեանց, զորս օրինակէին զարդարանք վերնատանն այնորիկ: Չամենայն պատրաստեսցուք Յիսուսի՝ որ գայն առ մեզ. ամենայն ինչ արժանի ընդունելոյ եղիցի: Նշանակ ջրկիր առնն՝ զոր տայ Յիսուս՝ ունէր ծանուցանել աշակերտացն եթէ և հասարակագոյնք ինչ գործք՝ յաստուածային տեսչութենէն ուղղին:

Զինչ սովորական և յաճախաւոր քան զհասն զիպել առն որ երթիցէ զջրոյ՝ յաղբիւր ուրեք, արտաքոյ քաղաքին. կամ զինչ կամայական, զի չասացից թէ և ըստ հաճոյս խելաց, առն տանել զսափորն ի տունն, ի նմին իսկ ի պահու յորում աշակերտքն մտանելոցն էին ի քաղաքն: Եւ սակայն գաղտնիք իմաստութեանն Աստուծոյ այդպէս տնտեսէին զայդ. և այլքն ևս ի գործոց նմանեաց նոյնպէս էն, և առ այլ ինչ վախճան վարեալք յԱստուծոյ, որպէս զի՝ եթէ և յաճախ հանդիպեսցին դէպք նշանաւորք պատահմամբ՝ զորս մեք ըստ բաղբի կոչեմք, հարկ է հաւատալ եթէ Աստուծոյ կարգեալ է զամենայն, նաև զգոյզն ինչ շարժուածս մեր, բայց առանց ինչ սաղբելոյ ազատութեան մերոյ,



այլ զամենայն շարժմունս ուղղելով առ դաղտնի  
խորհուրդս իւր: — Յայտ առնէ մեզ օրինակս  
այս, եթէ էին Յիսուսի ծածուկ աշակերտք՝  
զորս ոչ գիտէին առաքեալքն, բայց յորժամ  
ի պահանջել առթից ինչ ծանուցանէրն նոցա:  
Այսպէս և ի կամեն մտանել յԵրուսաղէմ,  
առաքեաց դարձեալ զերկուս յաշակերտացն ի  
գեօղ մի՝ զոր նշանակեաց, և պատուիրեաց ա-  
ծել էշ մի՝ զոր դասնելոց էին յաւանակաւն  
հանդերձ, աներկբայս առնելով զնոսին, զի յա-  
սեւն եթէ տեսուն իւրում պիտոյ է՝ թողցին  
զնոսին<sup>1</sup>: Ունել ունէր ուրեմն աշակերտս  
այսպիսիս և ի քաղաքի և ի գեօղս, զորոց գիտէր  
զհաւատարմութիւն և զհրովութիւն. և սակայն ոչ  
յայտնէր զնոսա առաքելոցն՝ բայց ի լինել հար-  
կին. ուսուցանելով նոցա այսու զգուշութիւն՝  
որով արժան էր նոցա խնամել զյանձնեալն  
ինքեանց, նաև առ չածել նոցա տաղտուկ վայ-  
րապար, կամ ատելիս առնել զնոսա յանօգու-  
տրս: Այս զգուշութիւն էր՝ որով լռեցին աշա-  
կերտքն յաւատարման իւրեանց և ընդերկար ևս  
ժամանակս յետ մահուան Փրկչին, զանուն առնն  
զորոյ ընտրեաց արդ զտուն, որպէս և զայն օրիկ՝  
յորմէ ետ ինդրել զէջն և զյաւանակն: Ոչ նոյն  
պէս և այլուր թաքուցանէին զանուանսն. զի  
ոչ միայն ծանուցին թէ որ օգնեացն նմա ի բառ-  
նալ զխաչն՝ կոչէր Սիմոն Կիւրեւացի, այլ մանր  
ևս հանգամանօք՝ եթէ էր հայր Արեքսանդրի և

1 Մատթ. ԻԱ. 2: — 2 Մարկ. ԺԱ. 2:

Ռուփայ<sup>1</sup>, ծանօթ հաւատացելոց: Զամենայն  
ինչ ի դէպ է վասն պատճառի իրիք գործել-  
արժան է զոմանս յանուանէ կոչել՝ առ ի քաջ  
յայտնել զիրացն հանգամանս, և են՝ զորոց  
խոհական զգուշութեամբ թաքուցանել:

Պետրոս և Յովհաննէս գտին զիրան որպէս  
ասացն Յիսուս: Այրն ջրկիր գտաւ ի տեղւոջ՝  
ուստի մտանէին ի քաղաքն, երթալ ի տունն՝  
զոր ընտրեալն էր Յիսուս. որպէս գտաւ յա-  
ւանակն ի նշանակելումն տեղւոջ ի մուսս գեղ-  
ջն, կացեալ առ դրան ի կիցս երկուց ճանապար-  
հաց: Եւ ոմն յանօթից անտի մարդկան որ  
անդն կային՝ ասէ զնոսա. Չի՞ գործէք, զի՞ լու-  
ծանէք զյաւանակդ<sup>2</sup>: Թուէր թէ ըստ պատահ-  
ման խօսեցի. այլ ոչ այդպէս. քանզի նոյն ինքն  
էր որ տալոց էր թող տանել զանասունն՝ ի  
լռելն զառաջին բանս առաքելոցն, ըստ բանի  
վարդապետին իւրեանց: Դարձեալ, դէպ եղև  
զի չէր ուրուք երբեք նստեալ ի վերայ յա-  
ւանակին. զի այդպէս պահանջեր լրուամն խոր-  
հրդեանն, և ցուցանել՝ զի յառուր միում  
նստելոց էր Փրկչին և վարելոց զժողովուրդ-  
արմուզ, այսինքն է զհեթանոսս, որք մինչև  
յիւր ժամանակս՝ ոչ գիտէին օրէնս, և չէր ու-  
րուք բաւական լեալ ի նուաճել զնոսին: Ամե-  
նայն ինչ ուղղեալ վարի, մանուկն որպէս և  
մեծամեծք, և ամենայն ինչ պատշաճի մեծա-  
մեծ խորհրդոց Աստուծոյ, (որպէս շրջանակ՝

1 Մարկ. ԺԵ. 21: — 2 Մարկ. ԺԱ. 4:

պատկերի)։ — Աւարդիկ հանդերձեալ է ամէն նայն։ Վերնատունն մեծ զարդարեալ է. և ակն ունին գալստեան Փրկչին։ Ակն կալցուք և մեք մեծամեծ տեսարանացն՝ զոր դայ ցուցանել հաւատացելոց իւրոց։ Նկատեսցուք, հաւատացուք, օգտեսցուք. բացցուք զսիրտս՝ առաւել քան եթէ զաս։

Բ. Պատերն։ — Կեսնք քրիստոնէի ակնք և եր են։

Ընթերցցուք զբանս աւետարանչին Յովհաննու (ժԳ.)։ « Յառաջագոյն քան զտօնն զատկի՝ գիտաց Յիսուս եթէ հասեալ է ժամ նորա զի փոխեսցի յաշխարհէ աստի առ Հայր. սիւրեաց զիւրսն որ յաշխարհի աստ են. իսպառ սիրեաց զնոսա »։ Գիտեմք զի պատեք (կամ զատկի) անցք նշանակեն։ Մի 'ի պատճառաց անուանս, զոր գիտէ և աւետարանիչս աստանօր, այս է, զի տօն պատեքին հաստատեցաւ՝ յորժամ հանդերձեալն էր ժողովուրդն հին ելանել յԵգիպտոսէ և անցանել յերկիրն խոտացեալ հարց իւրոց. և էր այն օրինակ անցից նորոյ ժողովուրդեան՝ յերկրէ յերկնաւորն հայրենիս։ Բովանդակ կեանք քրիստոնէի հաստատեալ կայ ի բարեոք կատարուծն անցիցս. առ այս՝ Փրկիչն մեր առաւել քան այլ երբեք՝ ուղղէ զցնացս իւր, որպէս Թուրի և աւետարանչին Յովհաննու ակնարկել մեզ։

Առաջին գործ նկատելի մեզ՝ այս է, զի կայ մեզ առնել զպատեքս զայս, զանցս զայս ընդ Քրիստոսի։ Վասն այսորիկ սկիզբն առնէ աւետարանիչն՝ պատմութեան պատեքի Տեառն մերոյ՝ բանիւքս այսոքիւք. « Յառաջագոյն քան զտօնն զատկի՝ գիտաց Յիսուս եթէ փոխելոց է առ Հայր »։ Ո՛վ Յիսուս, մատչիմ առ քեզ, առնել զզատկի իմ ընդ քեզ, փափագեմ անցանել ընդ քեզ՝ յաշխարհէ աստի առ Հայր, զոր կամեցարդ լինել եւ իմ հայր։ Աշխարհըս անցանէ՛, ասէ առաքեալն քո. անցանէ պատկեր աշխարհիս այսորիկ. այլ ես ոչ կամիմ անցանել ընդ աշխարհիս. իմ կամք են անցանել առ Հայր քո։ Զայս ճանապարհ կայ ինձ առնել, եւ կամիմ առնել ընդ քեզ։

Ի զատկին հնուս՝ անկ էր շրէիցն հանդերձելոց ելանել յԵգիպտոսէ եւ մտանել յերկիրն աւետեաց, զգեհնուլ հանդերձ ուղևորի, ցուպ ի ձեռին, դօտի ընդ մէջս՝ առ ի հանդերձել զհանդերձսն, կօշիկք յոտս՝ պատրաստ ի զնալ եւ ի չուել. եւ պարտ էր նոցա փութով ուտել զզատկին, զի մի ինչ լիցի նոցա խափան, եւ կաղք իցեն ի խաղալ մեկնել յամենայն ժամու։ Այս օրինակ է պայմանի՝ յորում անկ է կալ քրիստոնէի առ առնելոց զզատկի իւր ընդ Քրիստոսի, եւ անցանել ընդ նմին առ Հայր։ — Ո՛վ Փրկիչ իմ, ընկալ զանցորդ քո. պատրաստ կամ. չունիմ ինչ խափան. կամիմ

չուեւ անցանեւ յաշխարհէ աստի ընդ քեզ՝ առ  
Հայր քո:

Ուստի է ինձ տրամուծիւնս այս՝ ընդ անցան:  
Եւ զԹ՛նչ միթէ տակաւին յարեալ կցեմ ընդ  
կեանս: Որպիւի մտըրուծիւն արդեւու զիս  
ի տեղուջս պանդխտուծեան: Ահա դու յ'ան-  
ցանեւ կաս, Փրկիչ իմ, յօժար դողով և իմ ան-  
ցանեւ ընդ քեզ, մինչ աղբ ինձ առնեն՝ եթէ  
աւաղիկ հասեալ է ժամ անցանելոյ, խռովի  
անձն իմ, ոչ հանդուրժեմ լսել եւ տանել  
այդմ բանի: Ուղևոր վատասիրտ զի զանդիտես:  
Անցք՝ զոր ունիս անցանեւ, նոյն անցք են  
զոր Փրկիչն առնէ ըստ աւետարանիս այսմիկ,  
եւ խիթայցես անցանեւ ընդ նմա: Աղէ լուր.  
«Գիտաց Յիսուս՝ եթէ հասեալ է ժամ նորա,  
զի փոխեսցի յաշխարհէ աստի առ Հայր»:  
ԶԹ՛նչ երբ եցեն յաշխարհի աստ այնքան սի-  
րելիք, զոր թէ ոչ կամիցես թողուլ ընդ Փրկչին  
Յիսուսի. միթէ թողոյր նա՝ եթէ բարեոք ինչ  
էր կալ մնայն աստէն: Այլ՝ աղէ, լ՛ւր միա-  
բամ եւս, ՚վ քրիստոնեայ: Անցանէ Յիսուս  
յաշխարհէ աստի երթալ առ Հայր իւր: Եթէ  
եւրանեւ միայն կայր յաշխարհէ աստի՝ առանց  
առ լուսագոյն ինչ երթալոյ, թէպէտ եւ չնչին  
իմն է աշխարհս այս, եւ ոչ մեծ ինչ կո-  
րուստ կորուսանեն զնա, մարթ էր արդեօք  
տակաւին տրամեւ զի չկայր լուսագունի իմիք  
հանդիպելոյ ակնկալուծիւն: Այլ ոչ այդպէս  
իցեն անցք քո, ՚վ քրիստոնեայ: Անցանէ Յիսուս  
յաշխարհէ աստի, այլ առ երթալ առ Հայր իւր:

Քրիստոնեայդ, որ անցանելոցդ ես ընդ նմին,  
առ Հայր անցանես, տեղի՝ դասի ելանեաղ՝ աք-  
տորանաց է վայր. ի հայրենին դառնաս տուն:

Օ՛ն, արդ ուրախուծեամբ անցուք յաշ-  
խարհէ աստի, այլ մի մնացուք յետնում պա-  
հու՝ առ սկիզբն առնելոյ անցից: Յեւրանեն իս-  
րայելացուց յԵփիալտոսէ՝ ոչ առժամայն մտանե-  
լոց էին յերկիրն աւետեաց. քառասուն ամ  
կայր նոցա ճանապարհ առնել ընդ անապատն.  
Եւ սակայն կատարելն զգատիկ իւրեանց, քան-  
զի եւրանէին յԵփիալտոսէ, եւ սկիզբն առնէին  
ճանապարհի իւրեանց: - Ուսցուք առնել զգա-  
տիկ մեր՝ յառաջնմէ անտի քայլափոխէ: Հանա-  
պաղորդ լինին անցքս մեր, մի աուցուք զկայ եր-  
բեք: Մի բնակեսցուք ուրեք, այլ բանակես-  
ցուք ամենայն ուրեք հանգոյն իսրայելի. մեզ  
ամենայն վայր՝ անապատ իցէ, որպէս եւ նո-  
ցայն. նման նոցին կացուք հանապաղ ի վրանս.  
յայլում վայրի է տունս մեր: Իսրայացուք  
զնասցուք, անցուք ընդ Յիսուսի և մեռցուք աշ-  
խարհի. մեռցուք նմին զոր ամենայն. ասացուք  
գողցուք ընդ Առաքելոյն<sup>1</sup>. Մեռանիմ զօրհա-  
նապաղ, չեմ յաշխարհէ, անցանեմ. չարկանեմ  
բուռն եւ ոչ զմիոյ իմեքէ:

1 Ա. Կորնթ. ԺԲ. 31:

Գ. Լուսադուլն ոտիցն: — Զօրոտրիւն Յիսուսի.

Խոնարհոտրիւն ևորս. — Յովն. ԺԳ. 1-5:

«Սիրեաց զիւրսն որ յաշխարհի աստ էին, սիրեաց իսպառ»: Ի պահու աստ անցիցն՝ յորում թողլոց էր զնոսա, սիրեաց զնոսա առաւել քան յամենայն ժամանակի, և ետ նոցա յայտնագոյն նշանակա սիրոյ իւրոյ: Զմխիթարու թիւն կամեր թողուլ նոցա՝ ի հրաժարելն ի նոցանէ: Արդարև գորովական են ամենայն բանքն զոր խօսի ընդ նոսա. լի է սիրով ամենայն՝ զոր գործէ. և վկայ այսմ՝ հաղորդութիւնն՝ զոր հանդերձի տալ նոցա: Այլ տես ինձ, ուստի սկսանի. «Եւ ի լինել ընթրեացն, սատանայի իսկ արկեալ էր ի սիրտ՝ զի մատնեսցէ զնա Յուդա Սիմոնի Իսկարիովտացւոյ: Գիտաց Յիսուս զի զամենայն ինչ ետ Հայր ի ձեռս նորս. և թէ յԱստուծոյ ել և առ Հայր երթայ: Յառնէ յընթրեաց անտի, և դնէ զհանդերձան. և առեալ զԵնթրակ մի սիսածաւ. և ապա առեալ ջուր՝ արկ ի կոնք, և սկսաւ լուանալ զոտս աշակերտացն. և սրբէր զենջակաւն զոր սիսածեալ էր»: — Այս աւուրս մեր իցէ ընթերցուած. քանի՛ գեղեցիկ, քանի՛ զմայլական: Փրկիչ իմ, ընուս զիս մխիթարութեամբք ընթերցուածով աւետարանիդ. զոր և բացից մասն, ամենայն ուրեք սփոփանս գտանեմ, ամենայն ուրեք բանս կենաց յաւիտենականաց. ոչ գիտեմ եթէ իցէ իմ երբեք ընթերցեալ բանս

փարելիս որպէս յայսմ տեղուր: Յաւել ինձ, Փրկիչ իմ, զուրախութիւն, ի սուրբ ընթերցուածիս յայսմիկ, որպէս զի հրճուանք ողջաստուցք որովք ընուս զիս, բարձցեն յինէն զհեռութիւն ամենայն աշխարհական զբօսանաց: Այլ առ այս՝ ի դէպ է կշռել զմի մի ի բանիցն:

«Յետ ընթրեացն»: Ընդ հուպ պատմեսցէ Յովնանէս զայլ ընթրիս, յորում անկաւ զլանջօքն Յիսուսի. յորում՝ թացեալ Յիսուսի զպատան ետ Յուդայի: Ահաւագիկ այլ ընթրիք: Արկուէին ընթրիքն, որոց վերջին յետ լուացման ոտիցն. և յերկրորդումն աստ հաստատեաց զխորհուրդն Գոհութեան. ընթրիք՝ ըստ հրահանգաց օրինի, որ թերեւս կանխէր քան զընթրիս գառնին: Չէ ինձ փոյթ մանրախոյզ լինել իրացս. ես զանձն իմ չինել կամիմ. շատ է ինձ գիտել զի ընթրիքն՝ յորում հաղորդութիւնն հաստատեցաւ՝ առանձինն իմն ընթրիք էին, լի խորհրդեամբք, որպէս տեսցուք ի մտոյ: Արդ առաջին ընթրիքն լեցին ի ընուզհարկ սիրտոյց:

Աւագիկ Յիսուս յառնէ, և ելանէ ի բազմականէն. և առ ի պատրաստել զնոսա առ խորհրդականն սեղան՝ զոր հանդերձէր նոցա, լուանայ զոտս նոցին: «Գիտաց Յիսուս՝ զի զամենայն ինչ ետ Հայր ի ձեռս նորս, և թէ յԱստուծոյ ել և առ Աստուած երթայ»: Դագարեսցուք առ վայր մի. աւետարանիչն Յովնանէս ամենեւեմ վարակեալ է ի խորհուրդս մեծութեանց և զօրութեանն Քրիստոսի. կամի և զմեզ նովին խմաստիւք ըմբռնել, որպէս զի

քաջանշմար ևս լիցի պատկեր խոնարհութեան և սիրոյ նորին, զոր կայ նմա յանդիման առնել մեզ : Կաղարեսցուք ուրեմն առ վայր մի և վայելեսցուք զճաշակն առաջին այնր բանի . « Հայր՝ ետ ի ձեռս նորա զամենայն », որպէս և ինքնին ասաց . « Ամենայն ինչ տուաւ ինձ ի Հօրէ իմէ »<sup>1</sup>. և այլուր . « Տուաւ ինձ ամենայն իշխանութիւն ի յերկիրս և ի յերկրի »<sup>2</sup> : Եւ թէպէտ ի բնէ իսկ անկ էր նմա իշխանութիւն, քանզի Աստուած էր ի սկզբանէ, միշտ յԱստուած բնակեալ և անբաժանելի յԱստուծոյ, ինքն Բանն Աստուած, որով արար Աստուած զամենայն յոջընչէ. այսու յեղանակաւ՝ չէր մարթ ունել Հօր արարած՝ որ չիցէ արարեալ յՈրդւոյն և որ ոչ պարտիցի նմա զնոյն պատիւ . ըստ այնմ բանի, եթէ « Ամենայն որ ինչ իմ է՝ քո է, և որ ինչ քո է՝ այն իմ է » . այլ սակայն իշխանութիւնս այս դայր առ նա ի Հօրէ իւրմէ, որ եան նմա զայն՝ յաւիտենական ծննդեամբն . և ի ժամանակի չարչարանացն՝ տայր զնոյն առանձինն իմն օրինակաւ . քանզի չարչարանօքն ունէր ստանալ զամենայն, և զոր ի բնէն և իրաւամբք ծնողեան ունէր՝ զնոյն և իբրև գնած և ստացուած ունել : Եւ այն՝ որում այսպիսի գերաճրաչ օրինակաւ տուեալ է աւմենայն, նոյն ինքն գայ ի լուանալ զոտս մեր : Յայս աւասիկ կամէր Յովհաննէս յանդէլ զբաննն : — Խոնարհեսցուք արդ և մեք մերովսանն :

1 Մատթ. ԺԱ. 27; — 2 Կոյթ. ԻԲ. 18;

Ո՛վ Յիսուս, հնազանդիմ քուսդ տէրութեան, առ այն՝ զոր ունիս յիմ վերայ որպէս արարիչ, առ այն՝ զոր ունիս որպէս Փրկիչ : Դու ես տէր իմ դերագոյն, իմ միակ և քաղցրալուր տէր . « Դու ես որդի Աստուծոյ, դու ես Թագաւորն Իսրայելի » : Եւ զոր հնազանդութիւն ոչ պարտիցիմ բեզ, որ քո իսկ եմ այնքան յեղանակօք, և այսպիսեօք վաւերական, անփոփոխելի, փարելի և աստուածազան յեղանակօք :

Դ. Ամենայն տուեալ ի ձեռս Քրիստոսի, և մանաւանդ զնորեալքն :

Չամենայն ինչ ետ Հայր ի ձեռս նորա : Ամենայն այս որ տուաւ ի ձեռս նորա՝ ի Հօրէ իւրմէ, յաւէտ այն Ամենայնն է զորմէ ասացն . « Չամենայն զոր տայ ինձ Հայր՝ առ իս եկեսցէ<sup>1</sup> » : Ամենայնս այս՝ Եկեղեցի նորա է . և առանձինն՝ յեկեղեցւոյ իւրում՝ Սուրբքն . և ի սուրբս՝ այնքիկ՝ որ մինչև իսպառ այնպէս իցեն . համանդամայն ասել Ընտրեալքն : Ահա երջանիկն Ամենայն՝ զոր Հայր ետ յատկապէս ՚ի ձեռս Յիսուսի, զորմէ և ասացն ինքնին . « Քո էին և ինձ ետուր զնոսս » : Եւ սուղ ինչ յառաջ . « Ետուր իշխանութիւն ի վերայ ամենայն մարմնոյ, (ամենայն մարդկան) . զի ամենայնի զոր

1 Մատթ. ԺԱ. 27;

ետուր նմա՝ տայցէ զկեանս յաւիտեանականս<sup>1</sup>» :  
 Ի վերայ ածցուք. Եւ այն՝ որում էա Հայր  
 Ի ձեռս զամենայն զոր առաւելն սիրէր, այս  
 Ինքն զընտրեալսն, զհաճեւիսն, նա Ինքն է որ  
 ահա գայ լուսնալ զոտս մեր:— Փրկիչ իմ, ցայդ  
 վայր խոնարհիցիս: Պարտ և արժան է Ինձ խո-  
 նարհել առաջի քո: Իցէ՛ Թէ եղէց և ես, ո՞վ  
 Փրկիչ իմ, յԱմենայնէ անտի՛ զոր էա Հայր Ի  
 ձեռս քո, որպէս զի տացես նմա կեանս յաւի-  
 տեանականս: Եւ եղէց՝ Եթէ կացից հաւատա-  
 րիմ շնորհաց քոց, և զպատուիրանս քո պահե-  
 ցից: Տո՛ւր Ինձ զոր պատուիրեսդ, որպէս զի  
 եղէց Ի հօտէն անտի օրհնելոյ, զորմէ ասացերդ.  
 « Ոչխարք իմ՝ ձայնի իմում լսեն, և ես ճանա-  
 չեմ զնոսա, և զինի իմ գան, և ես տամ նոցա  
 զկեանսն յաւիտեանականս: Հայրն իմ որ էա  
 Ինձ զնոսա՝ մեծ է քան զամենայն, և ոչ ոք կա-  
 րէ յափշտակել Ի ձեռաց Իմոց, որպէս և ոչ Ի  
 ձեռաց Հօր Իմոյ. զի ես և Հայր իմ մի եմք<sup>2</sup>» :  
 Եւ ուստի՛ բնաւ երկիւղ յայսմ հետէ: Եւ ոչ  
 ուստեք, բաց Ի վրիպելոյ յուստէ կոչմանն:  
 Կայ մնայ միայն ապաստանել Ի ձեռան ամե-  
 նակարողս, և ասել ցՅիսուս. Ո՛վ տէր, յու-  
 սամ Ի քեզ. Ի ձեռս քո աւանդեմ զանձն իմ.  
 մի ամաչեցից յաւիտեանս<sup>3</sup>:

1 Յովհ. Ժ. 6: — 2 Յովհ. Ժ. 27: — 3 Սղմ. 1:

Ե. Քրիստոս Աստուած ձընարխոս և մարդ  
 ձընարխոս: — Յովհ. Ժ. 3:

Դարձեալ վերձանելով՝ զկայ աւցուք Ի վե-  
 րայ բանիցս. « Գիտաց Յիսուս զի զամենայն  
 Ինչ էա Հայր Ի ձեռս նորա. և Թէ յԱստուծոյ  
 էլ և առ Հայր երթայ »: Ելեալ յԱստուծոյ՝  
 առանց այլայլութեան, առանց յաջորդու-  
 թեան, առանց հոլովման ժամանակի, անձա-  
 ռելի մաքրութեամբ, որպէս ճառագայթ՝ արձա-  
 կի յարեգականէ անբաժանօրէն, և հանապաղ  
 կրելով յինքեան զզօրութիւն սկզբնականին.  
 վասն այնորիկ կոչէ զնա առաքեալն Պօղոս « Լոյս  
 փառաց և նկարագիր էութեան Հօր<sup>1</sup> »: Բայց  
 սակայն ելեալ, այլ ոչ տարածութեամբ, որ-  
 պէս ճառագայթն՝ որ ընդարձակութիւն է  
 լուսոյն և բացագոյն արտաքս ծաւալուեմն.  
 այլ ելեալ յԱստուծոյ որպէս խորհուրդ՝ զի  
 ելանէ Ի մտաց, և կայ ցանկ Ի նմին: Ելեալ Ի  
 նմանէ. ապա ուրեմն՝ որպէս Ինչ մի կենդանի,  
 մանաւանդ Թէ կեանք գլխովին. վասն որոյ  
 ասաց Յովհաննէս, « Նովաւ կեանք էր ». այս-  
 Ինքն՝ զի էր (կեանքն) Ի նմա՝ որպէս Ի Հայրն,  
 և էր Ի նմա՝ որպէս յաղբեր. որպէս և Ինքնին  
 բերանով իւրով ասաց. « Որպէս ունի Հայր  
 կեանս յանձին իւրում, նոյնպէս էա և Որդւոյ  
 ունել կեանս յանձին իւրում<sup>2</sup> »: Եւ նա ուրեմն

1 Եբր. Ա. 3: — 2 Յովհ. Ե. 26:

ի Հօրէ՛ այսու օրինակաւ. կենդանի ի կենդա-  
 նւոյ, կեանք ի կենաց: — Ելեալ կատարեալ՝  
 գիտութեամբ անձինն՝ զոր ի սկզբանէն ունի,  
 որպէս խորհուրդ մտաց նորա, իմացումն նորա,  
 իմաստութիւն նորա, որպէս ներքին բան նորա,  
 որով ասէ ինքն ցինքն՝ զամենայն որ է. որպէս  
 բացատրութիւն կենդանի և բնական՝ կատարե-  
 լութեանց իւրոց և ամենայնի որ էն. որպէս  
 յինքեան բերող զամենայն գեղեցկութիւն նո-  
 րա. որպէս կենդանի և կատարեալ պատկեր  
 նորա և նկարագիր հուժեան նորին: Ապա, ե-  
 լեալ՝ որպէս միւս ևս ինքն, որպէս որդի իւր,  
 ի նմին յիւրոյն բնութեանէն. Աստուած՝ որ-  
 պէս նայն, այլ Աստուած՝ մի ընդ նմին, նոյն  
 մի Աստուած: Քանզի ոչ եթէ երանէ հեղմամբ  
 ինչ մասին էութեանն, այլ յամենայն էութե-  
 նէն անտի երանէ, քանզի անհատ և անբաժա-  
 նելի է հուժիւն նորա. որպէս զի և էութիւնն,  
 և կեանքն և աստուածութիւն նորա՝ ամենայնիւ  
 բոլորովիմբ հաղորդեալ է նմն, և հասարակ է  
 նմն ընդ Հօրն, որով՝ չմնայ ինչ աւանձինն և  
 յատուկ՝ բայց միայն լինելն Հայր. որպէս աղ-  
 բեր չմնայ՝ բայց լինելն աղբիւր, այլն ամենայն,  
 որպէս կարգ է բանիս ասել, անցանէ ի վասին:  
 — Աւարդիկ որքան հնար է մարդկան թոթովել,  
 աւարդիկ զինչ իցէ երանելն յԱստուծոյ. այսու  
 քիւք վարին բանիւք գիւրք սուրբք, յօժանդա-  
 կութիւն աղբատիմաց մտաց մերոց, առ ի գեր  
 ի վերոյ զայն բարձրացուցանել: Չայս ամենայն  
 ասէն մեզ համարումիւ հաւատքն նիկիականք,

31616  
 1001  
 85-8558  
 132

յասեւն. Որդին Աստուծոյ ծնեալ ի Հօրէ և  
 ելեալ յեութեանէ Հօր. Աստուած յԱստուծոյ,  
 լոյս ի լուսոյ, Աստուած ճմարիտ յԱստուծոյ  
 ճմարտէ. եակից Հօր իւրոյ, և Աստուած մի  
 ընդ նմին. քանզի տէր Աստուած մեր Աստուած  
 մի է. և ամենայն որ Աստուած է և Աստուած  
 ճմարիտ՝ հարկ է թէ մի միայն իցէ. զի միու-  
 թիւնն ինքնին գոյութիւն և էութիւն աստուա-  
 ծութեանն է: — Այլ ընդէր իցէ մեզ այսօր  
 յայսպիսիս վերանալ թափառել խորհուրդս,  
 բայց զի ընդ Յովհաննու ջերմն եւ հաստատուն  
 հաւատով նկատեսցուք զքեզ, Փրկիչ իմ, որ  
 Աստուած գոլով եւ հաւասար Աստուծոյ, և  
 մի Աստուած ընդ Հօր՝ յորմէ ելեալ և յաւեր-  
 ժաբար կաս ի ծոցի նորին, հաճեցար զիջանել  
 մինչեւ ՚ի լուանալ գոտս մեր, զայս օրինակ խո-  
 նարհեցով առաջի արարածոյ քօ, որպէս զի ու-  
 սուսցես մեզ խոնարհել ոչ միայն առաջի քօ,  
 այլ և եղբարց քոց, հաւասարիցն մերոց մարդ-  
 կան՝ նմանեաց մեզ, ստորնագունիցն քան զմեզ,  
 եթէ արժան իցէ ընդաբոյս նուաստութեանս  
 մերոյ՝ համարել զքք ստորագաս:



Միտ գեր նմին ընթերցողսմբ  
 «Աստուծոյ ել»: ՅԱստուծոյ ընդ Փրկիչ

իմ. ելեալ նախ ի յաւիտենից, ըստ Մեքիայ (Ե. 1). « Եւք նորա ի սկզբանէ աւուրց աշխարհի » . կատարեալպէս համագոյակից Աստուծոյ՝ յորմէ ելերդ. ապա թէ ոչ չէր քեզ մարթ լինել ճառագայթ արեգականդ այդորիկ, ոչ լոյս փառաց նորա, եւ ոչ կնիք հուժեան նորին. քանզի հուժիւն նորա է մշտնջենաւորութիւնն. ոչ միտք նորա լինէիր, ոչ որդի նորա. Որդի կատարեալ՝ Հօր կատարելոյ, յաւերժ կատարելոյն առ յառաջ ածել, ի ծնանել, որպէս և ի դուռ: Ելեր ապա ի յաւիտենից, յառաջ քան զամենայն ժամանակս. այլ ելեր յԱստուծոյ եւ ի ժամանակի, յորժամ Հայրն որ ծնուն զքեզ և որ կրէն զքեզ հանապաղ ի ծոցի, միաւորեցոյց ընդ անձին քու՛մ հաւասարակցի և մշտնջենաւորակցի իւրոյ, ի ծոց ամենօրհնեալ երջանիկ Կուսին, զբնութիւնս մարդկային բովանդակ. այսինքն զՏօբի՝ միացեալ ընդ մարդկային մարմնոյ. որպէս զի որ Աստուածն էր կատարեալ եղիցի և մարդ կատարեալ. Որդի Աստուծոյ եւ Որդի Մարիամու. մի որդի, մի Աստուած: Այսու օրինակաւ, ո՛վ Յիսուս, ելեր դու ի Հօրէ քու՛մէ յաւիտենականէ, քանզի չիք քո այլ Հայր բայց ի նմանէ. եւ մայրն յորմէ ծնար՝ կոյս մնաց, քանզի գալստեամբ Հոգւոյն Սրբոյ ի նա՛ յղացաւ, եւ հովանաւորութեամբ զբոլորութեան Բարձրելոյն ի վերայ նորա: Այսպիւսեաւ յղացեալ քո մաքրական և աստուածայնով օրինակաւ, նոյնօրինակ իմն է և այն՝ յորմէ ծնար. քանզի յղացեալ ի Հոգւոյն Սրբոյ՝ ծնար ի միշտ

կուսէն Մարիամայ. և այդպէս ելեր երևել մարդկան, որպէս ինքդ իսկ ասացեր. « Ելի ի Հօրէ և եկի յաշխարհ՝<sup>1</sup> ». ոչ որպէս թէ ուր չէիրն՝ անդր եկիր. այլ երևեցար՝ ուր ոչն երևւէիր. եւ աւագիկ ելուամք քո՛ ի ժամանակի. մարդ լինելով մահացու՝ երևեցար ի միջի մահականացուաց:

Այսպէս եկիր դու յաշխարհ՝ մարդկային բնութեամբ, այլ մնալով միանգամայն որպէս Աստուած՝ ի ծոց Հօր քո. որպէս ասէր կարապետն քո Յովհաննէս. « ԶԱստուած ոչ ոք եւ տես. այլ Միածինն որ է ի ծոց Հօր՝ նա պատուեաց մեզ՝<sup>2</sup> », զսքանչելիսն նա ծանոյց մեզ. և որպէս դու ինքն ասացեր, « Ոչ ոք եւ յերկինս, եթէ ոչ որ էջն յերկնից Որդին մարդոյ՝ որ էն յերկինս՝<sup>3</sup> ». յորմէ իջերն, և եսդ ի նմին: Որպէս Աստուած՝ կաս մնաս ի յերկինս, ի տեղում փառաց Հօր քո, և ոչ կարես երբեք թողուլ զայն. այլ որպէս մարդ մահկանացու՝ թողեր զփառսն՝ որ իսկակիցն էր քեզ, և երևեցար մեզ նուաստացեալ. և եղեր մարդ, և բնակեցար ի միջի մերում, « եւ տեսաք զփառս քո իբրև զփառս Միածնի Հօր, լի շնորհօք եւ ճշմարտութեամբ՝<sup>4</sup> »: — Իսկ զիւրդ ասաց Յովհաննէս, եթէ ետես զփառս քո. մի վասն այնորիկ զի ետես զքեզ յարուցեալ և համբարձեալ յերկինս, կամ զի ետեսն այլակերպեալ զքեզ ի

1 Յովն. ԺԳ. 28: — 2 Յովն. Ա. 18: — 3 Յովն. Գ. 13: — 4 Յովն. Ա. 14:



Թաքոր լերին: Զայդ ամենայն ունէր նա ի մտի. այլ ասէ յայտնապէս տեսեալ զքեզ ի փառս քում, յորժամ հտեսն զքեզ « լի շնորհօք եւ ճշմարտութեամբ » . լի շնորհօք սքանչելեաց, բժշկելով զամենայն ակտա մարմնոց, լի շնորհօք՝ որ սրբէն զմեզ, քանզի ասէին ցքեզ առաքեալքն քո. Ո՛վ տէր, յաւել մեզ հաւատս, եւ վշտալ ցեալն այն աղաղակէր յամենայն սրտէ. « Հաւատամ, տէր, օգնեա անհաւատութեանս խո՛ւմ » : Այսպէս ետես զքեզ Յովհաննէս՝ լի շնորհօք, վասն այնորիկ և ետես զքեզ՝ լի ճշմարտութեամբ. քանզի քարոզութեամբ քով ծանուցանէիր մարդկան զճշմարտութիւն, և շնչմամբ շնորհացդ՝ հաստատէիր զայն ի սիրտս նոցին, լուսաւորելով զնոսին համանդամայն ի ներքուստ և արտաքուստ: Տեսաք ուրեմն և մեք զփառս քո, նաև յանարգութիւնս քո, քանզի տեսաք ՚ի նոսին զճշմարտութիւնս քո և զշնորհս՝ որով լի էիր. և զի ոչ վասն քո միայնոյ՝ այլ և վասն մեր. քանզի մեք ամենեքին ընկալաք ի լիութենէ քում, և շնորհս փոխանակ շնորհաց, որպէս ասէր կարապետն քո Յովհաննէս:

Եւ արդ, տեսանեմք զփառս քո՝ ի ցաւս քո. և եթէ ոչ բոլորովին տեսանեմք, եթէ ի տեսանելն մեր հաւատոց աջօք զքեզ Միածին Որդի Աստուծոյ, ընդ նմին և մարմնաւոր աջօք տեսանեմք զքեզ որպէս զլետին ի մարդկանէ, որպէս այր ցաւոց, վարակեալ վիրօք, որպէս որդն և ոչ մարդ, պատճառք այդոցիկ են ծածկելն քո կամաւորութեամբ զփառս քո. արդե-

լուն զազդեցութիւն զօրութեան նորին. զի ոչ եթէ հարկաւորապէս իլեր ի նուաստութիւն, այլ վասն սիրոյ և դժութեան: Եւ սակայն այսպիսի ունելով փառս՝ որով լցեալ էիր, և որով ելեալ էիր յԱստուծոյ, դաս դու ի լուանալ զոտս մեր: Եթէ իցեն և իմ փառք, կամիմ կապտել և ի բայ թօթափել: Այլ ես չունիմ ինչ. ոչինչ մի եմ. և չմայ ինձ այլ բայց ցածնուլ խոնարհել, մանաւանդ ցածուլ ցանել զոչինչն ի բնէ:

Է. Գրիստոս երեսդ ի փառաց Աստուծոյ,  
դառնալոց էր ի նոյն: — Յովն. ԺԳ. 4.

« Գիտաց զի յԱստուծոյ ել և առ Աստուած երթայ » : Որ զայդ օրինակ ել յԱստուծոյ, չմարթի նմա չդառնալ ի նոյն: Էր ի նմա մեծութիւն, որում հարկ էր վերացուցանել զնա: Ոչ կարէր խոնարհել, բայց առ կարեկցութեան՝ առ ի մերձեհալոյ մեզ, առ ի բերել մեզ զշնորհսն, առ ի տալոյ մեզ կատարեալ օրինակ խոնարհութեան, քաղցրութեան, երկայնամտութեան, ամենայն առաքելութեանց, առ ի լինել զոչ քաւութեան մեղաց մերոց: Այսք աղաբաւ ի դէպ էր նմա խոնարհել մինչեւ ի հող մահու: Այլ որպէս Պետրոս ասէ, « Ոչ էր հնար ըմբռնել նմա ի նմանէ՛ » . և հարկ էր թէ

կեանքն որ էր ի նմա՝ յաղթող գացի: Հարկ ու  
րեմն էր, զի եթէ եթող զփառան՝ վերաուցե  
զնոյն. և եթէ խոնարհէր մինչեւ ի մահ, և ի  
մահ խաչի, ի դէպ էր Աստուծոյ բարձրացու  
ցանել զնա, և տալ նմա անուն՝ որ ի վեր է  
քան զամենայն անուն<sup>1</sup>. որպէս զի և կատա  
րեացի զոր խնդրեաց ի Չորէն. « Հայր փառա  
ւորեա զՈրդի քո, փառօքն՝ զոր ունէի յառաջ  
քան զլինեին աշխարհի առ ի քէն<sup>2</sup>: » Զայս կամի  
ասել Յովհաննէս՝ բանիւս. « Գիտաց զի յԱս  
տուծոյ ել, և առ Աստուած երթայ ». զի ոչ էր  
նմա մարթ կալ մնալ խապառ մեկնեալ ի փա  
ռաց՝ որ այնպէս իովակից էր նմին. և ոչ միայն  
վերադառնալոց էր ի նոյն, այլ և զվեղ վերա  
ծելոց անդր ընդ իւր. վասն այսորիկ և ասաց.  
« Հայր, զորս ետուրն ինձ՝ կամիմ, զի ուր ես  
իցեմ, և նոքա իցեն ընդ իս, զի տեսանիցեն  
զփառան իմ՝ զոր ետուրն ցես. զի սիրեցեր զիս  
յառաջ քան զլինեին աշխարհի<sup>3</sup>: » Տեսանել զայն  
վայելել է ի նոյն. մասնակից նմին լինել, ըստ  
բանին Յովհաննու. « Նման նմա լինելոց եմք,  
զի տեսանելոց եմք զնա որպէս և էն<sup>4</sup>: » Եւ  
է այս կատարուամբ բանին զոր ասացն. « Ես  
զփառս զոր ետուր ինձ՝ ետուր նոցա, զի իցեն  
մի՝ որպէս և մէք մի եմք. և գիտացե աշխարհ՝  
եթէ սիրեցի զնոսա՝ որպէս դու սիրեցեր զիս »:  
Սերողք Քրիստոսի, ճաշակեցէք զբանսդ զայլ

1 Փիլիպ. 8-9: — 2 Յովն. ԺԷ. 5: — 3 Յովն.  
ԺԵ. 24-5: — 4 Ա. Յովն. Գ. 2:

դոսիկ. ճաշակեցէք և զայստոսիկ, « Երթամ և  
պատրաստեմ ձեզ տեղի. և դարձեալ գամ և  
առնում զձեզ առ իս. զի ուր եսն իցեմ՝ և  
դուք անդ իցէք<sup>1</sup> »: Զայս օրինակ աշաւա  
դիկ կայր Քրիստոսի դառնալ առ Աստուած.  
զայս նշանակեն բանքն Յովհաննու. « Ել յԱս  
տուծոյ և առ Աստուած երթայ »: Եւ ի  
պահու անդ՝ յորում կատարելոց էր զդարձն  
փառաւոր, գողով այնպիսի և գիտելով գող  
այնպիսի, որպէս նշանակէ Յովհաննէս, հաճե  
ցաւ լուանալ զոտս մեր: — Լուռ լիցուք. դար  
ձեալ լուռ լիցուք: Գարդարեցարուք խորհուրդք  
իմ. թոյլ տուք ինձ նկատել զՅիսուս՝ առ ոտս  
աշակերտացն, առ ոտս մեր ամենեցուն, առ  
ոտս ամենայն հաւատացելոց՝ զորս նշմարէ յա  
ռաքեալս իւր:

Ը. Գայ Յիսուս ի լուանալ զոտս աշակերտացն:

(Յովն. ԺԳ. 4):

« Յառնէ յընթրեացն, և զնէ զՀանդերձս  
իւր ». զպատուոյ հանդերձան՝ զոր ազանին ա  
զատ մարդիկ, և պահէ միայն զոր սովոր են կրե  
սպասաւորք. « Եւ առեալ զէնըակ մի սիածաւ ». այսինքն էա՞ծ զմիջօք: Զմիջօք հասարակօրէն նշա  
նակէր զտարազ այնորիկ որոյ հանդերձեալ իցէ

1 Յովն. ԺԳ. 2:

սպաս ինչ հարկանեւ. ըստ այնմ. « Գօտիք ընդ մէջս ածեալ. նմանողք մարդկան՝ որք ակն ունիցին տեսան իւրեանց »: և յետ սակաւուց, « Գօտի ընդ մէջ ածեալ՝ բազմեցուցէ զծառայան հաւատարմս, և անցեալ պաշտիցէ զնոսա<sup>1</sup> »: Այս է ընդ մէջ ածելն. այլ սփածանիւն՝ անարդադոյն ևս ծառայութեան է հանդերձ՝ լուանալոյ զոսս:

Միտ դիր և այնմ, զի զամենայն ինքնին գործէ Յիսուս. ինքնին դնէ զհանդերձան. ինքնին սփառանի. ինքն ընու զլուրն ի կոնք, ձեռօք՝ որք ամենայն շնորհաց են բաշտողք. ձեռօք՝ որ Աստուծոյ են ձեռք՝ ամենայնի հաստողք կարողաբար. ձեռք՝ որոց գրութիւնն միայն, հպուսմն և եւթ՝ զհիւանդա բժշկէր, զվեռեալս յարուցանէր. այնու ձեռօք եհեղ ջուր ի կոնք, լուաց և ջնջեաց զոսս աշակերտաց իւրոց: Ոչ հրահանգաց ինչ օրէնք են աստանօր. սպասաւորութիւն է ստոյգ՝ զոր հարկանէ ամենեցուն նոցա, և սպասաւորութիւն անարդադոյն. քան զի հարկ է անկանեւ առ ոսս նոցա՝ առ ի պաշտել. հարկ է լուանալ զիւրեալ զաղտն և զվռչին՝ ի գնալն նոցա բոկոտն, որպէս էր սովորութիւն երկրին: Զայդ առնէ Յիսուս, գիտելով չափ որ ինչ ինքն էր, և ի սկզբանէ և ի ժամանակի, և որ լինելոյն էր յարութեամբն և յաղթողական համբարձմամբ:— Ծանո՛, Յիսուս, և սղբեա յողբս իմ, զվեծութիւն քո բնական,

և զխոնարհութիւնդ՝ կամայական. որպէս զի գեթ յիսկականս խմում՝ փոքրկութեան՝ մի ծանր համարեցայց խոնարհէ և ծառայել եղբարց իմոց:

Թ. Հրաժարել Պետրոսի ի տալոյ յաւանալ զոսս, և յետոյ հառանել:

Քանի՛ խորագոյնս հրաշացեալ հիացեալ կայր Պետրոս ընդ մեծութիւնս և ընդ ցածութիւնս վարդապետին իւրոյ, ի գոչելն յայլ յայլմէ լիւնելով, « Տէր, դո՛ւ զիմ զոսս լուանաս »: Դիւ. զորոյ. զիմ: Գու, Որդիդ Աստուծոյ, զիմ, զվեղաւորին: Առ որ ասէր երբեմն, « Ի բաց գնա յինէն, տէր, զի այր մեղաւոր եմ ես<sup>1</sup> »: մարդ, մահահանացու, ոչինչ մի, և որ չար եւս է՝ մեղաւոր որ: Այ, ի բաց գնա յինէն, Տէր. ոչ հանդուրժեմ թէ մերձենաս յիս: Առաւել եւս իրաւամբք յայժմուս, զի դաս զոսս լուանալ, այսպիսի հարկանել ինձ սպաս անարժան քեզ. վարդապետդ՝ աշակերտիս, տէր և այնպիսի տէր՝ ստրկի միոյ: Այ, տէր իմ, որ զինչ և ասիցես դու, ոչ ժուժեմ այգամ: « Ոչ լուայցես զոսս իմ յաւիտեան<sup>2</sup> »:

Եւանդն՝ բոյս բարուց էր Պետրոսի՝ որ չէր տակաւին ուղղեալ, այլ կարի բուռն էր. և

Թէպէտ ասէր Յիսուս, « Գու այժմ ոչ գիտես, այլ ապա գիտասաջիբ », ի դէպ ժամուռ. որպէս Թէ ասիցէ, Թոյլ տուր ինձ առնել, զի գիտեմ զոր գործեմն : Անաստէ յամուռի Պետրոս, եթէ օրէն իցէ ասել, և ստիպէ զՅիսուս ասել ցնա. « Եթէ ոչ լուացից զքեզ՝ ոչ ունիս մասն ընդ իս » : Յայնժամ իսկ և իսկ նովին եռանդեամբ՝ որով ասէրն, Յաւիտեան ոչ լուացես զոտս իմ, գոչեաց. « Ո՛ր, Տէր, մի միայն զոտս իմ, այլ և զձեռս և զգլուխ » : Ոչ գիտէր տուկաւին զինչ իցէ լուանալն ի Քրիստոսէ, և յ՛ր մկրտութիւն արժան էր ըստ նովին օրինակի ընկրդեւ. չէր նորա տակաւին քաջ ի վերայ հասեալ բանի վարդապետին, եթէ « Մկրտութիւն մի ունիմ մկրտեալ »<sup>1</sup>. Հարկ է ինձ մկրտել իմովս արեամբ. և զայս մկրտութիւն ցաւոց պահեալ ունիմ իմոց սպասաւորաց. լուացից ես զոտս նոցին, լուացից զձեռս նոցին, լուացից զգլուխս նոցին՝ այսու մկրտութեամբ : Տակաւին անտէրեակ էր Պետրոս բովանդակ այամ խորհրդք զեանս. ոչ գիտէր տակաւին եթէ խորհրդք մեր և գործք քանի անմաքուրք իցեն, և Թէ որքան պէտս ունիցիմք լուացման ձեռաց մերոց և գլխոց : Այլ սակայն ըզձեռք գորով լինել ընդ վարդապետի իւրում, և ունել մասն ընդ նմա, առանց ինչ ընդ բանս ածելոյ՝ գոչէ. Չաւնայն Թոյլ տամ քեզ, զոտս և զձեռս, նաև զգլուխ անգամ. լուացիր զիս որպէս և հաճոյ

իցէ քեզ. քեզ փափագեմ մասնակից լինել որ զինչ և հասցէ առնել զքեզ կամ իմ ունել որ զինչ և տալ պահանջիցիմ. արա զինչ և կամիս, ոչ միայն ընդ ոտս իմ, այլ և ընդ ձեռս և ընդ գլուխ : — Լսելի եղիցիս, Պետրէ. լուացին ոտք քո և ձեռք : Խաչեացիս ըստ օրինակի վարդապետին քո. ունիցի և գլուխ քո մասն ի խաչելութեանդ, և խաչեացիս գլխովայր : Չայդ օրինակ լուացցէ զքեզ Տէրն քո. զայդ լուանալիս պատրաստ քեզ : Ոչ գիտես զայն այժմիկ, այլ ծանուցի քեզ ի ժամուն : Ո՛վ տէր, ոչ միայն զոտս, այլ և զձեռս և ըզգլուխ : — Նմանողք լիցուք Պետրոսի. Թողցուք զանձինս մեր ի կամս Փրկչին : Ոչ գիտեմք տակաւին զինչ կամիցի առնել ընդ մեզ. տկաւրութիւնս մեր ոչ հանդուրժիցէ այդմ. այլ որ զինչ և իցէ՝ Պատրաստ է սիրտ իմ, պատրաստ է սիրտ իմ առ քեզ<sup>1</sup>, Աստուած. այո. Թողում, տամ քեզ զամենայն, զոտս և զձեռս. զամենայն որ ինչ էմն, նա և զգլուխ իսկ, և զոր ի նմայն կայ՝ զհոգիս :

Ժ. Լուանայ և զարոս փոքրուն : « Դուք սուրբ էք, այլ ոչ ամենեքեան » : — Յովն. ԺԳ. 8-10 :

Յարեւել՝ ի ջերմային գաւառս, յաճախեալ էր սովորութիւն բաղանեաց. և յետ լուանալ

լայ յառաւօտուն և ի միջօրէի, մնայր երեկոյն լուացունս ոտից, առ ի ջնջելոյ զաղան կռուեալ յերթալն և ի գալ: Այս միտք են բանի Հարսինն. « Լուացի զոսս իմ, զինորդ աղտեղացուցից զնոսս<sup>1</sup> »: Չայս օրինակ առնու Յեսուս, յուսուումն հաւատացելոցն, եթէ յետ լուանալոյ ի մեծամեծ մեղաց, մնայ ինամով մաքրել և յայնցանէ՝ որք պատահենն ի կենցաղաւարութեան մարդկան, որք թէպէտ և փոքրագոյնք առ առաջնութիւն, այլ ըստ ինքեանց՝ մեծք. քանզի հոգի որ սիրէ զԱստուած, զամենայն որ ընդդէմ նորա իցէ՝ ոչ համարի փոքր զամենայն. և եթէ անփոյթ լինէր սրբելոյ ի մանունցն, վտանգ ածէր անձին, առ փոքր փոքր նուազելով զզօրութիւնս հոգւոյն. դոյզն ինչ զօրութիւն մնայր նմա ի դիմակալութիւն մեծամեծ փորձութեանց, որով և դիւրագայթ լինէր. քանզի ոչ է հնար յաղթել բուռն փորձութեանց՝ բայց ջերմաջերմն սիրով:

Չայս ուսուցանէ մեզ Քրիստոս՝ բանիւքս. « Լուացելոյն չէ ինչ պիտոյ, բայց զի զոսան լուանայցէ. քանզի ամենեկին սուրբ է. և դուք սուրբ էք, այլ ոչ ամենեքեան »: — Արդ խրատէ զմեզ Քրիստոս բանիւքս, մի և փոքունց անգամ մեղաց ներել. և զայս ուսուցանել կամեցաւ լուացմամբ ոտից: Եւ զի քաջ խորամուխ լիցուէք ի խորհուրդն, ինամբ նորա ի լուանալ զոսս աշակերտացն՝ մինչ հանդերձեալն էր հաս-

տատել զՌոհուութիւնն և հաղորդս նմին զնոսս առնել, ադդ առնեն մեզ եթէ դէպ ժամանակ սրբելոյ զմեզ ի ներելի մեղաց՝ է ժամպատրաստութեանն ի հաղորդութիւն, յորում կայ կատարելագոյն միանալ ընդ Քրիստոսի: Առ այս՝ այնքան մեծ արգելք են մեղքն, որպէս զի եթէ որ յառաջ քան զսրբելն զայնոսի՝ մեռանէր, խափան լինէր երանական տեսութեանն՝ թէրեւս և ընդ երկայն դարս: Եւ արդ անկ է այնքան առաւել հաւանել սրբելոյ զանձն ի մեղաց անտի յառաջ քան զհաղորդութիւնն, որքան զի այնու իսկ ի դէպ է սրբելն ի նոցուն, (ծանրագոյն մեղաց). և այն յառաջագոյն այլով խորհրդեամբ սրբեալ գտնով. և զի մարթ է անփութութեան սրբելոյ զոսսին՝ ձգել տանելցայն սահման, յորում յարուսն մեղացդ ոչ միայն վտանգաւոր իցէ, որպէս և է իսկ միշտ, այլ և մահացու: Քանզի որ ոչ խորշի ի մեղաց՝ բայց վանս ահի դատապարտութեան, յայս առնէ եթէ ի պատուհասէն զանդիտէ, և ոչ եթէ ըստուգիւ սիրէ զարդարութիւնս այսինքն, ոչ սիրէ զԱստուած՝ որպէս արժան էր նմա: Եւ ի դէպ է նմա երկնչել, զի մի անհնարին թուլութեամբն այնու՝ և զմնացուած ինչ աստուածային հրոյ եռանդեանն՝ կորուսցէ ընդ հուս:

Արդ լուացուէք ինամով ոչ միայն զձեռս և զդուխ, այլ և զոսս, մինչև իցէ մերձեցեալ ի խորհուրդն սուրբ. ապա թէ ոչ գարշելով գայցէ առ մեզ Փեսայն. և թէպէտ մեղքն օրըստ օրեայք չարգելուցուն զոսս յասելոյ ցմեզ որ-

1 Երգ Երգոց, Ե. 3:

պէս առ առաքեալսն, « Դուք սուրբ էք », այլ սակայն ազգ առնէ մեզ սրբել և ի նոցունց, եթէ կամք իցեն մեզ մերձենալ ամենայն մաքրութեամբ պատշաճահանաւ առ մարմին նորա և արին: Եւ թէ քանի կարևորք են այս պարտք, ցուցանէ յասելն ի լուանալ անդ զոտս առաքելոցն, առ ի տպաւորել ի նոսա զիոյթ մաքրելոյ ի մեղաց անտի, « Եթէ ոչ լուացից զձեզ », այսինքն, եթէ ոչ լուացից զազոտ ուտիցդ, ոչ ունիցիք մասն ընդ իս. ոչ միայն զի իսպիան լինին դոքա, որպէս ցուցաբա, երանա կանն տեսութեան և միաւորութեան ընդ Աստուծոյ, այլ զի և զանցառութիւն մաքրութեանն կարէ առթել բազմալուսնոք ցրտութիւնս՝ ընդ հոգի և ընդ Յիսուս, և լինել իսկ արդեօք և մահացու: — Լուացիք արդ, սովքրիստոնեայ, լուացիք յամենայն մեղաց քոց, նաեւ ի մանուկն անգամ, յորժամ առ սեղանն սրբութեան մատչիս: Լուացի՛ր ինձամով զոտագնորդեալքի բոլորովիմք, զի՛ մի արդեօք անարժանութեամբ կերիցես ի մարմնոյ Փրկչին: Քանզի, որպէս տեսանեսդ, և մեղքն՝ որ ըստ ինքեան ներելի իցէ՝ մահացու լինի յարելովդ ի նոյն: Եւ թէպէտ և չիցես բոլորովին անարժան անարժանութեամբ՝ որ պարտաւոր առնէ մարմնոյ և արեանն Տեսան, մարթ է անարժան գտանիլ առ մեծամեծ շնորհսն՝ որովք միայն հնար է յաղթել մեծամեծ փորձութեանց, որովք լի են կեանքս: Կարեմք անարժան լինել կատարեալ հազորութեան ընդ Փեսային, և առթել ի միջի մե-

րում, եթէ ոչ կատարեալ անջատումն՝ այլ հովութիւնս, որք վերածին առ անջատումն:

Լուս, Տէր, զոտս իմ, որպէս զի կարող եղէց ասել ընդ Հարսին. « Լուացի զոտս իմ, զիւրդ աղտեղացուցից զնոսա »: Մաքրութիւն հրապոյր իմն է պահելոյ զմաքրութիւն. որքան սպիտակագոյն է հանդերձ՝ այնքան յայտնագոյն որ ի նմա բիծքն իցեն երեւին. որքան մաքրագոյն օք իցէ՝ այնքան և յաղտեղանալոյ զգուշանալի է նմա, փախագելով գասիլ ընդ այնոսիկ՝ զորոց գրեալն է, « Սոքա անբիծ են առաջի աթոռոյն Աստուծոյ <sup>1</sup> »: Առ այս անկ է և տեսչալ, ձկտիլ, յիշելով զգեղեցիկ ասացուածն Ս. Օգոստինոսի. « Թէպէտ և չիցէ մարթ առանց մեղաց կեալ յաշխարհի աստ, այլ մարթ է առանց մեղաց ելանել աստի. զի որպէս յաճախ լինին մեղքն, ըստ նմին և մեղացն դարմանք ոչ պակասն »:

ԺԱ. Լուսացեալ յիևի և Յուդա հաւնոցն  
այրոց: — Յովն. ԺԳ. 10-11:

« Դուք սուրբ էք, այլ ոչ ամենեքեան. զի գիտէր զայն որ մատնելոցն էր զնա. վասն այնորիկ ասաց թէ ոչ ամենեքեան սուրբ էք ». և թէպէտ գիտէր զնա, և սատանայի իսկ արկեալ էր

1 Յայտն. ԺԳ. 5:

ի սիրտ նորա՝ մատնել զՏէր իւր, սակայն և զնորա ոտան լուանայ որպէս զսլոցն. և ազգ առնէ նմա՝ եթէ գիտէ զեղեոն նորա, առ ի յոր գորել զնա ի զգաստութիւն: — Զկայ առցուք աստանօր նկատել ընդ Պօղոսի՝ զբաղցրութիւնն Աստուծոյ՝ որ երկայնամոտէ մեզ. գոգցուք մա նաւանդ, թէ և կոչէ զմեզ յապաշխարութիւն, մինչդեռ մէք ըստ խատուութեան մերոյ և ըստ անդեղ սրտի՝ գանձեմք անձանց բարկութիւն՝ յաւուրն բարկութեան: Այսպիսի էր և Յուդային բերումն: Քանի՛ Յուդայք և ի քրիստոնեայս. քանի՛ չուսուականք, զորս և բիւր նշա նակք քաղցրութեանն Աստուծոյ՝ ոչ բաւեն յետս դարձուցանել ի չար գործելոյ: Մի լիցուք ի թուոյ նոցին. և եթէ եղեաք իսկ մի ևս լիցուք: Յիշեսցուք գոնեա՝ զի տեսանէ նա զմեզ տեսանէ զմատնիչ իւր. և սակայն լուանայ զոտս նորին. Զուր սրբարար՝ պատրաստ կայ նմա յապաշխարութեան. պատրաստ է Յիսուս ընդ ունել զնա ի սէր իւր և ի շնորհս. շատ է թէ լուասցի նա և ապաշաւիցէ:

ԺԲ. Պատուիրաւս յուսուցանելու ոտիցն. —

Մարդասիրտքիւն և խոնարհութիւն: — Յովն.  
ԺԳ. 12-16:

Արժան էր և զիրատ բանից՝ յաւելլու ընդ խրատու օրինակին: «Յիսուս առ զճանգերձս

իւր, և դարձեալ բազմեցաւ», մինչեւ մխեալ անդրէն յընթրիսն՝ զոր թողեալ էր, և յառաջ քան զմատչելն յերկնաւոր ընթրիսն. և ասաց այսպէս. «Գիտէք զինչ արարիւք ձեզ. դուք կուցէք զիս Վարդապետ և Տէր, և բարւոք առնէք, քանզի եմ իսկ». և որ այլն ևս: Այսու բանիւք ուսուցանէ մեզ Փրկիչն մեր զամենայն սպաս հարկանել եղբարց մերոց, նաև զմար մնաւորն, թէպէտ և չիցեմք իսկ պարտականք: Լուացումն ոտից՝ յաճախեալ սպաս ծառայութեան էր յայնմ ժամանակի, որպէս յայտ առնեն և բանք Պօղոսի, որ ի պայմանս ընտրութեան այրեաց՝ ի սպաս աղքատաց՝ պահանջէ զի «զորքոց զոտս լուացեալ իցէ՛»: Ընտրեսցուք ըստ այսմ՝ օրինակի ծառայութիւն ինչ նման այդմ՝ որ ի գէպ իցէ մերոցս սովորութեանց: Օրինակ իմն, երթիցուք յանկեւանոցս՝ պաշտել զՀիւանդս, կամ մանաւանդ զՀիւանդ անօգնական և կարօտ սպասաւորութեան. և յամենայն նուագի ծառայութեանն մերոյ՝ աւրացուք ըստ օրինակին Քրիստոսի, մեծաւ լըրջմտութեամբ և լրութեամբ, որով և ամենա կատար խոնարհութեամբ: Եւ որք զայսպիսի երբեմն սպաս հարկանեն աղքատաց, ըստ օրինի հրահանդաց, որպէս ի խանաղունք, աւագք եկեղեցոյ, առաջնորդք միաբանից, քաջ խորամուկ լիցին յողի հրահանդացն. խորամուկ լիցին ի խոնարհութիւն՝ ի սերտ սրտէ.

զմտաւ անցեն զի բնութիւնս մեր ծառայական է ի բնէ, զի մեղօք ծառայք էմք ճնեալք, և զանազանութիւնք վիճակի կենաց՝ ոչ կարեն ջնջել զինիք ծառայութեան մերոյ: Եւ ոչ միայն խոնարհութեամբ ծառայեսցուք եղբարց մերոց, Քրիստոսի նմանելով, այլ և սիրով ծառայեսցուք նոցա, յիշելով զբանն, « Սիրեաց Յիսուս զիւրսն որ յաշխարհի աստ են, խապառ սիրեաց զնոսա »: Ապա ուրեմն ոչ առ գործ խոնարհութեան և առ ի տալ մեզ զայն յօրինակ՝ լուաց Յիսուս զոտս աշակերտացն, այլ առ գորովական սիրոյ, առ յօժարութեան, առ ի ցուցանել նոցա՝ թէ սրբան յարգէր զնոսա, և առ ի վերածել զմարդկայինս բնութիւն՝ զանկեայն ի ծառայութիւն: Այսու ոգւով ծառայեսցուք եղբարց մերոց, յարգելով զընդալով և զՅիսուս յանձնին նոցա պատուելով:

Նա և բարոյական տեսութեամբ, այլ ստուգել և հաստատութեամբ, զվիմեանց ոտս լուանամք, յորժամ եթէ խնամով ազդ առնիցեմք միմեանց զթերութիւնս. յօժարք յանմեղադիւնիւն ոչ հանդուրժելով զի և առ փոքր մի անպատիւ լիցի եղբայրս մեր. և այսու օրինակաւ նա և ի մանուկնց անգամ թերութեանցն քաւելով զնա: Եւ այս ոչ առ խոնարհութեան և եթ, (կամ) առ ասի՝ եթէ գուցէ զայլն դատելով մեք իսկ անաչառ դատողութեան լինիցիմք նշաւակք վասն մերոցս թերութեանց, այլ սերտ և ստոյգ գիծով առ ամենայն քրիստոնեայս՝ որք եղբարք են մեր, և առ ամենայն մարդիկ՝ որք մարմինք մեր են:

Յետ ասելոյ Յիսուսի՝ թէ « Որպէս էս ձեզ արարի՛ և դուք առնի՛ջիք », և ցուցանելոյ մարդկան զծառայութիւն զոր անկ է նոցա մատուցանել նմանեաց իւրեանց, առ ի ծանուցանել եթէ քանի՞ն ևս առաւել արժան է զնոյն մատուցանել պաշտօնէից իւրոց, յաւելու. « Որ ընդունի զոր ոք էս առաքեցից՝ զիս ընդունի, և որ զիս ընդունի՝ ընդունի զայն որ առաքեացն զիս <sup>2</sup> »: Գեղեցիկ յօդակապութիւն. ի պաշտօնէից Քրիստոսի՝ առ նոյն ինքն վերանալ և ի նմանէ՝ առ Ստուած Հայր: Սովորեսցուք և մեք զՔրիստոս նշմարել ի հովիւս մեր, և ի Քրիստոս՝ զամենայն փառս մեծվայելչութեան Հօր իւրոյ:

Զայսոսիկ վարդապետելով Քրիստոսի առ առաքեալն՝ յարէ ինչ ի նոյն և զՅուդայէ, առ հաստատել զնոսա՝ ոչ միայն ի հաւատս, ցուցանելով զի գիտէ զամենայն, այլ և ի գուծ կարեկցութեան և խոնարհութեանն. քանզի ճանաչելով, որպէս ասացն՝ զորս ընտրեացն, և գիտելով իսկ զնենգախօհ միտս մատնըջին, ոչ արար զանց և զնորա ոտան լուանալ և ոչ այսչափ միայն, այլ և բազմեցուցանել զնա յընթերինս, սպաս հարկանել նմա ի սեղանի՝ հաւասար այլոց. այլ որ քան զբնաւս գերազանց է, տալ նմա որպէս և այլոցն՝ զմարմին իւր և զարիւն:

1 Յովն. ԺԳ. 20;



ԺԳ. Խոռոյիւն Յիսուսի. «Մի ոմն ի ձէնջ  
մատնեւոց է զիս»: — Ն. 21:

«Զայս երբև ասաց Յիսուս՝ խոռոյեաց յոգի  
իւր. վկայեաց եւ ասէ. Մի ոմն ի ձէնջ՝ մատ-  
նեւոց է զիս»: Մեծի եւ յոյժ կարեւոր քննու-  
թեան պէտք են՝ ի տեսութեան խոռովման սուրբ  
հոգւոյ եւ մտաց Յիսուսի: Միտք մեր յառաջ  
քան զամենայն՝ ձգին ի պատճառս խոռովմանն:  
«Մի ոմն ի ձէնջ՝ մատնեւոց է զիս». Եղեւն,  
մատնութիւն, նենգութիւն աշակերտին Յի-  
սուսի՝ առթէ նմա զնեքքին խոռովն: Ապա ու-  
րեմն հասարակօրէն առիթ խոռովմանն՝ մեղքն  
են. եւ առաւել ևս մեղք այնոցիկ՝ որք հան-  
գոյն Յուդայի մերձագոյնս յարեալ էին ի նա,  
զոր եւ ի դաս առաքելոցն կարգեալ էր: Յոր-  
ժամ զմտաւ անէր զի չարչարանք իւր՝ որով  
մեղքն լուծանէր, մուծանելոց էին յաշխարհ  
նորանոր եղերունս, ոճիրս մեծամեծս, անհե-  
ղեգս, անլուրս, զՅուդայի մատնութիւնն,  
զՀրէիցն ատելութիւն, զպերախոռութիւնն ու-  
ցա, եւ զաստուածապանութիւնն գլխովին,  
այս առաւել քան զայն ամենայն՝ առթէր ի  
նա զնեքքին խոռովումն. եւ ոչ խաբելմք՝ եթէ  
համարեսցուք զայդ գառնագոյն մասն բաժակի  
նորին:

Երիս գլխաւոր դէպս տեսանեմք՝ յորս ասի  
խոռովէ սրբազան հոգւոյն Յիսուսի. մի (ի գլուխ  
ձԲ. համար 27 այսր աւետարանի), յասելն.

«Այժմ անձն իմ խոռովեալ է». եւ (ի գլուխ  
ԺԱ. 33) ի տեսանել անդ զարտասուս Հրէիցն  
եւ զՄարեմայ քեռն Ղազարու՝ վասն մահուան  
նորին, «Խոռովեցաւ յոգի իւր եւ արտասուեաց  
Յիսուս»: Զեք երկբայել զի եւ յայսմ նուագի՝  
պատճառ խոռովմանն՝ եղեւն Յուդայի էր եւ  
այնոցիկ՝ որք գործակից սպանմանն լինելոց էին.  
զոր եւ նշանակէ աւետարանիչն յասելն՝ եթէ  
Խոռովեցաւ, առ նմին յաւելլով, «Վկայեաց եւ  
ասէ, ամէն ամէն ասեմ ձեզ, մի ոմն ի ձէնջ՝ մատ-  
նեւոց է զիս»: Արժան է հաւատալ թէ եւ  
յառաջումն երեկոյի չարչարանացն՝ յասելն,  
եթէ «Այժմ անձն իմ խոռովեալ է», նոյն պատ-  
ճառք էին գլխաւորք խոռովմանն. մեղքն ասեմ.  
քանչի չկայր ինչ քան զայն մորմոքեցուցիչ նմին:  
Եւ դարձեալ, եթէ այնքան խոռովեցաւ ընդ  
մահ Ղազարու եւ ընդ արտասուան որ յայն սակս,  
անդէպ է համարել եթէ միայն մարմնոյ մահն՝  
ազգեաց ի նա զսարսուռք եւ զխոռովումն. այլ  
զի ի մարմնոյն մահն՝ զմահ հոգւոյ նկատէր,  
զի նմայն օրինակեալ: Նկատէր՝ զի մահ է մոյծ  
զմեղս յաշխարհ. Ղազար օրինակ էր մեղաւորի,  
եւ մեղաւորի ի դժնդակագոյն եւ դարչելագոյն  
վիճակի, որ է խստանալն եւ ունականալն ի  
նեխիւն եւ ժողխիւլ յեղերան:

Արդ, խոռովումն՝ զոր աստանօր զգաց Յիսուս  
յոգի իւր, զարհուրանքն են ի նկատման մեղաց.  
սա էած նմա զտագնապն՝ զոր և երևեցոյց սոսկ  
մամբն: Եւ եթէ էցէ մեղ ներելի՝ ի խորս ներ-  
քին զբացմանց նորին թափ անցանել, հզօրագոյն

առիթ խռովմանն յայսմ պահով՝ էր նկատենը զպախրատ ազդու մահուան եւ արդեանց ալ ընանն՝ ի մեղաւորս, առիթ նոցա լինելով անկ զիտանալոյ ի մեղս, յուսալովն այնու գամալ գիւտ լինել թողութեան: Զիք քան զայս սուկալի ի մեղս. առնուին ասեմ՝ պատճառս նմին՝ զբարութիւնն Աստուծոյ եւ զշնորհս փրկալ գործութեանն: Եւ եթէ չիք ինչ զարհուրելի քան զայս ի մեղս, ապա եւ սա ուրեմն առթէր Յիսուսի զանհարկն սոսկուան, զտաքնասին եւ զխռովումն:

Իսկ խռովութիւնն՝ զոր զգաց ի մերձենալ մահուանն, ոչ վասն մեղաց եւեթ էր, եւ անդթութեանց, անօրէնութեանց եւ նենգութեանցն, որք զյետին պատուհասն ածին նմա, այլ եւ յայն սակա՞ զի զինքն իսկ տեսանէր անմեղ իմն պատճառս գոլ նոցին: Զի թէպէտ եւ չեա ինչ բնաւ առիթ նախանձու անիրաւութեան Հրէիցն, եւ չարար զիւիք զանց՝ առ ուղղութիւն նոցին, եւ չարիք նոցա միայն էին առիթք մոլեգնութեան իւրեանց, սակայն ճշմարտիւ՝ սրբութիւնն Քրիստոսի, վարդապետութիւնն, սքանչելիքն, ազդողական եւ հարկելցուցիչ կշտամբանքն՝ որք փրկելոցն էին զնոսա, սոքին վառեցին զնախանձ նոցա եւ զանհաշտ ատելութիւնն ընդդէմ Յիսուսի. որով եւ Յուգաս հրաժարեաց ի նմանէ, ի լսելն զբանն զոր ասաց Մարեմայ գթով՝ ՚ի հեղուլն զշիշ ա նուշահոտ իւղոյն ի վերայ նորա:

Յաւելցուք ի սոսին եւ զայն, զի կրեւոյ էր

զմահ՝ իբրև զարգարագատ պատուհաս ամենայն մեղաց՝ յանձն իւր առեւոյց, եւ զի իբրև պարտաւոր նոցին երթայր ի մահ: Այսպէս սոսկուան մեղաց ըմբռնէր զնա. այնու պաշարեալ տեսանէր զանձն, զայն՝ թափանցիկ լինքն եղեալ: Տեսանէր. — ո՞վ քստմնելի տեսարան Փրկչի ազգիս մարդկան, — տեսանէր՝ զմեղս աճեցեալ վասն չարաչար վարելոյ մահուամբն իւրով: որ տայր ասել բազմաց՝ եթէ չէ նա որդի Աստուծոյ, եւ թէ ամենայն սքանչելիք՝ որով հաւատարմալցոյցն զայն՝ ցնորք ինչ առաջօք էին: Գայթակղութիւն էր այն Հրէից եւ յիմարութիւն հեթանոսաց, նաև հաւատացելոց անգամ: Որպիսի՞ առիթ վրէժինգրութեան. քանզի միանգամայն ամենեքին որք ոչն օգտէին այնու՝ առաւել ևս յանցաւորք լինէին, առաւել պատուհասելիք, առաւել դատապարտելիք: Ո՞վ, ՚րպէս մորմնէր ՚ի վերայ նոցա Փրկիչն դիւրագորով, որ այնպէս արգահատէր ի մարդիկ, մանաւանդ ի հաւատացեալն, որ եւ վասն փրկութեան նոցին միայն եղև մարդ: — Ո՞վ Յիսուս, այս էր գլխաւոր պատճառ խռովման հոգւոյդ սրբազանի. այս եղև նմա առիթ վրդովման ի պահուս, և այլոց՝ զոր յապայդ տեսցուք: Զարհուրեցցուք ուրեմն ի մեղաց. և զՅիսուս տեսանելով խռովեալ ըզմտաւ ածցուք եթէ քանի՞սն անկ էր դիտակցուութեանս մերոյ խռովել ընդ այն:

## ԺԳ. Ձի՛նչ իցի խառնելն Յիսուսի:

Թուի ինձ, Փրկիչ իմ Յիսուս, եթէ ազգ իմն աւնեա ինձ իմանալ զխառնումն՝ զորմէ յաճախ ճառէ աւետարանն քո: Ստուգապէս խառնումն էր ներքին, ապա թէ ոչ՝ չասէր աւետարանին, եթէ «Խառնուցաւ յոգի իւր» . և ոչ ինքն, եթէ «Մնձն իմ խառնեալ է»: Այլ զի՛նչ իցի ի ներքս յինքն խառնութիւնդ այդ, եթէ ոչ սոսկումն ի վտանգէ մեծէ, յանհնարին չարեաց, ի մեծագունէ քան զամենայն չարիս, որ են մեղքըն, հանդերձ ամենայն հազգին պարագայիւքըն՝ զորս նկատէր Յիսուս. սոսկումն՝ որ անկեալ զդուռն՝ անդրագառնայր ի մարմինն, և ազգէր ի նոյն՝ կիրս նմանագոյնս այնմ՝ զոր մէքս զգամբ ի տեսանէն իրս յոյժ դժպչիս. յորս անկէ յաւելլուլ ի ժամանակի չարչարանացն և զայն՝ որում գուն գործեցից հասու լինել օժանդակութեամբ Գրոց Սրբոց:

Գլխաւոր պատճառք խառնութեան հոգւոյ՝ են այլ և այլ տեսակք խորհրդոց՝ ծագելոց յոգիս մեր՝ ի դէպս տարօրինակ իրաց: «Ձի՛ խառնեալ էք, և ընդէր խորհուրդք ելանեն ի սիրտս ձեր<sup>1</sup>» . ասաց ինքն իսկ Քրիստոս առ աշակերտան, ի տեսանէն զնոսա զարհուրեալս յերևմանն՝ յետ մահուն: Այն խորհուրդք որովք զբաղի և յուզի հոգին՝ ոչ գիտելով

զինչ գործել կամ յինչ հաւանել, նորա են որ խառնէն զնա. ոչ եւս իշխէ անձին. ոչ եւս է տէր ինքեան: Համարձակելցիմք ասել եթէ այսպիսի ինչ իցի և ի սրբազանում հոգւոյ Յիսուսի: «Այժմ, ասէ, անձն իմ խառնեալ է. և զի՛նչ ասացից, եթէ Հայր, ապրեցո զիս յահագին ժամէ աստի յայսմանէ», յորում այսքան մնայ ինձ չարչարել. այլ վասն այնորիկ եկի ի ժամս յայս: «Հայր, փառաւորես զանուն քո<sup>1</sup>»: Ահաւագիկ այլայլութիւն խորհրդոց. տատամսութիւն իմն երեւի ի բանին. «Ձի՛նչ ասացից», մտատանջութիւն իմն յասելն՝ Հայր, ապրեցո զիս յայսքան վտանգաց. և ամենայն յանգի անձնատուր լինելով յԱստուած, և միայն փառաց նորա ուշ ունելով: Եղէւ ինչ արդեօք ստուգապէս անհաստատութիւն ի սրբազանումն հոգւոյ Յիսուսի: Քան լիցի. քանզի անհաստատութիւն՝ տկարութեան մտաց է ծընունդ, յորժամ ոչ ունիցի լոյս բաւական՝ ի սահմանել անձին զարժանն աւնելոյ: Մարթինչ էր այսպիսոյ տրամագրութեան լինել ի հոգւոյ Փրկչին, յոր միացեալ էր յաւիտենական իմաստութիւն, և ոչ դադարէր երբեք յուղղելոյ զնա՝ յամենայն շարժմունս իւր: Բայց թէպէս և չգոյր ստուգել անհաստատութիւն խորհրդոց՝ յայնպիսում սնդագոյն և լուսաւոր հոգւոյ, այլ էր ինչ նմանագոյն. քանզի կրեաց յինքեան զայլեայլ խորհուրդսն, զոր առթէն

1 Ղուկ. ԻԳ. 38:

1 Յովն. ԺԲ. 27-8:

Եւ բնական արհաւիրք մահու այնքանեօք զարհուրատեալ հանգամանօք մերձեցելոյ, Եւ կատարեալ հաւանութիւնն ի մատնել զանձն ի նոյն, վասն այնպէս կամելոյ Աստուծոյ:

ԺԵ. Սոսիւսն մեղաց՝ պատճառք խառփեսն  
Փրկիլն մեղոյ:

Առ ի միտ առնուլ եթէ քանի՜ տաղնապիչ և վշտաբեր է այսպիսի վիճակ ոգւոյ, անկ է յիշէլ զի զարհուրեցուցիչ Յիսուսի չէր ցաւաբին մահն միայն՝ զոր հանդերձեալն էր կրել, զի թէպէտ և սոսկումն այն մահու և ցաւոց՝ ընդաբոյս է մարդկանս ազգի, և Քրիստոս Էառ և զայն յանձն՝ ամենայն սաստկուութեամբ նորին՝ յ'առնուլն կատարելապէս զընութիւնս մեր, այլ նա զվեղս համարէր առիթ ամենեկն հակառակ իւր և ամենեկն զզուելի: Ձմահ՝ որպէս տեսաք՝ համարէր արգասիս և պատիժ իմն մեղաց, և զմահ իւր՝ առթեալ ի բազմապատիկ մեծամեծ մեղաց, զորոց և յաւելոյր զթիւ և զճանրութիւն՝ ըստ այնմ օրինակի զոր նշանակեցաք: Ո՛վ, որպիսի բաժակ. քանի՜ մեծ, քանի՜ անհնարին դառնութեամբ:

Պատմէ ոմն ի Հարանց զկամակարուութիւն երկից միանձանց՝ ի նախատխնան զոր ածէին նուցա. մին՝ ուշ անձին եղեալ դողալով քննէր եթէ գուցէ արգեօք սրտմտեցամ ինչ, կամ թէ

վրիպեաց ի համբերելոյ. միւսն՝ համարէր զնախատիչն անձամբ յանձն իւր ձգել մեծամեծ պատուհասս յարդար դատաստանացն Աստուծոյ, և վղձկեալ լայր. իսկ երրորդին արտասուէր յորդագոյնք և դառնագոյնք ևս էին. քան սուէք յորդագոյնք և դառնագոյնք ևս էին. քան զի զայս հաւանեալ խորհէր, եթէ անարգանք իւր՝ յԱստուած անգր ձգէին, որոց ինքն լինէր պատճառք թէ և անյանց գոլով: Ի բաց թողցուէր մեք զառաջնոյն օրինակ՝ որ անարժան է Փրկչին մերում. իսկ երկօրեան այլք այնքան հզօրք էին ի նմա՝ որքան զի առաւել ևս մարդասիրագոյն էր, և առաւել ևս կրէր զներգործութիւն դատաստանացն Աստուծոյ, և սոսկումն ի մեղաց՝ ի վեր քան զամենայն միտս և զբան: Իսկ արդ յորժամ կամք լինէին նմա, յորժամ ի դէպ էր, որպէս և էր իսկ զիպողագոյն ի ժամանակի չարջարանացն, տալ անձին իւրում կրել զամենայն դուրթ խանդաղատանաց առ մեղաւորս, և զսոսկումն ընդ մեզս, անհնարին յոյժ և ի վեր քան զամենայն բան էին տաղնապէս. վասն այնորիկ մի զարմացուէր եթէ ասիցէ, « Անձն իմ խռովեալ է », կամ թէ լսիցեմք յետ սակաւուց, « Տրտում է ոգի իմ մինչև ի մահ<sup>1</sup> »:

Ո՛վ Փրկիչ իմ, կարևոր էր խռովումն սրբազան հոգւոյդ, նախ առ ի դրդել և ի բժշկել զիմոյս անզբայութիւն. որ ոչ թէ ոչ խռով ընդ մեզս իւր, այլ և ոչ ծանրութեանն և ոչ վերացն

զգայ. և ապա՝ առ ի քաւել զխոռվութիւն ըզ-  
 փայտութեանցս յայլ և այլ կրից՝ մերձ ընդ մերձ  
 բռնացելոց ի վերայ իմ: Բժշկեա՛ զիս, Տէր,  
 յայսքան չարեաց. մի տար ինձ անողայ լինել  
 մեղաց, և մի այսպէս դիւրագգած առ հեշտու-  
 թիւնս կամ առ ցաւս՝ որ ի մարմնոյս. յորս ըն-  
 կրզմիմ ի գիւտի կամ ի կորստեան բարեաց ան-  
 ցաւորաց:

ԺԶ. Կասկածոք էր ի Քրիստոս խառնումն, և  
 կարեւոր ի մեր սակս:

Ձե՛նչ միաբանութիւն իցե խոռվմանս, յուզ-  
 ման, և միանգամայն ասել անհնարին արամու-  
 թեան հոգւոյ Փրկչին, ընդ կատարեալ միա-  
 ւորութեան Բանին, և որ յայնմանէ երանա-  
 կան բերկրութեանն վայելից: — Խորհուրդ է  
 այդ, անթափանցելի ի կենցաղումս: Շատ լիցի  
 մեզ զմտաւ ածել, զի զոր օրինակ միաւորու-  
 թեան հոգւոյ ընդ մարմնոյ՝ են օրէնք, որովք  
 հոգին ըստ այլ և այլ առնչութեանց և ըստ  
 այլ և այլ առթից՝ ընդունի զգացմունս և տալ-  
 ւորութիւնս, և հակառակս իմն միմեանց ծնա-  
 նի խորհուրդս, յորոց սակս ոչ միայն փխխո-  
 փայքն՝ այլ և Առաքեալ իսկ զանազանէ զհո-  
 գի յոգւոյ, իբրու թէ երկուս իմն մասունս նը-  
 կատելով ի հոգւոջ, զմասն շնչաւոր և զմասն հո-  
 գեւոր և բանական, զոր մարթ է և այլ ևս ստու-

րաբաժանել). որովք թուի իմն երբեմն՝ եթէ  
 բազումք ոմանք իցեն ի միում մարդում, քան-  
 զի այնքան բուռն և ստոյգք են կիրքն ներհա-  
 կանք. այսպէս և միաւորութիւն Բանին ընդ  
 հոգւոյն, և հոգւոյն՝ ընդ մարմնոյն, և դար-  
 ձեալ Բանին մարդացելոյ՝ ընդ հաւատացելոյ՝  
 որք անդամք իւր են, և ընդ համօրէն ազգի մարդ-  
 կան՝ զոր յինքեան կրէ, ունել ունին զօրէնս  
 իւրեանց սահմանեալս ի նմին իսկ ի Բանէն. որ  
 անփոփոխելի մնալով միշտ՝ յարուցանէ ի հո-  
 գւոյն միացելում և սեփականելում ինքեան  
 (այնպիսեաւ սքանչելի օրինակաւ՝ որ առնէ զնա  
 արդարեւ հոգի Աստուծոյ), այլ և այլ զգաց-  
 մունս, ըստ այլ և այլ առնչութեանցն՝ որ ընդ  
 միմեանս, ընդ բնական մարմնոյն, ընդ խորհր-  
 դական մարմնոյն, ընդ ամենայն անդամոցն, և  
 համառօտ ասել, ընդ ամենայն մարդկան. որ-  
 պէս զի, ըստ բանի սրբոց Հարց, կրեաց նա  
 ըստ առ մեզն առնչութեան, սնտեսաբար, մա-  
 տակարարելով, կարեկցաբար, զոր չէրն ար-  
 ժան նմա՝ եթէ սոսկական ոք էր և մարդ հաս-  
 րակ. յայս սակս և առանց ինչ նուազման զօ-  
 րութեանն՝ որ զօրեալ էր զնա անյաղթելի և  
 անլուծմանելի օրինօք՝ ընդ կամացն Աստուծոյ և  
 ընդ Բանին, որ զամենայն շարժմունս նորա ուղ-  
 ղէր, կրեաց՝ պաշտամամբ գլխոյ, զոհի քաւու-  
 թեան և օրինակի մարդկութեանս, զնուաղ-  
 մունս և զտկարութիւնս, զոր պահանջէին՝ քա-  
 ւութիւն մեղաց մերոց, օրինակն զոր ի դէպ էր  
 տալ մեզ, և շնորհքն՝ որոց նովմբ վայել էր

նմա արժանաւորել վասն մեր: Վասն մեր, աւանց ստնանելոյ ճշմարտութեան բանին, եթէ Չեմ միայն, այլ Հայր ընդ իս է, չարգել զանձն ի գոչելոյ, « Աստուած իմ, Աստուած իմ, ընդէր թողեր զիս <sup>1</sup> »: Յաղագս մեր, որ երանաւէան էր ի վերնական մասին հոգւոյն, վայելմամբ Քանին՝ զոր ոչն կարէր ոչ ունել, քանզի նովաւ մի և նոյն անձն էր, - հարկ եղև նմա ասել ընդ ստորակայ մասինն, Տրտում եմ մինչև ի մահ. և դարձեալ, « Հոգիս յօժար է, այլ մարմինս տկար <sup>2</sup> »: Քանզի կիրքդ այդ ներքինք՝ մասն էին կրեւեացն վասն մեզաց. տկարութիւնքն՝ մասն դարմանոյ զոր տալոց էր ի դեղ մերայոցս, և օրինակին՝ զոր տալոց էր մեզ՝ առ ի տանել նոցին և յաղթել: Ի դէպ էր լինել ի նմա հիւանդութեանց, անձկութեանց, տխրութեանց, տրտմութեան, լքմանց, զի միասցօք և մեք ընդ նոսին՝ առ ի զմերս կրելոյ: Սովինք եղև նա քահանայապետ չարչարակից տկարութեանս մերոյ, զի փորձ է ամենայնի, ինքն իսկ տկարութեամբ զգածեալ. փորձեալ ամենայնիւ, նման մեզ, բաց ի մեզաց, որպէս Առաքեալ ասէ <sup>3</sup>:

Արդ՝ յաղագս այսոցիկ ամենայնի, և վասն յուրիկն ևս որք շն մեզ յայտնեալ, թոյլ ետ Քանն հոգւոյն՝ կրել զարհաւիրան, զխուովան, զտկարութիւնան, զլքմունս, զոր տեսաք. զորս կամաւորապէս ի յանձն էառ, յառեւով յիրս՝ որ

1 Յովն. Ժ. 9. 32. Մտթ. Ի. 2. 43: — 2 Մտթ. Ի. 2. 38: — 3 Եբր. Դ. 15. Ե. 2-8:

կարողք էին առթել զայնս, և յարգարեւով զանձն ի պայման յանկագոյն՝ կրելոյ զայնոսիկ. վասն այնորիկ ասաց իսկ Յովհաննէս, եթէ խռովեալ էր ստուգապէս <sup>1</sup>, այլ և զի խռովէր զանձն իւր. իբրու զի չկայր ինչ բռնադատ ի կիրան զոր կրէր, այլ ընդ հակառակն ամենայն ինչ կարգեալ և ուղղեալ էր ի Քանէն վերակացելոյ յերկրապագիլն անձինն, և ի հոգւոյն՝ որ յանձն առնոյր վարել ի նմանէ ամենայն կամօք և յամենայն զօրութենէ մտաց:

Ներքնով իմն հաղորդութեամբ այսոցիկ հանդամանաց Փրկչին, հոգիք սուրբք՝ ի խռովութեան անդ զգայարանաց և յանձկութիւնս անբացատրելիս, վայելէն՝ չափով իմն՝ զանխռով անդորրութիւն, և կան ի վայել՝ որքան ներէ տանել կենցաղս այս: Ոչ այլ ինչ առնել է նոցա՝ բայց միանալ ընդ խռովունս, ընդ տկարութիւնս, ընդ լքմունս Յիսուսի, առ ի գտանել այսու օրինակաւ՝ զսպաւէն իւրեանց ի սերտ միութեանն, որ ունէր զնա անբաժանօրէն յարեալ յաստուածութիւնն և ի հրամանս անստեղծ իմաստութեանն: Ըստ այսմ՝ օրինակի և արգարն Յովք, յերկուց իմն ներհական ոգւոց վարեալ, ի վիճելն իսկ ընդ Աստուծոյ ի պաշտպանութիւն անմեղութեանն, և ի շանթել իմն ընդդէմ նորա, և ի դատ վարել ընդդէմ դատապարտողին զինքն իբրու անիրաւ գատաստանաւ, և առ բռնութեան զրպարտաց, հաւա-

1 Յովն. ԺԲ. 27. Ժ. 9. 33:

նեալ միանգամայն և դերագունի արգարու-  
թեան նորին, ինդրէ թողութիւնս պանչելի խո-  
նարհուութեամբ, և խոստովանի գողութեամբ,  
եթէ չիք սրբութիւն անսողիւտ առաջի նորա<sup>1</sup>.  
և մինչդեռ երեւոյթքն ահաւոր՝ զոր արկանէ  
Աստուած յօգի նորա, նա և ի ննջելն՝ ոչ տալով  
հանդիստ մարմնոյն, թուին իմն խաղառ սրտա-  
թափ առնել զնա, մինչև ասել իսկ, եթէ յոյժ  
թաղծեալ իցէ և զմահ անձին կամիցի, տակա-  
ւին ի խորով զիտակցութեանն վայելէ ի խա-  
ղաղութեան արգարոց, մինչև վստահադոյնս ա-  
սել, եթէ սպանցէ ևս զիս՝ յուսացայց ի նա<sup>2</sup>.  
և դարձեալ զի յերկինս է վկայն իմ, և իրա-  
ւագէտն իմ ի բարձունս. զրախօսք են բարե-  
կամք իմ: յանդիման քո կաթեցուցցէ ակն իմ  
արտասուս<sup>3</sup>:

ԺԷ. «Յանկանարով ցանկացայ զայս պատեք ոչուել  
ընդ ձեզ»: — Քրիստոս զատիկ մեր:

Մինչ խօսէր Յիսուս զմասնըջէն՝ առ առա-  
քեալն, դեռ յընթրիս կային. և կամեցեալ  
Որդւոյն Աստուծոյ կարգել նոր զատիկ՝ հաս-  
տատուութեամբ խորհրդոյ Հաղորդութեան, ըս-  
կիղըն առնէ բանիւքս. «Յանկանարով ցանկա-  
ցայ զայս պատեք ուտել ընդ ձեզ, մինչև չար-

1 Յովք. Ժ. 3. ԺԳ. 3. ԺԶ. 18: — 2 Յովք. Է.  
14, 15: — 3 Յովք. ԺԶ. 20:

չարեալ իցեմ<sup>1</sup>». և որպէս տեսցի, յետ այնու-  
րիկ հաստատեցաւ Հաղորդութիւն: Ա յս հաս-  
տատուութիւն և մեզ ցանկուութիւնն՝ զոր ցուցա-  
նէ մեզ աստանօր՝ առնելոյ ընդ մեզ զպատեքս,  
մինչև ելցէ չարչարեալ, մասն է անբաւ սիրոյն,  
որով զիւրան՝ զըրս սիրէր մեզա՝ որպէս ասէ Յով-  
հաննէս, սիրեաց ի սպառ:

Արդ, առ ի բազ հասու լինել խորհրդոց նո-  
րա, և պատշաճական պատրաստութեան իւ-  
րայոցն, յիշեսցուք զի պատեքն, զոհն սուրբ՝  
յորմէ ելանելոց էր արիւնն փրկարար, ոչ միայն  
հանդոյն յողովց այլոց պատարագաց առաջնոց՝  
զոհելոց էր, այլ և ուտելի լինելոց. և զի հա-  
ճեցաւ Յիսուս առնուել և զկնիք զոհի՝ տալով  
մեզ ուտել մշտնջենաւորապէս զմարմինն՝ որ մի  
անգամ՝ նուիրելոց էր վասն մեր ի մահ, վասն  
այսորիկ ասաց. «Յանկանարով ցանկացայ զայս  
պատեք ուտել ընդ ձեզ, մինչև չարչարեալ  
իցեմ»: Ոչ զպատեքն օրինական՝ որոյ հասեալ  
էր վախճան, ցանկութեամբ մեծաւ տենչայր  
Յիսուս ուտել ընդ աշակերտան, (զի) բազում  
անգամ կատարեալ էր զսօն զատկին և կերեալ  
ընդ նոսա, այլ նորոյ պատեքի տենչայր նա աս-  
տանօր. վասն այսորիկ և ասելն՝ եթէ Յանկա-  
նարով ցանկացայ ուտել ընդ ձեզ զայս պատեք,  
զպատեք նորոյ ուխտի, հաւասար էր ասելոյ,  
Յանկացայ ես ինքնին լինել ձեզ պատեք, լինել  
զառնն զենեալ վասն ձեր, զոհ փրկութեան ձե-

1 Ղուկ. ԻԲ. 15:

րոյ. և սակա կամեւոյս իսկ լինել ճշմարտապէս զոհ զենեալ, ցանկացայ լինել և ստուգապէս զոհ ուտելի. զոր և կատարեաց բանիւքս՝ Առէք, կերայք, այս է մարմին իմ՝ որ վասն ձեր բաշխի՛, այս զատիկ է՝ յորմէ ելցէ արիւն փրկութեան ձերոյ: Ելլէք յԵփեսոսէ, և ազատք լինիլք իսկ և իսկ ի հեղուլ արեանս այսորիկ՝ վասն ձեր. բայց միայն զի կերիլք ըստ նմանութեան հնոյ ժողովրդեանն զզոհն՝ անդ՝ ուտաի ելն: Զայս աւրաջիք ի հաղորդութեան՝ զոր Թողումս ձեզ ի մահուան իմում, կատարել յաւերժաբար յետ մահուան իմոյ:

Ուտելն ի մտոյ դաւին զատիկանի՝ հաւատարիմ գրաւական էր Հրէյցն՝ եթէ վասն ինքեանց զոհեալ էր այն. ծասքումն զոհին՝ հաղորդութիւն իմն էր ընդ նմին. այսու օրինակաւ հաղորդէին խաղաղական պատարագացն կամ գոհութեանց, որպէս գրեալն է յօրէնսն: Ատէ և Առաքեալն Պօղոս. «Տեսէք զիսրայէլն ըստ մարմնոյ. Ի՛չ ապաքէն որ ուտեն ի զոհիցն՝ հաղորդք են սեղանոյն, և նովիմք՝ Աստուծոյ, որպէս և հեթանոսք՝ դիւաց, որոց զոհենն<sup>2</sup>»: Արդ եթէ Յիսուս զոհ մեր է, եթէ զատիկ մեր, հարկ է թէ ունիցի զերկասին զայս կնիքս, զզոհիլն վասն մեր ի խաչի, և զլինելն ուտելի մեզ ի սեղանի գոհութեան, որպէս պատարագ փրկութեան մերոյ: Զայս փափագէր նա մեծաւն ցանկութեամբ անեւ ընդ աշակերտսն: Հարկ

էր ապա երկոցուն ևս կնքոցն՝ ճշմարտել յանձին իւրում. որպէս ի դէպ էր նմա զոհել մարմնով իւրով և հուժեամբն, արժան էր նոյնպէս և ստաելի լինել: «Առէք, կերայք. այս է մարմին իմ, որ վասն ձեր բաշխի»: այնպէս ճըշմարտիւ ուտելի, որպէս ճշմարտիւ զենիլ. այնպէս ներկայ ի սեղանին՝ յորում կերեալ լինի, որպէս ի խաչին՝ յորում ի սպանդ վարի, և պատարագի արիւնաբամ եղեալ առ սէր քո:

Զայն խորհեսցուք արդ և մէք<sup>1</sup>, որպէս ասերն Պօղոս, զոր և Քրիստոսն. եթէ այնքան ցանկանալով ցանկացաւ նա անեւ ընդ մեզ զպատեքս զայս, ցանկացուք և մէք նովին ցանկութեամբ անեւ ընդ նմին զպատեքն: Պատեքդ այդ՝ հաղորդութիւնն է: Վասն մեր՝ քաղցնու Յիսուս երկնաւոր կերակրոյս. փափագէ ուտելի լինել և այսու օրինակաւ ամենեւիմք կատարեալ լինել զոհ: Ի նոյն և մէք վառեսցուք տենչ հաղորդութեան պատարագին, ուտելով ի մարմնոյն՝ վասն մեր զենլոյ: Եթէ նա զոհ է մեր, լեցուք և մէք նորայն: Պատրաստեսցուք և մէք զանձինս մեր, ըստ բանից Առաքելոյն Պօղոսի, լինել պատարագ կենդանի, սուրբ, հաճոյ Աստուծոյ: Սպանցուք զցանկութիւնս երկրաւորս, շիջուցեալ ի մեզ զամենայն պղծութիւն, զագահութիւն, զհպարտութիւն. խորհեսցուք ընդ նմա որ ի կերպարանս Աստուծոյ գոլով՝ զանձն ունայնացոյց, լեալ հնազանդ

1 Մատթ. Ի. 26: — 2 Մ. Կորնթ. Ժ. 18:

1 Փիլիպպ. Բ. 5:



մահու չափ և մահու խաչի<sup>1</sup>) : Վառեցուք  
 խնամտիւք մահուան՝ եթէ իցեմք Յիսուսի, եթէ  
 զմարմին նորա ճաշակեմք, խաչեացուք զմար-  
 մինս մեր՝ կարեօք նորին և ցանկութեամբք<sup>2</sup> :  
 Այս պատեք է մեր . պատեք մեր այս է ,  
 միանալ ընդ նմին՝ առ անցանել ի կենաց ա-  
 տի ի կեանս լաւագոյնս , ի զբայութեանց՝ ի յո-  
 գի , յաշխարհէ՝ առ Աստուած : Այսուիկ միայն  
 կարեմք արժանաւոր լինել ուտելոյ ընդ Յիսու-  
 սի զպատեքն՝ որում այնքան ցանկայր , և կե-  
 րակրել ի մարմնոյ պատարագի նորուն :

ԺԸ. Յիսուս ուտե ընդ մեզ զպատեքն , պարտ է  
 և մեզ ուտել ընդ նա :

Ընթերցիր դարձեալ զաւետարանին Ղու-  
 կաս , և պնդեա՛ ի բանսդ («Ընդ ձեզ , մինչչև չար-  
 չարեալ իցեմ») : Յիսուս՝ որ կարգեացն մեզ մը-  
 կըրտութիւն , յանձն էառ և ինքն մկրտել . Յի-  
 սուս՝ որ կարգեաց զհաղորդութիւնս ի զատիկ  
 մեզ , կամեցաւ առաւել քան զամենայն՝ ընդու-  
 նել զայն ընդ մեզ : Գլուխ է մեր նա , քաջ ի  
 միտ առցուք զայս . զի այս խկ է խորհուրդն  
 մեծ փրկութեան մերոյ : Գլուխ մեր է նա . և  
 զոր վասն մեր արարեալ էր՝ ինքն խկ ընդունի :

1 չառլմ . ԺԲ . 1 : Կորնոս . Գ . 5 : Փիլիպ . Բ . 6 , 8 :  
 — 2 Գաղատ . Ե . 24 :

Յանձն իւր սկսանի զօրէնս մկրտութեան . յան-  
 ձնէ և զօրէնս հաղորդութեան : Նորա մկրտու-  
 լոյն՝ մկրտիմք և մեք ի նմա . ի նմին ընդու-  
 նիմք և զհաղորդութիւնն՝ զոր նա ընդունի :  
 Արդ մի ոք երկբայեացի եթէ ի հաստատելն զայն՝  
 ընկալաւ և ինքն . մի ոք ասեմ թերահաւատիցն՝  
 եթէ եկեր ինքնին՝ զոր և մատոյցն աշակերտաց  
 իւրոյ : Եւ զինչ , միթէ զիւր ինքեան զմարմինն  
 եկեր . քստմեւելի է բանդ : — Ո՛վ մարդ մար-  
 մնաւոր , զի զանդիտես , և մինչեւ ցերբ ոչ դա-  
 դարիցիս յանաւոյ զբայարանացդ : Միթէ ոչ  
 գիտես զզօրութիւն այնորիկ՝ որ խօսիդ ընդ  
 քեզ : Եթէ տայ զանձն իւր յուտել իւրոցն՝ այն-  
 պիսի օրինակաւ , որ ոչ եթէ միայն ոչ քստմեւե-  
 ցուցանէ՝ այլ և վտասհացուցանէ՝ պատկառա-  
 ցուցանէ՝ այլ և վտասհացուցանէ եթէ և ոչ ինքն  
 նօք և սիրով , Ի տարակուսեացի եթէ և ոչ ինքն  
 խկ կերակրին ճաշակեաց զնոյն գունակ : Ապա  
 թէ ոչ չէր նորա ասացեալ , եթէ Յանկանալով  
 մեզ ոչ չէր նորա ասացեալ , եթէ Յանկանալով  
 ցանկացայ զայս պատեք ուտել ընդ ձեզ : Արդ  
 տեսաք զի պատեքս այս , դառնս զատկական  
 իւր խկ մարմինն էր . ուտէ ուրեմն զայն իրպէս  
 և դերագանցօրէն քան զզբայութիւնս , որպէս  
 և տայ մեզ զնոյն . և այս է պատեք նորա , անցք  
 նորա և մեր : « Երթամ , ասէ , ելանեմ՝ առ Հայրն  
 իմ և առ Հայր ձեր , Աստուած իմ և Աստուած  
 ձեր » . ելանեմ առ նա , զի Հայր իմ է և Աս-  
 տուած իմ<sup>1</sup> . ելլիք և դուք ընդ իս . զի , թէ-  
 պէտ և այլով եղանակաւ , է նա և ձեր Հայր և

1 Յովն . Դ . 17 :

Աստուած. արդ կայ ձեզ և ինձ առնել զպա-  
սէքս զայս. անցանել յաշխարհէ առ Աստուած:

Այլ յորժամ դառնայ Յիսուս առ Աստուած՝  
դառնայ ի ծոց Հօր իւրոյ, ի նախասկզբն յիւր  
վայր, ի ճնեւականն տեղի, եթէ օրէն իցէ ասել,  
ուր էն միշտ, և զոր թողուլ բնաւ ոչ կարէ.  
Ի ստացուած իւր սեփական դառնայ, և յիսկա-  
կան իւր փառս. յինքն իմն իսկ դառնայ. ինքն  
ինքեամբ կէայ: Ի նմա էր կեանքն, որպէս և ի  
Հայրն. ինքն իսկ կեանք է. կեանք մեր է, և  
կեանք ինքեան. կեանք մեր է, և կարօտիմք ճա-  
շակել զնա. կեանք իւր է, և ոչ այլում կարօտի,  
որպէս բանիս կարգ է ասել, բայց ճաշակելոյ  
ինքնին զինքն: Այս խորհուրդ է՝ զոր կատարէ  
պատեքաւս, որում այնքան ցանկայր ուտել ընդ  
աշակերտան: Ճաշակեմք մեք և կեամբ նովաւ.  
Ճաշակէ ինքն, կէայ ինքեամբ, և դառնայ առ  
Հայր՝ վայելել ի կեանսն ի ծոց նորին. վասն  
այնորիկ յաւելու ասել. « Բայց ասեմ ձեզ, թէ  
ոչ ևս կերայց ի սմանէ, մինչև լցցի (խորհուրդս  
այս) յարքայութեանն Աստուծոյ <sup>1</sup> »: Յերանա-  
վտան յայնմ արքայութեան լցցի պատեքս իմ,  
զի անցից յաշխարհէ առ Հայր իմ: Այլ իմ պա-  
սէքս՝ է և ձեր պատեք. և զի էս եմ գլուխ ձեր  
և դուք անդամք էք իմ, արժան է և ձեզ զանցս  
այս առնել: Կերայք արդ ի զոհէ անցիցս. ճա-  
շակեցէք զմարմին իմ, և անցէք առ Աստուած  
ընդ իս. սկիզբն արարէք անցանելոյ՝ մտօք. անց-

Չեք յաւուր միում և մարմնով իսկ ողջոյն,  
յորժամ յարկչիք զօրութեամբ մարմնոյ իմոյ՝  
որ սրբեացէ զձերդ: Յայնժամ լցցի զատինն ի  
ձեզ, որպէս արդ աւասիկ ընու յիս. անցչիք  
դուք ի փառս իմ, անցցեն անդր մարմնք ձեր՝  
հանգոյն հոգւոցդ՝ զբեցեալք զանմահութիւն.  
և ամենեքին ի միասին, գլուխս և անդամք՝ վա-  
յելեսցուք զփառս և զերանութիւն անցից մե-  
րոց. և ոչ ևս մտայցէ ինչ պակաս ի կատարեալ  
Աստուծոյ պատեքիս մերոյ:

Արդ, օ՛ն առեալ կատարեսցուք զօրինակ նո-  
րին ի Հաղորդութեանս, և ճաշակեսցուք ընդ  
Յիսուսի զպատեքն ցանկանալով ցանկացեալ:  
— Ո՛վ, որքանեօք պանչելեօք հաւատես, Փրբ-  
կիչ իմ, զէր քո առ մեզ, յայսմ խորհրդեան:  
Դու ինքն կազմես մեզ զսեղանս սրբութեան:  
Դու էս կերակուրն ուտելի. դու ինքն և ուտես.  
քանզի որք ուտենն անտի՛ անդամք քո էն, այս  
ինքն՝ այլ ոք դու: Լցցուք արդ Յիսուսիւ Քրիս-  
տոսիւ. ի սեղանի աստ դոյ միանալ ընդ նմին,  
մարմին ընդ մարմնոյ, հոգի ընդ հոգւոյ, միտք  
ընդ մտաց: Ո՛վ իցէ արժանի միութեանս.  
« Կեամ  
բայց որ կարէն ասել ընդ Առաքելոյն. « Կեամ  
ես, ոչ եթէ էս՝ այլ Յիսուս Քրիստոս կէայ  
յիս <sup>1</sup> ». որ է այնուհետև այլ ոմն Յիսուս, և  
լինի և եւս՝ միանալովն ընդ նմա: Արդ, մի ինչ  
մտացէ ի մեզ մարդկային. զբեցցուք, ըստ Պօ-  
ղոսի, զՅիսուս Քրիստոս <sup>2</sup>, զբարութիւն նորա,

ղբաղցրութիւնն, զխոնարհութիւնն, զհամբերութիւնն, զնախանձն, զսէրն անբաւ, զերկինս և եթ շնչելով ուր Քրիստոսն նստի ընդ աջմէ Հօր. մարմինս մեր միայն կացցէ յերկրի. այլ մեք քաղաքավարեսցուք յերկինս, որպէս քաղաքակիցք նմին<sup>1</sup>: Քաղցեսցուք Յիսուսի ղբաղց արքայութեան նորին, արդարութեան նորին. քանզի և նա քաղցեալ է մեզ: Յանկանալով ցանկանայ ուտել զպասեքս զայս ընդ մեզ. միաւ որեւէ զմեզ ընդ իւր, և ոգևով իւրով ներդործել հանապազ ի վերայ մեր և ի մեզ, առ եւս քան զևս կերպարանակիցս իւր առնել զմեզ մինչեւ ամենեւեմ յարեալք ի նոյն՝ եղիցուք ըստ ամենայնի նմանք նմին, տեսանելով զնա զէմ յանդիման, և որպէս էն: Այս է գատիկն՝ զոր Լցցէ յարքայութեանն Աստուծոյ<sup>2</sup>, ըստ բանին զոր ընթերցաքս յաւետարանիս. Ամէն. եղիցի:

ԺԹ. Հաղորդութիւն յիշատակ մահուան Փրկիչի:

« Մինչչեւ չարչարեալ լցեմ »: Քննեսցուք խոնարհութեամբ, ընդէր արժան համարեցաւ հաստատել և ուտել զպասեքս զայս՝ ընդ աշակերտաց իւրոց, մինչչեւ էր չարչարեալ, և ոչ յետոյ մինչ յարուցեալն էր: Վամբ էին նորա յանդիման կացուցանել մեզ ի խորհրդեանս՝

1 փլ. Գ. 10: — 2 Ա. Յովն. Գ. 2:

զմահ իւր. վերացուցանել զմեզ մտօք ի Գողգոթայն, ուր հեղաւ արիւն նորա, և որուն ուրուն զեղաւ յամենայն երակացն: Այս է, ասէ, մարմին իմ, բաշխեալ վասն ձեր, բեկեալ վասն ձեր, և այնքանեօք խոցեալ վերօք. Այս է արիւն իմ՝ հեղեալ վասն ձեր: Սհաւաստիկ մարմինն, ահաւաստիկ արիւնն, որ յանդիման աչաց մերոց զնին՝ որպէս որիշ որիշ յերբեաց: Եւ որպէս զի ամենայն ինչ ըստ պատկերի մտաց իւրոց կերպարանիցն, հարկ էր հաստատիլ խորհրդեանս յառաջնում աւուր արիւնընուշտ մահուանն. « Ի դիշերին յորում մասնէր<sup>1</sup> », որպէս ազգ առնէ Առաքեալն Պօղոս. մինչդեռ զիսաւարային նենդութիւնն երկնէր Յուդաս, և հանդերձեալ էր երթալ և կատարել: Եւ զինչ ասեմն՝ հանդերձեալ յերթալ. — « Եւ արտաքս վարվաղակի<sup>2</sup> » ի սեղանոյն, յորում ինքն և այլք յաշակերտացն ուտէին զվերջին զայն ընթրիս՝ ընդ Վարդապետին իւրեանց. յորում էտ նոցա զմարմին իւր և զարիւն, տալով և Յուդայի որպէս և այլոցն. և նա՛ ի նմին պաւ հուր երթայ մասնել. յետ երկուց ժամուց արկցէ զնա ի բուռն թշնամեաց նորին: Յիսուս ինքնին խուովեալ է արդ վասն մտալուտ մահուանն, խորհրդական խուովմամբն՝ զոր տեսաք. և յայսմ պայմանի, յայսմ խուովման, որպէս ի դէպ է ասել յայսմ մահուան՝ որ ահա հասեալ կայ, հաստատէ նա զնորն զատիկ:

1 Ա. Կոր. ԺԱ. 23: — 2 Յովն. ԺԳ. 30:

Արդ քանիցս և առաջի կայցեմք և հաղորդել-  
ցիմք խորհրդեանս նորա, քանիցս և լիցեմք  
զբանն՝ Այս է մարմին իմ, Այս է արիւն իմ,  
պարտ և արժան է մեզ յիշելու եթէ յորպիսի  
դէպս իրաց, յորում գիշերի, որպիսի խօսե-  
լով բանս՝ ասացան դոքա: Յառաջ քան զասելն,  
և յետ ասելոյն, եթէ « Մի ոմն ի ձէնը մասնե-  
լոց է զիս. ձեռն մասնըջի իմոյ է ընդ իս ի սե-  
ղանս <sup>1</sup> »:

Ահա յայսպիսի դէպս իրակութեանց հաստա-  
տի խորհուրդ ընթրեացն. մինչդեռ աշակերտքն  
իրազեկ լեալ մասնութեան միոյ յինքեանց՝  
հայեին ընդ իրեարս, և հարցանէին ահիւ և  
դողո՞ւթեամբ. « Միթէ ես իցեմ, Տէր » . զնոյն  
և Յուդաս հարցանէր, և Տէրն առնէր պա-  
տասխանի, Դու ասացեր <sup>2</sup>. և յաւելոյր, առ  
ի յայտ առնելոյ նմա՝ եթէ յայանի են ինքեան  
որ ի սրտին խորհուրդքն խաւարային նենդու-  
թեանն. Երթ, չուռառականդ, արա, « Արդ որ  
զինչ առնելոցն ես՝ արա վաղվաղակի <sup>3</sup> »: Յայս-  
պիսեաց միջի իրաց և բանից, և մինչ դեռ ա-  
ջօքն և ձեռամբ նշանակէր զայն՝ որ զնենդն դոր-  
ծեւոց էր, յայսպիսի դէպս իրաց՝ հաստատե-  
զ Հաղորդութիւնն:

Մի լիցի մեզ այսուհետեւ ճաշակել զայն,  
կամ յանդիման կալ մատուցման խորհրդոյն,  
եթէ ոչ վերասցուք մտօք ի սիրականն գիշեր՝

1 Մտթ. Ի. 21: — 2 Մտթ. Ի. 22-25: — 3  
Յովն. Ժ. 9. 27:

յորում և հաստատեցան, և մինչև ոչ կան-  
խեսցուք զբաժնուլ ահեղ պատրաստութեամբք  
արիւնընուշտ պատարագի Փրկչին մերոյ: Վասն  
այնորիկ իսկ առաքեալն Պօղոս ի պատմելն ըզ-  
խորհրդոյս հաստատութիւն, առաջի առնէ մեզ  
խորհրդոյս այն ահաւոր. « Ես ընկալայ ի Տեառնէ,  
զգիշերն այն աւանդեցի, եթէ Տէր Յիսուս՝ ի գի-  
շեր և ձեզ աւանդեցի, եթէ Տէր Յիսուս՝ ի գի-  
շերին յորում մասնէր, առ հաց <sup>1</sup> », այլովքն  
հանդերձ: Յայնմ իսկ գիշերի. քաջ միտ դեր և  
խոկաջիր ի դէպս յայս: Մարթ էր համարել՝  
եթէ՝ քանզի Հաղորդութիւնն յիշատակ էր մա-  
հուանն՝ պատշաճ էր յառաջել քան զայն. այլ  
ոչ այդպէս. մարդիկ որոց գիտութիւնն ան-  
ստոյգ և նախատեսութիւն ոչ անկասկած,  
թոյլ տան կատարել իրաց՝ մինչև և պատուի-  
րեալ զյիշատակ նոցին. այլ Յիսուսի քաջ գի-  
տելով զլինելոցն և զօրինակ մահուն՝ որով մե-  
ռանելոց էր, յառաջագոյն զատուցանէ զմար-  
մին և զարիւն. Այս է մարմին իմ. Այս է ա-  
րիւն իմ, ասէ. մարմին իմ բաշխեալ արիւն  
իմ հեղեալ. յիշեցեք զայդ. յիշեցեք զուր իմ,  
զմահ իմ, զպատարագս իմ, և զեղանակն հրա-  
շալի՝ որով փրկութիւն ձեր ի գլուխ ելանէ:

Այսպէս և ի հաստատել Ատուծոյ զզատելին,  
ի ցայգու առուրն փրկութեան ժողովրդ-  
դեան իւրոյ, մինչ դեռ ամենայն ոք պատրաս-  
տեալ մնայր կատարել ի յառաջընթաց գիշե-  
րին զգործն զայն, ասաց նոցա. Ձենէք ոչխար

1 Ա. Կորնթ. ԺԱ. 23:

մի, առէք յարենէ նորին, լուսցէք նովաւ զգրուանս ձեր<sup>1</sup>, և ես եկից և տեսից զարիւնն, և անցից. և հրելտակն սատակից ոչ հարցն ըզ ձեզ. և տեսեալ զնշանդ՝ զանց արարելց զտամբք Խարայէլացւոց, յորժամ լցից զտուանս Եփեալ տացւոց կոտորմամբ սրոյ և սքոյ, սատակելով զամենայն անդրանիկս նոցա. և այս եղիցի յետին հարուած ի փրկուածիւնն ձեր: Չայս ասէր Ատուուած՝ յԵլն: Այլ զի՛նչ ևս յաւելուցու. «Պահէալիք զպաշտօնդ զայդ՝ ամ ըստ ամէ. զեն ջիք գառն մի, կերիլիք նովին օրինօք. և եղիցի եթէ ասիցեն ցձեզ որդեք ձեր. Չի՛նչ է պաշտօնս այս ձեզ. ասալիք նոցա՝ եթէ Չո՛հ զատկի Տեառն է այս. յորժամ պահեաց զտուանս որդւոցն Խարայէլի յԵփեալոսս, մինչ հարկանէր զԵփեալացիսն, և զտուանս մեր պարեցոյց<sup>2</sup>»: Արդ այսպէս Ատուուած՝ որ գիտէր զոր առնելոցն էր, հաստատեաց զյիշատակն՝ յառաջ քան զլինել գործոյն. որպէս զի ի կատարելն զպատեքն՝ ոչ միայն զազատուածիւն իւրեանց յիշացեն, այլ և զայն՝ զի յիշատակն այն սուրբ՝ հաստատեցաւ յառաջնումն երեկոյի մեծի գործոյն, մինչդեռ ժողովուրդն ամենայն դէտ ակն կալեալ մնայր մեծայեղանակ իրացն: Այսու մտօք հաստատի և նորն զտրիկ. և յամենայն նուազի կատարմանն առ մեզ, — և կատարի ոչ միանգամ եւեթ ի տարւոյ՞ որպէս պատեքն այն հին, այլ զօրհանապաղ. — յամենայն նուազի

1 Եկ. ԺԲ. 3: — 2 Նոյմ, 25—7:

կատարմանն, յորժամ տեսեալ որդւոց մերոց՝ զի այնքան կրօնիւք և երկիւղածութեամբ կատարեմք՝ հարցցեն ցմեզ. Չի՛նչ է պաշտօնդ այդ. ասացուք ցնոսա. Այս խորհուրդ է՝ զոր կարասացուք քնոսա. Սոս խորհուրդ քան զմահ իւր, այլ մինչ դեաց Յիսուս յառաջ քան զմահ իւր, այլ մինչ առաջի կայր մահն, մինչ դեռ դարանս գործէին նմա ի մահ խաչի մասնել առ վաղիւն, առ ի թոնմա ի մահ խաչի մասնել մահուանն, և հանապազոր զուլ մեզ յիշատակ մահուանն, և հանապազոր զուլ մեզ ի միջի մերում: Եկայք, եկայք, որդեակք իմ. պատրաստեցէք զանձինս ձեր ընդ մեզ ի Հաղորդութիւն, և յիշեցէք զ՛առ սէր ձեր զենեալ Փրկիչդ:

Ի դէպ էր ուրեմն առ ի կատարել զհին օրինակ զատկին, նորոյն՝ որ յաւիտենական յիշատակ էր լինելոց մահուանն Յիսուսի, հաստատել յառաջ քան զմահն. «Յանկացայ, ասէ Յիսուս, ուտել ընդ ձեզ զպատեքս զայս, մինչև չարջարեալ իցեմ»: Եւ զի՛նչ էր պատեքն հին, եթէ ոչ օրինակ ճմարիտ ազատութեան որդւոցն Ատուուածոյ: Չենէք գառն, առէք յարենէ նորա և լուսացարուք նովաւ զգրուանս ձեր, և ես այլ դու նշանաւ ապրեցուցցից զձեզ: Միթէ զեն դու նշանաւ ապրեցուցցից զձեզ: Միթէ զեն ի կատարումն գործոց իւրոց, կամ նշանի ալ զանց առնել: Այդ ամենայն յայտնապէս յօրինակ մեր կատարէր. առ ուսուցանել մեզ, բնակ մեր կատարէր. առ ուսուցանել մեզ, եթէ ոչ այլով իւրեք լիցի փրկուածիւն մեր՝ եթէ ոչ պատարագան Քրիստոսի, դառնին անարաւ ոչ զենլոյ վասն մեզաց աշխարհի, և ի նշանակ տի՛ զենլոյ վասն մեզաց աշխարհի, և ի նշանակ

արեան զոհի նորա: Եւ Յիսուս զայսքանոյ մեծի բարերարութեան յիշատակ՝ հաստատէր, որպէս Աստուած զաղատութեան հնոյ Ժողովը՝ դեանն, յառաջ քան զլինել գործոյն. որպէս զի ի միտ առցուք եթէ Աստուած մեր ոչ է իբրև ըմբարդ, այլ զամենայն գիտէ յառաջագոյն, և առնէ որպէս Աստուծոյ վայելէ:

Եւ արդ, յորժամ առաջի սրբոյ պատարազին կայցեմք, և ևս առաւել ի հաղորդել մերում, կրթեսցուք ընդ յիշատակաւ մահուան Փրկչին մերոյ, և գիշերոյն՝ յորում մատնեցաւ: Նկատեսցուք զհաստատութիւն Հաղորդութեան՝ որպէս նոր դաշն ուխտի՝ զոր դնէր ընդ Հայր իւր և ընդ մեզ, առ ի նուիրել զանձն ի մահ: Եւ զինչ զարմանք՝ եթէ նախատես այնմ եղև յառաջնում երեկոյին. զի ոչ միայն վաղու իսկ կանխագէտ էր այնմ, որպէս է տեսանել ի բազում տեղիս յաւետարանի, այլ որպէս և տեսանի յորէնան և ի մարգարէս, ի սկզբանէ աշխարհի, բազմապատիկ նախասացութեամբք, և պէսպէս սքանչելի օրինակօք:

Ի. Բաւեր Յիսուսի յարևոյել զՅորդաս ի զեղջ:

— Յովն. ԺԳ. 10—27:

Ի յուշ ածցուք զամենայն բանս Յիսուսի որ զՅուդայէ՝ ի սմին գիշերի, սկսեալ ի լուացմանէ ոտիցն. « Դուք սուրբք էք, ասէ, այլ ոչ

ամենեքեան. զի գիտէր զայն որ մատնելոյն էր զնա »). Եւ յետ սակաւու միոյ. « Ոչ վասն ամենեցուն ձեր ասեմ. զի ես գիտեմ զորս ընտրեցիդ. այլ զի լցցի գերն, թէ որ ուտէր ընդ իս հաց՝ արար ինձ խաբէութիւն: Յայսմհետէ իսկ ասեմ ձեզ մինչև եղեալ. զի յորժամ լինիցի՝ հաւատաաջիք թէ ես եմ <sup>1</sup> »): Ոչ ի խրատ իւրոյ հաւատարիմ աշակերտացն ևեթ այսպէս խօսէր Յիսուս, այլ վասն դարձի նենդաւորին: Զի զինչ ազդողագոյն առ ի զեղջ ածել զմեղաւոր՝ քան զասեւն. Յայտնի եղեր. որպէս ասէր Նաթան ցՊաւլիթ. Դու ես այրն այն. դու ես շնացողն և սպանող. դու ի դաղտ գործեցեր, և ես յայտնեցից ընդ ամենայն երկիր <sup>2</sup>: Այսու օրինակաւ զբացեալ Պաւլիթ՝ խոստովան եղև զմեղանն և սկսաւ ապաշաւել: Այսպէս և Փրկչն ինքնին ասաց ցՅուդաս. Դու ես, դու ինքն ՚վ եղիլի. ի զուր թագուցանես զչարաշուք խոհերսդ. ի զուր հնարիս զանխուլ և ի մթան գիշերոյ կոչել շնորհայնս. յայտնի եղեր. ծածուկք սրտի քո՝ նշաւակ լինին. զՓրկչն քո մատնել խնդրես, ո՞վ նենդաւոր: — Ընդէր ջանայցեմք թագուցանել զանձինս, եթէ յաչաց Քրիստոսի ոչ կարեմք թաքէլ. չիցք այն շատ զի Աստուած տեսանէ զմեզ. առ ոչ ինչ համարիցիմք զայդ, և ՚ջ պատկառիցեմք յաչաց նորա:

Յառաջէ Յիսուս ի բանն. և զի մ՛ անիմանաւ

1 Յովն. ԺԳ. 18: — 2 Բ. Թագ. ԺԳ. 7, 13:

լի լիցի, « Մի ոմն ի ձէնդ, ասէ, մասնեւոց է զիս: Հայէին ընդ միմեանս աշակերտքն տարակուսեալք եթէ զուժէ ասինցէ. և զի հարցանէին զնա իւրաքանչիւր միթէ էս իցեմ, Տէր. սա տասխանի ետ Յիսուս և ասէ. Այն է որ մը խեաց ընդ իս զձեռն իւր ի սկաւառակս <sup>1</sup> »: Եւ զի մարթ էր բազմաց զայդ առնել միանգամայն, և ոչ էր քաջայայտ նշանն, « ակնարկէ Սիմոն Պետրոս առ Յովհաննէս, որ էր բազմեալ առ Յիսուսիւ, հարցանել, ո՞ իցէ վասն որոյ ասէն. և Յիսուս ասէ. Այն է՝ որում էս թացից ըզպատառն և տաց: Եւ թացեալ զպատառն՝ տայ Յուզայի Իսկարիովտացոյ »: Աւագիկ քաջ բացածանուցեալ և նշանակեալ, անուամբն և ազգատոհմաւ և բարուքն: Յուզաս էր անուն նորա և Սիմոնի որդի. ազգատոհմն կոչէր իսկարիովտ, որ թարգմանի Այր սպանիչ. քանզի սպանանեւոց էր զՓրկիչն, ասպ և անձամբ զանձըն: — Եւ արդ յո՞ փախիցես չուսուականդ. ահա յայտնի եղէր. ահա ծանօթ է բազդ քո: Եւ մէք իսկ, միթէ նուա՞ղ ինչ ակներև կայցեմք յորժամ մասնիցեմք զՏէրն մեր. յորժամ յաւախ յարուցեալ յեկեղեցոյ, և ի սեղանոյ իսկ Փրկիչն՝ երթայցեմք. ո՞ւր. զի՞նչ նիւթեւ ի ժողովս. յի՞նչ ձեռն արկանել: Գիտէ զայն Աստուած. յորժամ թանգուղիմք ի վաճառել ըզտէր մեր. և որպիսի գնով, ո՞ ոչ զամօթի հարկանիցի. և իշխեցեմք զայն ածել զմտաւ:

« Եւ տրամեցան յոյժ <sup>1</sup> » ընդ բանս Յիսուսի, եթէ ոմն յընկերաց իւրեանց մասնեւոց էր ըզվարդապետն: Որպիսի՞ գայթակղութիւն Հըրէիցն. — ասկերատ ոմն ուրեմն է նա. իւր իսկ աւելցին. — ասկերատ ոմն ուրեմն է նա. ոչ հանաշակերտքն ձեռնութեմ լինին ի նմանէ. ոչ հանաշուրժեան տանել նմա: Որպիսի՞ աղէտ ցաւոց՝ որոյ սիրէին զվարդապետն իւրեանց, զայդպիսի տեսանելով նախատինս ածեալ նմա: Յորժամ մեղիցէ ոք Փրկիչն, չեցէ արժանի զի տրամեցին ընդ այն ամենայն աշակերտք նորին, այսինքն է ամենայն քրիստոնեայք: Ամենքեան տըրտմեցան, և հարցանէին. Միթէ էս իցեմ մատնիչն այն և ապաշնորհ: Իսկ Յուզաս որում անկ էր ամօթապարտ լինել և ի զեղձ գալ, ի տեսանելն զտաղնապ և զարամութիւն ամենայն եղբարցն՝ վասն բանին այնորիկ, ոչ միայն ոչ զկծի այնու, այլ և վստահութեան իմն բերելով յինքեան կերպարանս՝ որպէս այլքն, և ընդ նոսին ասէ. Միթէ էս իցեմ, Տէր: Եւ Յիսուս պատասխանի տայ. Դու ասես. Դու ինքն էս: Եւ տակաւին ոչ գորով. սեթեւեթեալ երէտացն պնդութեամբ. կայ մնայ ի խորհուրդ դաւաճանութեանն: — Ափէնք ընդ այս: Եւ առ իմէ. միթէ յորժամ նիւթէք ինչ չարիս ի սրտի, և ի վերին երեսս անխուով կերպարանիք, ո՞չ տեսանիցէ զձե՞ղ Յիսուս: Ո՞չ յեւեցէք զոր և ձեզդ ասէ Յիսուս. Դու ինքն էս: Միթէ ո՞չ վասն քո ասաց. « Որդի մարդոյ երթայ, որպէս

գրեալ է վասն նորա »: Չիք ինչ զարմանաց վասն նորա, և ոչ ինչ նոր յիրիդ յայգմիկ. « Այլ վայ մարդոյն այնորիկ՝ յորոյ ձեռն Որդի մարդոյ մասնիցի. լաւ էր նմա թէ չէր իսկ ծընեալ մարդն այն<sup>1</sup> »: Չասէ, թէ լաւ էր ամենեւիմք. քանզի ըստ Աստուծոյ խորհրդոցն և վասն օգտի աշխարհիս՝ որ մասնութեամբն Յուդայի, լաւ էր լինելն նորա. այլ կարողութիւնն Աստուծոյ ոչ արգելու և ոչ արգարացուցանէ զչարութիւն մարդոյ. և բարին զոր ի չարեաց մերոց հանէ՝ ոչ ի չքմեղս կացուցանէ զվեղ: Վայ և աւանդ մարդոյն այնորիկ՝ յորմէ Յիսուս փնասիցի. լաւ էր մարդոյն այնորիկ եթէ եղեալ իսկ չէր. զի ի պատուհաս իւր ծնեալ է, և ոչ ինչ օգտէ նմա հուրութիւն իւր, բայց յանվախձան գործել զաղէտն:

Եւ արդ ասասցուք՝ ոչ ի վերայ Յուդայի միայնոյ, այլ և ի վերայ ամենայն մեղաւորաց խտասրտից, և ի վերայ անձանց մերոց. վայ, վայ մարդոյն այնորիկ: Անիծեալ լիցի օրն յորում ծնայ, ասէր Յովբ<sup>2</sup>. ասէր Երեմիաս, ի դէմս ամեղարշտաց և մերժեցելոց. « Վայ ինձ, վայ ինձ, մայր իմ. իբրև զ՞ որ ծնար զիս. անիծեալ լիցի որ ասաց հօր իմոյ, թէ ահա ծնաւ քեզ արու. ընդէր յորովայնի ոչ վախձանեցայ, կամ ոչ եղևն ինձ դերեզման գիրկք մօր իմոյ. անիծեալ լիցի օրն այն և գիշերն. և տարլցի զնա խաւար. մի եկեսցէ ի վերայ նորա լոյս.

ընկալցի զնա խաւար և ստուերք մահու. եկեսցէ ի վերայ նորա մէդ. խաւարեսցին աստեղք գիշերոյն այնորիկ, և մի տեսցէ զարուսեակն ծագեալ. զի ոչ փակեաց զբրունս արգանդի մօր իմոյ... Ընդէր տուեալ իցէ անձինս դաւմօր իմոյ... Ընդէր տուեալ ցաւադնելոյս ոգւով<sup>1</sup> »: Նացելոյ՝ լոյս, և կեանս ցաւադնեալ, ի փառս զորութեանն Աստուծոյ, առ յիմում պատուհասիս, ի լինել նպատակ նետից նորա, և յառակ նշաւակի վրիժուց նորին<sup>2</sup>: Յաւիտեանս յաւիտենից. աւանդ եղկելոյս. դարձեալ աւանդ: Ասասցուք անդադար. Վայ և եղուկ. ասասցուք մինչ դեռ կայ ժամանակ. զի եկեսցէ ժամանակ՝ յորում ի զուր իցէ այնուհետեւ ասելն, և ոչ ինչ օգուտ՝ ճանաչելն զաղէտս անձին:

Վայ մարդոյն այնորիկ՝ յորոյ ձեռս Որդին մարդոյ մասնիցի. վայ նմա: Յիսուս ողբայ զնա. և եթէ ողբայ, եթէ գթայ ի նա, յայտ է թէ վասն դարձի նորա է. զի ոչ վայրապար ինչ աւվասն դարձի նորա է. զի ոչ ծնեալ մարդն այն: սէ, լաւ էր նմա թէ չէր ծնեալ մարդն այն: Ժամ է դեռ ասպալաւանաց. այլ յետ եղբրանն ժամ է դեռ ասպալաւանաց. և գթութեանն սպառելոյ, ի գլուխ ելանելոյ, և գթութեանն սպառելոյ, և այնքան փրկաւէտ իրատուց յանօգուտս լի և այնքան փրկաւէտ իրատուց յանօգուտս լի: Յենելոյ, չմայցէ նմա տեղի ողորմութեան: Յետին անդամ խօսի ընդ նմա Յիսուս՝ յառաջ քան զկատարումն նենգութեանն. « Արա վաղվա



զակի զոր առնելոցդ էս<sup>1</sup> »). ըստ այնմ զոր ասեցէ ընդ հուպ. (« Ննջեցէք այսուհետև և հասնէք բուռք, զի ահա մատնի որդի մարդոյ<sup>2</sup> »). որ էր ասել. Աբթ է ննջել յայսպիսում պահուհ. հսկեցէք և արթուն կացէք: Ապա ուրեմն ասեն՝ Արա վարվաղակի, կամի ասել. Մի առներ զայդ. յայտնի եղեր, նշաւակեցար. ծանիր և դու զանձն քո, և մի վարիր անդրագոյնս. և կամ, թէ Արա վարվաղակի վասն իմ. քանզի ճեպիմ չարչարել և փրկել զմարդիկ. իսկ վասն քո, զինչ է զոր դուդ կամիս առնել, բարեկամդ Յուդաս. զինչ խորհուրդդ, զինչ կամք քո: Առ ինչ գաս. համբուրելով մատնես զՈրդի մարդոյ: Ահ, դու բարեկամ էս իմ, եթէ կամիցիս. և համբոյրդ՝ որ առ ի քէն համբոյր է մատնցի, մարթի առ յինէն լինել համբոյր բարեկամի և փրկչի, եթէ ի դուրս ողորմութեան իմոյ լիցիս ապաստան: (« Դարձ առ իս, դարձ առ իս, Իսրայէլ, և ընդէր կամիցիս կորնչել, տունդ Յակոբայ. Ոչ կամիմ էս զմահ ամսաբըշտին, այլ զբառնալ նորա չար ճանապարհէն և զկեալ<sup>3</sup> »):

1 Յովն. ԺԳ. 27: — 2 Մտթ. ԻԳ. 45: — 3 Երեմ. Գ. 12: — Եզեկ. ԼԳ. 11:

ԻԱ. Դաշև և մատնորիւն Յուդայի:  
Յովն. ԺԳ. 27. 30:

(« Եւ յետ պատառոյն՝ ապա եմուտ ի նա սատանայ. իսկ նորա առեալ զպատանն՝ ել արտաքս վաղվաղակի »): Յետին ազդ խրատու էր նմա ի Յիսուսէ՝ մինչ չև էր երթեալ կատարել զոճիրն: Նշանն զոր էտ Յիսուս Յովհաննու, այն է ծառայել իւր Յուդայի յընթրիսն, տալ նմա զպատան թացեալ վասն նորա, էր արդարեւ նմա՝ ըստ սովորութեան՝ նշանակ պատուոյ և մտերմութեան: Եւ որպէս թուի՝ ի նմին պահուատաց նմա, (« Դու էս. գիտեմ զքեզ. և չգոյր նմա քան զայս հարկեցուցիչ ազդ խրատու: Այլ Յուդաս մնաց անզգայ. և առժամայն (« եմուտ ի նա սատանայ<sup>1</sup> »): Վարու իսկ արկեալ էր ի սիրտ նորա մատնել զվարդապետ իւր. այլ արդ յետ պատառոյն մտանէ ի նա, տիրանայ չուսուական անձինն, որ և ամենեւին մատն լինի նըմին: Եւ ահա յետ սակաու միոյ՝ թողեալ ի բաց ելանէ յընկերութեանն Յիսուսի, բայց միայն առ ի մատնելոյ զնա դառնալ անդրէն: Ընկալաւ նա և այլ միւս պատառ, եթէ օրէն եցէ այսպէս կոչել, թէպէտ ոչ նշանակի առանձինն, քանզի հաւասարաբաշխ եղեւ ամենցուն. այն ինքն է մարմին Փրկչին: Քանզի իննսմով ծանուցանէ Ղուկաս, եթէ ասաց յետ ընթ-

1 Յովն. ԺԳ. 27:

րեացն. « Ահաւաստիկ ձեռն մասնչի իմոյ ընդ իս, ի սեղանս »). կարկառ նա զձեռն իւր մինչև յերկնաւորս յայս կերակուր, մինչև ի բաժակս Լցեալ իմով արեամբ: Ո՛չ պատահաւ օրհասաբեր. ո՛վ ահաւոր ըմպելի՛ վասն Յուդայի: Ոչ երկբայիմ եթէ անարժան և սրբապիղծ հաղորդութիւն իւր վաղվարդեաց զկորուստ նորա, և եղև նմա առիթ գայթակղութեան ի վարդապետ իւր. զի թէպէտ և չասէ աստ Գլորն եթէ երկմտեաց Յուդաս ընդ խորհուրդն հաղորդութեան, այլ շատ խկ այլուր նշանակեաց: Մի յայնցանէ գտաւ Յուդաս՝ որք ի Կափառնա յու՛մ ի լեւն զսկիղբն բանից՝ որ զխորհրդեանէս, սկսան քրթմնջել. նա եղև առիթ հարցանելոյ Փրկչին զաշակերտս իւր. « Միթէ կամիք և դուք ի բաց երթալ », ընդ այնոսիկ՝ որք մեկնին յինէն. քանզի յասելն Պետրոսի՛ ի դիմաց ամենեցուն, ըստ սովորութեան իւրու՛մ, « Տէր, առ ո՛վ երթիցուք. բանս կենաց յաւիտեանակա նաց ունիս. մեք հաւատացաք և ծանեաք՝ եթէ դու ես Քրիստոսն որդի Աստուծոյ »). ծանոց նմա Յիսուս, եթէ ոչ հաւանի վասն ամենեցուն զայդ խոստովանութիւն, քանզի կըրկնեաց անդրէն. « Ո՛չ ես զձեզ զերկոտասանսդ ընտրեցի. և միդ ի ձէնջ սատանայ է »: Եւ յաւելու Յովհաննէս, եթէ « Առէր զՍիմովնեան Յուդայէ Սկարիտաացոյ. զի նա խկ մատնելոց էր զնա, (թէպէտ) և մի էր յերկոտասանիցն <sup>1</sup> »: Այս բան յայտ առնէ եթէ մի

էր Յուդաս յամարելա քրթմնջողացն, որոց առիթ գայթակղութեան եղև խոստումն Քրիստոսի՛ սաղոյ զմարմին իւր ի կերակուր և զարիւնն յըմպելի: Եթէ ընդ խոստումն գայթակղեցաւ, ի դեպ է կարծել թէ և ընդ ներթործութիւնն: Յեղեոն յեղբրանէ խարդաւանեցաւ Յուդաս. նախ յազահոութեան կուրացեալ, « զի գող էր, և զարկի՛ն ինքն ունէր, և որ ինչ անկանէրն՝ նա կրէր <sup>1</sup> »), անժուժաբար քրթմնջէր զնմանէ. ի խոստմանէ հաղորդութեանն՝ սկսաւ զքրթմնջանն. յառաջեաց՝ ի հեղուին Մարեմոյ զեւոյն պատուական ի գլուխ և յոսն Յիսուսի. այնպէս իմն համարելով՝ եթէ զրկէ նա զինքն արծաթոյ գնոց օժանելեացն: Եւ վաղվարդակ մեկնեցաւ, սակ արկանել ընդ շրէկցն: Միտք սապկանեալք՝ զամենայն ի թոյն փոխարկէն: Սրբազան սեղան Սորհրդոյն՝ երազեաց զկորուստ աշակերտին մատնչի. և արագ արագ յեւանել անդ իւրու՛մ ի սրբոյ սեղանոյն՝ փութացաւ նախ ի մատնութիւն, և ապա ի յուսահատութիւն և ի խեղդ անձին:

Որ զամենայն ի փրկութիւն անձանց մերոյ գործէր՝ Յիսուս, թոյլ ետ Յուդայի՛ ընդունել ընդ այլոց զպարգէն սրբազան, որպէս զի ծանիցուք զչարսչար արգասիս անարժան հաղորդութեան: Տէն զաշակերտն սիրելի ի սեղան ֓րկչին, և անկեալ զանջօք նորին. ահաւաղիկ օրինակ արժանապէս հաղորդողաց. ի լանջս Յի-

սուսի հանդէին նոքա . հանգոյն Յովհաննու՝  
յաղբերէ անտի աննուն զգիտութիւն գաղտ-  
նեաց երկնաւորաց . նման նմին պատուասիրին  
մտերմութեամբ և գգուանօք վարդապետին իւ-  
րեանց . և հաւատարիմ նմանողք ողջախոհու-  
թեան նորին, բարութեանն և քաղցրութեան,  
որ ճշգրիտ տիպք են բարուց Յովհաննու, նը-  
ման նմին և արժանաւորք լինին գոլ աշակերտք  
սիրելիք: Տես և ի հակառակէն զմն Յուդա՝  
ի հաղորդութեանս . զկամս մտացն՝ յոր գտանի  
և յոր մտանէ: Ո՛վ Տէր, քանի՛ հակադրու-  
թիւնս . որպիսի՛ն ասէր ընդգիմանկք: Ո՞ ոչ զար-  
հուրեսցի ի տեսլենէ այտի:

ԻԲ. Հաստատուքիւն Խորհրդոյ Հաղորդութեան:

Ընթերցիր զհաստատութիւն խորհրդոյ Գո-  
հուութեան, ի Մատթէոս և յայն ի սրբազան  
գրչաց, որք համաձայնք են իմեանց . «Մինչդեռ  
ուտէին նոքա՝, առ Յիսուս հաց, գոհացաւ,  
օրհնեաց, և ասէ . Առէք կերայք, այս է մար-  
մին իմ, որ վասն ձեր տուեալ . զայս արարէք  
առ իմոյ յիշատակի: Նոյնպէս և զբաժակն յետ  
ընթերեացն առ, գոհացաւ, և ետ աշակերտացն  
ասելով . Արեքք ամենեքին . այդ է արիւն իմ,  
արիւն նորոյ ուխտի, որ վասն բազմաց հեղա-  
նի՛ ի թողութիւն մեղաց: Զայս արարէք քա-  
նիցս անդամ թէ ըմպեցէք՝ առ իմոյ յիշատա-

կի՛ »: Ահաւագիկ յոր ինչ բովանդակի հաստա-  
տութիւն խորհրդեանս: Բայց միայն փոխանակ  
բանին Քրիստոսի, ըստ Ղուկայ, Այս է մար-  
մին իմ որ վասն բազմաց (կամ ձեր) տառաջ,  
ըստ Պողոսի Առ, երբէկ և ասէ . Այս է իմ մար-  
մին որ վասն ձեր բաշխի » (կամ բեկիսին) . այլ  
նոյն են միտքն բանիցն . ի մաս՝ մատնեալ, խոշ-  
տանդեալ հարուածովք, խոցեալ վերօք, չարա-  
չար կախեալ զխաչէ . և ըստ այսմ՝ բեկեալ և  
ջախջախեալ: Ահա Մարմին՝ զոր տայ մեզ Յի-  
սուս . մարմին՝ որ հանդերձեալ էր կրել ընդ  
հուպ զջարջարանքդ, և որ կրեալ է արդ: Փո-  
խանակ լատին թարգմանութեանն՝ Արիւն՝ որ  
հեղանիցի վասն ձեր, բնագիրն ասէ, Հեղեալ  
կամ Հեղանի, ներկայ ժամանակաւ, ըստ Մատ-  
թէի և ըստ Մարկոսի . և ի վերայ մարմնոյն,  
ըստ յոյն բնագրի որ ի թողութն Պողոսի, Մար-  
մին բեկեալ կամ որ բեկանի, նոյնպէս ներկայ  
ժամանակաւ: Իսկ ի Ղուկաս՝ ըստ բնագրին և  
ըստ թարգմանութեան՝ Տուեալ գրի, և ոչ ա-  
պառնի եղանակաւ սացի, ըստ այնմ՝ զոր ասէր  
Յիսուս, «Յետ երկուց աւուրց զատիկ լինի, և  
Որդի մարդոյ մատնի », ըստ յունին և ըստ հա-  
յուամն: Գործն ի կատարմանէ . արդէն իսկ խոր-  
հուրդ լինի գտանելոյ հնարս՝ ըմբռնել զնա և  
սպանանել: «Եւ Որդի մարդոյ երթայ, որպէս  
գրեալ է վասն նորա . բայց վայ՛ մարդոյն  
այնմիկ՝ յոր ձեռն Որդին մարդոյ մատնեսցի » ,

կամ մատնի՛ ըստ յունիս: Միշտ ներկայօրէն խօսի. քանզի սահմանեալ էր կորուստ իւր, և հաստատեալ նենգութեանն վասն վաղուին. և յետ երկուց ժամուց ակիզքն լինելոց էր գործ առնուութեանն. և որպէս զի յորում ժամու և ընդունիցեմք զմարմին նորա և զարիւն, հանապաղ առաջի աչաց կալցուք զմահ նորա:

Քրիստոնեայ՛, ահա ուսար, տեսեր զքնաւ զամենայն բանս՝ որ զկորհրդոյս հաստատութենէ: Քանի՛ պարզ, քանի՛ մեկին բանք. չթողու ինչ տեղի գուշակելոյ կամ լուծման. և եթէ գուցէ ինչ պիտոյ պարզաբանութեան՝ անկ է ըստ մտաց քնադրին թարգմանել կամ իմանալ: « Այս է մարմին իմ ». իմ իսկ մարմին. նոյն մարմին որ վասն ձեր տուեալ է « Այս է արիւն իմ ». իմ իսկ արիւն. արիւն նորոյ ուխտի, արիւն հեղեալ վասն ձեր, ի թողութիւն մեղաց ձերոց: Ըստ այսմ և ասորի թարգմանութիւնն հին՝ զուգաժամանակ յունականին և առ Առաքելովքն, ասէ. Այս է իմ յատուկ մարմին. և ի պատարագամտուցին Յունաց ասի, Որ մեզն բաշխի. որ ինչ հացս այս և գիւնիս այս լինի, իսկական մարմին է Քրիստոսի, իսկական արիւն նորին: Ահա պարզաբանութիւն՝ եթէ պէտք իցեն: Քանի՛ պարզ և մեկին, կրկնեցից դարձեալ. և որպիսի՞ զորութիւն ի բանքս: Եթէ նշանակ ինչ կամեցեալ էր տալ, կամ սոսկ նմանութիւն, գիտէր քաջ ասել այնպէս. գիտէր զոր ասացն Աստուած ի հաստատել զԹլիատութիւնն. « Թլիատեալք զմար-

մինս ձեր. այս իցէ ուխտ ընդ իս և ընդ ձեզ <sup>1</sup> »: Յորժամ նմանութեամբ ինչ առաջի առնէր, այնպէս իմն յարդարէր զբանն՝ զի իմասցին զայն, և մի ոք երկմտիցէ. « Ես եմ գուռն. ընդ իս թէ ոք մտանիցէ՛ կեցցէ »: « Ես եմ որթն, և դուք ուռ... որպէս ուռն ոչ կարէ պտուղ բերել յանձնէ իւրմէ՛ եթէ չիցէ հաստատեալ յորթն, նոյնպէս և դուք՝ եթէ ոչ յիս հաստատեալ իւրեք <sup>2</sup> »: Յորժամ բաղդատութիւն ինչ առնիցէ կամ նմանութիւնս, աւետարանիչքն գիտացին ասել. Ասաց Յիսուս զառակս զայս. Նման է կամ նմանեցուցից՝ ասաց: Իսկ ասասնօր առանց ինչ յառաջագոյն պատրաստելոյ, առանց մեղմելոյ զբանն, առանց մեկնաբանելոյ, ոչ յառաջ և ոչ յետոյ, ասի ցմեզ համառօտիւ. Այս է մարմին իմ, այս է արիւն իմ. Մարմին իմ տուեալ. Արիւն իմ հեղեալ. այս է զոր տամ ձեզ: Իսկ դուք զի առնիցէք ընդունելով զայդ: — Յիշատակ յաւխտեանական լիցի ձեզ պարգևդ՝ զոր տամ յայսմ գիւշերի. յուշ լիցի ձեզ, զի ես եմ որ թողի ձեզ զՅիշատակդ, որ արարի զկտակդ, որ թողի ձեզ զայս պատեք, և կերայ զայն ընդ ձեզ մինչև էր իմ չարչարեալ: Եւ եթէ տամ ձեզ զմարմին իմ՝ որպէս մատնելի, որպէս մատնեալ վասն ձեր, և զարիւն իմ որպէս հեղեալ ի թողութիւն մեղաց ձերոց. և միանգամայն ասել, եթէ տամ ձեզ զայն որպէս զոհեալ, ճաշակեցէք զայդ որ-

1 Ծմմդ. Ժ. 11: — 2 Յովն. Ժ. 9:

պէս զօճեալ. և յիշեցէք՝ զի գրաւական է դա  
եթէ վասն ձեր զօճեցաւ:

Ո՛վ Փրկիչ իմ, երեքինեցից դարձեալ, քանի՛  
յստակուածիւն, քանի՛ ճշգուծիւն, քանի՛ ուժ-  
գնուածիւն. այլ և միանգամայն, քանի՛ հեղի-  
նակուածիւն, քանի՛ զօրուածիւն ի բանս քո: —  
«Աին դու, եղիշիր որչ ի տանջանաց քոց. և բը-  
ժըկեցաւ առժամայն՝: «Այս է մարմին իմ».  
և է մարմին նորա: «Այս է արիւն իմ».  
և է արիւն նորա: Ո՞ կարիցէ զայս օրինակ բարբա-  
ռեւ. բայց որ ի բռնի ունի զամենայն. ո՞ կարիցէ  
հաւատարիմ լինել, բայց այն որչ գործել և  
խօսել մի և նոյն է: — Զկայ սու սատանօր,  
հոգի իմ, և մի քններ, այնպէս պարզապէս և  
հզօրեղապէս հաւատա՞ որպէս Փրկիչն քո խօսե-  
ցաւ. այնքան հըւածեամբ՝ որքան նա հեղինա-  
կուածիւն և իշխանուածիւն ցուցանէ: Գարձեալ  
ասեմ. այնպիսի պարզուածիւն պահանջէ նա ի  
հաւատս քո, որպիսեաւ ասաց զբանս. «Այս  
է մարմին իմ».  
է ուրբեմն մարմին նորա. «Այս  
է արիւն իմ».  
ուրբեմն արիւն է նորա: Յառա-  
ջին ժամանակսն ի հաղորդելն՝ ասէր քահա-  
նայն, Մարմին Յիսուսի Վրիտոսի, և հաւա-  
տացեալն պատասխանէր, Ամէն. նոյնպէս և  
Արիւն Յիսուսի Վրիտոսի, և հաւատացեալն  
կրկնէր. Ամէն: Այսպէս էր. ամենայն ինչ կա-  
տարեալ էր. ամենայն ասացեալ, ամենայն մեկ-  
նաբանեալ՝ երեքումբ բառիւքն: — Լուռ և եթ

կամ ես. հաւատամ և երկրպագեմ: Ամենայն  
կատարեալ է. ամենայն ասացեալ:

ԻԳ. Օրոշտ Հաղորդուրեամ: Կեալ կեօր  
Վրիտոսի:

Հոգի իմ, արիւր զհինս. պարզապէս հաւա-  
տացեր, պարզ ներգործութեամբ. արդ հեղ  
զանձն քո՞ խորհրդածելով ի վերայ մեծաբանս  
բարեացս. բարգաւաճեցո քեզն քեզ զբու-  
վանդակեալն ի նմին, զամենայն տուեալն ի  
Յիսուսէ՞ սակաւիկ բառիւքդ: — Զո՞հ իմ ուրբեմն  
եցես, Փրկիչ իմ: Եթէ միայն տեսանէի զքեզ  
ի վերայ սեղանոյ քո և ի խաչիդ, ոչ կարէի ըստ  
բաւականին հասու լինել, եթէ ինձ և վասն  
իմ նուիրիս. այլ այսօր զի ճաշակեմ զքեզ,  
գիտեմ, և գողշիր զկամ՝ զի վասն իմ նուիրե-  
ցեր զանձն քո: Հաղորդ եմ սեղանոյդ, խա-  
չիդ, արեանդ՝ որ ի նմին մաքրէ զերկինս և զեր-  
կիր, յաղթուածեանդ զոր նովաւ տարար ի վե-  
րայ թշնամեաց մերոց, ի վերայ սատանայի և  
աշխարհի. յաղթուածիւն՝ վասն որոյ ասացերդ.  
«Յաշխարհի աստ նեղուածիւն ունիցիք, այլ բա-  
ւաւերեցարուք, զի ես յաղթեցի աշխարհի՞»:  
Եթէ վասն իմ նուիրեցեր զանձն քո, ապա ու-  
րբեմն սիրէիր զիս. զի վասն ո՞յր տայ դք զանձն՝

Եթէ ոչ վասն բարեկամաց իւրոց: Ճաշակեմ՝  
 զքեզ կցորդուծեամբ զոհիք, ապա ուրեմն և  
 սիրով քով, վայելեմ զբովանդակ զսէր քո, և  
 մենայն ընդարձակուծեամբ նորին. զգամ զայն  
 որպէս էն. Թափանցանց լինն նա յիս: Գու՛ ինք  
 նին գաս արկանեւ յայլիս իմ զհուրն զայն, որ  
 պէս զի սիրեցից զքեզ քոյնիակերպ սիրով:  
 Ո՛հ, արդ այժմ տեսանեմ և իմանամ զի վասն  
 իմ առեր զմարմինդ մարդկային. վասն իմ ախ  
 տակրեցեր զհիւանդուծիւնս նորին. վասն իմ  
 նուիրեցեր զայն. իմ է այն: Մնայ ինձ ընդու  
 նել զայն, ճաշակել, ստանալ, միանալ ընդ նը  
 մին: Ի մարմնանալ քում ի ծոց Սրբոյ Կուսին,  
 առեր լոկ մարմին մի սեփական. իսկ այժմ ըզ  
 հասարակաց մեր առնուս մարմին, և զիմն առան  
 ձինն, սեփականես քեզ զայն. քո իսկ է այն.  
 և արասցես որպէս զքոյդ՝ հպամբ և յիրմամբ  
 քոյու՛մդ. նախ՝ մաքուր, սուրբ, անարատ, և  
 ապա անմահ և փառաւորեալ. ընկալացց ես  
 զինքը յարուծեան քո. շատ է թէ խրախուսե  
 ցից ընդունել և զմահուանդ կնիք: Ե՛կ, եկ,  
 մարմին Փրկչիդ իմոյ. խարոյկ բորբոքեալ, սըր  
 բեա զըրթուես իմ, վառեա զիս սիրով՛ն՝ որ վարէ  
 զքեզ ի մահ: Ե՛կ, արիւն, զոր սէրն ետ հեղա  
 նիլ. հոսեա՛ ի ծոց իմ՝ հեղե՛կ հրեղէն: Ո՛վ Փըր  
 կիչ իմ, ա՛յս ուրեմն մարմին է քո, մարմինն վի  
 թօք պատուեալ. կցորդիմ ընդ նոսին, ընդ որս  
 բովանդակ արիւն քո հոսեցաւ վասն իմ: Նուա  
 զիս դու, մեռանիս, անցանես. այս է պատեք  
 քո. անցանեմ, աւանդեմ զդդի իմ ընդ քեզ:

Զինչ իցէ ինձ աշխարհս այս. — և ոչ ինչ: Ես ի  
 խաջ ելեալ եմ աշխարհի, և աշխարհս ինձ: Զէ  
 ինձ նա հաճոյ. — և ոչ ես կամիմ հաճոյանալ նը  
 մա: Ոչ քաղցրանամ ի քիմս նորին. — բարւոք է  
 ինձ այս. շատ է թէ և նա ինձ ոչ քաղցրացի:  
 Երկուստեք ի մէնջ եղև գժտու՛մն անշատման. ոչ  
 որպէս թէ մին սիրիցէ և միւսն առիցէ. ոչ հան  
 դուրժեմ ես աշխարհի, և աշխարհ ոչ հան  
 դուրժէ ինձ. որպէս մեռեալ առ մեռեալ՝ այն  
 պէս է ինձ աշխարհս և ես աշխարհի: Երջանիկ  
 պառակտու՛մն: Այլ ասացցէ աշխարհ զայս ինչ  
 կամ զայն. ասացցէ, եթէ և յետ անշատմանս՝  
 կամիցիմ հաճոյանալ նմա. և զի՛ փոյթ է ինձ  
 ընդ բանս նորա. « Ես ընդ Քրիստոսի ի խաջե  
 լի. կենդանի եմ այսու՛հետեւ, ոչ ես՝ այլ կեն  
 դանի է յիս Քրիստոս. և որ կեանս այժմ մար  
 մնով հաւատովք Որդւոյն Աստուծոյ կեամ, որ  
 սիրեացն զիս, և մասնեաց զանձն իւր վասն  
 իմ՝) 1: — Եթէ գորովիմ տակաւին մարդկային  
 սիրով, կեամ՝ տակաւին. եթէ ատեամ զայ  
 սիրով, կեամ՝ տակաւին, կեամ՝ տակաւին. եթէ  
 նոսիկ որ ատենն զիս, կեամ՝ տակաւին. ե  
 զչարիմ ընդ նախառնս՝ կեամ՝ տակաւին. ե  
 թէ հեշտանամ ի փափկուծիւնս, կեամ՝ տա  
 կաւին. եթէ ցաւք ի խոր խոցեն զիս, կեամ  
 տակաւին: Ողբմբ մնայք, ողբմբ մնայք. ես  
 երթամ ի բաց. ես չեմ ինչ այսու՛հետեւ. ես չեմ  
 յայսմ՛հետէ եսս. վասն Յիսուսի կեամ ես. Յի  
 սուս է որ կեայ յիս: — Այսպէս արժան է

լինել, այս պտուղ է հաղորդութեան: Ո՛հ, թէ քանի հեռի եմ այտի. — սակայն դուլաւ անկ է ինձ ժաման լինել:

ԻԳ. Հաղորդութեան՝ կատարի հաշտացեալն ընդ Քրիստոսի:

« Այս է մարմին իմ »: Սովին ուրեմն այսու կատարի միութիւն մեր ընդ Փրկչին. մարմին նորա ոչ վասն իւր ինչ է, այլ վասն մեր. մարմին մեր չէ վասն մեր, այլ վասն Յիսուսի: Խորհուրդ է սա փափկութեան. խորհուրդ փեսայի և հարսին: Գրեալ է, եթէ « Այրն՝ իւրում մարմնոյ ոչ իշխէ, այլ կինն <sup>1</sup> »: Սուրբ եկեղեցի, ողջախոհ՝ հարսն Փրկչին. հոգի՛ քրիստոնէայ որ ընտրեցեր զնա քեզ ի հարսն՝ ի մկրտութեանդ, հաւատովք, և փոխադարձ հաւանութեամբ, տեսանես զարքայան մարմին փեսայիդ, տեսանես ի սրբումսեղանին՝ ուր նուիրա գործեն զայն. ոչ ևս է յիւրում իշխանութեան այլ ի քուովք. Առէք, ասէ, զայգ. այս է մարմին իմ տուեալ ձեզ. ստուգապէս իշխանութիւն ունիք ի վերայ դորա: Սակայն և ձեր մարմինդ՝ ոչ է ձեր. Յիսուս՝ ստանալ կամի զայն: Այսպէս միտաջըք մարմին ընդ մարմնոյ. և եղի ջէք երկոքին ի մարմին մի. որ է իրաւունք հար-

1 Ա. Կորնթ. Է. 4:

սին, և անթերի կատարումն ողջախոհ և աստուածային ամուսնութեանդ:

Մնցանէ վարումն, այլ իրաւունքն մնան: Ոչ ի սպառտեէ ողջախոհ գրկախաւնութիւնն, այլ իղձք նկրախն ի նոյն, և կան իրաւունք առ նոյն. « Որ ուտէ զմարմին իմ և ըմպէ զարիւն իմ, ասէ Յիսուս, յիս բնակեցէ, և ես ի նմա <sup>1</sup> »: Ո՛չ առ վարկեան մի միայն բնակէ ի նմա. մըշտատեւ իմն արգասիք են փոխադարձ վայելիցն. Որ ուտէն զիս, վայելէ զիս, բնակեցէ յիս: Այլ միութիւնն՝ փոխանակաւ է. բնակեցէ յիս, և ես ի նմա: Ո՛վ, որպէս իրական է միութիւնս այս. որպէս տեւողական արգասիք նուրին: Մարմինն Յիսուսի՝ յիշխանութեան իմում է. ի մկրտութենէ ստացայ ես զիրաւունս զայս և վարեմ զայն ի հաղորդութեան. ապա մարմին իմ՝ է Փրկչին իմոյ, որպէս մարմին Փրկչին իմոյ՝ իմ է: Հարկ է յաւելուլ յայն՝ սեր ողջախոհ և կատարեալ. « Որպէս կենդանի է Հայր յիս և ես ի Հայր, և որ ուտէն զիս՝ և նա կեցցէ վասն իմ <sup>2</sup> ». ոչ այլ ինչ՝ այլ զսեր իմ շնչեցէ. ոչ այլ կեանս ունիցի՝ այլ զըր յինէն ընդունիցի:

Սու այս տարեալ հանէ զմեզ և յիշատակ մահուան Փրկչին մերոյ: Ի խանդակաթ, յերջանիկ և ի ցանկալի յիշատակիդ յայգմիկ՝ « Սէրն Քրիստոսի ստիպէ զմեզ քննել զայս. զի եթէ մին փոխանակ ամենեցուն մեռաւ, ապա ուրեմն

1 Յովթ. 2. 57: — 2 Նոյն, 58:

ամենեքին մեռեալ էին, և ի վերայ ամենեցուն մեռաւ (և յարեաւ), զի որ կենդանիքն իշեն՝ մի անձանց իցեն կենդանիք, այլ այնմ՝ որ ի վերայ նոցայն մեռաւ և յարեաւ<sup>1</sup>) : Ընկալցուք ուրեմն զարբազանն զայն մարմին՝ խնդու-թեամբ մեծաւ, այնու երջանիկ մուլութեամբ՝ զորմէ աւելք Պօղոս՝ ի նմին վայրի. (« Եթէ առանցաք ինչ և զգաստանամք՝ այն Աստուծոյ է<sup>2</sup> ») : — Այո, յորժամ առաջի կայ ինձ մարմինն այն, յայլ յայ մէ լինիմ. մոռանամ զանձն. զփեսայն կամիմ վայելել, և զնա միայն : Այլ, բա՛րէ, առիցես զայն՝ որ մի է ընդ Յիսուսի, մինչև լինել մի մարմին ընդ նմին. միացուցանել զնա ընդ (մարմնոյ) անպարկեշտի, և լինել ընդ նմին մի մարմին : Քա՛ն լիցի : — Այլ որ ինչ հաղորդակից լինի սրաիս, որ ինչ և զգոյ՞ն մասն ինչ նորին խորէ ի Յիսուսէ, համարեալ է ինձ լիտին այն՝ որ կամիցի յափշտակել զիս և Քրիստոսէ : Ի բաց կացցեն ամենայն ցանկու-թիւնք չարք. մարմինս իմ միացեալ ընդ մարմնոյն Յիսուսի՝ ոչ է լծակից անմաքրութեան, այլ Յիսուսի, և Յիսուս է վասն մարմնոյ իմոյ : Ահաւազդիկ կատարեալ լըրումն բանին :

Հաղորդութիւն մեկնաբանէ մեզ զամենայն բան սերոյ, զընտելութեան և զվիու-թեան՝ որ են ընդ Քրիստոսի և ընդ եկեղեցւոյ իւրում, ընդ Փեսային և ընդ Հարսին, ընդ նմա և ընդ մեզ<sup>3</sup>) : — Ի զառանցանս մարդկային սերոյ,

1 Բ. Կորնթ. Ե. 14-15: — 2 Նոյն, 17: — 3 Ա. Կորնթ. Զ. 15-16:

ո՞ ոչ գիտիցէ՞ զի ուստէ ծախէ մին զմեւ, իլճ լինին ամենայն օրինակաւ ընդ իրար խառնիլ և որպէս քերդոյն այն ասէր, խածանել զիւրելին՝ առ ի ստանալ, ճաշակել զնա, առ ի միանալ և ի կեալ ընդ նմին : Այլ որ մուլութիւն և անհնարին է ի մարմնականն սէր, ճմարտութիւն է, իմաստութիւն է ի սէրն Քրիստոսի. (« Առէք, կերայք, այդ է մարմին իմ »). ծախեցէք, կէք, ոչ զմասն մի միայն կամ զկոտոր՝ այլ զբոլանդակն : — Բայց հարկ է և մտօք միաւնալ զբոլանդակն : — Բայց հարկ է և մտօք միաւնալ զի զբնչ իցէ միանալ մարմնով՝ եթէ մտքն ոչ միացին : (« Որ մերձենայ ի Տէր՝ մի հոգի է<sup>1</sup> »). մի կամք են նորա, մի փափագ, նոյն երաւնութիւն, նոյն խնդիր, նոյն կեանք :

Միացուք ուրեմն ընդ Յիսուսի, մարմին առ մարմին, ոգի առ ոգի : Մի՞ ոք ասացէք բաւական է ոգին : Մարմին՝ միջնորդ է միութեան ընդ ուզւոյ. Որդին Աստուծոյ մարմին լինելով՝ էջ մինչև առ մեզ, մարմնով նորին՝ անկ է մեզ ունել զնա, առ ի միանալոյ ընդ ուզւոյ նորին և ընդ աստուածութեան : (« Աստուածեղէն բըքեալն Պետրոս, քանզի և Քրիստոս հաղորդակից եղև ընդ մարմնոյն ասեցելոյ ի Բանէն, միանալ մեզ ընդ մարմնոյն առեցելոյ ի Բանէն, որպէս զի կարողք լիցուք այնու մարմնով վաշեղել յաստուածութիւն Բանին, և լիցուք աստուածացեալք՝ զաստուածայինս ստանալով

1 Ա. Կորնթ. Զ. 17: — 2 Բ. Պետր. Ա. 4:



խնայուածս: Մաքրեացուք արդ զմարմինս և զուգիս, զի կայ մնայ մեզ միանալ երկոքումք ևս ընդ Քրիստոսի. արժանիս յարդարեացուք զանձինս յընդունելութիւն կուսականին մարմնոյ, յղացելոյն ի կուսէ, ծնիցելոյն ի կուսէ: Մաքրեցէք զանձինս, պաշտօնեայք սրբութեան, որք մատակարարէք մեզ զայն. ձեռք՝ որ տան մեզ զայն՝ մաքրագոյնք եղիցին քան զլոյս. բերանդ՝ որ նուիրագործէ զայն՝ ողջախոհագոյն լիցի քան զանմեղուկ կուսից: Ո՛վ, որպիսի՛ խորհուրդ. և որպիսեան և մաքրութեամբ պաշտելի: « Պատուական է ամուսնութիւն, և սուրբ անկողինք » . այլ չեն բաւական սուրբք՝ որոց արժան է սրբագործել զմարմին գառնին: Սուրբ սահմանաւ ժուժկալութեան, յորում փափագեալ է միշտ Եկեղեցի, որպէս յայտ է գիտնոց, անգստին ի ժամանակէ առաքելոց, և հաստատեաց իսկ զայն՝ յորժամ կարացն՝ յառաջնոց դարուց անտի, ամենայն ուրեք ուր կարացն, և առանձինն իմն օրինակաւ յարեմտեան եկեղեցւոյ, և յատկապէս իսկ ի հռովմէականին, ի նուիրեալն և ի հաստատեալ յերկոցուն գլխաւոր առաքելոցն, ի Պետրոսէ և ի Պօղոսէ: Կամք են Եկեղեցւոյ պատրաստել առ կոյս մարմինն, առ կերպացեալն ի Կուսէ, պաշտօնեայս արժանաւորս նմին, և տալ մեզ խնայուած իմն խոր զմաքրութենէ խորհրդոյս: — « Առէք, կերպոյք այս է մարմին իմ » . մաքրեցէք զմարմին ձեր՝ որ զնայն ընդունելոց է. զբերանդ՝ ուր մտանելոցն է: Մաքրութիւն բերանոյ իցէ՝ չհանել ընդ այն՝

բայց բանս օրհնութեան. մաքրութիւն բերանոյ իցէ՝ չափ զնեւ ընդուի, և որքան հնար է ի լուութեան սահէլ. մաքրութիւն բերանոյ իցէ՝ տենչ ողջախոհ համբուրից փեսային, և հրաժարումն յամենայն փափագանաց՝ բայց ի ստանալոյ զնա: Եղիցի. եղիցի:

ԻԵ. Հարոյրոչրիւն գրասխակն յոյրոչրեան  
մեղաց: — Մատր. ԻԶ. 27-28:

« Արեւք ի դմանէ ամենեքին. զի այդ է արեւն իմ՝ նորոյ ուխտի, որ ի վերայ բաղմաց հեղու՝ ի թողութիւն մեղաց »: Հրաշափառագոյն է այս մասն խորհրդեանս, յորում, որպէս և տեսանի, հզորագոյնս բարբառի Քրիստոս: Տալ մեզ յուտեստ ի մարմնոյ զոհն, զիս պատեքին, այդ սովորական իմն է, գիտումն իսկ է զարեւն, և ոչ զմիւր զոհն, թէպէտ և կերեալ իցէ ի մարմնոցն: « Մովսիսէ, ասէ Պօղոս, առեալ զարեւն յըւոյն և նոխաղացն՝ ջրով և բրդով... զկտակարանօքն իսկ և զամենայն ժողովրդեամբն սրսկեաց, և ասէ. Այս է արեւն կտակին՝ զոր պատուիրեաց ձեզ Աստուած »: Ահա որչափ ինչ ի դէպ թուի առնել արեամբ զոհից. ցօղել այնու զժողովուրդն, այլ ոչ էթէ տալ նմա յարբումն:

Քրիստոս միայն անդրադարձնաւ վարի: Մովսէս ի սրսկէն զարիւն զոհիցն զժողովրդեամբն՝ ասէ. «Այս է արիւն կտակին»): յայս արդարեւ ակնարկէ Տէրն՝ յասեւն իւր. «Այս է արիւն իմ՝ նորոյ ուխտի»): Արիւն է յերկոսին ևս ի դէպս. համօրէն ժողովուրդն թաթաւի նովին, բայց այլ ազգօրինակաւ. զի առ Մովսիսի՝ սրսկմամբ թաթաւի. իսկ սրսկումն հրամայեալ ի Քրիստոսէ՝ արբումն է. աստանօր բերանն և լեզուն ողողին սրսկմամբս. «Արբէք ամենեքն, ասէ. այս է արիւն իմ՝ նորոյ ուխտի. արիւն հեղեալ ի թողութիւն մեղաց»):

Լի է խորհրդեամբ զանազանութիւն երկոյուն կտակարանացս: Մի ի պատճառաց՝ որք արգելութիւն առաջնոցն չուտեալ յարենէ՝ այս էր, զի տուեալ էր այն ի սեղանն, քաւել վասն անձանց ըստ իւրաքանչիւր մեղանաց. «Վասն այսորիկ ասացի ցորդին Խորայելի, ամենայն անձն ի ձէնը արիւն մի կերիցէ. և եկն որ յեցեալ իցէ ի ձեզ՝ արիւն մի կերիցէ՜ 1 »): Խափանեալ է նոցա ուտել յարենէ, քանզի հեղեալ է ի քաւութիւն անձանց. իսկ Որդին Աստուծոյ ներհակաբար պատուիրէ, ըմպել, զի հեղեալ է ի թողութիւն մեղաց: Այսու աղադաւ գրեալ ևս էր. «Ամենայն վասն մեղացն՝ յորոց մտանիցէ յարենէ նոցա ի խորանն վկայութեան՝ քաւել ի սրբութիւնսն, մի կերիցէ, այլ հրով այրեսցի 2 »): Եւ նշանակէին պատուէրքս, զի

1 Ղևտ. ԻԻ. 11: — 2 Նոյմ, 9. 30:

անբաւական գոլով օրինական զոհիցն քաւել զմեղս, մատուցողքն զրկեալք կային և բանադրեալք իմն, անմասն մտալով ի զոհն վասն մեղաց մատուցելոյ: Իսկ Յիսուս՝ հակառակ պատճառաւ, քաւեալ զանձինս մեր, և անթերի կատարեալ զթողութիւն մեղաց՝ զենմամբ մարմնոյ իւրոյ և հեղմամբ արեանն, հրամայէ մեզ ուտել ի մարմնոցն տուելոյ վասն մեր, և ըմպել յարենէ նորոյ ուխտին՝ հեղլոյ ի թողութիւն մեղաց. առ ի ցուցանել զի կատարեալ էր քաւութիւնն, և միայն մնայր մեզ յանձինս մեր վերածել զնոցն:

Վայելեսցուք արդ ի Հաղորդութեան զնորհրդս թողութեան մեղաց, ասելով ընդ Դաւթի. «Երանի՛ որոց թողութիւն եղև մեղաց և ծածկեցան ամենայն յանցանք նոցա: Երանի՛ առն որում ոչ համարեսցի Տէր զմեղս նորս, և ոչ գոյ նենդութիւն ի բերան նորս 1 »), ի կարծէն էթէ թողեալ իցեն ինքեան մեղք իւր: Եւ դարձեալ. «Օրհնեա, անձն իմ, զՏէր, և ամենայն ոսկերք իմ զանուն սուրբ նորս. Օրհնեա անձն իմ զՏէր, և մի մտանաբ զամենայն տուրս նորս. Ո քաւէ զմեղս քո, բժշկէ զամենայն հիւանդութիւնս քո... Ոչ ըստ մեղաց մերոց աւարտ մեղ Տէր, և ոչ ըստ անօրէնութեան մերում հատոյց մեզ: Որչափ հեռի են արեւելք յարեւմտից՝ այնչափ հեռի արար ի մէնը զանօրէնութիւնս մեր 2 »):

1 Սղմ. ԼԱ. 1, 2: — 2 Սղմ. ՃԲ. 1, 2, 3, և այլմ:

Ո՛վ, որպիսի անդորր է խղճի, մտայ խռովելոց ընդ ոճիրս իւր և պահուցելոց ի ստիպմանէ արդարութեանն Աստուծոյ, վայելելն մարմնով և արեամբ Գրիստոսի՝ զչնորհս թողութեան մեղաց, և այնու իսկ ջնջել զամենայն հետս նոցին: Գիտասցուք, զի Հաղորդութիւն՝ բժշկութիւն է մեղաց. եթէ մաքրեսցուք զանձինս ի մեծամեծացն՝ ջնջեսցէ նա զփոքունսն, և տացէ մեզ զօրութիւն զգուշանալոյ ի փոքունց և ի մեծաց: Մեղք են որ անըրպեսեն ընդ Աստուծան ընդ մեզ մաքրել զանձն ի մեղաց՝ բարձունն է անըրպեսութեան, և կատարուն գրկախառնունութեանց երկնաւոր փեսային ընդ հարսին եկեղեցւոյ՝ առաւել ևս ջերմագոյն և մաքրագոյն:

ԻԶ. Յիսուս զենի մեր և կերակուր:

« Այնպէս սիրեաց Աստուծած զաշխարհ, մինչև զՈրդին իւր Միածին էա. զի ամենայն որ հաւատայ ի նա՝ մի կորցէ, այլ ընկալցի ըզկեանսն յաւիտենականս <sup>1</sup>»: Զմինչ է տալն զՈրդին Միածին: — Է տալն զնա ի մահ, ըստ ուրում ասաց յառաջագոյն. « Որպէս բարձրացոյց Մովսէս զօձն յանապատին, նոյնպէս բարձրանալ պարտ է Որդւոյ մարդոյ <sup>2</sup> ». այսինքն է բարձրանալ և զնեւ ի խաչ: Այսպէս ասչա

1 Յովն. Գ. 16: — 2 Նոյն, 14:

էա Աստուծած զՈրդին իւր Միածին. էա զնա ի մահ, և ի մահ խաչէ: Այլ զխաչոյդ էա Աստուծած զՈրդին իւր Միածին ի մահ: Որդի Աստուծոյ, յորում կեանքն էր, և ինքն իսկ էր կեանքն, զնա՞րդ մեռանէր: — Որպէս զի հարս լիցի մեռանելոյ, Աստուծած արար զնա մարդ և որդի մարդոյ՝ հրաշալի օրինակաւ, անխմանալի անհասանելի մտաց, ամենեւին ճշմարիտ, ամենեւին էական, այլ անմահ և հիացուցել ամենայն բունութեանց. և այսու օրինակաւ ի գլուխ ելին կամքն Աստուծոյ, զի Որդին մարդոյ որ էրն միանգամայն և Որդի Աստուծոյ՝ բարձրացի ի խաչ, և մահնեցի ի մահ վասն փրկութեան աշխարհի: Արդ այնքան սիրեաց Աստուծած զաշխարհէ: Արդ այնքան սիրեաց Միածին էա: Նախ՝ խարհ՝ մինչև զՈրդին իւր Միածին էա: Նախ՝ էա զնա աշխարհի՝ ի մարմնառութեան իւրում, և ապա էա զնա աշխարհի՝ տալովն ի պատարագ նովն: Զմարմին զոր էառ՝ առ ի նմանող մեզ լինել և ի միանալ ընդ մեզ, տայ վերստին՝ ի տալն զնա ի զոհ մեզ:

Երկոքին այսոքիկ կատարելոց էին ի մարմնի Փրկչին մերոյ. մի, զի մարմնով գալոց էր Որդին Աստուծոյ առ ի միանալ ընդ մեզ և նմանող մեզ լինել. և միւս, զի նոյն Որդի Աստուծոյ պատարագելոց էր նովին մարմնովն առեցելով, և նուիրել վասն մեր զայն՝ զոհելով: Մնայ և երրորդ ինն կատարելի ի մարմնի անդ զոհեցելով: Հարկ է զի և կերելի՝ առ ի սպառ լրումն պատարագին, յաներկբայ գրաւական առնոյ Որդւոյ Աստուծոյ զմարմնն և զոհելոյ վասն

մեր, և բոլորովմբ մեզ տուեցեղոյ: Երրորդս  
ևս այս սքանչելի կատարեղոց են ի մարմնի Յի-  
սուսի: Եւ զխորդ արասցէ զայդ: Հարկ իցէ  
մեզ ուտել զմարմնն նորա կենդանի կամ մե-  
ռեալ՝ յատուկ տեսակաւ և բնութեամբ: Եւ  
զի հաւասար մարմնոյն տուեալ է մեզ և արիւն  
իւր յարբուսն, որպէս զի լիցի մեզ ի գրաւա-  
կան, եթէ վասն Թողութեան մեղաց մերոց հե-  
ղաւ, հարկ ինչ իցէ ըմպել զայն ըստ յատուկ  
տեսակին: — Քաւ լիցի: Եգիտ Աստուած հը-  
նարս, զի առանց ինչ կորուսանելոյ յեութենէ  
մարմնոյ և արեան իւրոյ, ընկալցուք զնոսին  
այլով իմն օրինակաւ քան զընծայեալն բնակա-  
նապէս՝ զգայարանաց մերոց: Այսու օրինակաւ  
ընդունիմք զէութիւն երկոցուն եւս. և ի տալն  
մեզ զայն օտար տեսլամբ՝ բառնայ ի մէջ Աս-  
տուած զխէթ զարհուրանաց ուտելոյ զմարմնն  
մարդկեղէն և ըմպելոյ զարիւն մարդկեղէն՝ ըստ  
յատուկ նոցին կերպարանաց:

Եւ զխորդ արար զայդ: — « Էառ հաց, և ա-  
սաց. Այս է մարմնն իմ »). Զջմարիտ մարմնն իմ,  
այլ ընդ հացի կերպարանաւ. էառ բաժակ լը-  
ցեալ գինեաւ, և սասաց. « Այս է արիւն իմ »).  
Զջմարիտ արիւն իմ, ընդ տեսլամբ գինեոյն՝ զոր  
արկի ի բաժակս, և զոր մատուցանեմս ձեզ:  
Արդ, զոր օրինակ որպէս զի Որդին յաւիտենա-  
կան և անմահ՝ կարող լիցի մեռանել, որդի մար-  
դոյ արար զնա, նոյնպէս և զի մարթասցի ու-  
տել ի մարմնոյ անտի և ըմպել յարենէն, հաց  
արար զմարմնն զայն՝ օրինակաւ իմն. քանզի

զգեցոյց զմարմնն իւր տեսակաւ և տեսլամբ  
հացին. կամեցաւ զի և արիւն իւր հեղցի ի բե-  
րանս մեր և հոսեացի ի մեզ՝ տեսլամբ և կեր-  
պիւ գինեոյն: Ունիմք արդ զէութիւն երկա-  
քանչիւրոցն. ի կատարուսն քան հին օրինակքն.  
հաւասար մեր գոհանան. ընու վախադ սիրոյ մե-  
րոյ, ունի զՅիսուս բովանդակ, յատուկ և ճըշ-  
րոյ, ունի զՅիսուս բովանդակ, յատուկ և ճըշ-  
մարիտ գոյութեամբն: Եկեղեցի ճաշակէ զնա.  
եկեղեցի ընդունի զնա. որպէս հարան՝ վայելէ  
մարմնով նորա. միանայ ընդ նմն՝ մարմնն առ  
մարմնն, ի միանալ ընդ նմա և սիրտ առ սիրտ,  
որդի առ որդի:

Եւ զխորդ այս ամենայն կատարեցաւ: —  
Այնպէս սիրեաց Աստուած զաշխարհ: Սիրոյ՝  
ամենայն ինչ հնարաւոր է, սէր և անհնարիցն  
իմն կարող է, առ ի լրուսն ըզձից իւրոյ և ըզ-  
ձից տենչալոյն: Այսպէս և զանհնարինն արար  
Աստուած վասն մեր. վասն մեր՝ ասեմ. զի նմա  
Այլ չիք ինչ անհնար, ամենայն կարելի է նմա: Այլ  
որ անհնարինն էր բնութեան առնել, և մարդ-  
կային մտաց ըմբռնել, արար զայն: Որդին իւր  
եղև որդի մարդոյ, և մերձեցաւ ի մեզ. բնու-  
թիւն մարդոյս, զոր արկ իմն նա ընդ ինքն և  
թիւն մարդոյս, զոր արկ զնա՝ ինքնին անձամբ գալոյ  
առ մեզ, և իբրև Աստուած իսկ. այլ, նա մանա-  
ւանդ, եկն մարդով իսկ. և մարմնն զոր էառ՝  
կապանք եղէն մեզ ընդ նմն: Այսպէս և յոր-  
ժամ Որդին մարդոյ տուեալ եղև ի մահ, ստու-  
գապէս Որդին Աստուծոյ մեռանէր ինքնին՝ բը-  
նութեամբն զոր էառ: Արդ, եթէ հարկ իցէ ճա-

չափէլ ի մարմնոյ անտի տուէլոյ մեղ ի զենքի, սէր նորա գտցէ աղաքս հնարից: (« Առէք, կէրայք, այդ է մարմին իմ »). մի քննէք զորպէսն. ձեզ գոյութիւնն պիտոյ է. զի ի գոյութիւնն միացաւ աստուածութիւնն և կեանքն: Ընդ տեսեամբ հացիդ՝ իմ մարմինս է. ընդ տեսեամբ գինւոյդ՝ այն արիւն է՝ որ վասն ձեր հեղաւ: Կերայք, արբէք. ձեր է ամենայնն. մի այնմ ուշ կալլիք՝ զոր զգայութիւնքդ առաջի դնեն. առ հաւատս ձեր բարբառիմ, դմա ասեմ, (« Այդ է մարմին իմ »). յուշ լիցի ձեզ, զի ես եմ որ ասեմ զայդ: Ոչ որ՝ բաց յինէն, ոչ որ՝ բաց յԱստուծոյ, ոչ որ՝ բաց յՈրդւոյ Աստուծոյ՝ որով ամենայն ինչ եղեւ, կարող էր զայդ օրինակ խօսել: — Յնչ լիցի ձեզ՝ զի ընդ կերպարանօք հացիդ և գինւոյդ՝ մարմին իմ և արիւն իմ են, զոր տամ ձեզ, մարմինն տուեալ ի մահ, արիւնն հեղեալ ի թողութիւն մեղաց ձերոց:

Իսկ զիմորդ այս ամենայն եղեւ: — (« Այնպէս սիրեաց Աստուած զաշխարհ »): — Միայն հաւատալ մնայ մեզ, և ասել ընդ աշակերտին սիրեցելոյ. (« Մէք հաւատացաք և ծանեաք զէնն Աստուծոյ՝ զոր ունի առ մեզ <sup>1</sup> »): Ո՛վ գեղեցիկ խոստովանութեանս հաւատոյ. գեղեցիկ դաւանումն: — Զինչ հաւատաս դու, քրիստոնեայդ: — Հաւատամ ի սէրն Աստուծոյ՝ զոր ունի առ իս. հաւատամ զի ես ինձ զՈրդին իւր.

1 Ա. Յովն. Գ. 16:

հաւատամ՝ զի եղև նա մարդ. հաւատամ զի եղև ինձ ի կերակուր. և զի ետ ինձ զմարմին իւր յուտել և զարիւն իւր յըմպել, այնպէս դոյացաբար՝ որպէս էառն և պատարագեաց զերկոսին ես: — Այլ զիմորդ այդմ հաւատաս: — Քանզի հաւատամ ի սէր նորն, որ և անհնարիցն է կարող վասն իմ. որ կամի և առնէ զայն: Հարցանել միւս եւս զիմորդ, թերահաւատութիւն է ի սէր նորա և ի կարողութիւն:

Եթէ հաւատամք յայդ սէր, նմանողք եղելցուք դմին: Յորժամ զփառաց և զճառայութենէ Աստուծոյ բանք եցեն, չէ օրէն եռանդեան մերոյ գտանել ինչ անհնարին (« Եթէ հաւատաս, ասէ, ամենայն ինչ հնարաւոր է այնմ որ հաւատայն <sup>1</sup> »): Միս դիր, (« Եթէ հաւատաս »). ամենայն դժուարութիւն ի հաւատալն է. այլ եթէ միանգամ հաւատաս՝ ամենայն ինչ հնարաւոր է քեզ. գործակից լինի Աստուած եռանդեանդ, և կարողութիւն նորա հասանէ քեզ ի թիկունս: Դժուարութիւնն յալթասալքելն ոչ է ի գործսն՝ զոր կայ քեզ առնել վասն Աստուծոյ, այլ ի քեզ իսկ է, ի հաւատս քո. (« Եթէ հաւատաս »): Այլ Աստուած օգնական լինի մեզ առ ի հաւատալ: — (« Հաւատամ, Տէր, օգնեա անհաւատութեանս իմոյ »):

1 Մարկ. Թ. 22-23:

իէ. Խոստովան Յիսուսի տարոյ զհարմիս իւր և զարիւն ի հարորդոսրեան: — Յովն. 2. 32-59:

Առ ի վերայ հասանել ամենայն խորհրդոյ կամաց Որդւոյն ի Հաղորդութեան, անկ է ուն կրն գնել ասացելոցն ի նմանէ, ըստ աւետարան չին Յովհաննու. ուր և տեսանեմք երիտ ինչ առնել նորա: Նախ, բացայայտ մեզ զոր տայն. երկրորդ, զօգուտն զոր անտի շահիցիմք. երրորդ, զհնարս շահելոյ զօգուտն: — Տուեալն առ մեզ մարմին իւր է և արիւն. և ի սկսանելն ճառել զայսմանէ, ձայն վերացուցանեն մարդիկ. «Զիմորդ կարէ դա տալ մեզ ուտել զմարմին իւր<sup>1</sup>»: Մարգա՝ միշտ ընդ հակառակս անձին իւրոյ և հակառակս բարեացն Աստուծոյ դատի: Յորժամ Յիսուս առ ի պատրաստել զմեզ առ խորհուրդն՝ զոր աւանդելոց էր եկել զեցեոյ իւրում՝ յաւուր ընթրեացն, ասաց տալ մեզ զմարմին իւր յուտել և զարիւնն յըմպել յերիտ մոլորութիւնս կործանեցան Հրեայքն: Համարեցան եթէ զմարմնոյ լիւր մարդոյ ասելցն, զորդւոյ Յովսեփայ. այս նոցա առաջին մոլորութիւն. մարմին նման մնոյ որով կերակրին մարդիկ. այս երկրորդ մոլորութիւն. և մարմին՝ զոր ծախեալ սպառելցեն յուտելն, և այս երրորդ:

Ընդդէմ առաջնոյն ասէ. «Ես եմ հացն կեն»

դանի իջեալ ի յերկնից<sup>1</sup>»: Ապա մարմինն զոր ճաշակեմք՝ ոչ է մարմին որդւոյն Յովսեփայ. մարմին է Որդւոյն Աստուծոյ, մարմին յղացեալ ի Հոգւոյն Սբբոյ և կերպացեալ ի կուսական արեւնէ: «Հոգին Սուրբ եկեսցէ ի քեզ, և զորութիւն բարձրելոյն ի վերայ քո հովանասցի. քանզի որ ծնանելոցն է ի քէն՝ սուրբ է, և Որդի Աստուծոյ կոչեսցի<sup>2</sup>»: Որ ծնանելոցն է ի քէն՝ առջր: Սուրբ, գոյական իմանի աստ, որպէս յայտ է գիտողացն զբերականութիւն և հասկացողաց զօրութիւն բարեցն. այսինքն է՝ Սուրբ ինչ գոյացապէս. որով եղանակաւ բանի յայտ առնի՝ զի սրբութիւն իսկական է ի Յիսուս առնի՝ զի սրբութիւն իսկական է ի Յիսուս Քրիստոս: Վասն էր: — Քանզի անձն նորա ինքնին իսկ սուրբ է, էական և գոյացական սրբութեամբ Որդւոյ Աստուծոյ: Վասն այնորիկ, ասէ հրեշտակն. Որդի Աստուծոյ կոչեսցի: Զի՞նչ է կոչելոյն. միթէ ոչ իցէ իսկապէս, և օրինակաւ իւրեք այնպէս անուանելի: — Օ՛հ անդր, ի բաց տար. նա մանաւանդ այնպէս կոչեսցի գերազանցօրէն: Հայրն որ ի յաւիտենից ծնանի զնա, ծնցի զնա ի ծոց Մարիամու: Զօրութիւն բարձրելոյն ի վերայ նորա հովանասցի, ներամտեսցէ ի ծոց նորին. և մարմին զոր ի կուսական արդանդէ անտի առնուցու Որդին Աստուծոյ՝ կերպասցի ի Հոգւոյ Սբբոյ: Ապա Սուրբ իցէ մարմինն այն սրբութեամբ Որդւոյն Աստուծոյ՝ որ յինքն միացուցանէ զայն:

լի իցէ կենօք, աղբիւր կենաց, կենդանի և կենդանացուցիչ ինքնին խոհ: Այսպէս եղծանի առաջինն մտորութիւն:

Առ ի հերքել զերկորդն, որ էր կարծէն՝ եթէ խոստացեալն ի Քրիստոսէ կեանք, էր հասարակաց այս և մահացու, կրկնէ և յաւելու ի ճառ բանիցն, եթէ մշտնջենաւոր կեանք են՝ և հոգւոյ և մարմնոյ, զոր տալն մեզ կամի: «Այս են կամք Հոր իմոյ, զի զամենայն զոր ետցիս Հայր՝ ոչ կորուսից ի նմանէ, այլ յարուցից զնա յաւուրն յեանուս... Եթէ ոք ուտիցէ ի հացէ յայսմանէ՝ կեցցէ ի յաւիտեան: Հացն զոր ես տաց՝ մարմին իմ է. զոր ես տաց վասն կենաց աշխարհի՝ 1 »:

Ի հերքումն երրորդի մտորութեանն Հրէից, որք համարէին մարմին ծախելի՝ յուտենն, ասէ ցնոսա. «Այդ գայթակղեցուցանէ՞ զձեզ» . ապա առաւել ևս զայթակղեցուցէ՝ «եթէ տեսանիցէք զՈրդի մարդոյ՝ զի եւանիցէ ուր էր զառաջինն 2 »: Որպէս թէ ասիցէ. Կերիցի մարմին իմ, որպէս և ասացի, այլ սակայն կացից մնացից էս կենդանի և անթերի: Որով և ի վերայ բերէ, թէ մի կարծէք եթէ զհասարակաց մարդկեղէն մարմնոյ ասիցեմ, կամ զմարմնոյ որդւոյն Յովսեփայ. և մի համարիցիք եթէ աւիցեմ ձեզ տալ մարմին առ պահուստ մահակնացու կենացդ, ապա և ոչ մարմին մանրելի և սպառելի յուտենն: Ըստ այսմ տեսութեան՝

«Մարմին ինչ ոչ օգնէ. Հոգին է կենդանարար. Բանն զոր ես խօսեցայ ընդ ձեզ՝ հոգի է և կեանք՝ 3 »: Թէպէտ և՛ ըստ կարգի բանիցն՝ ըզմարմնոյ և զարեւնի իւրմէ խօսի, ուտելոյ և ըմպելոյ զնոսին, այլ ամենայն զոր ասացն՝ հոգի է. ամենայն կեանք է. ամենայն միացեալ է ի հոգի և ի կեանս. քանզի մարմին իւր և արիւն՝ մարմին և արիւն են Որդւոյ Աստուծոյ:

Արդ, որքան բաղձալի են մեզ կեանք՝ այնքան ի դէպ է բաղձալ մարմնոյ՝ որ պարգևէն մեզ զայն, որ բովանդակէն զայն, և որ ինքն իսկ կեանքն է: «Գիտացի, եթէ զօրութիւն ել յինէն՝ 4)», էր այն զօրութիւն բժշկութեան արտաքեալ մարմնոց. որքան առաւել ևս ելցէ՝ առ ի կենդանութիւն հոգւոց: Մասիցուք ուրեմն առ մարմինն այն, մերձեսցուք, կերիցուք: Ելցէ անտի զօրութիւն կենսատու հոգւոյ մերոց, որ և զմարմին կենդանացուցէ ի պահուստ իւրում:

Նոյն բան է և վասն արեան Յիսուսի. լի է արիւնն այն կենդանարարաւ մեզ զօրութեամբ, զի արիւն է Որդւոյ Աստուծոյ. արիւն նորոյ ուխտի, որպէս ասէ ինքնին. այսինքն է, ըստ մեկնութեան Պողոսի, «Արիւն յաւիտեանկան ուխտին, որ եհան ի մեռելոց զհոգիւն հօտից՝ զմեծն 5 »: Ապա ուրեմն ինքն իսկ յարեաւ ի մեռելոց զօրութեամբ արեան իւրոյ, քանզի չարարանօք իւրովք մտանելոց էր ի փառս իւր: Այնուարեամբ, արեամբ կտակարանաց և ուխ-

տին յաւիտենականի՛ կայ և մեզ ժառանգորդս լինել արքայութեան նորին, և ունել կեանս յաւիտենականս: — Կերիցուք, արբցուք, կեցցուք, սնցուք, միասցուք ընդ կենաց՝ ի ձեռն այդր մարմնոյ և այդր արեան կենդանարարի: Էառ նա զայդոսիկ առ ի մերձենալոյ առ մեզ. « քանզի ոչ եթէ զհրեշտակաց բուռն հարկանէ, այլ զլաւակէն Աբրահամու բուռն հարկանէ ». զմարդկայինս ընուծիւն կամեցաւ առնուլ: « Արդ, որովհետև մարդիկ հաղորդեցին մարմնոյ և արեան, և ինքն իսկ մերձաւորուծեամբ կցորդ եղև նոցունց<sup>1</sup> », (այսինքն ի մարմնոյ և յարեան զուգիւ), այնու կցորդի ընդ մեզ, և այնու փրկէ զմեզ: Բազում անգամ ասացաք, և արժան է ոչ դադարել ի կրկնելոյ մարմինս այն և արիւն՝ կապանք եղեն կցորդութեան մերոյ ընդ նմա, գործիք փրկութեան մերոյ, աղբիւր կենաց մերոց. քանզի վասն մեր էառ զայնոսիկ. քանզի ի փրկութիւն մեր նուելեաց զայնոսիկ. քանզի դարձեալ առ ի կենդանացուցանել զմեզ սայ զայնոսիկ: Մատկցուք սրբազան իմն քաղցու առ կերակուրն երկնաւոր. անդ՝ ամենայն հոգի է և կեանք:

1 Երբ. Բ. 14-16:

ԻԸ. Հաշտար տան խերանոտ լինել խորհրդեանս պառիկ: — Յովն. 2. 43-70:

Ոչ է բաւական գիտել եթէ որպիսի պարգեւս ընկալլք ի Քրիստոսէ. արժան է և ուսանել ի նմանէ երկուս եւս ինչ իրս կարևորս, մի՞ ոգուան շահելի անտի, և միւս՝ հնարք ընդունելոյ զայն: Այս ամենայն մեկնաբանի ի վեցերորդում անդ գլխի աւետարանին Յովհաննու, զոր սկսաքս (քննել): Այլ յառաջ քան զամենայն՝ գիտելի է այս, եթէ Աստուծոյ միայն է կարողութիւն սալ մեզ զխեղամուծութիւն իրիդ, ըստ այնմ բանի, եթէ « Մի քրթմնջէք ընդ մեմեանս. ոչ որ կարէ դալ առ իս, եթէ ոչ Հայրն որ զիս առաքեաց՝ ձգեսցէ առ իս<sup>1</sup> »: Արդ, առ ի դալ առ Յիսուս և խեղամուծ լինել բանից նորա, հարկ է ձգել ի Հօրէ նորին: Եւ զինչ իցէ ձգելն ի Հօրէ, եթէ ոչ ուսանիլ Աստուծոյ, որպէս և յաւել Յիսուս. « Գրեալ է ի մարգարէս. Եւ եղիցին ուսեալք Աստուծոյ: Ամենայն որ լսէ ի Հօրէ և ուսանի՛ դայ առ իս: Ուրեմն ձգել ի նմանէ՝ է լսել ձայնի նորա, և ուսանիլ ի քաղցր և յամենազոր թելագորութեանէ և ներշնչութեանէ ճմարտութեանն: Որ այսպէսն ուսանի՛ ոչ ևս քրթմնջէ զբանից նորա. այլ լսէ և հաճեալ հաւանի. վասն որոյ և աւարտէ զբանն ասելով. « Են ոմանք ի ձեռն՝ որ ոչ հաւա-

1 Յովն. 2. 43-44:



տան, վանն այնորիկ ասացի ձեզ, թէ ոչ ոք կարէ  
գալ առ իս՝ եթէ ոչ իցէ տուեալ նմա ի Հօրէ  
խմէ՜ 1 »: Նա ուրեմն ձգի առ Յիսուս, որում  
տուեալ լինի հաւատալ նմա: Հայրն ձգէ զմեզ  
առ Քրիստոս, յորժամ աղբէ ի մեզ զհաւատոս:  
— Հաւատամ, Տէր, հաւատամ: Եւս էս յայն  
ցանէ՝ որք կամին ի բաց գնալ առ ի քէն, վանն  
բարձրութեան բանից քոց. այլ մանաւանդ ի  
նոցանէ եմ՝ որք ընդ Պետրոսի ասէն. « Տէր, առ  
ո՞վ երթիցուք. բանս կենաց յաւիտենականաց  
ուշիս. և մեք հաւատացաք և գիտացաք եթէ  
դու ես Քրիստոսն որդի Աստուծոյ՞ 2 »: — Հա  
ւատա՞ ուրեմն և գիտացցես: Հաւատա՞, նախ,  
որպէս ճշմարիտ որդի եկեղեցւոյ, հլու և լոտդ,  
և արդարեւ ուսեալ յԱստուծոյ: Յետ ուսանե  
լոյ յԱստուծոյ և քաղցրութեամբ ձգեալ լի  
նեւոյ ի հաւատոս, ձգիցիս և ի խելամոռութիւն,  
որքան կարևորն իցէ ի հաստատութիւն հաւա  
տոցդ. և ասիցես յամենայն դէպս, և ի վեր քան  
զամենայն՝ ի հաղորդութեան. « Հաւատացաք  
և գիտացաք զի Գու էս Քրիստոսն Որդի Ա  
ստուծոյ »: Չէ և այդ բաւական, յառաջ ևս մա  
տիցուք, ի յետագայ բանսդ, կամօքն Աստու  
ծոյ: Աղաչեսցուք զՀայր Յիսուսի Քրիստոսի,  
որ հաճեցաւն լինել և մեզ հայր, զի ձգեսցէ  
զմեզ, ուստեսցէ զմեզ ի ներքուստ, լսելի ա  
րացէ մեզ զձայն իւր, և աղբոյ՝ զբարբառ իւր:

1 Յովն. 9. 65-66: — 2 Նոյմ, 69, 70:

իթ. Պտոշոյ հարորդոքեան՝ յաշխուհախն  
կեանքն եւ. — Յովն. 9. 26-35-46:

Երկու ինչ գտանեմք ի նշանակեալ բանսդ.  
զպտուղն հոգեւոր՝ շահելն ի Հաղորդութենէ,  
և զհնարս շահելոյ զպտուղն: Դիւրին է իմանալ  
զպտուղն. զի է քեցել զմեզ ի կենացս և յա  
րել յԱստուած: Զայս՝ մեկին բանիւք բացա  
յայտէ Քրիստոս, այսպէս ասելով. « Ամէն ա  
մէն ասեմ ձեզ. ինդրէք զիս, իբր ոչ եթէ զի  
նշանս ինչ տեսէք, այլ զի կերայք ի հացէ ան  
տի (զոր բազմացուցի յանապատին) և յագեցա  
րուք. երթայք գործեցէք, մի զկորստական կե  
րակուրն, այլ զկերակուրն՝ որ մնայ ի կենանն  
յաւիտենականս, զոր Որդին մարդոյ տացէ ձեզ.  
քանզի զնա Հայր կնքեաց Աստուած՜ 1 », տալ  
ւորեալ ի նմա զինիք իւր և զկերպարանս, և  
բազմապատիկ սքանչելեօք հաստատելով զվար  
դապետութիւն նորա և զառաքումն: — Ահա  
պարզապէս խօսիս, ո՞վ Փրկիչ իմ. այս էս կամք  
քո, թափել զմեզ ի կորստական կերակրոյ և  
ի կենաց, որ բովանդակ ինամք են մեր, յոր  
սակս վաստակիմք զամս ողջոյն, և զամենայն  
փոյթ և ջան մեր արկանել ի գիւտ անկորուստ  
կերակրոյ և կենաց: Ուս՝ ինչ, Փրկիչ իմ, և  
ձգեա զիս զարմանալի եղանակաւք, որ յօժա  
րեցուցանէ զանձն մատչել առ քեզ: Գարշեց՜

1 Յովն. 9. 26-27:

ինձ զամենայն խնամ՝ որ յանգիցի ի կեալ առ ի մեռանել։ քաղցրացս ինձ զճաշակ կենաց անմահականաց։

« Զինչ նշան առնիցես, զի տեսցուք և հաւատասցուք<sup>1</sup> »: Զինչ ինչ զարմանալիս գործես: Արդարև յագեցուցեր զվեզ հացիւ յանապատին. այլ զվնչ նմանութիւն իցէ հացիդ՝ ընդ մանանային՝ զոր ետ Մովսէս հարցն մերոց, վասն որոյ գրեալն է. « Լաց յերկնից ետ նոցա ուտել »: Քո տուեալ հացդ՝ երկրային էր. և այն քան խտիր ընդ քեզ և ընդ Մովսէս՝ որքան ընդ երկիր և ընդ երկինս: Յայտնապէս երևի ի բանիցդ, զի միայն զառօրեայ կենաց պարենի փոյթ էր նոցա (որք զայս ասեն), և զի ոչ վայրապար կշտամբեաց Քրիստոս զմարմնասէր փափագ նոցա. զի ոչ վերացուցանեն զմիտս իւրեանց անդր քան զմանանայն, որով կերակրեցան մարմինք նոցա յանապատին. չեն նոցա ծանօթ այլ երկինք՝ բայց ամպքն յորոց առաքեցաւ նոցա մանանայն. ոչ յիշելով զի յորինակ Քրիստոսի որ բերելոց էր նոցա կեանս յաւիտեանական՝ կոչեցաւ այն՝ հաց երկնից և հաց հրեշտակաց: Վարի ուրեմն նա բանիւ Սուրբ Գրոց՝ որք մեծացուցանել կամին զսքանչելիս մանանային, առ ի բարձրացուցանել զմիտս առ ճշմարտան հաց հրեշտակաց, առ ճշմարտութիւնն՝ որ երանելիս առնէ զնոսա, և որ մարմնառութեամբն՝ ընտանի և զգալի եղև մարդ-

կան առ ի կենդանացուցանել զնոսին: — Արդ՝ ասէ ցնոսա. « Իջի ես ի յերկնից. Որ գայ առ իս՝ ոչ քաղցիցէ, և որ հաւատայ յիս՝ ոչ ծարաւեսցի յաւիտեան »: Ապա ինքն է « հացն ճշմարտա՝ կերակուր հոգւոց՝ որք գանն առ նա հաւատովք: Այլ սակայն մի յուսասցին մարդիկ հպել առ նա՝ յաստուածութեանն կուտէ, և ոչ միանալ իսկ և իսկ ի նա. զի կարի ի վեր է բանդ այդ առ մեղաւոր բնութիւն՝ մատնեալ ի զգայութիւնս մարմնեղէնս: Մարդ եղև ինքն առ ի մերձեանալ ի նոսա. մարմինն զոր էառ՝ միակ միջնորդ է տուեալ նոցա առ ի նմանէ՝ առ ի միանալ ընդ նմին. և վասն այսորիկ իսկ ելից զայն աստուածութեամբ. ուրեմն և հոգւով և շնորհօք, կամ որպէս Յովհաննէս ասէ « Ծնորհօք և ճշմարտութեամբ », և այլուր « Ոչ չափով տուաւ նմա հոգին », և « Ի լրութենէ անտի նորա մէք ընկալաք »: Յորմէ հետևանայ, եթէ ունիմք մէք ի նմա կեանս ճշմարտոս, կեանս յաւիտեանական, կեանս հոգւոյ և մարմնոյ. և ոչ ճշգրտապէս ի նմա՝ որպէս Արդի Աստուծոյ, այլ ի նմա՝ որպէս Արդի մարդոյ. քանզի անտի սկիզբն առնէ: Գուն գործեցէք պատրաստել ձեզ զկերակուրն՝ որ սացի ձեզ յԱրդւոյ մարդոյ. բայց միայն զի և հաւատասալեք՝ եթէ հաց է նա իջեալ յերկնից, այսինքն է Արդին Աստուծոյ. և զի հաւատասալեք՝ եթէ մարմին իւր՝ զոր սայ ձեզ ի կենդանութիւն՝ լի է հոգւով և կենօք: — Այսպէս վախճանն յոր ածել կամի՝ կենդանարարութիւն մեր է,

1 Յովն. 9. 30-31:

այլ յաւխտենական կենօք. և ընդ Հոգւոյ և ընդ մարմնոյ: « Այս են կամք Հօր խնոյ, ասէ, զի զամենայն զոր էա ցիս՝ ոչ կորուսից ի նմանէ. և առ ի տալ կեանս հոգւոյ և մարմնոյ՝ « Յարուցից զնա յառուրն յետնում » . և դարձեալ. « Հարքն ձեր կերան զմանանայն յանապատին և մեռան... Որ ուստիցէ ոք ի սմանէ՝ մի մեռանիցի <sup>1</sup> »):

Այս ուրբեմն է պտուղ Հաղորդութեան, հաստատեալ ի լրումն ըզձեց մերոց առ ի կեալ և վասն այսորիկ տալ մեզ կեանս յաւխտենականս, ի հոգին՝ ծանուցանելով զճմարտութիւն, և ի մարմինն՝ փառաւոր յարութեամբն:

Ո՛վ Տէր, իմ իմիք փափազիցեմ. — կենաց: կեալ ի քեզ, կեալ վասն քո, կեալ քեւ, և քոյին յաւխտենական ճմարտութեամբ. կեալ բոլորովիմբ. կեալ ի հոգւոյ, կեալ իսկ և ի մարմնի. մի երբեք կորուսանել զկեանս. կեալ միշտ և հանապազ: Չայս ամենայն ունիմ ես ի Հաղորդութեան. ունիմ ուրբեմն զամենայն, և չմտայ ինչ այլ բայց վայելէն:

Լ. Անյագ տեսել Հարրոյոռքեան: — Յովն. Գ.  
34-40-47:

« Տէր, տուր մեզ զհացն զայն » . զհացն՝ զոր մէ ասացեր տալ կեանս յաւխտենականս: Չայս

ասեն Հրեայքն. և այդու յայտ առնեն զբոլոր մարդկային բնութեանս իղձ, կամ լաւ ևս աւսել զբոլոր բանական բնութեան: Կամի սա կեալ յաւեժաբար. կամի լիապատար լինել, և համօրէն փափազէ երանելի լինել: Չայս յայտ առնէր և Սամարուհին, յասելն ցնա Քրիստոսի. « Կին դու... որ բմբէ ի ջրոյն զոր էս տաց նմա՝ մի ծարաւեսցի յաւխտեան », անդէն և անդ պատասխանելով. « Տէր, տուր ինձ զլուրն զայն, զի մի ծարաւեսցից, և եկից այսր հանել ջուր <sup>1</sup> », ի խորոյ ջրհորոյ աստի, այսքան աչխատանօք: Ասեմ դարձեալ. Յրջանկութեան փափազէ բնութիւն մարդոյս. չկամի քաղցնուլ և ծարաւել, չկամի կարօտանալ իմիք, ոչ բաղձալ իմիք, ոչ աշխատել, ոչ վաստակել, և այդ զինչ իցէ, եթէ ոչ երջանիկ լինել: Այս են իղձք բնութեանս մարդկայնոյ. այս խնն նորա: Այլ խաբի ի հնարան. ծարաւի զբայական հեշտութեանց. կամի գերազանցիկ լինել, փափազէ փառաց աշխարհայնոց. և առ գամագլուտ լինել սոցին՝ ըզձայ փարթամութեան. անյագ է ծարաւ նորա. հանապազ ինդրէ, և երբեք ոչ ասէ շատ. միշտ առաւել ևս, միշտ առաւել ևս: Հետաքնին է. ճմարտութեան ծարաւէ, այլ ոչ գիտէ ուր զայն գտանել, կամ որով ճմարտութեամբ յագենալ. և զոր առձեռն ինչ գացէ՝ հաւաքէ աստի և անտի, բարւոք կամ չարաչար հնարիւք. և զի թեթեւ է ամենայն վայրաքնին

հոգի, դիւրախաբ լինի յամենեցուն՝ ողբ խոստանայցեն նմա զինդրեալն ճշմարտութիւն: — Կամիցլ՝ս չբաղնուլ, չծարաւել բնաւ. մատեր առ հասն անկորուստ, և առ Որդին մարդոյ՝ որ մատակարարէ քեզ զայն. առ մարմին նորա, ասեմ, և առ արիւն, յորում են միանգամայն և ճշմարտութիւն և կեանք. քանզի մարմին և արիւն է՝ ոչ որդւոյ Յովսէփայ, որպէս Հրեայքն ասեին, այլ Որդւոյ Աստուծոյ: — Ո՛վ Տէր, տուր ինձ հանապազ զհասն զայն: Ո՞ ոչ քաղցիցէ դմին. ո՞ ոչ փափագիցէ բազմել ի սեղանքո: Ո՞ կամիցի թողուլ ելանել անտի:

Այլ առ առաւել ևս մեղ զեղ ի փափագ մատչելոյ յայն, ազգ առնէ Յիսուս, եթէ ոչ դիւրին ինչ է այդ, ոչ հասարակ ինչ. այլ հարկ է սիրելի գող Աստուծոյ, մատչել ձգել, ազգել, ընտրել ի նմանէ: Տեսէք, քանիք ի լողացն ի բաց գնան ի նմանէ. ոմանք քրթմնջեն, այլք դայթակղին. իւր իսկ աշակերտքն թօթափին ի նմանէ. և են իսկ յառաքելոց անտի որ ոչ հաւատան ի նա: Որքան անհաւատքն ի բաց հեռանան, այնքան մօտադոյնս վայելէ մատչել աշակերտացն ճշմարտից: Եկայք, լուսարուք, երթայք զհետ Հօրն՝ որ ձգէն զձեզ, որ ուսուցանէն զձեզ ի ներքուստ. որ տայ ձեզ իմանալ զկարիս ձեր, և զստոյգ հնարս յագելոյ՝ ի Քրիստոս Յիսուս: Կերայք, արբէք, մարութք, լցարութք, յագեցարութք: Անյագութիւն ձեր՝ իցէ առ նա, առ ճշմարտութիւն նորին, առ սեր նորին. քանզի ասէ իմաստութիւն յաւիտենական՝ զանձնէ

խօսելով. «Ոյք ուտեն զիս՝ տակաւին քաղցելցեն, և ոյք ըմպեն զիս՝ տակաւին ծարաւեսցին<sup>1</sup>»: Բա՛բէ. իսկ մեք ի նորին իսկ բերանոյ լուաք, եթէ, «Որ ըմպէ ի ջրոյն՝ զոր ես տաց նմա՝ մի ծարաւեսցէ յաւիտեան<sup>2</sup>»: և դարձեալ. «Որ դայ առ իս՝ ոչ քաղցիցէ. և որ հաւատայ յիս՝ ոչ երբեք ծարաւեսցի»: Ոչ իմեք քաղցիցի կամ ծարաւիցի՝ բայց ինձ. այլ անյագ եցէ քաղց նորա և ծարաւ առ իս, և փափագն անդադար: Եւ թէպէտ անյագ, այլ գրտցէ յագուրդ. զի բերան նորա յաղբիւր անդրիցէ. «Գետք յորովայնէ նորա բղխեսցեն ջրոց կենդանութեան<sup>3</sup>»: — Զուրն՝ զոր ես տաց նմա՝ եղիցի նմա աղբիւր ջրոյ՝ բղխելոյ ի կեանսն յաւիտենականս: Փափագեսցէ ուրեմն հանապաղ ճշմարտութեան իմոյ. այլ և կարասցէ ըմպել հանապաղ. և տարայց զնա առ կեանս՝ ուր և փափագելոյ անգամ չիցեն պէտք. քանզի բերկրեցուցից զնա գեղով երեսաց իմոց, և Լըցուցից զամենայն իղձս նորա: — Ե՛հ արդ, Տէր Յիսուս, Էհ: Հողին ասէ հանապաղ, Ե՛հ: Հարսըն ասէ հանապաղ, Ե՛հ: «Գուք ամենեքին որ լնէքդ, ասացէք, Ե՛հ: Եւ որ ծարաւիցիցէ՝ եկեսցէ. և որ ոք կամի առնուլ զԼուրն կենաց ձրի<sup>4</sup>»: Եկայք. ոչ ոք ի բաց արոհի: Եկայք. չկան ինչ աշխատանք առ այդ, բայց առ կամեն և եթ: Գայցէ ժամանակ՝ յորում ոչ եւս ասիցի, Ե-

1 Միր. ԻԴ. 29: — 2 Յովն. 2. 35: — 3 Նոյն, Է. 38. — Դ. 14: — 4 Յայտն. ԻԲ. 17, 20:

կայք: Յորժամ եկեալ հասեալ կայցէ փեսայն  
 և վարդուց ցանկացեալ, ոչ եւս իցեն պետք ասե-  
 լոյ, Եկայք: Յաւերժաբար ասացի Ամէն: Այո,  
 այդպէս. ամենայն ինչ կատարեալ է. Ալէլուիա.  
 Օրհնեսցուք զՏէր<sup>1</sup>. զամենայն ինչ բարեոք ա-  
 բար. կատարեաց զամենայն զոր խոստացան.  
 և չմնայ ինչ այլ առնել, բայց տալ նմա փառս:

ԼԱ. Նոր քրքրմնչողք Կափառնայիմացիք: —  
 Յովն. Ե. 64:

Լուիցուք սակաւիկ մի և քրթմնջողացս. չա-  
 սեմ զժողովրդեանն Հրէից, զԿափառնայիմացն  
 և զլոյլոյ, զորոց ճառէ աւետարանագիրն Յով-  
 հաննէս. լուիցուք քրթմնջողացն քրիստոնէից,  
 որք երևեցուցանեն զանձինս հէռի լինել ի կար-  
 ծեաց Կափառնայիմեանցն, և ասեն. Մէք չեմք  
 նման նոցա: Եթէ գիտացեալ էր նոցա թէ ու-  
 տելն և ըմպել՝ զոր ասացն Յիսուս՝ հաւատքն  
 էին, ապաքէն չէր նոցա քրթմնջեալ, և ոչ թո-  
 զեալ ի բաց գնացեալ ի նմանէ. յայս ուրեմն  
 յանգի ամենայն, եթէ հաւատալ արժան է.  
 այլն ամենայն ինչ ոչ օգտէ, ասեն, ըստ յետին  
 մեկնաբանութեան Քրիստոսի, եթէ « Հոգին է  
 է կենդանարար, մարմին ինչ ոչ օգտէ. զբանն՝  
 զոր ես խօսեցայ ընդ ձեզ՝ Հոգի է և կեանք<sup>2</sup> »:

1 Յայտմ. ԺԹ. 4: — Յովն. Զ. 64:

Այլ էս, Փրկիչ իմ, ոչ գումարեցայ աստա-  
 նոր առաջի քո՝ առ ի վիճել կամ ընդդիմաբա-  
 նել. բայց սակայն զի ոչ վայրապար թոյլ տաս  
 հերեսութեանց, և ի հակառակորդաց խեղ ան-  
 տուստ կամիս լուսաւորագոյն առնել զճշմար-  
 սութիւնս քո, ապա ունին մատուցից քրթմնջ-  
 ջանաց հերեսիոկոտայցն, առ ի լաւ եւս իմանալ,  
 լաւ եւս վայելել զճշմարտութիւնս քո: Թուին  
 ինձ նոքա արդարեւ, որ զինչ և ասիցեն, թուին  
 նոր Կափառնայիմք, որք դան խլացուցանել զե-  
 կեղեցի քո՝ զբաղջր և հանդարտ, և զորդիս քո  
 ոչ վիճողս, ոչ հակառակողս, այլ հաւատարիմս,  
 շառաջմամբ հարցմանս. « Ձիւրդ կարէ դա տալ  
 մեզ զմարմին իւր յուտեալ<sup>1</sup> »: Եւ առնեն պա-  
 տասխանի յանդգնօրէն. Ոչ կարէ զայդ, ըստ  
 նշանակի բաւիցդ. այլ ի դէպ է իմանալ հո-  
 գեպէս. այսինքն է, ըստ նոցա մտացն, առակ-  
 օրէն համարել ասացեալ զայդ ամենայն վարդա-  
 պետութիւն: Քանի՛ թանձր մտաց է, ասեն,  
 կարծել էթէ աւելի քան զհաւատս և զոգի՛  
 պիտիցի և այլ ինչ պատրաստել ի ճաշակել ըզ-  
 մարմին քո և զարիւն: Լուիցուք արէ գամ մի  
 նրբամտացդ այդոյնիկ և բարձրախոհից, որք  
 պաւտելով հային ի հօտ քո խոնարհ, վասն  
 պարզապէս հաւատալոյ նորա բանից քոց, և  
 ոչ բռնազօտելոյ զիմաստն կամ զզօրութիւն՝  
 ըստ հաճոյս խեղաց իւրոց: Տուր ինձ, Տէր, չը-  
 նորհս, նշաւակել զընդունայն նրբութիւնս նո-

1 Յովն. Զ. 53:

ցին, և զորոգայթ՝ զոր լարեն տգիտաց՝ որք միանդամայն և հպարտք են. քանզի ցայն վայր ժպրհին՝ մինչեւ կարծեւ զեւզ ստորդ կափառ նայիմացիս վասն այն՝ զի ոչ կամիմք հաւատալ ընդ նոսա. և թէ՛ ասելով Հոգին է կենդանա ըրար, ասիցեմք՝ եթէ ոչ այլով իւրք է ճաշակել զմարմին քո և ըմպել զարիւնդ՝ բայց միայն հաւատովք: Իսկ նոցա մեկնաբանութիւն այս է. Մարմին ինչ ոչ օգնէ. այսինքն, եթէ ոչ ինչ օգնէ ուտեն իրապէս զմարմին քո. և « Բանն իմ հոգի է և կեանք », իմացեալ լինի, եթէ ամենայն մարմին իմ և արիւն՝ օրինակ իմն է: Այսոքիկ են, Տէր, բանք նոցա: Այլ ես ոչ գտանեմ այդպիսի ինչ յաւետարանի քում. կամիմ միւսան դամ ընթեռնուլ զայն և կշռել վերստին զմի մի ի բանիցն. և ակն ունիմ ոչ միայն հաւատովք, որպէս հաւատամ, այլ և բացայտակի խմանալ, եթէ հաճոյ իցէ քեզ, զի մոլորեալ են քրթմնջողքդ, և տան քեզ ասել զոր քո չէ աւացեալ: Այլ թողից, Տէր, այլում նուազի զընթերցուածդ. շատ իցէ ինձ այսօր յօգուտ՝ խոնարհութիւն իմ, և հնազանդութիւն մոացս՝ առ հաւաստ ուղղափառ եկեղեցւոյ քո:

ԼԲ. Քրիստոս տայ մեզ ձաշակել զնոյն մարմին՝ զոր եասն վասն մեր:—Յովն. 2. 29. 33. 50. 55. 59:

« Այս է գործն Աստուծոյ զի հաւատասալքե յայն՝ որ առաքեալայն զիս: — Ես եմ հացն կե-

նաց. որ գայ առ իս՝ ոչ քաղցիցէ, և որ հաւատայ յիս՝ ոչ երբեք ծարաւեսցի: — Որ հաւատայ յիս՝ ընդունի զկեանսն յաւիտեանականս<sup>1</sup>): Հաւատարիմ է ուրեմն՝ եթէ հաւատովք անկ է մեզ օգտիւ յերկնաւոր կերակրոյս, առ ընդունել այնու զկեանսն յաւիտեանականս. և չմնայ արդ այլ ինչ՝ բայց գիտել զոր ինչ ուսուցանեն այսօր՝ առ ի հաւատալ նմին: Արդ ուսուցանէ մեզ յայտնապէս, եթէ հարկ է հաւատալ երկուց այսոցիկ. նախ, զի Որդին Աստուծոյ էջ յերկնից, և էառ մարմին մարդկեղէն, որով եկն առ մեզ. երկրորդ, զի առ հաղորդ լինել կենաց՝ զոր ունի մարմնիդ այդ՝ պարտ է ուտել զայն: Զառաջինն ի ճշմարտութեանցդ ուսանիմք բանիւքս՝ բազում անգամ կրկնեցելովք. « Իջի ես յերկնից. Ոչ Մովսէս ես ձեզ զհացն յերկնից, այլ Հայրն իմ տայ ձեզ զհացն յերկնից զճմարիտ. զի հաց յԱստուծոյ է՝ որ իջանէ յերկնից և տայ կեանս աշխարհի: Իջի ես յերկնից, զի զկամն Հօր իմոյ արարից. և զամենայն զոր ետ ցիս Հայր՝ յարուցից զիս: — Այս է հացն որ յերկնից իջեալ է: Ես եմ հացն կենդանի՝ որ յերկնից իջեալ է<sup>2</sup> »: Ահաւաղիկ հիմն բովանդակ վարդապետութեանն Քրիստոսի, ամենեւին պարզապէս բացայայտեալ: այսինքն է, զի էջ նա յերկնից, որ է ասել մարմնացաւ, մարմին էառ: Ոչ ինչ ընդհատ և երկրորդն ճմարտութիւն,

1 Յովն. 2. 29, 35, 47: — 2 Յովն. 28, 32-3, 38-9, 50-1, 59:

այսինքն, եթէ հարկ է ուտել ի մարմնոյ անտի՛ առ ի հաղորդ լինել կենաց նորին, մեկնաբանեալ է, և ստէպ յեղյեղեալ ի վարդապետութեան անդ Որդւոյն Աստուծոյ, սկիզբն առնելով ի բանիցս. « Եւ հացն զոր ես տաց՝ մարմին իմ է, զոր ես տաց վասն կենաց աշխարհի » . որ՝ զի պատճառս ետ Հրէիցն ասելոյ ընդ մեմեանս, « Զխորդ կարէ դա տալ մեզ զմարմին իւր յուտել »), Որդին Աստուծոյ առաւել ևս բացայայտագոյն մեկնեալ՝ սնդէ եւս քան զեւս ասել. « Եթէ ոչ կերելիք զմարմին Որդւոյ մարդոյ, և արջիք զարիւն նորա, ոչ ունիք կեանս յանձինս » . (քանզի կեանք վասն ձեր են ի մարմնիս առեցեղում) . և առանց ընդմիջելոյ ըզբանս. « Որ ուտէ զմարմին իմ և ըմպէ զարիւն իմ՝ ունի զկեանսն յաւիտեանահանս » : Եւ ոչ դադարէ ի կրկնելոյ զնոյն, քանզի անդրէն ի վերայ բերէ. « Զի մարմին իմ ճշմարիտ կերակուր է, և արիւն իմ ճշմարիտ ըմպելի է : Որ ուտէ զմարմին իմ և ըմպէ զարիւն իմ՝ յիս բնակեացէ, և ես ի նմա . Որ ուտէն զիս՝ և նա կեցցէ վասն իմ : Որ ուտէն զհացս զայս՝ կեցցէ յաւիտեանս <sup>1</sup> » :

Տեսանէս, զխորդ խորագոյնս իմն վարէ Քրիստոս . և եւս քան զեւս յառաջէ յայդմ բանի . զերկնաւոր կերակրոյն ճառ ի ներքս արկանէ ի դէպս Երկրաւորն հացի՛ զոր ետ նոցա . և յառաջ խաղալ մինչեւ ասել՝ եթէ պիտոյ է նորա

ուտել զմարմին իւր և ըմպել զարիւն իւր . զոր և այնպէս ստէպ սնդէ՛ որպէս որ զմարմնաուտութենէն . ուսուցանելով այսու՝ եթէ անկ է մեզ այնպէս խակաբար ուտել զմարմին նորա և ըմպել զարիւնն, որպէս էառն ինքն զնոսին : Եւ այն է փրկութիւն մեր, այն է կեանք մեր . զի այսու եղանակաւ՝ ոչ առնու միայն հասարակօրէն մարմին մի մարդկային, այլ զմարմին միոյ միոյ ի մէջ, յորժամ իւրաքանչիւր ոք ի մէջ միոյ ի մէջ, յորժամ իւրաքանչիւր ոք ի մէջ մեր, յարէ ի մեզ զմարդեղութիւն իւր . և որպէս Սուրբն Իլարիոն ասէր . Ոչ կրէ, ոչ առնու մարմին, բայց զայնորիկ որ զիւրն ընդունիցի . չէ նա Փրկիչ մեր, և ոչ վասն մեր մարմնացի . Էթէ ոչ ընդունիցիմք և մեք զմարմինն՝ ցեալ, եթէ ոչ ընդունիցիմք և մեք զմարմինն՝ զոր էառ : Այսպէս փրկագործութիւն մեր ի զոր ելանէ ի հաղորդութեան, ճաշակմամբ մարմնոյ Փրկչին : Պարտ է առ այս՝ ընծայութիւն հաւատոյ . քանզի այնու լինի սկիզբն . պարտ է հաւատալ ի Յիսուս Քրիստոս՝ որ տայ զմարմին իւր յուտել, որպէս պարտ է հաւատալ ի Յիսուս Քրիստոս՝ որ էջ յերկնից և էառ զայդ մարմին : Այլ ոչ եթէ հաւատքն ինչոցին զՔրիստոս յերկնից և մարմին զգեցուցին . նոյնպէս ոչ հաւատքն ինչ տան զմարմինն ճաշակել : Եթէ հաւատամք և եթէ ոչ՝ այն այնպէս է . եթէ հաւատամք և եթէ ոչ՝ սակայն էջ Քրիստոս յերկնից ի մարմին մարդկային . եթէ հաւատամք և եթէ ոչ՝ Քրիստոս տայ ուտել զնոյն մարմին՝ զոր էառն . քանզի անդիմադարձ ա

սացաւ. « Այս է մարմին իմ<sup>1</sup> ». և ոչ եթէ Այս լիցի՝ եթէ դուք հաւատասջիք. որպէս անժխտելի ասացեալ է. « Եւ Բանն մարմին եղև ». Էջ Բանն յերկնից ի յերկիր, և ոչ թէ Բանն մարմին եղև ձեր հաւատովք, և իջանէ յերկնից՝ եթէ դուք հաւատասջիք:— Ո՛վ ճշմարտութիւն մարմնոյ ճաշակելոյ. այնպէս հաւատամ ի քեզ՝ որպէս հաւատամ ճշմարտութեան մարմնառութեան Որդւոյն Աստուծոյ, ճշմարտութեան իջանն Որդւոյ Աստուծոյ ի յերկնից: Որքան հզօրագոյնս հաստատես իս, Փրկիչ իմ, զհաւատս մարմնառութեանդ: Ահ, որ ոչն հաւատայ եթէ խկապէս ընդունիմք զմարմին քո յատուկ ի սեպհական և ճշմարիտ յերուստի գոյացութեան, ոչ հաւատայ ստուգիւ եթէ առեր դու զայն. և ոչ ունի մասն ի հացէն կենաց:


ԼԳ. Իրական ևերկայոչիան մարմնոյ և արեան Քրիստոսի ի Հաղորդոչեան:— Յովն. 2. 54-7.  
Մատթ. 12. 26-8:

« Եթէ ոչ կերելիք զմարմին Որդւոյ մարդոյ: Առէք կերայք, այդ է մարմին իմ: Եթէ ոչ արբէք զարիւն իւր: Արբէք ի դմանէ ամենեքին. այդ է արիւն իմ »: Ասել եթէ չգուցէ ինչ յա-

1 Մատթ. 7. 26:

րագրութիւն ի բանսդ, և թէ մին չիցէ պատրաստութիւն խոստման միւսոյն, և թէ վերջինն չիցէ կատարումն առաջնոյն, ասել իմն է՝ եթէ Քրիստոս որ իմաստութիւն է յաւիտենական, յանդէպ խօսիցի և գործիցէ: Յայտնապէս խօսեցաւ նա ըստ աւետարանին Յովհաննու՝ ի դուստին վեցերորդ, առ ի պատրաստել զհաստատութիւն խորհրդոյ գոհութեան. աւսաց անդ. « Երթայք գործեցէք զկերակուրն՝ զոր Որդին մարդոյ տացէ ձեզ ». և դարձեալ. « Եւ հացն զոր ես տաց՝ մարմին իմ է, զոր ես տաց վասն կենաց աշխարհի<sup>1</sup> »: Տաց, ասէ. ահա յայտնապէս խոստումն և պատրաստութիւն. ապա չեն ինչ զարմանք եթէ ընդ խոստումն և ընդ հաստատութիւնն՝ գուցէ յարագրութիւն բացերեւակ. ապա թէ ոչ մարթ էր նոյնպէս ասել, եթէ և յիջանելն ի Յորդանան, և յիջանելն Հոգւոյն Սրբոյ ի վերայ նորա երեւեալպէս, ոչ զըուսն ինչ սրբել կամէր և ոչ ցուցանել զհոգին՝ որով պարտ է մեզ, ասէր, վերածնանել: Այլ եթէ յայտնութիւն Երրորդութեանն ի մկրտութեան նորա՝ պատրաստեաց զյայտարկութիւնն զոր կամէր առնել մերումն (մկրտութեան), յորժամ ասացն. « Ինացէք, մկրտեցէք յանուն Հօր և Որդւոյ և Հոգւոյն Սրբոյ. և թէ գուցէ յարագրութիւն բացէրեւակի ընդ մկրտութիւն նորա և ընդ մերս, նոյնպէս և ընդ բանին զոր ասացն յաւետարա-

1 Յովն. 2. 27, 52:





նին Յովհաննու, « Եթէ ոչ ծնօլիք վերստին ի ջրոյ  
և ի Հոբելոյ <sup>1</sup> », ապա հարկ է հաւատալ եթէ  
նախապատրաստեաց և զհաստատութիւն Հա  
ղորդութեան, և թէ վասն այսորիկ են ասա  
ցեալքն ի վեցերորդում գլխի աւետարանին  
Յովհաննու, և առանց խկ այսպիսեաց բանա  
դատութեանց՝ յայտնի են իրքն:

Բացերեւ է յարագրութիւն բանիցն զոր ըն  
թեանումք յաւետարանի անդ Յովհաննու՝ ընդ  
հաստատութեանն. անդ՝ Ուտել, և աստ՝ Ու  
տել, անդ՝ Ըմպել, և աստ՝ Ըմպել, անդ Մարմին,  
և աստ Մարմին, անդ Արիւն, և աստ Արիւն.  
Ուտել և ըմպել զմարմին և զարիւնն ուրոյն ու  
րոյն, և աստ նոյնպէս: Եթէ ոչ ցուցանէ այս  
ճշգրտապէս՝ թէ այդ ամենայն մի և նոյն խոր  
հորդ է, մի և նոյն ճշմարտութիւն, ապա չիք  
բնաւ վերաբանութիւն և պատշաճողութիւն.  
Ճկայ ուրեմն առնչութիւն և հետեւութիւն ի  
հաւատամբ, և ոչ ի խօսս և ի գործս Փրկչին մե  
րոյ: Ապա եթէ Ուտելն և Ըմպելն՝ որ ըստ Յով  
հաննու, է Ուտել և Ըմպել հաստատութեանն  
անդ, ուրեմն (ասացեալն առ Յովհաննու) ու  
տելն և ըմպելն է բերանով. քանզի և ի հաստա  
տութեանն այսպէս է երեւելապէս: Եւ եթէ  
մարմինն և արիւն՝ որ ճառի առ Յովհաննու,  
ոչ է մարմին և արիւն՝ ըստ մտաց և ըստ օրի  
նակի, այլ ստոյգ մարմին և ստոյգ արիւն, ըստ  
յատուկ և բնական գոյացութեան նոցին, նոյն

1 Յովն. Գ. 5:

պէս է և ի հաստատութեանն. և չէ մարթ զա  
սացեալն՝ Այս է մարմին իմ, Այս է արիւն իմ,  
մեկնաբանել ի մարմին օրինակական և յարիւն  
օրինակական, որպէս և ոչ զասացեալն՝ առ  
Յովհաննու, « Եթէ ոչ կերելիք զմարմին իմ և  
արբիլք զարիւն իմ », ձգել առ օրինակս նոցին:  
Եւ ո՞ր խկ իշխիցէ բնաւ և կարծել անդամ՝ ե  
թէ կամեցեալ իցէ Յիսուսի ասել. « Եթէ ոչ  
կերելիք զմարմին իմ օրինակական և զարիւն  
իմ նոյնօրինակ, ոչ ունիցիք կեանս յանձինս.  
և թէ մարմին իմ օրինակական՝ է ճշմարիտ կե  
րակուր, արիւն իմ օրինակական՝ է ճշմարիտ  
արիւն, այսպէս իմա և զայլն. ո՞չ ապաքէն ան  
մտութեան իցեն բանքն: Ոչ ինչ պակաս է և ա  
սելն, թէ Այս է մարմին իմ, և Այս է արիւն  
իմ, ոչ ճշմարտութիւն իցէ՝ այլ օրինակ նոցին:

Այլ ասիցես. Բաղում անդամ ի Գիրս ու  
տելն՝ հաւատալ նշանակէ, և ըմպելն նոյնպէս.  
և ահա այդ ուտել և ըմպելն է ճառեալն առ  
Յովհաննու: — Այլ եթէ ուտելն և ըմպել  
միանդամայն՝ նոյն մի բան իցէ, ընդէք Քրիս  
տոս չօրիցս եկաց կրկնեաց որոշել զուտելն  
յըմպելոյ, և զկերակուրն յըմպելոյն, եթէ ոչ  
յայլ ինչ ակնարկէր: Ապա ուրեմն բացերեւա  
կի ակնարկէր ի բանս հաստատութեան խոր  
հըրդեանն, յորում Ուտելն առնուլն է բերա  
նով, և Ըմպելն է արբուին բաժակաւ և կլանել  
զհեղուկն: Արդ, թէպէտ և այլ ուրեք ի Գիրս  
ուտելն և ըմպելն նշանակիցեն հաւատալ յայսմ  
տեղում զոր խորհրդածեմքս՝ ոչ ևս է օրէն ա

սեւ, եթէ ուտենն և ըմպել անյատուակ և այլաբանական, այլ ոչ այլ ինչ է՝ բայց ուտել և ըմպել ճշմարտապէս և յատկապէս, ուտել և ըմպել մարմնաւոր բերանով:

Այսպէս հաւատամ էս, Փրկիչ իմ. « Եթէ ոչ կերիջիք զմարմին իմ. եթէ ոչ արջիք զարիւն իմ ». այսինքն է, եթէ ոչ անսառիք բանիս, « Առէք, կերայք, այդ է մարմին իմ. Արբէք, այդ է արիւն իմ ». և չիք զանազանութիւն ի բանսդ. բայց միայն զի միոյն խոստանաս, միւսոյն տաս. միոյն պատրաստես, միւսոյն հաստատես. ի միտմն յերկարագոյնս ցուցանես զպտուղն, ի միւսումն առաւել միտ դնես բացատրել զիրան: Բայց՝ ամենայն ուրէք նոյն մարմին է և նոյն արիւն, միօրինակ ընկալեալ, և առ նոյն վախճան. որ է միանալն՝ գոյութիւն ընդ գոյութեան, ընդ մարմնոյ և ընդ արեան՝ զոր առեր: Այո, այո, Տէր. այս են հաւատք իմ: Հաւատք կենդանի առնեն զիս. արդար է. այլ հաւատք կենդանարար՝ այս են, հաւատալ եթէ առեր դու մարմին մարդկային և արիւն մարդկային, և թէ՛ տաս ինձ զնոսին յուտել և յըմպել՝ նա և բերանով մարմնոյս, այնպէս ստուգիւ, որպէս առերն զայնոսիկ յարգանդի Մօր քո երանելոյ:

ԼԴ. Ուտել և ընկել զմարմին Տեսնե մերոյ իսկապէս եւ հաւատովք:

Քանի՛ անմտութիւն է մարդոյ՝ վարել հաւատովք՝ յեղծումն առարկայի նորին: Պարտ է ուտել զմարմին քո և ըմպել զարիւն քո. պարտ է հաւատալ (այնմ որ ընդունին) եթէ ուտէ և ըմպէ զայն. ապա ուտենն և ըմպել հաւատալ է. ոչ է մարթ այլադու ուտել կամ ըմպել. և զի արժան է հաւատովք առնել զայդ, ապա և չէ մարթ այլով իւրիք առնել՝ բայց հաւատովք: Նոյն բան էր ասեն. Էջ Քրիստոս յերկնից, և էառ մարմին յարգանդի կուսի միոյ. հաւատաց կոյան այն, և զոր հաւատացն՝ կատարեցաւ յինքեան, ըստ այնմ բանի. « Երանի որ հաւատացէ եթէ եղիցի կատարումն բանիցս ասացելոց՝ ի նմանէ՜ »: Հաւատացեր դու եթէ յղացիս զՈրդին Աստուծոյ և եղիցիս նորա մայր. յղացար զնա. ծնցիս զնա. և ամենայն զոր հաւատացերդ՝ եղիցի քեզ. յղացար իմն զնա յոգւոջդ՝ հաւատովք, մինչչեւ յղացեալ զնա ստուգապէս յորովայնի. արդ այս յղութիւն՝ յղութիւն եւեթ է հաւատոց, և ոչ ստուգապէս յղացար զՈրդին Աստուծոյ յարգանդի քում. ոչ էլ նա անդր ճշմարտապէս մարմնով և ոսկերօք. այդ ամենայն օրինակ իցէ և այլաբանութիւն: — Զայս օրինակ տրամաբանեն՝ որք ասենն, եթէ

պարտ է ուտել զմարմին Փրկչին, ըմպել զարեւն, զերկոսին ևս հաւատովք կատարել ուրեմն հաւատքն էն ուտելոյ այդ և ըմպելոյ այդ, և ոչինչ աւելի քան զայն: Այսպէս ընդդիմաբանեն մարդիկ՝ հակառակ Աստուծոյ և հակառակ անձանց իւրեանց. հակառակ Աստուծոյ, չհաւատարոջն եթէ կարիցէ Աստուած առ սէր մեր առնել իրս անհասանելիս. հակառակ անձանց, ժխտելով զհաւատս իւրեանց առ բարին՝ իբրու զի յոյժ մեծամեծք են:

Ըստ այսմ որինակի և յասել Յիսուսի, « Ոմն մերձեցաւ յիս, քանզի գիտացի եթէ զորու թիւն ել յինէն » 1, և յայտ յանդիման որոշելն զկինն որ մերձեցաւ ի նա հաւատովք, ի միջոյ ամենայն բազմութեանն՝ որ հպէին ի նա՝ սնդելով ի մարմին նորա, կամէր ուրեմն ասել, եթէ կինն այն ոչ մերձեցաւ ի նա ստուգապէս ըստ մարմնոյ, այլ մերձեցաւ ոգւով և հաւատով: Այսպէս խորհին որք ասենն. Ուտել զմարմինն և ըմպել զարիւնն՝ բերանով, այդ ոչինչ է, և զորութիւնն ոչ երանէ՝ բայց յուտելն և յրմպելն՝ հաւատովք. ուրեմն զհաւատս եւեթ իմա նալ արժան է աստանօր. և առ ի ձգել յանձն զգորութիւն մարմնոյ և արեան Յիսուսի՝ չէ ինչ հարկ զուգել զերկոսին զայստսիկ ի մի, այսինքն զուտելն զըմպելն ըստ մարմնոյ. և զմիանալն ի նոյն հաւատօք:— Երուարիմ, Տէր Յիսուս, շուարիմ, դարձեալ ասեմ՝ շուարիմ. ոչ ի բարձրու-

թիւնս խորհրդոց քոց, քանզի հաւատամ՝ նոցին՝ անհաս իսկ կարով մտացս, և ոչ հարցանեմ զորէն անհաւատիցն՝ զմարդ կարիցես առնել զայդտսիկ. այլ շուարիմ ընդ մոլորութիւնս մարդկան և ընդ խեղաթիւր շաւիղս նոցա. զի տեսանեմ զնոսս առաւել միտեալս ի նրբախնդիր լինել բանիցդ, առ ի խոյս տալոյ ի զօրութեանն նոցին, քան հաւատալ ի նոսին պարզապէս և կեալ:

ԼԵ. Ուտել և ըմպել զմարմին և զարիւն Քրիստոսի, ճշմարիտ և իսկական հաղորդակցութիւն ևոցին է:

Այդ ամենայն՝ ասէք, առակաւոր և այլբաւ նական իմն է. ուտել և ըմպել հաւատալ է. ուտել զմարմինն և ըմպել զարիւնն՝ է նկատել զնոսին բաժանեալս ի խաչին, և խնդրել զկեանս ի վերս Փրկչին:— Եթէ այդպէս իցէ, ո՞վ Փրկիչ իմ, ընդէր ոչ խօսիս յայտնապէս. և ընդէր թոյլ տաս լսողացդ քրթմնջել մինչեւ ի գայթակղութիւն և ի հեռանալ ի քէն, և ոչ ասես պարզապէս զոր խորհիսդ:— Յորժամ Տէրն մեր ասէր առակս, նաեւ ոչ այսքան մանուածոյս՝ որքան յերկար այլբաւնութիւնս այս, ըստ աւից դոցա, այնպէս յստակ բացատրէր զմտան, զի չմնայր այնուհետեւ տեղի տարակուսանաց կամ հարցանելոյ. և եթէ երբեմն ոչ կամեցաւ

մեկնապէս խօսել ընդ Հրեայնն, առ որս սակս  
հպարտութեան նոցին՝ արժան էր առակօք խօ-  
սել, ոչ հրաժարեաց յառաքելոցն տալ սրտիդ  
և բնական մեկնութիւն բանիցն, յետ որոյ ոչ  
ոք յերկուցացաւ: Իսկ աստանօր որքան քրթմնն-  
ջեն ընդ նա, և դայթակղին ընդ տարօրինակ  
բանսն, նա առաւել եւս սնորէ և կրկնէ, և եւս  
քան զեւս թուռի իմն խաղալ ի խորս կնճռանն և  
առակին: Ետտ էր մի բան ասել նոցա. շատ էր  
ասելն. Ձի՞նչ է որ խռովէ զձեզ. ուստի զմար-  
մն իմ՝ հաւատալն է ի նոյն, ըմպել զարեւն իմ՝  
խորհէն ի նոյն. և այդ ամենայն ոչ այլ ինչ է՝  
բայց զմահ իմ խոկալ: Այդու վճարէր ամե-  
նայն. չմնայր ինչ դժուարութիւն, և ոչ ստուեր  
անգամ: Եւ սակայն չառնէ զայդ Քրիստոս.  
յանձն առնու թոյլ տալ աշակերտացն դըր-  
դուել ի փորձութենէ և ի դայթակղութենէ՝  
քան ասել բան մի: — Այդ ոչ ի քէն է, Տէր,  
ոչ, արդարեւ չէ դա առ ի քէն. ոչ շփոթեա դու  
զմարդիկ մեծամեծ բանիւք՝ որ յոչինչ յանդին.  
զի այդ կամել իմն էր նորասքանչս ինչ ասել՝ առ  
ափշեցուցանելոյ եւեթ զնոսին: — Յորժամ ա-  
սաց Յիսուս զառածն, « Ոչ որ ինչ մտանէ ի  
բերանն՝ այն պղծէ զմարդ, այլ որ ինչ ելանէ  
ի բերանոյն<sup>1</sup> », մատեան աշակերտքն ասել զնա.  
« Գիտես, զի Փարիսեցիքն դայթակղեցին վասն  
բանին. — Թոյլ տուք դոցա, ասաց, կոյրք են  
կուրաց առաջնորդք ». իսկ իւրոց առաքելոցն

1 Մատթ. ԺԵ. 11:

այնպէս մեկնաբանեաց զառանն, զի չմնաց բնաւ  
և ոչ փոքր ինչ երկբայութիւն, ոչ ի միտս նո-  
ցին և ոչ ի միտս՝ հետեողաց նոցին: — « Ձգոյ՛  
լերուք, ասէր, ի խմորոյ Սաղուկեցւոցն և Փա-  
րիսեցւոց. և նոքա խորհէին ընդ միմեանս և ա-  
սէին, թէ հայ ոչ բարձաք. դիտաց Յիսուս և  
ասէ, Թերահաւատք<sup>1</sup> », կարծէք թէ զհացէ  
խորհիցիմ ես. ոչ յեղէք բանի հաղարս մարդ-  
կան կերակրեցի, նախ հինգ նկանակօք և ապա  
եօթամբք. « Արդ զիմորդ ոչ իմանայք՝ եթէ ոչ  
վասն հացի ասացի ձեզ զդուշնալ ի խմորոյ,  
այլ յաղանդոյ Փարիսեցւոցն և Սաղուկեցւոց »:

Ետես զնոսա դարձեալ տարակուսեալս վասն  
բանին. « Փոքր մի՛ և ոչ եւս տեսանիցէք զիս,  
և ապա սակաւիկ մի՛ և տեսանիցէք զիս<sup>2</sup> ».  
Իբրեւ ետես զնոսա ալէկոծեալս մտօք և ասելով  
այր ցընկեր, « Ձի՞նչ կամիցի ասել չգիտեմք  
զի՞նչ խօսի », պատասխանի ետ նոցա. Բարևոք  
է, արդ խօսեցայց ուրեմն ընդ ձեզ առանց այ-  
լաբանութեան, առանց սուսկի, առանց նմա-  
նութեան. և այնքան յստակ խօսեցաւ ընդ  
նոսա, մինչեւ նոցին իսկ ասել. Վարդապետ,  
« ահա արդ յայտնութեամբ խօսիս. և առակ  
և ոչ մի ինչ ասես »: — Արդ, միթէ յայ՛ս զէպս  
միայն պակասեաց քեզ բան (ո՛ր Տէր). միթէ  
չգոյ՛ր քեզ հնար մեկնաբանելոյ, և արդեւոյ  
զաշակերտսդ՝ ի շփոթելոյ ի բանիցդ, և մուրե-  
լոյ և ի բաց թօթափելոյ առ ի քէն: — Այս

1 Մատթ. ԺԶ. 6: — 2 Յովն. ԺԶ. 16:

պէս շփոթի և Սամարուհին, և կարծէ՝ եթէ ջուրն զորմէ խօսիսդ, է ի բնութենէ ջրոյն՝ զոր ջայր հանել ի ջրհորոյ անտի Յակովբայ, ի յադուրդ ծարաւոյն. այլ դու պարզ և մեկին ծանուցեր նմա, եթէ ջուրն զորմէ ճառէիր՝ ջուր է անպատելի և անցամաքելի՝ յորս ըմպենն անտի, և տայ նոցա կեանս յաւիտենականս: Եւ յետ այնորիկ կարծեաց բնաւ՝ եթէ ջուրն զոր տայիր ըմպել աշակերտաց քոց՝ ջուր էր նիւթական: Յերկմիտս արգարեւ երեւի տակաւին առ վայր մի կինն այն, և ասէ զՓրկիչն. « Տէր, տուր ինձ զջուրն զայն, զի մի եւս աշխատ եղէց դալ ի ջրհորս յայս. այլ Յիսուս՝ քանզի գիտէր եթէ ըստ բաւականին բացածանոց, և զի մնացորդ տարակուսանացն ինքնին լուծցի, յայլ դէմն շրջեաց զբանն. և կինն մխտալ յայլ նիւթս իմաստից, և հրաշայեալ ընդ վարդապետութիւն Փրկիչին, ոչ եւս փոյթ զջրոյն ունելով, եթող զսափորն առ ջրհորոյն, և երթայր ասել առ քաղաքացիսն, « Եկայք, ատէք զայր մի՛ որ ասաց ինձ զամենայն որ ինչ իմ գործեալ էր. միթէ նա իցէ Քրիստոսն <sup>1</sup> »: Եւ զայդ ասէ ոչ յերկուանօք, այլ առ ի յորդոր նոցին հաւատալոյ՝ յոր ինքն արդէն իսկ հաւատայր: Եթէ եթող նա զՓրկիչն, որպէս առնեն աստ աշակերտք նորին, ի պատճառս ջրոյն՝ զոր տակաւին թուէր ոչ քաջ իմացեալ: — Ամենւինն ոչ զբաց՝ զի չէր ինչ այն մեծ. և ոչ այլ ոք ելոյժ

զտարակոյս նորուն. և եթէ մնայր ինչ տակաւին երկբայանաց՝ բանայ և զայն աւետարանագիրն՝ յայլում վայրի, յորում պատմելով ըզճառ բանից Փրկիչին մերոյ՝ նման ասացելոցն առ Սամարուհին, « Որ հաւատայ յիս՝ գետք յորովայնէ նորա բլխեսցեն ջրոց կենդանութեան », իսկոյն ի վերայ ածէ <sup>1</sup>. « Չայս ասէր զհոգւոյն՝ զոր ընդունելոց էին »:

Փրկիչ իմ, չթողուս ինչ անբացայայտ. ամենայն՝ որոյ մարթ էր սխալակ իմաստս ընծայել, մեկնաբանեալ է յաւետարանի քում. ոչ ոք խաբի, ոչ ոք փորձի թողուլ ըբանել զբեզ: Ոչ թողից էս զբեզ, քաւ լիցի, վասն այն զի ասացեր եթէ պարտ է մեզ ուտել ի մարմնոյ քումէ և ըմպել յարենէ քումէ. քաւ լիցի ինձ թիւրել զջորութիւն բանիցդ. իմացայց ըստ բառին՝ որպէս և արտասանեցեր. զի եթէ այլազգ ինչ հարկ էր իմանալ, բացայայտեալ էր քո զայն՝ որպէս զայլ առական, նմանութիւնսն և այլաբանութիւնս:

ԼԶ. Հոգեւոր վերածնունդիս ըստ քացարարեանս Քրիստոսի առ Նիկողիմոս: — Յովն. Գ. 1:

Եկեսցուք յետ ամենայնի և առ Նիկողիմոս, և ի ճառ բանից Քրիստոսի առ նա՝ զմկրտու

Թեհնէ: Արդարեւ յոյժ մարմնապէս իմացաւ նա զբանսն, « Պարտ է ձեզ ծնանել վերստին » . և յայն սահման վարեաց զողբողութիւնն՝ մինչեւ հարցանել . « Ձիւրդ կարէ մարդ ծնանել որ ծերն իցէ . միթէ մարթ ինչ իցէ անդրէն յորովայն մօր իւրոյ կրկին մտանել և ծնանել » , և ի ծերութեան անդ իւրում լինել միւս անգամ մանուկ նորածին: Կարէր Քրիստոս կրրկնել և ասել նմա, Այո, պարտ է վերստին ծնանել, ասեմ իսկ վերստին ծնանել, եթէ ոք ոչ վերածնանիցի՝ չոճնի մասն յարքայութեան ի մում: Կարէր, ասեմ, կրկնել զառաջին ճառ իւր, և առանց պարզաբանելոյ թողուլ զՆիկողիմոս ի Թանձրութիւն կարծեացն: Բայց ոչ այսպէս արար. այլ անդէն ի ծանուցանել փարիսեցոյն զգոռարահաւատութիւն իւր, ելոյձ՝ այսու բանիւ . « Եթէ ոք ոչ ծնցի ի ջրոյ և ի հոգոյ, ոչ կարէ մտանել յարքայութիւնն Աստուծոյ » . որ է ասել պարզապէս, Ոչ եթէ յորովայն մօր իւրոյ՝ այլ ի ջուր պարտ է մտանել, ոչ առ ի ծնունդ մարմնեղէն, այլ ի նորոգումն՝ Հոգւով Սրբով: Աւելի քան զայդ չէր պիտոյ. և ամենայն դժուարութիւն լուծեալ եղեւ: Բայց ոչ շատ համարեցաւ զայն Փրկիչն. այլ և առ ի բառնալ զամենայն կարծիս մարմնեղէն ծնընդեան, յաւել ի բանս իւր. « Ծնեալն ի մարմնոյ՝ մարմին է, և ծնեալն ի Հոգւոյն՝ հոգի է » : Դու մի զարմանար թէ ասացի. քեզ եթէ ծնելոյն ըստ մարմնոյ՝ պարտ է ծնանել և ըստ հոգւոյ: Իմ այլ ևս իմիք մարթ էր կարօտել վասն դժուար

ըութեանն առաջարկելոյ: Մկրտել, այսինքն ընկզմել ի ջուր՝ առ ի մարրութիւն, ծանօթ իրք էին Հրէից. և մնայր միայն յայանել նոցա՝ եթէ կայցէ և այլ մկրտութիւն, յորում միացեալ Հոգւոյն Սրբոյ ընդ ջրոյն՝ վերանորոգեսցէ զոգի մարդոյս: Եւ բացայայտապէս ասի այդ. և ոչ եւս վերադառնայ Նիկողիմոս առ ծնունդն մարմնեղէն, և ոչ այլ ոք երբէք ի նոյն ի նորա կարծիսն անկաւ: Թէպէտ եւ կայր մնայր նմա տակաւին ի միտ առնուլ զներգործութիւն Հոգւոյն Սրբոյ, զոր հրաշալի իմն օրինակաւ ճառեաց նմա Քրիստոս, զորմէ չէ տեղւոյս ինդիր. այլ զի տարակոյս նորա զմարմնեղէն ծննդեանէն ի սպառ բարձաւ, և զի չէր ինչ հարկաւոր աւելի ևս հմտացուցանել զնա զեղանակէ ներգործութեան Հոգւոյն Սրբոյ ի մեզ, և սպաւորելոյ իմացուածս՝ որոց վախճանն և սկիզբն ի վեր են քան զմիտս մեր, ոչ յաւելլու Քրիստոս այլ ինչ, բայց զի հաւատալ արժան է բանից իւրոց. « Չոր ինչ գիտեմք՝ խօսիմք, և զոր տեսաք՝ վկայեմք, և զվկայութիւն մեր ոչ ընդունիք » , և որ այն ևս. զոր գիւրին էր մեկնել, եթէ ինդիր ինչ ( երկբայութեան ) էր զայնցանէ: Այլ որ զինչ և է, ստոյգ է ամենայնիւ՝ զի չմնաց ինչ երկմտութիւն ի Նիկողիմոս. և ոչ ընդ միտս էած թողուլ զՈրդին Աստուծոյ. և վերածնութիւն մարմնոյն չետ ինչ պատճառս վիճաբանութեան առ աշակերտան: — Իսկ արդ ընդէր ոչ խօսել այսպէս պարզաբանութեամբ առ ժողովուրդ մի մեծ՝ որ հա-

ւատայր ի նա, մինչեւ ասել՝ եթէ, (« Ս է Ճըշ մարիտ մարգարէն՝ որ դաւոյ էր յաշխարհ<sup>1</sup> ») . որ է ասել՝ Քրիստոսն է: Ընդէր ոչ բառնայ ի նոցանէ զիսէթն՝ որ տաքնապէցուցանէ զնոսա, ուտեն զմարմին նորա և ըմպեն զարիւն նորա՝ բերանացի. և ընդէր ոչ ասէ միով լրկով բա. նիւ, եթէ չէ ինչ այդ, և թէ կամք մտացն էին ճաննել զյանդիմանակացութենէն և զլերաբերութենէն. զոր հարկ էր մարդոյ հաւատովք առնել յողո՞շ, զմահուանէ և զխոցուածոց Փրկչին հողոց:

ԼԵ. Հաղորդորքիւն ստոյգ մասնակցորքիւն է մարմնոյ և արեան Փրկչիւն, յիշատակաւ մահուանն զոր մասն մեր յսնծն էաւ:

Ասիցէ ոք. Չիցէ արդարեւ ստոյգ՝ եթէ արժան է յիշել զմահն, խոկալ ի նոյն հաւատովք, հաւատալ ի մարմինն խոցեալ և յարիւնն հեղեալ, և այսու ստանալ զիեանս: Արդարեւ այդ այդպէս է. այլ չէր այդ առիթ դժուարութեանն, ոչ վանն այդր ասէին. (« Չիսորդ կարէ դա տալ մեզ զմարմին իւր յուտել ») . և կամ, (« Խիստ է բանդ այդ. ր՝ կորէ լեւ զմա »): Վասն մարդկան շատ իսկ էր, ստիպել զնոսա ի հաւատալ՝ եթէ Որդին Աստուծոյ մարմին էաւ, և

1 Յովն. 9. 14:

մասնեւոց էր զայն առ ի մահ, առանց յաւելոյ ի տաքնապ տեսանեւոյ զմարմինն զայն՝ խոցեալ և զարիւնն հեղեալ անդթուութեամբ, և զիջս սուութիւն ուտելոյ և ըմպելոյ զնոսին: Զի այդ իսկ հաւատեալ ստիպէ զնոսա ասել, ոչ եթէ՝ բարձր է այդ, անհաւատալ իմն է, և գողցուբ իսկ թէ և անհնարին, այլ թէ խիստ է և անտանելի՝ առնուլ ի բերան զմարմին և զարիւն մարդոյ: Եւ եթէ արդարեւ ոչ գտանէր դժուարութիւնդ այդ ի խորհրդեան Փրկչին, հիմ չէր մարթ քաջ պարզապէս և վաղ վաղ լուծանել զայդպիսի բան:

Այլ քաւ այս յինէն, Փրկիչ իմ. առանց ինչ ընդ բանս ածելոյ՝ անսամ զի արժան է մեզ յիշատակել զմահ քո. նկատել մտաց աջօք զմարմին քո վերաւորեալ և զարիւնդ հեղեալ. և զի դովաւ փրկեցեր զիս: Զայդ իսկ առնեմ էս արդարեւ ի հաղորդութեան. որոյ պտուղ է՝ տալուորեւ ի միտս իմ զմահ քո. անդ յառել զյոյս իմ, և կերպարանակից այնմ լինել՝ զբայարանացս մեռելութեամբ: Զիք յայդմ՝ դժուարութիւն ինչ իսկական. և եթէ այսպէս պարզաբանեալ էր քո, ոչ էր գտեալ ի բանդ զիջս սուութիւն զորմէ գանդատին: Իմանամ քաջ, զի զայլ ինչ կամիս ասել. ասել կամիս, եթէ պարտ է յիշատակել ստուգապէս զմահ քո. այլ յիշեալ՝ որպէս զզոհ պատարագեալ վանն մեր, որոյ մարմին ուտելի է, նսեւ բերանով, որպէս ուտելի էր պասեքն հին, և այլ զոհքն՝ որք Բզբեզ օրինակէին, առ ի լինել մեզ գրաւական

հաւաստի, եթէ վասն մեր եղեւ զհնունն, և աղբողագոյնս և հղբագոյնս տպաւորել ի սիրտըս մեր զյիշատակն: Այսպէս հաւատամ, Փրկկիչ իմ. իսկ այն յիշատակ յորում անհաւանք կամին զամենայն փոխաբերել յոյժ մարդկեղէն է:

Կարէ մարդ ոք զոչել զանձն վասն հայրենեաց. ասեմ իսկ զոչել ըստ բառին, և գիբք սուրբք և արտաբինք՝ լի են բազում այդպիսի օրինակօք. և որոք զայդ օրինակ զոչեն զանձինս՝ չէ ինչ դժուարին յանձնել զյիշատակ մահունն, կամ հաստատել նոցա տօնս, կամ նշանակս ինչ առ մշտնջենաւոր յիշատակէ: Այլ թողուլ ի մշտնջենաւորս զմարմին իւր յուտել և զարևուն յրմակել, որպէս զի սեփականելով զայն ինքեանց՝ գորովանօք իմն յիշեցեն եթէ վասն մեր զոչեցան, զայդ՝ Աստուծոյ միայն էր հնարաւոր գործել. և է ի դմին հաւասար և գորութիւն և սէր: Արդարեւ իսխտ է բանդ այդ առ զգայարանս, անտանելի է և անտեղի, այլ բան քո ճշմարիտ է. հաւատամ ես անտեղութեան. ծախեալ սպառէի ես զխստութիւնդ զայդ՝ եթէ ոչ բառնայիր մեկնաբանելով: Քանզի գիտեմ եթէ որ ըստ մարդկան յիմարութիւն է՝ իմաստութիւն է ըստ Աստուծոյ<sup>1</sup>. ըստ նմին օրինակի և որ իսխտ և անտեղի է առ մարդկի՝ ըստ Աստուծոյ մխիթարութիւն է և ճշմարտութիւն:

1 Ա. Կորնթ. Ա. 25:

Հաւատամ, Տէր, հաւատամ, և պատրաստ եմ հաւանել ըստ բառին՝ ամենայն խստագոյն բանի՝ զոր և ասիցես: Եթէ ոչ դու ինքնին ուսուցանիցես ինձ այլազգ ընդունել զայն: Մարթէր զգայարանաց իմոյ սփոփել մարդահաճոյագոյն մեկնաբանութեամբ. այլ եթէ այդու օրինակաւ ողբել զնոսա կամիցիմ, ո՞ր էրթամ, Տէր, յի՞ ձգեալ վարիմ. յորպիսի անհաւատութիւն. յորպիսի՞ հեռաւորութիւն գաղտնեաց ի խորհրդոց քոց: Կամիմ հաւատալ, յաւելից ասեալ, և ոչ տրամախօզել ըստ մարդոյ. և եթէ գուցէ ինչ ի բաց հանելի յանվրէպ ճշմարտութեան բանիցդ, ի դէպ է քեզ ինքնին ուսուցանել ինձ զայդ:

ԼԸ. Գայրակորոքիւն աշակերտացն: — Յովն. 2.  
60-62, և որ զկնի:

«Չայս ասաց Յիսուս ի Ժողովրդեանն՝ յուսուցանելն ի Կափառնաում: Եւ բազումք յաշակերտացն իբրև լուան՝ ասեն. Խիստ է բանդ այդ. ո՞ կարէ լսել դմա: Իբրև գիտաց Յիսուս յանձն իւր՝ եթէ տրտնջեն վասն այնորիկ աշակերտքն, ասէ ցնոսա. Այդ գայթակղեցուցանէ զձեզ: Իսկ արդ եթէ տեսանիցէք զՈրդի մարդոյ՝ զի երանիցէ ուր էր զառաջինն: Հոգին է կենդանարար. մարմին ինչ ոչ օգնէ: Չբանն՝ զոր ես խօսեցայ ընդ ձեզ՝ հոգի է և կեանք:



Այլ են ոմանք ի ձէնը որ ոչ հաւատան: Քան զի գիտէր Յիսուս ի սկզբանէ՝ ով են այնոքիկ որ ոչն հաւատան, և ով է այն որ մատնելոցն է զնա, և աւեր. Վասն այնորիկ ասացի ձեզ՝ թէ ոչ ոք կարէ գալ առ իս՝ եթէ ոչ իցէ տուեալ նմա ի Հօրէ խմիկ»: Աւագիկ բանքն՝ որովք համարին ոմանք եթէ ամոքիցէ Քրիստոս զխօսան: Կարծէք եթէ ասացի ձեզ ուտել զիս բերանացի. այլ ոչ այդպէս է, ապա թէ ոչ ծախէիք զիս, և ոչ էր ինձ մարթ դառնալ անթերի յերկինս՝ ուստի եկի: Դուք ի մարմին և յարիւն իմ կապիք. և առ ունել կեանս՝ համարիցիք եթէ պարտ իցէ ըստ բառին ուտել և ըմպել զայն. այլ հոգին է կենդանարար և ոչ մարմին, որ և օգնէ ինչ ոչ: Իսնն զոր ես խօսեցայ ընդ ձեզ՝ հոգի է և կեանք. չէ ուրեմն մարմին և արիւն՝ որպէս կարծէքդ. ամենայն վարդապետութիւնս իմ առակաւ և այլբանութեամբ է, և չէ պարտ իմանալ և ոչ ինչ ըստ բառին: Եւ ահա այսպէս ամենայն ինչ խաղաղի. գայթակղութիւնն ցրուի, տրտռնջք դադարեն:

Այլ մեք յառաջ վարեցուք զընթերցուածն և տեսցուք: « Յայսմանէ բազումք յաշակերտացն նորա չոգան յետս, և ոչ եւս շրջին ընդ նմա »: — « Յայսմանէ ». անընդհատ ընթերցաք մեք զաւետարանդ մինչեւ ցայս համար՝ որ ունի զբանդ, Յայրսնիկ. յետ բանից անտի որք համարէին լուծանել զգթուարութիւնն և բառնալ զգայթակղութիւն, բազումք յաշակերտաց նորա յետս գնան և ոչ ևս շրջին ընդ նմա: —

Եւ ահա կորնչին դոքս. ո՞ ստիպեաց զգոսա ի բաց գնալ. միթէ վասն այն բանի զոր ասացն, « Ոչ ոք կարէ գալ առ իս՝ եթէ ոչ իցէ տուեալ նմա ի Հօրէ խմիկ ». այլ կանխաւ ևս ասացեալ էր զայն, և չէր ուրուք յետս գնացեալ ինքնին իսկ յայտ առնէ զի կրկնէր զնոյն բան: Կամ վասն բանին՝ զոր ասացն, « Են ոմանք ի ձէնը որ ոչ հաւատան յիս ». — չէ ինչ այդ առիթ ի բաց գնալոյ. և չիք ինչ յայդմ՝ անհաւատալի և անհամբոյր. զի զսակաւս ոմանս կշտամբէր, և ոչ զայլ քաւքնեցուցանէր: Այլ քաւքնեցուցիչ նոցա էր նախասացեալն. « Իսկ արդ եթէ տեսանիցէք զՈրդի մարդոյ՝ զի ելանիցէ ուր էր զառաջինն. և թէ Հոգին է կենդանարար »: Այս է որ քաւքնեցուցանէ զնոսա. այս իսկ՝ զոր համարինն ոմանք ասացեալ առ չհարթուցանել զնոսա, զնոյն պատճառէ. այնքան քաջ պարզբանեաց Յիսուս. այնքան ի բաց տարաւ զգայթակղութիւնն: — Ոչ այդպէս է, Փրկիչ իմ. ոչ եթէ դու թերուղիղ մեկնաբանես, քաւքնեցի. այլ քրթմնջողք մեր և անհաւանք՝ չարաչար միտս ընծայեն բանիցդ:

ԼԹ. Զի՛նչ իցի առիք գայրակորչեալսն: —  
Յովն. Զ. 61-3:

« Այդ գայթակղեցուցանէ զձեզ. իսկ արդ եթէ տեսանիցէք զՈրդի մարդոյ՝ զի ելանիցէ

ուր էր զառաջինն »: Գայթակղիք դուք զի ալ սացի, թէ պարտ է ձեզ ուտել ճշմարտապէս զմարմին իմ և ըմպել ճշմարտապէս զարիւն իմ. իսկ զինչ լինիցի եթէ յաւելցի ասել, եթէ վերադարձայց անդրէն անթերի և կենդանի յերկինս՝ ուր եմս: Չեն ինչ զարմանք, եթէ այն որոյ մարմին ուտիցի և արիւն ըմպիցի՝ միայն հաւատալով ի նա և խոկալով ի մահ նորին, վերադարձցի յերկինս անթերի և կենդանի: Չէ սովորութիւն մտաց յօշել զատուցանել զկերակուրն, այսինքն զառարկայն. և ոչ հաւատք ծախեն՝ զոր յինքեանս ընդունին. այլ ուտեն առնէ այդպէս. եւ ամբողջիւն Աստուծայն մայցն յայսմ է, զի լսեն եթէ ոչ այնպէս եղիցի յայսմ նուազի: Ապա ոչ միայն խորհին նոքա՝ զի ուտեն եւ ըմպեն ըստ բառին՝ յապաւեսցի ի վարդապետութենէ այտի Որդւոյն Աստուծոյ, և այդ ամենայն բովանդակեցի ի խոկալն եւ ի հաւատալ. — քանզի համբարձումն Տեաւուն չէ այդմ հակառակ. եւ ոչ որ լիցի անհաւան՝ թէ ուտեն եւ ըմպեն այլբանօրէն կարիցէ արդէլսլ զոր յերթալոյ յով և կամբիցեն, նաեւ յերկինս, եթէ կարիցէ երթալ անդր. — այլ հաւատալն, եթէ ուտելով իսկ ըստ բառին զմարմին մարդոյդ, յետ այնր անթերի վերասցի յերկինս. այդ յաւելուած է նորոյ դժուարութեան ի ճառան, ծանրագոյն քան զառաջինն: Մարթ է հաւանել մտաց՝ եթէ հնար իցէ ուտել ծախել զմարդ որ և ապրել մարմնով նորա. այլ ուտել զնա եւ

կեալ, եւ թէ կացցէ նա տակաւն անթերի մինչեւ վերանալ իսկ նովին մարմնով յերկինս, այդ նշանակէ ուրեմն եթէ մարմինն այն անբաժանելի եւ անծախելի է: Տացի դա ուրեմն հոգեւորապէս, գերազանցօրէն, անտեսաբար, անհասաբար, եւ միանդամայն իսկական եւ դոյացական, ապա թէ ոչ ոչինչ լիցի, եւ չէ պարտ չէ օրէն ամբողջօրացանել զաշխարհ պերճաբանութեամբ. եւ ոչ ի վերայ բերել զիրապէս համբարձումն ի հաւատալն փոխաբանութեան: — Ահա վասն այսց բանից՝ յետս գնան: Նորս այս դժուարութիւն խապտա անհանդուրժականս առնէ զնոսին, եւ ոչ եւս կարեն տանել բարձրութեան խորհրդոյն:

Ո՛հ, քանի մեղադրանք են Փրկչին՝ կռուել զբանս նորա մարդկեղէն մտօք: « Ամենայն որ ինչ իմ է՝ քո է, եւ որ ինչ քո է՝ այն իմ է: Ոչ որ գիտէ ո՛վ է Հայր՝ եթէ ոչ Որդի. և ոչ որ գիտէ թէ ո՛վ է Որդի՝ եթէ ոչ Հայր: Չամենայն զոր Հայր առնէ՝ զնոյն եւ Որդին նմին նըման գործէ: Որպէս Հայր ունի կեանս յանձին իւրում, նոյնպէս ետ եւ Որդոյ ունել կեանս յանձին իւրում: Որ ետեսն զիս՝ ետես զՀայր: Ես եւ Հայր իմ մի եմք: Որդին Աստուած է, Աստուած է նա ճշմարիտ. եւ է ի վերայ ամենեցուն Աստուած օրհնեալ յաւիտեանս. Որով ամենայն ինչ եղեւ<sup>2</sup> »: Այս ամենայն ոչինչ է,

1 Յովն. Ժ. 10: — 2 Ղուկ. Ժ. 22. — Յովն. Ե. 19: Ժ. 10. Ժ. 30: — Հոովմ. Թ. 5: — Երբ. Ա. 2:

ասին. Աստուած է կերպարանաւորուածամբ. Աստուած և նա նոյն է սիրելուածամբն եւ հաւանուածամբ: — Առ իմէ ապա ուրեմն այդքան մեծամեծ բանք, եթէ հարկ էր այդքան յապաւել և վերածել յայսպիսի դիւրահաս ինչ իրս: Ոչ դու, ո՛վ Փրկիչ իմ, եւ ոչ առաքեալք քո կամեցայք ափշեցուցանել զաշխարհ հիւսիսէս իսուիւք. և զի չեկիր դու ափշեցուցանել, որք այսպէս ջլատել կամին զբանս քո՞ նորա խաբեն զաշխարհ: Այսպէս, ասելն այնքան պնդուածամբ, « Եթէ ոչ կերիջիք ըզմարմին իմ, եթէ ոչ արբջիք զարիւն իմ » և րեքինել եւ չորեքինել զայն, եւ այնքան առաւել կրկնել զորքան զի օտարոտի իմն թուի. եւ յետ այնքան կրկնելոյն և քաղցնեցուցանելը զաշխարհ՝ որ ոչն կամէր հաւատալ, վերադառնալ ի նոյն խնդիր, և ասել նովին անհարթուածամբ եւ նովին պնդուածամբ. « Առէք, կերայք, այդ է մարմին իմ. Արբէք, այդ է արիւն իմ ». նոյն մարմին սուեալ վասն ձեր, նոյն արիւն հեղեալ ի խաչին. հաւատալ արժան է այսմիկ, այլ եւ ընդ նմին հաւատալ եթէ ոչ ծախիցին ուտելովն, եւ թէ յերկինս եմ անթերի, ամենայնիւ զոր առի զմարդկուածան, ամենայնիւ մարդկային բնութեամբ. կամ այս ամենայն ճշմարիտ է ըստ բառին, կամ ամենայն հնարեալ է առ ի խոռվել եւ ի պառակտել զաշխարհ: Աստուածոյ առնել իրս վսեմականս, անհասանելիս, չիք ինչ յայդպիկ ի վեր քան զինքն. աշխարհի՛ իրանուլ ընդ այն և չհանդարտել

այդքանոյ բարձրագունի յայտնուածան, այդքանական է մարդոյ շնչականի: Այլ ճնշել զմիտա դժուարութեամբք՝ որք ի լեզուին եւեթ են, եթէ ամենայն չափազանցութիւն իցէ, եւ հարկ իցէ զիջուցանել զնոսին ի չափ ընդունալ կուածան զգացման մարդոյ. այդմ չէ արժան լինել: Թող հաւատասցեն գոցին որք կամինն կողոպտել ի մէջ զպարզաստ ճշմարտութիւն բանից Քրիստոսի, եւ ընդունայնացուցանել զաւետարան նորա:

Խ. Զի՛նչ անհաստոյրիւն էր կարիւնայինացնե: — Յովն. 2. 41-43-50, և որ զկիսի:

« Հոգին է կենդանարար », ուրեմն մարմին ոչ է կենդանարար. եւ եթէ այսպէս է, չէր պարտ ասել, « Հայն զոր ես տայ՝ մարմին իմ է, զոր ես տայ վասն կենաց աշխարհի ». եւ ոչ, թէ « Որ ուտէ զմարմին իմ եւ ըմպէ զարիւն իմ՝ կեցցէ յաւիտեան »: Մարմին ինչ ոչ օգնէ: Եթէ նշալ նակիցէ այդ եթէ մարմին Քրիստոսի չօգնէ ինչ, ապա չէր հարկ ճառել զայնմանէ այնքան խնայմով: « Բանն զոր ես խօսեցայ ընդ ձեզ՝ հոգի եմ եւ կեանք ». եթէ նշանակիցէ այդ թէ չիցէ պարտ յարել ի մարմին եւ յարիւն, ապա չէր հարկ այնքան յերկար ճառել զայնմանէ, կամ այնքան ստիպել յուտել եւ յըմպել զայն. եւ եթէ այդ ամենայն ասել կամէր թէ մտաւորաւ

պէս ուտելի է եւ ըմպելի, զի՞նչ պարզ էր այն քան յաճախ յեղիցելէ բանս՝ որ յայտնապէս հակառակ իմաստս ընծայէին: Են ուրեմն ի սոսին այլ իմն միաք՝ որ ընդոստուցանէր զկափառնայիմնն: Եթէ մարմին Քրիստոսի կէանս տայ, եւ հոգին եւս նոյնպէս կենդանարար է, ապա մարմինն այն լցեալ է հոգւով կենդանաբարաւ. եւ եթէ այսպէս է, ապա Քրիստոս յասել իւրում՝ Մարմին ինչ ոչ օգնէ, կամ ոչ զմարմին իւր իմանայ անդ, կամ եթէ զմարմնոյն ճառիցէ՝ կամի ասել եթէ ոչ ինչ օգնէ մարմինն լոկ ընկալեալ, այլ պարտ է ընդունել եւ հոգւով որով լցեալ է: Եւ յորժամ յայս բովանդակեմ եթէ բանք իւր հոգի են եւ կէանք, յետ այնքան զմարմնոյ եւ զարեանէ ճառելոյ, ասել իմն կամի եթէ մարմինն այն եւ արիւն՝ նոքրն իսկ են հոգի եւ կէանք, լցեալք աստուածութեամբ, հոգւովն Աստուծոյ, եւ կենօք շնորհաց. եւ ի վերայ այսորիկ, զի պարտ է ճաշակել դերազանցօրէն քան զզգալիս, աստուածօրէն իմն եղանակաւ, որ ոչ ծախիցէ եւ ոչ այլալիցէ զնոսին, այլ անթերիս թողուցու երկնից, որպէս տեսաքս: Համօրէն ասել. բանդի ի բովանդակ ճառիդ ուտելոյ՝ օրինակաւ եւ ըմպելոյ՝ այլաբանօրէն, չերեւի ինչ մի զոր իրն դրեն գտանել, որով եւ ոչինչ որ ստիպիցէ խորշէլ յուտելոյ կամ յըմպելոյ՝ ըստ բառին, այլ միայն զի հարկ է ուտել զմարմինն եւ ըմպել զարիւնն՝ որպէս լիս հոգւով եւ կենօք, գերադոյն իմն եւ աստուածապալն օրինակաւ,

ապա զճեռ գայ, թէ Որդին Աստուծոյ ոչ թուլացոյց՝ այլ եւ եւս ամբացոյց զոր ասացեալն էր. յորմէ հետեւի եթէ բախեալք անտի՝ յետս չոգան կափառնայիմքդ եւ ոչ եւս եւ կամեցան շրջել ընդ նմս:

Ո՞ զարմասցի ընդ աճուումն անհաւատութեան նոցա, եւ ոչ զարհուրանօք հայիցի ընդ նոսա: Յորժամ ասէ ցնոսա Քրիստոս՝ « Խըի ես յերկնից<sup>1</sup> », սկսանին քթմնջել եւ ասել, « Ո՞չ սա է որդին Յովսէփայ. եւ զիմքդ ասիցէ թէ յերկնից իըի »: Եւ յորժամ անդրադոյնս վարեալ ասէ, թէ կերակուրն զոր տալոց է նոցա յուտել մարմին իւր է՝ զոր տայ վասն կենաց աշխարհի, վիճին ընդ միմեանս, և ասեն. « Ձիմքդ կարէ դա տալ մեզ զմարմին իւր յուտել<sup>2</sup> ». որ նշաւակէ արս երկիմտոս, դրդուեալս քան է դեալս ի մտի լքանել զնա: Յառաջ եւս վարէ զբանս. եւ այնքան հաստատութեամբ եւ յաւախակի ասէ նոցա՝ եթէ պարտ է ուտելի մարմնոյ իւրմէ եւ ըմպել յարեանէ, զի ոչ եւս դտանեն երիտղագս, վասն որոյ եւ ասեն. « Խիստ է բանդ այդ. ՚ կարէ լսել դմս<sup>3</sup> »: Եւ այսու հոսեն զանձինս ի դայթակղութիւն կարարեալ եւ յանհաւատութիւն բացայայտ: Այլ փակաւին ոչ մեկին ի բաց. ակն կալեալ միան՝ եթէ արտաբերցի մեզմագոյն ինչ: Այլ յասեն Քրիստոսի փոխանակ ամենայն պարզաբանութեան

1 Յովն. 9. 42: — 2 Յովն. 9. 53 և այլն. — 3 Յովն. 9. 61:

եթէ սխալին յայնմ եւեթ զի կարծեն ուտել զմարմինն և ըմպել զարիւնն ծախելի օրինակաւ, եւ զի դարձեալ ոչ առնուն ի միտ թէ որով հոգւով լցեալ էր այն, եւ ոչ զանհասանելի եղաւ նակն որով տալոց էր նոցա, անդր քան զչափ անցեալ տեսանեն զամենայն. եւ խստութիւնն որ շփոթէր զիմացուած նոցա եւ գայթակղեցողացանէր զդիմն, յայն սահման հասանէ, մինչեւ ոչ եւս հանդուրժեալ անդէն եւ անդ թողուն զտաջին յընկերութենէ Յիսուսի, եւ ոչ եւս կամին դասիլ ընդ աշակերտս նորին: Եւ ինքն իսկ որ իւրովսանն զամենայն ասացեալ էր նոցա, և բացայայտեալ որչափ ինչ կամէր գիտելի առնել զիւրոյ խորհրդոյն, դառնայ առ աշակերտն եւ հարցանէ. « Մի՞թէ և դուք կամիք երթալ<sup>1</sup> ». որպէս թէ ասէր. Ոչ յաւելուլ ինչ կամիմ եւ ոչ նուազեցուցանել ի բանիցս ասացելոց. ոչ աճել եւ ոչ ի բաց յապաւելարդ անսէք զինչ կամիք առնել: Ոչ կամիմ ես աշակերտ՝ որ ոչ մինչեւ անդր ժամանեացէ. եւ յայս փորձ արկանեմ զհաւատս նոցա:

Ստարացուցիչ իմն թուէր Կաթառնայիմացն ասելն Քրիստոսի՝ եթէ յերկնից իջի. և փոխանակ մեղմելոյ ինչ կրկնել եթէ էջ յերկնից, քանզի ճշմարիտ է այն ըստ բառին. եւ սկսանին քրթմնջել, ասելով. Ձիւրդ կարիցէ նա տալ զմարմին իւր յուտելու և պատասխանի զայս միայն ընդունին՝ եթէ տացէ նոցա զմարմին

իւր յուտելու յաւելուլ եւ զարիւն իւր, զի մինչ պակասիցէ յորոց կամէրն ասել նոցա: Կրկնէ և երեքինէ զնոյն, եւ դարձեալ յաւելուլ, զի այդպէս էր ստուգելու ըստ գրոյն: Խիստ է, ասեն նոքա, և անտանելի. եւ էր արդարեւ այնպէս ըստ եղանակին որով իմանային, քան զի համարէին յօշել զմարմինն և սպառել զարիւնն: Բառնայ զկարծիսդ ի նոցանէ, ասելովն՝ եթէ ի վերայ այնր ամենայնի վերասցինա յերկինս անթերի. բայց և զոր ասացն զմարմնոյն և զարենէն, եւ իսկութիւնն և օրինակ ընդունելութեան զնոսին՝ գէր ի վերոյ էր զբայութեանց, եւ լի հոգւով եւ կենդանութեամբ. ոչինչ բառնայ ի գրականէն, այլ յաւելուլ միայն զհոգեկանն եւ զստուածային: Յայս հարուած բանի ի բաց թօթափին. ելանեն ըստ սահման հլուութեան, ոչ եւս կամին վարդապետ՝ որ յայդ փորձ արկիցէ զբատաստան մտաց իւրեանց:

Ի բաց դնացէք, եղկելէք. երթայք զհետ Յուդայի, իսկ մեք երթիցուք զհետ Պետրոսի, եւ ասացուք. « Վարդապետ, առ ո՞ր երթիցուք. բանս կենաց յաւիտեանականաց ունիս<sup>1</sup> » դու: Ո՞ւր երթիցուք մեք, Տէր, ՚ւր երթիցուք: Բա՛րէ. մի՞թէ առ մարմին կամ առ արիւն. առ բան մտաց, առ իմաստասիրութիւն, առ իմաստուն աշխարհի. առ քրթմնջողսն, առ անհաւատսն. առ այնոսիկ որք զօր ամենայն հարցանեն ցմեզ. Ձիւրդ կարէ նա տալ մեզ զմարմին

իւր յուսեւ զիմորդ իցն նա յերկինս, եթէ ի նմին ժամանակի ճաշակիցի ի վերայ երկրի: Քաւ լիցի, Տէր, ոչ կամիմք մեք երթալ առ նոսա, եւ ոչ հետեւել որոց թողինս զքեզ. Դու միայն ու նիս բանս կենաց յաւիտենականաց:

ԽԱ. Զի՛նչ խնակի ստեղև, Մարտիկն ինչ ոչ օգնէ:

— Յովն. 2. 64:

Միւս եւս ճշմարտութիւն կայ խելամոտելի ի բանիս յայտմիկ Փրկչին. « Մարմինն ինչ ոչ օգնէ » . եւ թուի ինձ թէ Յիսուս՝ որ յղացաւն յօրհնեալ արգանդի Սրբոյ կուսին, ծանուացել ինձ զայդ: Խնդրեսցուք, հայցեսցուք, բաղխեսցուք, և բացցի մեզ. եւ ծանխցուք զի՛նչ է որ զՄարիամ երանելի գործէ: Եկն հրեշտակն աւետարանել նմա՝ զի ծնանելոց է զՅիսուս: Հաւատաց նա, և խոստացեալն կատարեցաւ յօրհնեալ որովայնի նորին: Եւ զի՛նչ առ այս ասէր ազգական նորա Եղիսաբեթ. « Երանի որ հաւատայցէ, զի եղիցի կատարումն ասացելոցս նմա ի Տեաւնէ՜ 1 » : Ըստ մասին կատարեալ է այդ. զի յղացարդ. այլ սարտ է զի եւ մանուկն զոր կրեսդ յորովայնի՝ ծնցի առ ի քէն. և եղիցի այն ի ժամուս իւրում, որպէս և այլքն: Ահա այս առնէ զքեզ երանելի: Այլ առ ի վերայ հաւ

1 Ղուկ. Ա. 45:

սանել համօրէն քուսդ երանութեան՝ հարկ է և գիտել զի հաւատացեր. զՓրկչն կրես ի ծոցիդ, միացեալ էս ընդ նմին եւ հաւանաովք, հաւատացեր՝ եթէ ոչ միայն լիցի որդի քո, այլ եւ որդի Աստուծոյ. հաւատացեր իջման Հոգւոյն Սրբոյ ի վերայ քո, հովանաւորութեան զօրութեան Բարձրելոյն, հիանալի եւ անձուելի եղանակի յղութեան սրողոյդ օրհնելոյ՝ յարգանքի քում: « Օրհնեալ էս դու ի կանայս և օրհնեալ է ստուղ որովայնի քո՜ 1 » . օրհնեալ էս՝ որով երանելիդ էս. օրհնեալ էւ երանեալ երկոքումք. երանելի՛ վասն մեծի խորհրդեանն որ կատարեցաւն ի քեզ՝ ըստ մարմնոյ. եւ երանելի՛ հաւատովքն՝ որ միացոյց զքեզ ընդ նմին հոգւով: — Այս ճշմարտութիւն բացայայտեցաւ մեզ և այլուր՝ ի նմին խկ ի Քրիստոսէ. կին ոմն սխրացեալ ընդ բանս նորա՝ ձայն է բարձ ի միջի ամբոխին. « Երանի է որովայնին որ կրեսցն զքեզ, և ստեանց՝ որ դիեցուցին զքեզ: Եւ Յիսուս ասէ. Նա՛ երանի այնոցիկ է՝ որ լսեն զբանն Աստուծոյ և առնեն 2 » : Նա՛ (մանաւանդ): Միթէ իցէ՞ արդ ասել թէ մայր իւր որ ծնաւն զնա եւ մնոյց՝ չիցի երանելի. — Քաւ լիցի, ոչ այդպէս. ոչ հակառակի բանից Եղիսաբեթի՛ որ ազգամամբ Հոգւոյն ասաց, Երանելի էս դու. և եղիցի կատարումն ասացելոցն քեզ. այլ կամի զի ծանխցեն ընդ նմին (կնոջ), եթէ ճշմարիտ ստուծաւք երանութեանն մօր

1 Ղուկ. Ա. 42: — 2 Ղուկ. ԺԱ, 27:

իւրոյ Սրբոյ՝ հաւատաւն է . ոչ առ եղծանել զՃմարտութիւն կատարելոցն ի Մարիամ՝ ըստ մարմնոյ, այլ առ յաւելլուլ ի նոյն զպտուղն ներքին, զոր նայն ընկալաւ ի հաւատաւն: Պարտ ուրեմն է յաւելլուլ եւ ի ներգործեալն ի մեզ ըստ մարմնոյ՝ ի հաղորդութեանն, զայն ինչ որ կատարելոցն է անդ հաւատովք եւ ըստ հոգւոյ . եւ հոգին կենդանացուցէ զմեզ, եթէ հաւատասցուք՝ եթէ խոտացեալն մեզ երանութիւն՝ հասանէ մեզ ճմարտապէս՝ յերկաքանչիւրոցն եւս . այլ գայ մանաւանդ, որպէս ի Մարիամ, ի հոգւոյ եւ ի հաւատոց, քան ի մարմնոյ եւ յարեանէ:

Զնոյն օրինակ դարձեալ, յորժամ ասացին ցնա, եթէ «Մայր քօ եղբարք կան արտաքոյ», պատասխանի եա, եթէ «Որ անէ զկամս Հօր իմոյ՝ նա է իմ եղբայր եւ քոյր եւ մայր», ոչ եթէ մերժէր զկորդութիւն արեանն՝ յոր եւ մուտ մարդեղութեամբն, եւ եւս առաւել՝ ոչ եթէ յուրաստ լինէր եթէ ոչ որպէս զայլ մարդիկ յղացեալ իցէ յարեան մօրն, այլ զի իմասցին՝ եթէ զլնչ առ իժ էր կապակցութեանն՝ զոր կամէր թէ ունիցին ընդ ինքեանս . եւ զի մայր իւր՝ զոր արժանապէսն երանելի համարեին, ըստ բանին Եղիսաբեթի, ոչ այնքան վասն մարմնաւորապէս զնա յղանալոցն էր, որքան վասն հաւատալովն բանի հրեշտակին՝ յղացեալ էր զնա կանխագոյն ըստ հոգւոյ, որպէս Հարբասեն:

Արդ եւ մեք նմին նման լիցուք երանելիք:

Որդին Աստուծոյ առնլոց էր ի նմա մարմնն եւ արեւն, զոր եւ տալոց էր ոչ վասն մեր միայն՝ այլ եւ մեզ . այնպէս իսկաբար՝ որպէս էանն ի Մարեմայ, եւ այնպէս ճմարտութեամբ՝ որպէս էանն վասն մեր ի խաչին, նոյնգունակ ճմարտապէս տալոց էր եւ մեզ, եւ այնպէս իսկական գոյացութիւն մարմնոյ եւ արեան իւրոյ է ի մեզ՝ ի տալն մեզ յուտել եւ յրմելլ, որպէս էր իսկական գոյացութիւնն եղեալ ի Մարիամ՝ ի յղանալն զնա, եւ որպէս էրն ի խաչին՝ յորժամ մեռանն ի նմին: Հաւատասցուք արդ ընդ Մարեմայ՝ կատարելոցն ի մեզ ըստ մարմնոյ, այլ գուն գործեցուք կատարել զայն ընդ նմին եւ ըստ հոգւոյ: Կենդանացուցէ զմեզ հոգին, որպէս կենդանացոյցն զԿոյսն Սուրբ: Չօգնէր ինչ նմա մարմնով յղանալն՝ եթէ չէր յղացեալ եւ հոգւովն . ոչ ինչ օգնեացէ մեզ ընդունելն զնա մարմնով՝ որպէս եւ նայն, եթէ ոչ նման նմին մարմնով՝ որպէս եւ ըստ հոգւոյ՝ հաւատովք: Սքան ընկալցուք եւ ըստ հոգւոյ՝ հաւատովք: Սքան չեղապէս իմն, սեփական իմն ներգործութեամբ Հոգւոյն Սրբոյ՝ յղացաւ նա յորովայնի Սրբոյ Կուսին . սքանչեղապէս եւ նմանակերպ զարմաւնալի օրինակաւ նորին Հոգւոյ՝ զոր ամենայն յղանայ իմն եւ ծնանի ի վերայ սեղանոյն: Աջ խորշի Որդին Աստուծոյ ի մարմնոյ մերոյ, որպէս ոչ խորշեցաւ յարգանդէ Մարեմայ: Հաւատաց Մարիամ եթէ յղացեալն ոչ ըրի Որդի է մարդոյ, այլ եւ Որդի Աստուծոյ. զնոյն հաւատոս ունիմք եւ մեք յԱստուած՝ որ տայ մեզ զինքն: Միթէ թանձրամբոք եւ մարմնաւորք

իցեմք ի հաւատաւ մերում այնոցիկ ամենայնի, որպէս Մարիամ ի հաւատաւն:

Արդ ընդէր թողցուք զքեզ, Տէր. հաւատաց Մարիամ, եւ որ ասացաւն նմա՝ կատարեցաւ. հաւատամք եւ մէք, եւ զոր ասացերդ՝ կատարի հանապազօր: Երանելի կոչեցաւ Մարիամ. եւ րանելիք լիցուք եւ մէք. աներջանիկ այնոցիկ են՝ որ թողուն լքանեն զքեզ:

ԽԻ. Որոշումն աշակերտաց հաւատացելոց եւ անհաւատից: — Յովն. 2. 14—5, 24—5, և այլն:

Փրկիչ իմ, կարկեալ կացից առաջի քո, եւ լռութեամբ և գողութեամբ նկատեցից զգալուցիչն զանազանութիւն, որ յայտնի այսօր ի մէջ աշակերտաց քոց, ոմանց մնալով ընդ քեզ, եւ այլոց թողլով զքեզ: Եւ ոյք են որ թողունն զքեզ: Նոքա՝ որք ասէինն, Գա է ճմարտիւ Մե սիայն<sup>1</sup>. նոքա՝ որք խնդրէին զքեզ եւ կամէին յափշտակել կացուցանել թաղաւոր՝ ակամայ կամաց քոց. նոքա՝ որք ի խոյս տալն քո յայն կոյս ծովակին, անցին ընդ այն՝ գալ առ քեզ ի Կափառնայում<sup>2</sup>: Ո՞չ ապաքէն արք այդպիսիք երեւին յօժարք յանաւ բանից քոց: Եւ սակայն դոքա իսկ են՝ որք թողուն զքեզ, որք տրանջեն զքէն, որք ոչ հանդարտեն վարդապետութեան քում:

1 Յովն. 2. 14, 15: — 2 Նոյմ, 24, 25:

Քանիք իցեն որք թուին հաւատաւ ի Փրկիչն, այլ ի ներքուստ ոչ հաւատան, զի ոչ որպէս արժանն է հաւատան, եւ առ շահու անձանց խնդրեն զՅիսուս, հանդոյն այնոցիկ՝ որոց ասացն. « Ամէն ամէն ասեմ ձեզ. խնդրէք զիս, քանզի կերայք ի հացն անտիեւյաբեցարուք<sup>1</sup>»: Որքանեաց եւս կարեր ասել. Խնդրէք զիս, զի հաճեցից զփառասիրութիւն ձեր եւ զաղահուութիւն. այս իսկ են իլճք ի խորս սրտից ձերոց, որովք այնքան թախանձ ինձ արկանէք ուստիք եւ աղօթիւք զոր տայք առնել. ոչ զկամս իմ խնդրէք՝ այլ զանձանցդ. եւ ոչ գոհանայք զինէն մինչեւ ոչ բարձից ի մտաց և ի մարմնոց ձերոց զվիշտս նոցին: Խորամուխ լերուք ի սերտըս ձեր. տեսէք զգործս ձեր՝ որպիսի ինչ իւցեն. քննեցէք ներքսագոյնս, եւ միայն մարմնելէնս դաջիք ի խորհուրդս կամացդ. երթայք գործեցէք այլ կերակուր<sup>2</sup>. Լցարուք այլովք խնդրելօք:

Սակայն, սի Տէր, եթէ մարմնեղէնք էին դոքա, եւս առաւել եւ աշակերտքն քո. բայց կացին մնացին նոքա ընդ քեզ, մինչ քրթմնն ջողքդ դայթակղեցան և յետս չողան: Ահաւոր իմն գաղտնիս յայտնես ինձ աստանօր, քանզի անդէն ի տեսանել քում զճագուռնն արանջաւ նայ յանհաւատսն՝ ասես ցնոսա. «Մի քրթմնն ջէք. ոչ դք կարէ գալ առ իս՝ եթէ ոչ Նայրն որ զիս առաքեաց՝ ձգեսցէ զնա<sup>3</sup>»: Եւ իբրև տե

1 Յովն. 2. 26: — 2 Յովն. 2. 27: — 3 Նոյմ, 63—4:



սեր եթէ եղին ի մտն մեկնիլ ի քէն, մեւանւ  
 դամ յաւելեր. « Են ոմանք ի ձէնջ՝ որ ոչ հա-  
 ւատան. վասն այնորիկ ասացի ձեզ, թէ ոչ որ  
 կարէ գալ առ իս, եթէ ոչ լցէ տուեալ նմա ի  
 Հօրէ իմմէ »: Իսկ յասելն քեզ Պետրոսի և այ-  
 լոց ընդ նմին, « Տէր, առ ո՞վ երթիցուք, դու-  
 ես Քրիստոսն, Որդի Աստուծոյ՝ 1) ». Հայրն քո  
 ձգէր զնոսա ի ներքուստ. նա ետ նոցա գալ առ  
 քեզ. և ոչ միայն գալ, այլ եւ մնալ ընդ քեզ.  
 քանզի էին նոքա ի Թուոյ երջանկացն՝ վասն ո-  
 ղոց դրեալ էր, որպէս և դու ինքնին յառաջ ա-  
 ծեր, եթէ « Եղիցին ուսեալք յԱստուծոյ՝ 2) ».  
 Երջանիկ խմբէն զորմէ արտասանեցեր, « Ա-  
 մենայն զոր տայ ինձ Հայր իմ՝ գայ առ իս ».  
 այսինքն զորս այնու գաղտնի եղանակաւ ձգէ՝ զի  
 գայցեն, ամենեքին որոյ տայ գալ. դա է եր-  
 ջանկացն խուճի՝ զոր ետ քեզ Հայր. դոքա ա-  
 մենեքն գան առ քեզ՝ 3). և որպէս ասէրդ՝ Ոչ  
 զք յայնցանէ հանես արտաքս. հաղորդս առ-  
 նես զնոսա ներքին գաղտնեաց քոց, ներքին ըս-  
 փոփանաց: Ասես զնոսա ըւեւեայն, որպէս եր-  
 բեմն ցՊետրոս. « Երանի՛ քեզ, Սիմոն, որդի  
 Յովնանու, զի մարմին եւ արիւն ոչ յայտնեաց  
 քեզ, այլ Հայր իմ որ Երկրին է՝ 4) »: — Ուրախ  
 լեր ժողովուրդ ընարեալ, ուրախ լեր, « հօտ  
 փոքրիկ, զի հաճեցաւ Հայր ձեր տալ ձեզ զար-  
 քայու թիւն՝ 5) », յայտնել զգաղտնիս իւր, ձգել

1 Յովն. 2. 65-6, 67: — 2 Նոյն, 45: — 3 Նոյն,  
 37: — 4 Մատթ. Ժ. 17: — 5 Ղուկ. ԺԲ. 32:

առ Որդին իւր: — Իսկ զի՞ արասցես ընդ այլ  
 սրն: — Զարհուրիմ, Տէր, յընթեռնուլս. մատ-  
 նես զնոսա անձամբ յանձինս իւրեանց, արգար  
 դատաստանաւդ. զանձինս իւրեանց ինդրէն  
 նոքա, անձանց իւրեանց մտնես զնոսին. առ  
 ամբարտաւանութիւն իւրեանց, առ կամս մար-  
 մնոյ, առ քրթմնջանսն, առ գայթակղութիւնս.  
 եւ կան մնան ի նոսին կամակար. յարանան ի  
 չարաչար ընտրութեան իւրեանց, յոր թողեր  
 լքեր զնոսա, անքնին՝ այլ միշտ արգար դատաս-  
 տանաւ քով: « Վասն այսորիկ, ասես, ասացի  
 ձեզ թէ ոչ որ կարէ գալ առ իս, եթէ ոչ լցէ  
 տուեալ նմա ի Հօրէ իմմէ՝ 1) »: Ոչ որ կարէ  
 յանձնէ իւրմէ եւանել, ի զգայութեանցն, ի  
 հպարտութեանէն, եթէ ոչ ձգեսցէ զնա անտի  
 Հայրն քո, առ ի տալջ քեզ: — Զգեա զիս, Տէր.  
 տամ քեզ զամենայն:

ԽԳ. Սուրբն Պետրոս եւ ուղղափառք յարիկ ի  
 Քրիստոս եւ յԵկեղեցի. Կախառնայիտիկն եւ  
 հերետիկոսք գաղտնի ի ևոցսն: — Յովն. 2. 53:

Իտեսիլս խորագոյնս արկանես զիս, Տէր. Թափ  
 անցանեմ ի դարս որ դալոցն են: Ընդ մնացողսն  
 ընդ Յիսուսի, եւ Պետրոս ի գլուխ նոցա, ասե-  
 սանեմ զամենայն ուղղափառս անմեկնեւապէս

1 Յովն. 2. 66:

յարեալս ի Քրիստոս եւ յեկեղեցի նորա. եւ յանձատեալն ի Յիսուսէ՛ զամենայն հերետիկոսս՝ որք լքանելոյ են զեկեղեցի նորա: Ի Պետրոս եւ յառաքեալսն՝ տեսանեմ զայնոսիկ՝ յորս հաւատք յաղթողանան ի վերայ մարդկեղէն զգայութեան, այսինքն են ամենայն հաւատացեալքն. եւ ի նոսին՝ որք անձատեալք մեկնին եւ ոչ երթան զհետ Յիսուսի, տեսանեմ զայնոսիկ՝ յորս մարդկեղէն իմացուածք զօրանան ի վերայ հաւատոց. այսինքն են՝ ամենայն անհաւանքն՝ որք թողուն զեկեղեցի, եւ այնոքիկ մանաւանդ որք թողուն զնա ի սակս այսր խորհրդոյ Քրիստոսեան: Ի կորուստ զնան նոքա ընդ ասացողն, « Ձեանդ կարէ սա տալ մեզ զմարմին իւր յուտել », եւ զճմարտութիւնն յայլաբանութիւն չըջեն:

« Մարմին իմ կերակուր է, եւ արիւն իմ ըմպելի »: այնպէս են ճմարտապէս. եւ պարտ է ուտել եւ ըմպել զայն. երկցս եւ չորիցս կրկնաբանեալ. միթէ այլաբանութիւն իցէ այս: Եւ ո՞ ուրեք երբեք այսպիսի ինչ պնդեաց. ոչ ուրեք գտանի այդմ օրինակ: Այլ ո՞ ետես եւ քան զայդ նուազ մեկնաբանեալ եւ պարզեալ. — նուազագոյն ևս գտցի այդմ օրինակ. մանաւանդ թէ եւ ոչ մի, որպէս քննեցաքս եւ տեսաք. եւ սակայն յամառեալ պնդեն դոքս այլաբանութիւն ասել: Քանի՛ յամառ են միտք մարդկեղէնք ի կանխակալ կարծիս իւրեանց. քանզի ծանր թուի նոցա քեցիլ յառաջնոյ անտի դժուարութեանն, որպիսի էր Կափառնայիմայցն,

որպիսի է եւ դոցա. « Ձեանդ կարէ դա տալ մեզ զմարմին իւր յուտել »: Յաղթահարեալ պարտին այդանօր. եւ կորնչին ընդ թանձրամիտ եւ ամբարտաւան քրթմնջողսն: Եւ սակայն եթէ հարցցես զնոսս՝ զմեզ իսկ ասեն Կափառնայիմս. զհօտ քո փոքրիկ, զփոքրկունս եկեղեցւոյ քո, որք պարզմտութեամբ լսեն բանից քոց, մեղադրեն լինել թանձրամիտս եւ մարմնաւորս, եւ անլողս բանից քոց: Բարձր. եւ զինչ իցէ որում ոչ լսիցեմք մեք: Քրիստոս ասաց. « Իսկ արդ եթէ տեսանիցէք զիս ելեալ անդրէն յերկինս <sup>1</sup> »). եւ ծանոյց այնու, զի ոչ յօշեսցի, ոչ կոտորեսցի և սպառեսցի մարմին իւր. միթէ չհաւատամք եթէ այնպէս լինիցի: Միթէ ո՞չ հաւատամք եթէ վերայաւ Յիսուս յերկինս, եւ կեայ սնդ բոլորովիմբ: Հաւատամք այսմիկ, Փրկիչ իմ. վկայէ ամենայն երկիր: Եւ եթէ ի վերայ այսոցիկ՝ հաւատամք ճաշակել զքեզ, եւ զի զոր հաճիս տալ մեզ յընդունել ի մարմինս մեր՝ քո մարմինդ եւ արիւնդ է, եթէ հաւատամք այսմ այսպէս լինել, յայն սակս է՝ զի մի ընդ Կափառնայիմայցն ասասցուք, « Ձեանդ կարէ դա տալ մեզ զմարմին իւր յուտել »: Եւ արդ ո՞չ իցեն որք զայդ ասեն, զի ահա յայտնապէս մեք չեմք. ո՞չ իցեն ասացողքդ, եթէ ոչ այնոքիկ՝ որք ոչ կարեն համոզիկ լինել ի հաւատալ՝ եթէ մարմ իցէ ուտել զմարմին Քրիստոսի եւ ոչ ծախել զայն.

ոչ յօշեւ, ոչ ուտեւ զլայն խնկապէս ի գոյու-  
թեան իւրում ի վերայ երկրի, առանց ձգելոյ  
զնա յերկնից:

Ասաց Յիսուս, « Հոգին է կենդանարար » . մի-  
թէ մեք ուրանամք ինչ զայդ . միթէ ո՞չ հաւա-  
տամք եթէ մարմին նորա լի է հոգւով կենդան-  
արարաւ: Եթէ յղացաւ մարմնով, յղացաւ ի  
Հոգւոյն Սրբոյ. հաւատամք այդմիկ: Հոգին  
Սուրբ հովանացաւ ի վերայ Մարիամն <sup>1</sup>. հա-  
ւատամք: Եթէ նովին մարմնովն յղացելով՝ պա-  
տարագեցաւ, ի ձեռն Հոգւոյն Սրբոյ մատու-  
ցաւ ի պատարագ, կամ, որպէս քնագիրն ասէ,  
« Ի ձեռն Հոգւոյն յաւիտենականի <sup>2</sup> » . — հա-  
ւատամք: Զամենայն զոր Քրիստոս կատարեաց  
մարմնով, նոյն եւ հոգւով կատարեցաւ: Ոչ  
այնքան ի մարմնոյն, որքան յաւէտ ի հոգւոյն  
մխայելոյ ընդ նմա՝ գան կեանքն. — հաւատամք:  
Զասեմք մեք ընդ Կաթառնայիմայն եթէ Յի-  
սուս որդի իցէ Յովսեփայ, եւ ոչ սոսկ Որդի  
մարդոյ. ասեմք, եթէ Որդին մարդոյ յղացեալն  
ի Մարեմայ՝ է եւ Որդի Աստուծոյ, եւ պարտ  
է, որպէս ասաց նմա հրեշտակն, կոչել զնա  
ճմարտապէս եւ յատկապէս այսու անուամբ:  
Հաւատամք դարձեալ, զի այն Որդին մարդոյ՝  
որ ի խաչին աննչացաւ, ոչ սոսկ որդի մարդոյ  
է. այլ ընդ հարիւրապետին ասեմք, « Արդարեւ  
Որդի Աստուծոյ է դա <sup>3</sup> »: Եւ յուտենն զմար-

մին նորա եւ յըմպելն զարիւհնն՝ հաւատամք եթէ  
միանգամայն մարմնով եւ հոգւով անկ է ընդու-  
նել զլայն. եւ զի « Հոգին է կենդանարար »:

Ասաց նա. « Մարմին ինչ ոչ օգնէ » . — հա-  
ւատամք. եւ նկատեմք նախ, (քանզի հաւատովք  
կշեմք զամենայն բանս նորա), նկատեմք՝ զի  
չասաց, Մարմին իմ ինչ ոչ օգնէ. զի այդ շէր  
մեկնաբանել, որպէս գուքք համարեք, այլ եղ-  
ծանել զնախաճառեալն, յորում այնքան ստեպ  
ասաց՝ մարմնով ունել մեզ կեանս: Արդ յա-  
սելն՝ Մարմին ինչ ոչ օգնէ, այդ մարմին է ըստ  
իմացուածոյ Կաթառնայիմայն, մարմին որ-  
դւոյն Յովսեփայ. եւ մարմին այնպէս ուտել ի  
բերանով մարմնոյ, զի յօշեացի և ծախեսցի, մին-  
չեւ չմնալոյ ինչ ի վերացումն յերկնա. քանզի  
այսպէս իմանային քրթմնջողքն: Այլ մեք ոչ  
այդպէս իմանամք. եւ եթէ հարկ եւս իցէ իմա-  
նալ՝ եթէ մարմինն Յիսուսի ընկալեալ եւ կե-  
րեալ բերանով մարմնոյ, այնու հրաշալի օրի-  
նակաւ՝ զոր չառնուին ի միտ անհաւատքն, « ինչ  
ոչ օգնէ » . հաւատամք եւ ըստ այսմ՝ սարստի-  
զի յուտենն զմարմինդ զայդ՝ գիտեմք զի հարկ  
է ուտել որպէս զո՞չ զէնեալ, եւ յիշել զնա յու-  
տենն, գորովել յիշատական, ընդ նմին մի պա-  
տարագ սուրբ լինել, հաղորդակից լինել հո-  
գւոյն՝ որպէս եւ մարմնոյն. միով բանիւ, կցոր-  
դիւ ընդ նմա հոգւով եւ մարմնով, որպէս եղեւ  
ամենասուրբ Կոյսն ի յղանալն զնա յորովայնի.  
ապա եթէ ոչ՝ ոչ ինչ օգնէ մարմինն այն, թէ-  
պէտ եւ ուտիցի եւ ընկալեալ լիցի ի մար-

1 Ղուկ. Ա. 35: — 2 Եբր. Թ. 14: — 3 Մտթ.  
Իլ. 54:

մին: Չասէ իսկ Յիսուս՝ թէ ոչ լինի կերեալ, կամ ոչ ընկալեալ ըստ գոյացութեանն, այլ թէ ինչ ոչ օգնէ. որպէս եւ Առաքեալն Պօղոս՝ չասէ չուենէլ զմարմինն Քրիստոսի՝ եթէ անարժանութեամբ որ ընկալցի, այլ թէ ոչ խորի այն՝: Ապա ուրեմն ոչ միայն մարմնով արժանէ ընդունել զնա, այլ եւ խորել ըստ հոգւոյ. զի եթէ ոչ այսպէս՝ ոչ միայն չօգնէ, այլ եւ դատապարտէ զմեզ, եւ պարտականք լինիմք մարմնոյ եւ արեանն Տեառն՝: Արդ օգնէ ինչ ոչ մարմինն, որպէս զխորդ եւ որ խնայցի. չօգնէ ինչ առանձինն, եւ ոչ ինքնին լոկ. ոչ է օրէն ի նա յառել կալ մնալ: Եւ եթէ հարկ եւս իցէ բանիւղ՝ Մարմին ինչ ոչ օգնէ՝ իմանալ թէ մարմնեղէն զգացումն չօգնէ ինչ, հաւատամք եւ այդմ, զի « ոչ մարմին եւ արիւն յայտնեաց մեզ »՝ զհաւատալիքս, եւ ոչ զանհասանելի օրինակն՝ որովք հաւատամք ճաշակել զմարմին Փրկչին: Եւ արդ, զոր ինչ եւ սասցնա զմարմնոյն ուտելոյ եւ զարենէն ըմպելոյ, եթէ եւ ըստ գրոյն իմանալ պարտ իցէ զմարմնոյն եւ զարենէն՝ ըստ յատուկ իւրումն գոյացութեան, « Հոգի է եւ կեանք »: այնու՝ զի որով եւ է եղանակաւ՝ հարկ է զօրել ի նոյն եւ զհոգի. հաւատամք այդմ՝ Եւ առ ի քաջ իմանալ զամենայն բանս Փրկչին, ոչ հաւատամք թէ վերջինքն յորս զհոգւոյ խօսեցաւ ի բաց բարձցեն զառաջինսն՝ յորս զմարմնոյն

ճառեաց, այլ ուսուցանեն մեզ յարել ի մի զերկոսեան, եւ խնդրել զհոգին ի ճմարտութեան եւ ի յատկութեան մարմնոյն:

Ո՛ւր իցեն արդ հաւատք ուղղափառաց:— Ի բանս Պետրոսի. « Տէր, առ ո՞վ երթիցուք, բանս կենաց յաւիտենականաց ունիս ». որոց ամենեցուն հաւատամք. եւ այնոցիկ՝ զոր յեղյ յեղէս ուժգնադոյնս վասն գոյացապէս ճաշակելոյ զմարմնդ, եւ այնոցիկ՝ յորս նովին յստակութեամբ ուսուցանես՝ եթէ պարտ է օգտիլ ի հոգւոյդ: Ահաւարդիկ հաւատք մեր. ահաւարդիկ դաւանութիւն մեր: Իսկ ո՞ր իցեն հաւատք անշատելոյն յեկեղեցւոյ, եթէ ոչ իբան կախաւնայիմայցն. « Զիմորդ կարէ դատալ մեզ զմարմին իւր յուտել »: Տալ մեզ զայն ադ ի սպառել, իբք անհամբոյր եւ դժպէսի, ապ մեզ՝ անծախելի մնալով եւ ի նմին ժամու անթերի յերկինս կալով, անհնարին իբք:

Զեմք մեք ի դատուէ այսի, ո՞վ Տէր. եւ ոչ միով իւիք ոչ պատշաճի մեզ զխորդդ այդ քրթմնջողացն: Դասակից լինիմք Պետրոսի. դառնամք անդրէն ի վերնատունն, առնել ընդքեզ եւ ընդ աշակերտս քո՝ զընթրիան: Որպիսի՞ պարզութիւն, որպիսի՞ լուութիւն. « Առէք, կերայք. Այդ է մարմին իմ: Արբէք. այդ է արիւն իմ »: Չասէ, թէ այդպէս լիցին ի ձեզ հաւատովք, այլ զոր առաջի առնեմն ձեզ՝ այդպէս է: Եթէ հաւատայք եւ եթէ ոչ՝ այդպէս է. այդպէս է, վասն զի ես ասեմ, եւ ոչ զի դուքդ հաւատայք: Քանի՞ զարմանայ իբք: Եւ սակայն

առանց ինչ մեկնաբանութեան ասէ զայն Յիսուս. լսեն աշակերտքն առանց ինչ հարցանելոյ. հարցասէքքն անդադարք, եթէ ներեսցի ինձ առ անգամ մի այսպէս կոչել զնոսա, լուռ եւեթ կան. կատարեն զասացեալն, ոչ միայն անհակառակ եւ անտրտունը, այլ եւ առանց կարօտելոյ նորոց հրահանգաց քան զոր ընկալանն: Քաջ խիկ ի բաց մերժեալ էին տրտունըքն. ինգիւրքն ճշգրտապէս լուծեալք. խաղաղական է ամենայն, ամենայն հլուական. շայրն ձգեաց զնոսա: Իսկ այլքն: — Ո՛հ, փախերուք յընկերութենէ նոցա, ո՛հ հաւատացեալք, ի բաց կացեք ի մոլորեցուցացոց, յամպարշտաց անտի, որք ոչ զՄովսէսէ քրթմնյէն, այլ զՅիսուսէ ինքնին. մեկնեցարուք ի նոցանէ, զի մի ի մեզս նոցա ըմբռնիցիք: Առ իմէ՞. զի՛նչ լինելոց է նոցա, միթէ երկիր պատառեսցի՞ ընդ ոտիւք նոցա՞ կենդանւոյն կլանել զնոսա: — Ոչ, չար եւս քան զայդ: Թողուն նոքա զեկեղեցի, եւ ի կարծիս անձանց իւրեանց մատնին:

ԽԳ. Անարժան հաղորդութիւն. — Ա. Կորնթ.

ԺԱ. 27-9:

Իսկ որք ոչ հրաժարեալք յԵկեղեցւոյ, այլ եւ պահելով զճմարիտ հաւատս մարմնոց եւ արեանն Քրիստոսի, անարժանութեամբ ընդունիցին, իցէն եւ նորա ձգեալք ի Հօրէն երկ-

նաւորէ. իցէն տուեալք ի նմանէ առ Յիսուս. եւ դայցէն առ սա՞ որպէս արժանն է: — Արդարեւ ոչ զի ոչ եթէ միայն ոչ ընդունին կեանքս, այլ՝ եւ որպէս ասէ Առաքեալն, « Զգատաստան անձանց իւրեանց ուտեն եւ ըմպեն, զի ոչ խորեն զմարմինն Տէառն <sup>1)</sup>»: Ահագին իմն բարբառիսատանօր Առաքեալն սուրբ. քան զի յետ յեղեցուցանելոյ հաւատացելոցն՝ եթէ ասաց Յիսուս տալ նոցա յուտել զմարմին իւր, որ խոցելոց եւ պատառելոց էր ի խաչին, եւ թէ բաժակն զոր տալոց էր նոցա յարբուսն՝ արեամբն հեղձով ի նմին մարմնոց՝ էր միջնորդ ուխտին եւ կտակին՝ զոր առնէր Փրկիչն ի փրկուածիւն նոցին, ի վերայ բերէ, եթէ « Որք ուտեն զհացս զայս »). միտ դիր, զհացս զայս. որ է ասել հացս որ եղեալ է մարմին, որպէս վերագոյն պատմեալ էր, « եւ ըմպեն զբաժակն Տէառն անարժանութեամբ, պարտական եղիցին մարմնոց եւ արեան Տէառն »: Եւ զի՛նչ իցէ պարտականն լինել, բայց եթէ ոչ միայն պղծել այլ եւ խոտել ըստ օրինակին զոր արարինն Հրեայքն, ի պատառելն զմարմին նորա եւ ի հեղձու զարիւնն. վասն այսորիկ զգատաստան անձանց իւրեանց ուտեն եւ ըմպեն, զի հանգոյն նենգաւորացն այնոցիկ՝ ոչ խորեցին զմարմին Քրիստոսի ի մարմնոց աւազակացն ընդ նմա խաչեցելոց: Եւ տես, զի անարգանք Հրեայն առ Յիսուս՝ ճշգրտիւ առ մարմին նորա էր. քանզի

մարմինն եւեթ զնասի սպանմամբ, ըստ բանին, եթէ « Մի զարհուրելիք յայնցանէ՝ որ սպանանեն զմարմին, եւ յետ այնորիկ աւելի ինչ ոչ ունիցին առնել<sup>1</sup> »: Արդ Հրեայքն անարգեցին զմարմինն՝ յինքեան եւ ի յատուկ գոյացութեան իւրում՝ յորժամ ի խաչ հանին զնա. անարգեցին զարիւնն՝ յինքեան եւ ի յատուկ գոյացութեան նորին՝ յորժամ ետուն հեղուլ յերկիր դժնդակ տանջանօքն, որպէս զարիւն յանցաւորի: Նմին նման սրբապիղծք լինիք՝ յուտեան եւ յրմայելն անարժանութեամբ զմարմինն եւ զարիւնն զայն. անարգեք եւ պղծեք զնոսին յինքեանս իսկ. եւ անարգանքն զոր դնէք մարմնոյ Տեառն՝ չխտրեն է, չճանաչեն զսրբութիւնն նորա եւ զգին: Չասէ Առաքեալն թէ ոչ ընդունին չունեղով հաւատս, որպէս հերետիկոսք ասեն, այլ զի ոչ խտրեն, թէպէտ եւ ընդունիցին. օրինակ իմն, եթէ յետ ընդունելոյ արկիցէ ոք ի տիղմն զբար պատուական՝ որպէս զի ի հասարակ քարանց, ոչ եթէ չհառ զայն, այլ զի ոչ խտրեաց եւ ոչ յարգեաց՝ որպէս արժանն էր:

Ոչ այս միայն է զոր ասեն եւս հերետիկոսքդ. Պարտական էք մարմնոյ եւ արեանդ աշգիլի, որպէս պարտական է անձին իշխանի՝ զորոյ թէ ոք պատուիցէ անարդանօք զպատկերն: Աստաւոր ոչ զպատկերէ եւ զօրինակէ են բանք. Առաքեալն հաւասար համարի զբանսն, Այս է

1 Ղուկ. ԺԲ. 4:

մարմին իմ, եւ Պարտական է մարմնոյ, եւ Ոչ խտրել զմարմինն: Ոչ է արժան նուազեցուցանել զոճիր այնոցիկ՝ զորս կշտամբէ Առաքեալն, եւ ոչ մեղմել զարհաւիրան՝ որ վասն այնորիկ: Արդարեւ յանարգելն զինդանագիր իշխանի՝ ի նա ձգին ընդգիմուութիւնն եւ անարգութիւնն. այլ յոյժ նուազ են նախատինքն՝ քան եթէ ի նուիրական անձն նորա ոք ժպրհէր: Ըստ այսմ յետին օրինակի է ժպրհութիւն քրիստոնէից՝ որք անարժանութեամբ ուտեն զմարմին Փրկչին եւ ըմպեն զարիւնն. ժպրհութիւնն է անմիջաբար յանձն նորա: Համառօտ ասել երկուերք են նկատելիք ի չարարանս Քրիստոսի. եղևն Հրեիցն, եւ հնազանդութիւնն Փրկչին: Որք արժանապէս ընդունին զմարմին նորա եւ զարիւն, հաղորդակից լինին հնազանդութեան նորին. իսկ որք անարժանութեամբ՝ մասնակից լինին սրբապղծութեան սպանչացն, եւ հանդոյն նոցա անմիջաբար յերկրպագելի անձն նորին յաւակինն:

Տէր, ձգեա զմեզ առ քեզ, ուստ մեզ արդարապէս խտրել զմարմինն զոր ընդունիմք, զի մի իբրև պիղծ ինչ ընկալցուք զայն՝ յընդունելս ի սիրտ մեր անմաքուր եւ յապականեալ: Սրբութիւն սրբոյ է, որպէս կարգային երբեմն առ հաւատացեալ՝ ի ժամ բաշխելոյ նոցա զմարմինն Տեառն\*։ Մի մերձեսցուք ի նա պղծեալ ձե-

\* Այսպէս իսկ և այժմ պաշտի յեկեղեցիս հայոց ի պատարագի:

ուք. մի ընկալցուք զայն անմաքուր շրթամբք. մի տացուք նմա զհամբոյրն Յուզայի, զհամբոյր մասնէի. այլ զհամբոյր հարսին, համբոյր եռանդաշարժ, նշանակ ողջախոհ եւ մշտնջենաւոր սիրոյ: « Համբուրեաց զիս ի համբուրից բերաւ նոյ իւրոյ <sup>1</sup> » . համբոյր փեսայի. տաց եւ ես նմա զհամբոյր հարսին. համբոյր զոր տան նմա կուսանք, հոգիք ողջախոհք՝ սիրողք նորին: Զգետ զմեզ, Տէր, առ համբոյրդ այդ քաղցր եւ պարկեշտ. « Զգետ զմեզ, եւ զգետ հոտոյ իւզոց քոց ընթացցուք <sup>2</sup> » : Ուր ուղիղ են սրտիւք՝ սիրեն զբեզ: Նոքա են որ տան քեզ զհամբոյրս սուրբ, զհամբոյր խաղաղական եւ զյաւելտենական սիրոյ: « Զի ոչ որբ գայ առ իս՝ եթէ ոչ Հայրն իմ ձգեսցէ զնա <sup>3</sup> » . ոչ որբ գայ առ իս՝ եթէ ոչ ելցե տուեալ նմա ի Հօրէ իմմէ: Ոչ որբ հաղորդի արժանապէս՝ եթէ ոչ այսու ձգմամբ:

Խ Ե . Ո՞րք իցեն անարժանոքներակն հարդրողք:

Ընթերցիլ զգրեալն Պօղոսի առ Կորնթաւցիս (Ս. Ժ. 16-22): Վճիռ է ահաւոր ի վերայ անարժանութեամբ հաղորդողաց. « Ոչ կարէք զբաժակն Տէրան ըմպել եւ զբաժակն դիւաց: Ոչ կարէք ի սեղանոյ Տէրան վայելել, եւ ի սեղանոյ դիւաց »: Ըմպել զբաժակն դիւաց, չէ

1 Երգ Երգոց, Ա. 1: — 2 Նոյն, Յ: — 3 Յովն. Գ. 44, 66:

արբուսն ի բաժակէ հեղոյ վասն նոցա, այլ ըմպել խնամով զփափկութիւնս աշխարհի, որովք եւ ի նոյնս մասնի անձն: Հաղորդել սեղանոյ դիւաց, ոչ է ըլլ ռուսել ի կերակրոց զոհեւոց նոցա, այլ մասնել զանձն յաբահութիւն՝ որ է կուսալաշտութիւն, յորկորստութիւն, որով որովայնն աստուածացուցանի. եւ յամենայն ակաս մնլութեանց, որովք դիւաց մասնի՝ որ ինչ Աստուծոյ էր նուիրելի: — Այլ մի ի մեզայ որ յոյժ անհանդուրժելի է առ Հաղորդութիւն, դժտութիւն եւ ատելութիւնն է առ ընկերն. քանզի սեփական արդիւնք Հաղորդութեան են կցորդել զմեզ ընդ իրեար եւ առնել մի մարմին, ըստ բանին Պօղոսի. « Զի մի հաց մի մարմին եմք բազու՞մք. զի ամենեքեան ի միօջէ հացէ անտի վայելեմք <sup>1</sup> » : Արդ որ ընդունի զհացս այս կենաց, որ ընդունի զմարմնս տուեալ մեզ ընդ ձեռով եւ ընդ տեսակաւ հացի՝ ի սնունդ հոգւոյ մերոյ, — որ բազմաց բաշխեալ կայ մնայ միշտ նոյն, և կատարեալացես նոյն, ոչ ինչ կրելով բաժանուսն յեութեան իւրում, — պարտ լինել մի ընդ համբէն անդամն, որպէս եւ մի լինել ընդ Քրիստոսի: Եւ զայս կնիք ունի յենքեան սրբազան հայն Հաղորդութեան: Արդ որ ընդունի զայն՝ քէն ի սրտի ունելով ընդ եղբօրն, բուռն առնէ մարմնոյ Փրկչին, քանզի նա գայ առնել զմեզ մի մարմին, եւ մեք անջատեալ մնամք: Եւ զի՞նչ

1 Ա. Կորնթ. Ժ. 17:

լինիցի որոց այդպէս որոշեալ կայցեն՝ մինչդեռ քայ մարմինն Յիսուսի ի միացուցանել զնոսն: Չկարէ վայրապար մնալ աստուածայինն այն մարմին. որք ոչն կամին միանալ՝ խորտակէ զնոսն, մանրեալ փշրէ, եւ բաժանէ անձամբ յանձինս իւրեանց. գիտակցութիւն նոցին դատապարտ առնէ զինքեանս. հերքէ զնոսս ի կյորդութենէ իւրմէ, եւ անշատէ ի խորհրդական մարմնոյն. Թէպէտ եւ արտաբոլատ կացցեն ի նմին՝ այլ որոշեալք են հոգւով. անդամք են անպակնեալք. «Մտռք անպտուղք, կրկնամեռք, իլեալք արմատաբի<sup>1</sup>», որպէս ասէր առաքեալն Յուդա. Թուին կալ տակաւին կանգուն յարմին իւրեանց, այլ մահ է ի ծոցս նոցին, և արմատք նոցա ոչ եւս ձգեն հիւթ սննդաբար:

Երթայք, ուրեմն, եւ որպէս Տէր ինքնին պատուիրեաց, երթայք նախ հաշտել ընդ եզբօր ձերում<sup>2</sup>. զի ոչ միայն անարժանք էք հաղորդելոյ ի սեղանին, այլ եւ ոչ նուիրաբեր ի նոյն լինելոյ. ոչ միայն անարժանք ի հաղորդութիւն նուիրաց սեղանոյն, այլ եւ ոչ առաջի կալոյ նմին: Արիւնն Յիսուսի՝ զոր բարձրացուցանեն յերկինս ի վեր, վրէժ կարգայ ի վերայ ձեր, զի արիւն է «որ արար խաղաղութիւն որ ինչ յերկրի և որ ինչ յերկինս<sup>3</sup>». ոչ միայն ընդ մարդիկ և ընդ Աստուծոյ՝ այլ եւ ընդ մարդիկ եւ ընդ միմեանս: Ոչ լսէք ձայնի արեանն՝ որ

1 Յուդ. 12: — 2 Մատթ. Ե. 23-4: — 3 Կողոս. Ա. 20:

առաւել խօսի քան զԱբելին<sup>1</sup>. քանզի սա զհաշտութիւն խօսի, Աբելին՝ զվրիժուց. այլ դուք բուռն առնէք նմս ի վրէժինդութիւն՝ եթէ մերժիցէք զխաղաղութիւնն ընդ եղբարս՝ վասն որոյ նայն հեղատ: Արիւնն այն մահ էւ վրէժ կարգայ. դուք էք սպանողք՝ ընդդէմ որոց բողոքէ նա, «զի որ ասեայ զեղբայր իւր՝ մարդասպան է<sup>2</sup>»: Ի բաց կացէք, չուսուականքդ. փախերուք ի ձայնէ արեան:

ԽԶ. Հարոյրոշքիւն՝ պարտաւորութիւն է ի մահ Քրիստոսի: — Ա. Կորնթ. ԺԱ. 26:

«Քանիցս անգամ թէ ուսիցէք զհացս զայս, եւ զբաժակս ըմպիցէք, զմահ Տէառն պատմեցէք, մինչեւ եկեսցէ նա»: Պատմեալք զայն որպէս արդէն եղեալ ի փրկութիւն ազգի մարդկան. պատմեալք զայն՝ եւ որպէս ինչ մի շարունակ մինչեւ ի կատարած աշխարհի: Մահն Քրիստոսի հանապաղ յանդիմանակաց է ի Հաղորդութեան, խորհրդական որոշմամբ մարմնոյն յարեանէն. անկ է կնքոյ մահուան Յիսուսի ազգել ի վերայ ամենայն հաւատացելոյ, որոց ի դէպ է ըստ նմանութեան Որդւոյն Աստուծոյ՝ յարդարել զանձինս իւրեանց ի զոհ: Յայսմ խորհրդեան բովանդակի ամենայն զօրութիւն խա-

1 Եբր. ԺԲ. 24: — 2 Ա. Յովն. Գ. 15:



չին. եւ ամենեքումք այսօրիւք հռչակի մահն Քրիստոսի: — Եւ զինչ զօրութիւն խաչին իցէ: — «Յորժամ բարձրացայց յերկրէ՝ զամենեւին ձգեցից առ իս»: Եւ քօսքն արդիւնք եւ զեն. եկն ամենայն առ Յիսուս, այսպիսի է զօրութիւն խաչին: Այս զօրութիւն հանապաղ կենդանի է ի հաղորդութեան, նորա հաւատան, նորա օգտին եւ արժանապէս ընդունին՝ զորս Հայր ձգեսցէ առ Որդին: Առ Յիսուս կեալ նոցա ինքեամք, կեալ վասն ինքեան, որպէս ինքն իսկ կեայ Հարբն եւ վասն Հօրն. չիք նոցա այլ կեանք՝ բայց իւրն: Մարմին նորա լի է հոգւով որ հաղորդէ մեզ զկեանսն. ամենայն՝ հոգի է, ամենայն՝ կեանք են յայսմ խորհրդեան: Ամենայն ոյժ զօրութեան խաչին առ ի ձգել զմեզ առ Յիսուս, առ ի կեալ նովաւ և ի նմա, բովանդակեալ է ի նմին: — Քանի՛ բուռն է Փրկչին՝ յորժամ ոչ հատուցանի սէր առ սէր նորին. յորժամ թէ ոք չթողու զանձն ի ստացուած նմին. յորժամ թէ ոք զգէմ ո՞նի զօրութեանն՝ որով ձգէն զմեզ, թէ զլանայցէ ոք նմա զսիրոսն, մինչ ոչ միայն ինդրէ զայն, այլ եւ՝ եթէ օրէն իցէ ասել, զամենայն դուն գործէ առ ի ձգել զայն ի միութիւն ինքեան. լինի փեսայ անարգեալ որ զայրանայցէ ի վերայ հարսինն անգագայացելոյ. որում չկայ չմայ այլ ինչ բայց գատապարտութիւն և մահ: Աւաղ, աւաղ, ամենայն ինչ կորուսեալ է. և ամենայն ուժգնութեամբ որով ձգէրն զմեզ՝ նովին եւ յեսս ընկրկէ եւ կործանէ:

ԽԵ. Յարատեւորիւն, արդիւնք Հաղորդութեան: — Յոյն. 2, 57:

«Որ ուտէ զմարմն իմ եւ ըմպէ զարիւն իմ՝ յիս բնակեսցէ, եւ ես ի նմա»: Պարգեւ մեծագոյն՝ որում փափագանօք անձկան քրիստոսնեայք, պարգեւ յարատեւութեանն է, որ աներկբայ կացուցանէ զպահն. որ կցորդէ զմեզ եւ խառնէ ի մարմնն Քրիստոսի, առ ի գործել զմեզ մի ընդ նմին ի յաւիտեանսն, բնաւ իսպառ անանջատելի: Այս է մեծն պարգեւ Աստուծոյ. պարգեւ լծորդ նախասահման ընարութեանն յաւիտեականի. եւ Յիսուս ուսուցանէ մեզ՝ եթէ գոյ ի հաղորդութեան սեփական իմն շնորհ ընդունելի: Արդ եթէ ըզձանայցեմք տեւել տոկալ յառաքինութիւնս, պէտք են հաղորդել, եւ հաղորդել յաճախ. զի չիք քան զայդ հզորագոյն հնաբք տուեալ մեզ առ ի ստանալ զյարատեւութիւն. այն է հաց քրիստոսնէից, հաց սովորական եւ հանապաղօրեայ: — Ո՛վ Տէր, քանի՛ խիստ է սիրտ քրիստոնէից, զի այդպէս դուն ուրեք մատչին ի սեղանն սրբութեան: Եթէ էր նոցա ճաշակեալ Յիսուս խաչեալ, յաճախագոյնս գային ի կատարել զխորհուրդ մահուանս: Գորովի սիրտ յաւուր մեծի ուրբութուն, քանզի կատարի յիշատակ մահուան Փրկչին: Եկայք, որդեակք իմ, ամենայն օր աւագ ուրբաթ է. զօր ամենայն կանգնի Գողգոթա ի վերայ սրբոյ սեղանոյն:

Եկայք, եւ յեշատակ արարէք մահուանն՝ որ կեանք մեր է. եկայք ընդունել խորհուրդ սըբբազան՝ որով ուսանիմք կեալ ի Քրիստոս, որով ընդունիմք զօրուծիւն, քաղաքուծիւն եւ շնորհս կալոյ ի նմա:

Այլ սակայն եւ պարտ է գողալ՝ եթէ յետ հաղորդութեանն ի նոյն ի մեզս գեթիցեմք. քանզի չասէ Յիսուս, եթէ Որ ուտէ զմարմին իմ՝ է իս, այլ բնակի՝ յարեալ անդ. ոչ թէ Ես ի նմա եմ, այլ ի նմա բնակեցայ եւ ոչ թողից զնա: Հաւատարիմ է Յիսուս. ոչ թողու զմեզ ինքն նախ առաջին. ինքն գայ առ մեզ նախ. բայց ոչ երբեք առաջին է ի թողուլ. մեք եմք որք թողումք զնա՝ յորժամ գեթեմք ի մեզս: Վայ մեզ, արժան է զարհուրել, եթէ գուցէ ոչ որպէս արժանն էր՝ ընկալաք զնա. զի պարտ էր մեզ բնակել ի նմա. եւ ահա, աւա՛ղ, լքեալ թողաք: Արժանապէսն ընդունել՝ է ընդունել ատելով զմեզս, զգուշանալով յառեւից մեզս, ինդրելով ի հաղորդութեան զապաւէն ակաւորութեան մերոյ և յողորդութեան:

ԽԸ. Փորձեղ զակձն: — Ա. Կորնթ. ԺԱ. 28:

« Փորձեսցէ մարդ զանձն իւր »: Փորձեսցէ նախ զանձն, մի գուցէ չիցէ արժանի սեղանոյն սրբութեան. մի գուցէ մատչիցի յընթրիս փեսային՝ առանց զգեստու հարսանեաց, ոչ գորով

ի կարգի շնորհաց. զի մի ասիցի նմա. Ընկեր անհաւատ, ընկեր ժպիրհ, զեմբոյ մտեր այսր, զի ոչ ունէիր հանդերձ հարսանեաց: Եւ ոչ միայն յընթրեացն մերժեսցի, այլ եւ կապեալ օտուք եւ կապեալ ձեռօք արկցի ի տեղի խաւարին, ուր լալ աջայն է եւ կրճտել ատամանց: « Մտեալ թագաւորն հայել զբազմականօքն, ետես անդ այր մի՝ որ ոչ էր զգեցեալ հանդերձ հարսանեաց՝ »: Համարեաց՝ եթէ Քրիստոս ինքնին եկեալ քննիցէ զմատուցեալն ի սեղան իւր: Առ ի գերծանիլ յահագին քննութեան անտի՝ քննեսցէ ամենայն որ զանձն իւր. « Փորձեսցէ մարդ զանձն իւր »: — Այլ են եւ այլ ինչ փորձք նրբագոյնք: Հայն հաղորդութեան կոչի ի սրբոց՝ Հայ հզօրաց. եւ ի բաշխելն զայն՝ արժան է այնպէս ընտրել որպէս բժիշկ մի իմաստուն ի տալն կերակուր հաստատուն՝ առ հիւանդն. այսինքն ոչ միայն չտալ բնաւ ցորջափ տեսնին կարեալ ունիցի զնա, այլ եւ զգուշաբար տալ թերառողջիցն:

Զատ ի փորձոյ՝ զոր արժան է աւնել վասն երկնաւոր կերակրոյն, առ ի չուտել այնու զանձնն գատասարտութիւն, գոյ եւ այլ փորձ. — պատրաստութիւն կարեւոր՝ առ ուտել զայն օգտիւ: Այդ կերակուր ոչ միայն տուաւ մեզ ի պահեստ կենաց, այլ եւ ի պարարել զմեզ նորոգէ եւ պարարտացուցանէ. կամի եւս քան զէւս բառնալ եւ զգոյնն ինչ հետս ախտին: Աջ

հալի կերակուրս այս. այլ՝ եթէ օրէն է ասել զմեզ ինքն հալէ եւ յինքն փոխակերպէ: Արժան է քննել զյառաջագիմու՛թիւնս մեր՝ որ յուսեալոյ անտի գործիցի, եւ առնուել զգուշու՛թեամբ, մինչեւ լիցուի բաւականք ընդունել զբովանդակ արդիւնս նորին. ապա թէ ոչ՝ ծանրանայ ի մեզ. և եթէ չիցէ իսկ մահ է ներքս ի մեզ, գումարէ հիւժս խի՛թացուցիչս կրկին կործանման: Երկնէ՛լ ուրեմն արժան է ի ստեպ հաղորդելոյ, եթէ ոք ոչ հասցէ ի դիրութիւնն այն հոգեւորական եւ ի պայման զօրաւորութեան: Ապաքէն ստոյգ է, եթէ ընդունելով զայն՝ լինիմք ատակք առ ընդունել. ինքն իսկ իւրով զօրութեամբ ընդունակս ինքեան և արդեանց իւրոց յարգարէ զմեզ. սակայն արժան է չափ գնել կիրառութեանն: Աներկբայաբոյն նշան բարեբարոյ հոգեւոյ՝ առ յաճախ ընդունելութիւն, հոգեկան քաղցն է առ այն. այլ չափաւորել արժան է զախորժակն: Գոյ ախորժակ հիւանդաց, դոյ եւ ախորժակ առողջութեան, ապա ուրեմն կրկին դէմք են ախորժակի. հարկ է ճանաչել. հարկ է նուաճել. հարկ է եւ յորդորել. է երբեք զի եւ առ վայր մի դու՛լ առնելով՝ անկ է վառել զեռանդն, առ յաւելուել եւ զվայրէմն: Ի հոգի՛ զոր պէտք են առ ժամանակ մի յորդորել ընթերցմամբ գրոց եւ խոկմամբ աստուածային բանից: Ճաշակել ըզբանս Քրիստոսի՛ նշան է առնելոյ զճաշակ նորին, եւ լաւագոյն պատրաստութիւն ճաշակելոյ զնա: « Ո՞վ է իմաստուն, եւ իմասցի զայս, եւ

հանձարեղ՝ ծանկից զայս<sup>1</sup> »: « Ո՞վ իցէ հաւատարիմ՝ անտես եւ իմաստուն, զոր կացոյց տէր իւր ի վերայ գերգաստանի իւրոյ՝ տալ ի ժամուռ զեւրայ գերգաստանի իւրոյ՝ տալ ի ժամուռ զեւրայ գերգաստանի իւրոյ<sup>2</sup> »: Տես, զի ընտրութիւն է ժամանակի եւ չափու, եւ զի անտեսին ոչ միայն վայել է հաւատարիմ լինել՝ այլ եւ իմաստուն: Ապա փորձեացէ մարդ զանձն իւր. զի ոչ ամենեցուն նոյն ժամանակ ի դէպ է, և ոչ ամենեցուն նոյն չափ պատշաճաւոր: Արժան ուրեմն է փորձել զանձն. եւ յորժամ փորձել զանձն ասիցի, ոչ է իմանալ՝ եթէ ըստ դատման մտացն անկ իցէ մերձեալ կամ հեռանալ. զի այդպիսի փորձ՝ յաճախ ճարակ է անձնասիրութեան. մասն մի բարեւոք փորձելոյն՝ է ճանաչելն քաջ, մասն մի բարեւոք փորձելոյն՝ է ճանաչելն քաջ, եթէ չկարէ մարդ դատել զանձն, այլ արժան է դիտել ինդրել զանտեսն իմաստուն՝ որ գիտիցէ զպատշաճաւորն մեզ չափ եւ ժամանակ: Զի ոչ վայրապար ինչ ետ հովուապետն պաշտօնէից իւրոց իշխանութիւն կապելոյ եւ արձակելոյ, ունեւոյ եւ թողոյ: Ապա փորձեացէ մարդ զանձն այսու խրատու եւ ըստ հրամանի հնազանդութեան. եւ որ այսու հոգեով գործէ՝ շնորհս ընդունի: Ի որ լուեալ եթէ ցամաքութիւն՝ երբեմն փորձ է եւ կրթութիւն, զմեզ կու՛թիւն՝ իւր շնորհս համարի. եւ է որ կարծէ զինքն ի դաղջիցն՝ զոր փսխէ Յիսուս ի բերաւ նոյն, յորժամ ոչ առնուցու զճաշակն, եւ կամ՝ ճաշակն այն՝ եթէ օրէն իցէ ասել, վաղվաղ ամբ

փոփոխել ի ներքս ի խորս իւր: Ո՞վ է խմաստուն,  
վերստին կրկնեցից, որ ընտրեսցէ զայսոսիկ:

Կարձեալ, արժան է ճանաչել զկերակուրս  
զայս, որ որպէս զմանանայն՝ կարէ առնուլ զա-  
մենայն համ. երբեմն արժան է տալ մեղ ի  
նմին զճաշակ խոնարհութեան, երբեմն զմեռե-  
լուութեան, մերթ զմերթ ընկերին եւ զթշա-  
մեաց. մերթ զինդուութիւն որ մտօք փոխադրէ  
զմեղ յերկինս, եւ մերթ զսուրբ տրտմութիւն՝  
որ գարշեցուցանէ մեղ զաշխարհ, եւ տպաւորէ  
ի մեզ զկիրս ապաշխարութեան: Անկ է տալ  
մեզ ընդունել զկերակուրն զայն՝ այնու յօժա-  
րութեամբ՝ յորում գեցէ զմեզ Հոգին Սուրբ,  
կամ յորում զբայցեմք եթէ կամի դնել զմեզ  
արժան է ասեմ տալ քեզ՝ կամ ըստ այժմու-  
քո ախորժանացդ, կամ ըստ այնմ զոր պարտ  
իցէ քեզ ունէլ: Եթէ պետք իցեն վառել ի  
քեզ կամ պահպանել զողի եռանդան եւ զնա-  
խանձու, ոչ այնքան կայծակն առեալ ի սե-  
ղանոյն՝<sup>1</sup> զրէ ինչ ի մաքրել զքեզ եւ ի բոր-  
բոքել՝ որքան մարմինս այս: Եթէ ոգի զղջու-  
թեան եւ արտասուաց իցէ քեզ պիտոյ, ա-  
տուածայինդ այդ մարմին՝ առաւել յորդես-  
ցէ արտօսը յաչացդ, քան որչափ կինն մե-  
ղուցեալ առ ոտս Փրկչին: — Տ՛ւր, Տէր, եկե-  
ղեցույ բում զոնտեսան իմաստունս՝ որք գե-  
տացեն տալ ըստ պիտոյից՝ զհաղորդութիւն:  
Տ՛ւր, Տէր, հաւատացելոց բոց զխոնարհ հը-

լուակնութիւն եւ զհնազանդութիւն խրա-  
տուց, որովք արժան է նոցա փորձել զանձինս:

ԽԹ. Բոխանդարտիւն վարդապետութեան  
Հարդարութեան:

Կայ մեզ արդ խելամուտ լինել զինչ իցէ խոր-  
հուրդն Գոհութեան, զինչ է կուութիւնն եւ զինչ  
պտուղն. զի արժան իցէ կոչել խորհուրդ եւ  
նշան, եւ զի ստուղ եւ իր: Որք ոչն կամին հա-  
ւատալ՝ եթէ որ առաջի դնի մեզ՝ ճմարտապէս  
մարմին եւ արիւն է Քրիստոսի, զհայն եւ զգինին  
ասեն խորհուրդ եւ նշանակ. եւ իր՝ զընդունե-  
լութիւն մարմնոյ եւ արեանն Տեառն. քանզի  
առ դմա, ասեն, կան միշտ կեանքն, ըստ այնմ  
բանի, եթէ «Որ ուտէ զմարմին իմ եւ ըմպէ  
զարիւն իմ՝ ունի կեանս յաւիտեանականս. եւ որ  
ուտէն զիս՝ կեցցէ վասն իմ՝»: Ո՞վ կոյրք, որք  
ոչ կամին ի միտ առնուլ, եթէ են որք առանց  
խորելոյ ընդունին զմարմինն զայն, են որք սե-  
ղանակապտուութեամբ ընդունին եւ պարտա-  
կանք գտանին. եւ զի այն է փորձելովն ընդու-  
նել, զի մի անարժանութեամբ լիցի ընդունել:  
Այլ քանզի կարեն մարդիկ անարժանութեամբ  
ընդունել զայսքան մեծ պարգեւ, միթէ վասն  
այնորիկ չիցէ նա որ ինչ էն: Բանն Աստուծոյ

ինքնին իսկ լոյս է՝ որ լուսաւոր առնէ զմարդ, եւ մաքրէ եւ սնուցանէ. որ փրկէ եւ կեցուցանէ. այլ մեթէ վասն այն՝ չիցէն որք շատցին այնու եւ կուրացին. կամ չիցէ նա ոմանց հոտ կենաց եւ այլոց հոտ մահու<sup>1</sup>, եւ դեր սպանիչ: Եթէ մարդիկ ըստ չարաչար բերմանց իւրեանց՝ այլայլէն զայն, ոչ եթէ այնու փոխիցի որ ինչ էրն. եւ ոչ եթէ այնու կորուսցէ զըզրութիւնն՝ զոր առնու ի բերանոյ Աստուծոյ՝ յորմէ ելանէն: Այսպէս եւ մարմինն եւ արեւնն Յիսուսի, միշտ կենաք են եւ հոգի, Թէպէտ եւ չիցեն նոյնպէս առ այնոսիկ՝ որք անարժանութեամբ ընդունիցին: «Որ հաւատայ եւ մկրտեսցի՝ կեցցէ<sup>2</sup>»: Ո՞ր երկբայիցի ընդ այս. եթէ հաւատալ հաւատայ՝ որպէս արժանն է, եթէ կայ մնայ ի հաւատան, եթէ ոչ խափան ինչ արկանէ շնորհաց մկրտութեանն, եթէ ունիցի փոյթ պահել զըզրութիւն նորին: Ըստ այսմ, որ ուռն զմարմինն, որ ըմպէ զարիւնն՝ ունի կեանս. այն, որ ուռնէ եւ ըմպէ արժանապէս, որպէս վայելն է: Մարմինն ճաշակեալ ի հաղորդութեան՝ գրաւական է սիրոյն՝ Քրիստոսի առ քրիստոնէսայ, վկայութիւն հաւատալի՝ եթէ վասն նորա մարմնացաւ եւ վասն նորա պատարագեցաւ: Ահաւադիկ գրաւականն, ահա նշանակն, ահա վկայութիւնն. այլ արժան է հասու լինել գրաւականիդ. առնուլ ազդեցութիւն ի նշանակիդ. հաւատալ ի վկայութիւնդ. ապա Թէ ոչ՝

1 Կորնթ. Բ. 16: Գ. 6: — 2 Մարկ. Ժ. 9. 16:

զինչ ունիցիս առեալ: Գրաւական, նշան, վկայութիւն անչափական սիրոյ Փրկչիդ, այլ առանց ինչ մասնակցելոյ. եւ պատուական գրաւականն այն սիրոյ նորա՝ եղիցի վկայութիւն ընդդէմ՝ անձին քո. եւ եղիցիս յայնցանէ՝ վասն որոց գրեցաւն. «Յիւրան եկն եւ իւրքն ոչ ընկալան զնա<sup>1</sup>»: Զինչ է գալն առ իւրան, բայց եթէ դալ առ այնոսիկ՝ որք ինքեան իսկ են: Եկն ուրեմն առ նոսա, եւ եղեւ ընդ նոսա. այլ նոքա ոչ ընկալան զնա, զի ոչ ծանեան զնա. ոչ նշանութեցին զնա, եւ ոչ վարեցան ընդ նմա՝ որպէս վայել էր պատուոյ եւ սիրոյ նորա:

Արդ ո՞ր այն իցէ ճամբիս արդիւնք, կամ Թէ որէն իցէ ասել իր խորհրդեանս: — Ընդհաւանիլ ընդ մարմնոյ Քրիստոսի. միանալ կատարելապէս ընդ նմին՝ ըստ մարմնոյ եւ ըստ հոգւոյ. լինել ընդ նմա մի մարմին եւ մի հոգի<sup>2</sup>, լրմամբ ողջախոհ զուգաւորութեանն. լինել յոսկերաց նորա եւ ի մարմնոյ նորա, որպէս հարսն հաւատարիմ. այլ լինել եւ ի հոգւոյ նորա. որպէս զի վայելեացէ բոլորովմբ եւ ըզմարմին մեր եւ զոգի եւ զսէր, որպէս մեքս վայելեմք զնորայնս. միով բանիւ, լինել մարմին Քրիստոսի, յօգել ի նա՝ անգամ ընդ անգամոյ, որպէս յօգեալ են անգամք ընդ մեանս, եւ ամենայն անգամքն միանգամայն ընդ գլխոյն. եւ այս միշտ եւ հանապաղ, ոչ երբեք անջատեալ, ոչ բնաւ ցրտացեալ, ոչ ի նմանէ եւ

1 Յովն. Ա. 11: — 2 Ա. Կորնթ. Գ. 16-7:

ոչ ի միոյ յանդամոց նորին. չի ոչ միայն զգալն կամի ի մեզ՝ այլ եւ զմահն: Յակամայ կամս եւ տհաճութեամբ միանայ ընդ այնոսիկ՝ զորս տեսանէ յետոյ անջատեալն յերերաց եւ ան միաբանս իսպառ. ոչ եւս իւր համարի զնոսա՝ այնու գաղտնի եւ յարատեւակ օրինակաւ՝ ուրով կամի զիւրան լինել. ապա թէ ոչ ասացէ աշակերտն սերելի. « Առ ի մէնջ ելին, այլ ոչ էին ի մէնջ<sup>1</sup> »). եւ վասն էր. « զի եթէ ի մէնջ էին՝ ապա առ մեզ մնային »: « Որ ուտէ զիս՝ բնակեացէ յիս եւ ես ի նմա »). եւ որ ոչն բնակէ յիս՝ ոչ ուտէ որպէս արժանն է:

Արդարեւ, զի՞նչ ունիմք ի Հաղորդութեան. զի՞նչ ունիմք գոյացապէս. եթէ ոչ զայն՝ որ եւրանութիւն է բնարեւոյն: Նոյն իր է, նոյն գույութիւն. եւ չկայ ինչ այլ բայց վերացուցանել զբօղն: — Բարձ, վերացո, Տէր, զբօղզ զայդ. պատահեա զամսն. եւ ապա զի՞նչ կայցէ ի ձեռին իմում եւ առաջի աջաց իմոյ. եթէ ոչ այն ինչ՝ որ լիցի իմ երանութիւն: Եւ չու նիցիմ արդեօք զայն ինչ ի մարմնի քում. միթէ ոչ ունիցիմ ի մարմնի Յիսուսի՝ զհոգի նորա<sup>2</sup>. միթէ ոչ ունիցիմ զբովանդակ անձն նորա. եւ յանձին անդ զայն՝ որ բնակէն ի նմին մարմնապէս ամենայն լրմամբն, այսինքն է Բանն աստուածային. եւ ի Բանին՝ ոչ ունիցիմ զՀայր նորին. եւ միթէ ոչ ստուգապէս ասաց յորժամ ասացն. « Որ ետեսն զիս՝ ետես զՀայր<sup>3</sup> »):

1 Ա. Յովնան. Բ. 19: — 2 Կողոսաց. Բ. 9: — 3 Յովնան. ԺԳ. 9:

Ունիմ ուրեմն զամենայն: Եւ արդ իմ իմք մնայցէ ինձ բաղձաւ. բայց տեսանել զոր կալեալ ունիմ. Թափ անցանել ընդ քօղն. տեսանել պայծառապէս եւ անկերեւ տեսութեամբ: Բայց զոր գիտեմս թէ ունիմ այլ ոչ տեսանեմ: Բայց զոր եւ կալ մնալ ի նմա. զի եւ նա մնայցէ ի մեզ: Եւ նա չկամի այլ ինչ բայց լինել տեսանելի, ամենեւիմ ստացեալ լինել, բոլորովին վայելել զմեզ, տալով մեզ վայելել զամենայն բարիս իւր եւ զինքն գլխովին. համանդամայն ասել ճանաչել՝ որպէս նայն ճանաչէ. այսինքն է ճանաչել պայծառապէս, կենդանադոյնս, յաւերժաբար, առանց ինչ մթութեան, ի վերքան զամենայն տեսութիւն: Ահաւարդիկ պլքան զամենայն տեսութիւն, եւ անթերի կատարու մըն խորհրդոյ Հաղորդութեան:

### Ծ. Հաղորդարիւն գորտարիւն է հոգւոյ եւ մարմնոյ:

Այլ ասէք. Զի՞նչ պիտոյ էր ունել զՅիսուս մարմնով: — Ասա մանաւանդ, Հիմ պիտոյ էր ունել զմարմնի Յիսուսի ճմարտութեամբ, գոյացութեամբ. ունել զմարմնն զհիդ, ունել յարեան անդ զհաւատտի նշանակ թու զութեան մեղաց. միանալ ընդ Քրիստոսի բոլորութեան մեղաց. միանալ ընդ ֆիեսայի սերեցելոյ. եւ իբրեւ այսպիսի ունել իշխա-

նուութիւն ի վերայ մարմնոյ նորա, առ ի վայելել միանգամայն եւ ի հոգւոյն: Եւ ուրոյն զմարմնոյն խօսելով, չգուցցէ ինչ առնելի ի մերուս մարմնի. միթէ ո՞չ մարմին ցանկայ հակառակ հոգւոյ. եւ ՚ կարասցէ քաջ քաջ նուաճել զնա՝ եթէ ոչ մարմինն Յիսուսի՝ յարեալ ի նա: Զգուցէն յանգամս մեր օրէնք՝ որ մարանչիցին ընդ օրէնս հոգւոյն. ո՞ լաւ եւս կարասցէ ընկճել զայն, եւ զմահանացու անգամս մեր նուաճել ընդ ըծով: Զիցէ արժան կրել ի մարմինս մեր զմեռելութիւն Յիսուսի. եւ ո՞ կարասցէ քաջ տպաւորել ի նոսին զինքն զայն, եւ սրբել ըզվիշտս մարմնոյ տառապելոյ: Միթէ չկայ մարմնոյս այսմիկ յաւուր միում՝ յառնել ի գերեզմանէ եւ յապահանութենէ. եւ ո՞ այնպէս քաջ կարասցէ ձգել հանել զմեզ անտի, բայց եթէ մարմինն այն՝ որ ոչ կրեաց ապահանութիւն: Առ ի լինել ընդ Քրիստոսի մի մարմին հոգեւոր՝, որպէս կոչէ Առաքեալն Պօղոս, զի՛նչ ազդողւոյն քան զմիանալ նորա ընդ մարմնոյս, և տրպաւորել ի սմա զաստուածային զիւր կիրս: — Ո՛վ Փրկիչ իմ, եթէ մերձեցիս ի մարմին իմ՝ ելցէ ի սմանէ զօրութիւն. եւ հարկ է թէ իցէ իբրեւ զբոյն: Զօրութիւնն այն որ ելցէ՝ ոչ որպէս առ կինն այն տացէ ինձ առողջութիւն անզօր եւ դիւրեղծ, այլ զճմարտն առողջութիւն, որ է անմահութիւն:

Իսկ մանկուանքն որք ոչն հաղորդեցան, ո՞չ յա-

րիցեն եւ նոքա: Ո՛վ թանձրամիտք եւ մարմնաւորք, որք ոչ խմանայք՝ եթէ մարմինդ այդ՝ տրւեալ է համօրէն եկեղեցւոյ, եւ զի խմորն այն խորհրդական՝ կարող է զամենայն զանգուածն կենդանացոցանել: Մանկուանքն զոր ասէք, միթէ ի մկրտութեան անդ ո՞չ ընկալան իրաւունս ի վերայ այդր մարմնոյ. է դա եւ նոցա, թէ պէտ եւ ոչ ընդունիցին ի սկզբանն, ըստ այժմոս սովորութեան\*. այլ որ ընկալեալ լինի յոմանց՝ ամենեցուն առհասարակ գրաւական է անմահութեան: Միւրթարեցարուք ի Տէր մեր, եւ ուրախ լերուք այսու յուսով:

ԾԱ. Հարոյրոյքիւն՝ քոյակ է օրնասականաց:

Նկատեսցուք աստանօր զմարմին Քրիստոսի որպէս անոյշ թողակ օրհասականաց: Ահա մեռանիմ էս. զգայարանք իմ խափանին. կեանք իմ նուազին. եւ իմ իմք բաղձայցեմ յայսմ պայմանի, բայց որ ինչ կարիցէ մերժել յինէն զերկիւղ մահու, եւ զերժուցանել զլս ի գերութեանէ՝ յօրում այնու աշիւ կայի զամենայն աւուրս կենաց իմոց: Փրկիչ իմ, ահա բերեն ինձ զմարմին քո. մարմին անմահ, մարմին հոգեալցեալ. ընդունիմ զդա յիմա. « Ոչ մեռայց, այլ

\* որ պահի ցարդ յարեւելեան եկեղեցես շքով մահադորդ առնելով:





ուռան զիս նա յիս բնակեացէ եւ ես ի նմա) :  
Ոչ եւս թողից զքեզ : Անիծեալ լիցի հէգ եւ  
վատթար անհաստատութիւնս իմ, որ բաղում  
անդամ ետ ինձ թողուլ է բաց երթալ յայդ  
պիսոյ բարերար Տեառնէ : Արդ յայամհետէ,  
Տէր, եղէց հանապաղ ընդ քեզ, գնցես դու յիս  
զինէք քո : Ա՛հ, Տէր իմ, պահեա զիս մինչեւ ի  
յետին շունչ իմ, եւ աւանդեցից զայն հուսկ  
ուրեմն ի ձեռս քո :

Եւ զի՛նչ լինիցի մարմնոյս այսմիկ : Ահա միւս  
ցաւ դա ընդ քոյումդ : Քո յարութեամբդ՝ յա  
րեայց եւ ես նոր բողբոլիմք. ոչ ինչ թողից  
յերկրի՝ բայց զմահկանացութիւն : Այսու յու  
սով կեամ. այլ եւ ի նոյն մեռանիմ : Մեռանիմ  
զորհանապաղ. քանզի հանապաղ յառաջ ի վախ  
ճան անդր ընթանամ : Աւուրք իմ որպէս զծուխ  
պահասեն, սահին որպէս ջուր երազահոս՝ զորոյ  
ոչ է հնար արգելուլ զընթացս : Փոքր միւս եւս  
եւ անցեն ընդ որ եսն էի, եւ ոչ եւս գտցեն  
զիս անդ : Ահաւագիկ, ասացեն, սենեակ նորա,  
ահա մահիճքն. եւ յայնմ ամենայնէ ոչ ինչ  
մնայցէ ինձ՝ բայց գերեզմանս իմ, ուր ասացեն  
թէ իցեմ՝ եւ ես չեղէց անդ. մնացուած ինչ իմ  
լոկ կայցէ անդ. եւ զիարդուպէտ մնացուածն  
այն՝ նուաղեացի պահու պահու, մինչեւ ի սպառ  
անհետացի :

Քանի՛ տխրական է այդ : Այո՛, եթէ ոչ ու  
նէի զմարմին քո տուիչ վերակեդանութեան :  
Այս յոյս կանգնէ զիս : Կամիմ այսուհետեւ  
նկատել զիս մերձ ի մահ. խոստովանել իբրեւ

օրհասական մի. հաղորդ իլ որպէս օրհասական,  
եւ պատրաստիլ յամենայն նուազս՝ որպէս թէ  
ահա մեռանիմ : — Մեռանիմ արդ. կախուցէք  
զաչս իմ, մի եւս տեսից զընայնութիւնս. ծրա  
րեցէք զիս պատանօքս. չուանիմ այլ իմիք պե  
տըս. տուք ինձ զաղբատուութիւն իմ ընդաբոյս.  
Իջուցէք զիս ի հող. անտի ելի ըստ մարմնոյ, եւ  
ի նոյն անդրէն դառնալ ինձ պիտի. նա է մայր  
իմ որ ծնաւ զիս առ ի մահ. երկնեաց զիս միւս  
անդամ առ ոչ եւս մեռանել : Արդ շատ է. մի  
եւս բանք զմահուանէ. անու՛ն եւեթ է այն :  
Մեղքն եւեթ է մահ :

ԾԲ. Հաղորդութիւն ի հասարակական ընթրիս  
գոզգեալ ի Քրիստոս, եղևնակ ոչխարեան  
յաշխտեկիցն սեղանոյ :

Մի ի կարեւորագոյն նկատելեաց ի հաստա  
տութեան խորհրդոյ Գոհութեան՝ այս է, զի  
արար զայն ի հասարակ ընթրիս, խօսակցելով  
ըստ սովորութեան ընդ աշակերտան, եւ առանց  
ինչ նշանակի զանազանութեան ընդ հասարա  
կաց կերակուրն եւ ընդ աստուածայինն կերա  
կուր, յորում զանձն իւր տալոց էր : « Մինչ  
դեռ ուտէին նոքա, ասէ Մատթէոս, առ Յի  
սուս հաց, օրհնեաց եւ երեկ. եւ ասէ. Առէք,

կերայք. այս է մարմին իմ<sup>1</sup> »: Ղարձեալ սեղա-  
նաւորի. աւարտէ զընթրիսն. եւ յետ ընթրեա-  
ցըն, ասէն Ղուկաս եւ Պօղոս, « Էսաւ բաժակ,  
եւ ասէ. Այս բաժակ նոր ուխտ է իմով ա-  
րեամբ վասն ձեր հեղոյք<sup>2</sup> ». եւ դարձեալ յա-  
ռաջ վարելով զբանսն, ասէ, ըստ Ղրւկայ. « Եւ  
ահա ձեռն մասնցի իմոյ ընդ իս՝ ի սեղանս<sup>3</sup> ». եւ  
ըստ Մատթէոսի, « Յայսմհետէ ոչ արբից ի  
բերոյ որթոյ, մինչեւ արբից զնա նոր՝ յարքա-  
յութեան Հօր իմոյ<sup>4</sup> »: Բանք որ ոչ պատկանին  
առ հաստատութիւն խորհրդոյն. վասն որոյ եւ  
ոչ ինչ յայնցանէ յիշէ առաքեալն Պօղոս, կա-  
մելով իսկ պատմել զամենայն յեղանակ հաս-  
տատութեան խորհրդոյն, որպէս հետեւանք  
բանից իւրոց ցուցանեն: Մի ոք համարիցի եթէ  
չգուցեն նորասքանչ եւ անսովոր իրք ի սեղանի  
հաղորդութեանս. նա մանաւանդ մէն մի ի բա-  
նիցն զայն այնպէս ցուցանեն: Սակայն որ ի պա-  
հու աստ ընթրեացն երեւի նորասքանչ եւ աս-  
տուածային՝ յարեալ է եւ շարունակ ընդ բնա-  
ւին. եւ այնպէս ինն թուի՝ եթէ հաղորդու-  
թեանն ընթրիք՝ մասն իմն իցեն հասարակ ըն-  
թրեացն՝ զոր արար Յիսուս ընդ իւրոցն:

Առ հասու լինել խորհրդոյս, նախ ընդ ա-  
ռաջ լինի յուշոյ մերոյ, եթէ ուտելն եւ ըմպելն  
նշանակ ընկերշակութեան է առ մարդիկ. այ-  
սու ամոքաբար հաղորդակցութեամբ տածեն

1 Մատթ. Ի. 26: — 2 Ղուկ. ԻԲ. 20. Ա. Կոր.  
ԺԱ. 25: — 3 Ղուկ. ԻԲ. 21: — 4 Մտթ. Ի. 29:

զբարեկամութիւն. մասնակցեն իրերաց զինչս,  
զհաճոյս եւ զկեանս իսկ իւրեանց. Թուին իմն  
այսպէս յայտ առնել, եթէ ոչ կարիցեն կեալ  
առանց նոցին, եւ զի առանց ընկերակցութեան՝  
կեանք՝ չեն կեանք: Կերայք, արբէք, արբեցա-  
լուք<sup>1</sup> եղբորորդեակք իմ. այսինքն է ուրախ  
լերուք, ասէր փեսայն առ բարեկամսն: Եւ չէք  
իմաստութեան՝ առ ի ձգել զմեզ յիւր ընկե-  
րութիւն՝ յորդորագոյն ինչ քան զկոչուսն՝ զոր  
պատրաստէ մեզ. « Եկայք, կերայք ի հաց իմ  
մէ, եւ արբէք զգինի իմ՝ զոր խառնեցի ձեզ<sup>2</sup> »:  
Յայս սակս իսկ պատուիրեաց Աստուած Ժողո-  
վրդեան իւրում՝ գնալ ի տեղին՝ զոր ընա-  
րեաց, յուտել եւ յըմպել ի իրախճանս<sup>3</sup>, ա-  
մենայն սիրեւօքն, ուստերօք եւ դասերօք, ըն-  
դոծնօք, ծառայիւ եւ աղախնեաւ, եւ կարե-  
ւոր անձամբք, ընդ Ղեւտացւոյն բնակեցելոյ  
յերկրի իւրեանց, հանդերձ եկաւն եւ պան-  
դբխասաւ, որբովք եւ այրեօք. եւ եւս առաւել  
մերձաւորօքն եւ դրացեօք. որպէս զի լցցին ի  
բարութեանց Տեառն՝ զոր պարգեւեացն, եւ  
հաղորդ լցցին ուրախութեանցդ այդոցիկ՝ եւ երկնա-  
ւորն երանութեանցդ յայդոցիկ՝ եւ երկնա-  
ւորն երանութիւն յանդիման առնի մեզ իւր-  
րախճանի օրինակաւ. « Եկեսցեն յարեւելից եւ  
յարեւմտից, ասէր Փրկիչն, եւ բազմեսցին ընդ  
Աբրահամու, ընդ Իսահակայ եւ ընդ Յակով-

1 Երգ Երգոց, Ե. 1: — 2 Առակ. Թ. 4: — 3 Եր-  
կրորդ Օր. ԺԲ. 5, 7, 12, 18:

բայ <sup>1</sup> »: Եւ ինքն իսկ ի վախճան ժամանակաց, « Բազմեցուցե՛ղ զճառայսն ի սեղան իւր, եւ դատի ածեալ պաշտօնացէ զնոսա <sup>2</sup> »: Եւ յաւուր իսկ ընթրեացն՝ առ ի վերածեալ զայս յիշատակ՝ առ ընթրիսն զոր առնէր աշակերտօքն հանդերձ, ասէ ցնոսա. « Ուխտեմ՝ ձեզ, որպէս եւ հայր իմ ուխտեաց ինձ. զի ուտիցէք եւ ըմպիցէք ի սեղան իմ՝ յարքայութեան իմում <sup>5</sup> »:

Կամէր ուրեմն զի ընթրիքն եղիցին ստուգապէս խրախուճք, ի կցորդութիւն ընկերշահութեան ընդ աշակերտացն, եւ ի պատիեր օրէնակի յաւիտենական խրախուճեանցն, յորում յադեսցին եւ արբեսցին յուղից փափկութեան նորա <sup>4</sup>. վասն այսորիկ յերեկոյն արար զաստուածայինս խրախճան, ի կատարածի աւուրն, յօրինակ մշտնջենաւոր ընթրեացն՝ զոր արասցէ մեզ ի կատարածի յաւիտենիս այսորիկ, ի լրանալ ամենայն իրաց: Չայս կամէր նշանակել եւ յառնուըն զբաժակն, ըստ սովորութեանն, յորմէ ամենայն բազմականքն ըմպէին ի նշան ընկերակցութեան, եւ ի մատուցանելն զայն առ աշակերտան, ասելով. « Առէք զայդ եւ բաժանեցէք ի ձեզ. ասեմ՝ ձեզ, յայսմ հետէ ոչ արբից ի բերոյ որթոյ՝ մինչեւ եկեսցէ արքայութիւնն Աստուծոյ <sup>5</sup> »: Աւետարանիչն՝ Ղուկաս որոշակի նշանակէ զգործս զայս եւ ըզբանս՝ յառաջ քան զհաստատութիւն Հաղոր-

1 Մատթ. Ը. 11: — 2 Ղուկ. ԺԲ. 37: — 3 Նոյն, ԻԲ. 29: — 4 Մաղմ. ԼԵ. 9: — 5 Ղուկ. ԻԲ. 17-8:

դութեանն: Չնոյն բան կրկնեաց Յիսուս եւ յետ նուիրագործութեան սրբոյ բաժակին, ասելով. « Ասեմ՝ ձեզ, ոչ եւս արբից յայսմ հետէ ի բերոյ որթոյ (զոր արբի ընդ ձեզ ընթրիսս, եւ յորմէ յարիւն իմ փոխեցի), մինչեւ ցօրն ցայն՝ յորժամ արբից զգա ընդ ձեզ նոր յարքայութեան Հօր իմոյ <sup>1</sup> »:

Արդ ակն կալեալ սպասեցուք կոնչոցն յաւիտենականաց, յորում հացն հրեշտակաց տացի մեզ բացերեւակի. յորում արբեսցուք եւ զմայլեսցուք ի փափկութեանց Տեառն, եւ ի հրճուողական քաղցրութեանց սիրոյ նորին: Այնմ օրինակ եր ընթրիքս այս Յիսուսի. եւ առ ի նմանել նմին՝ ի խրախուճս կատարէին նախնի քրիստոնեայք զխորհուրդն Հաղորդութեան. որպէս քաջ երեւեցուցանէ մեզ զայս առաքեալն Պօղոս՝ յառաջնումն առ Կորնթացիս թղթին <sup>2</sup>: Չայս նախնական կերպ պահեաց Հաղորդութիւն, մինչեւ հարկ եղեւ փոխել վասն չարաչար սովորութեանց սպրդելոց. եւ սակայն ոչ ինչ է նուազեալ յունելոյ զօրութիւն միարար կոնչոց եւ ընկերակցութեան եղբարց, եւ յուսոյ յաւիտենական սեղանոյն Աստուծոյ: — Արդ արասցուք եւ մեք յաճախ զսրբազան խրախուճս հաղորդութեան, եւ կեցցուք ի միութեան ընդ եղբարց մերոց. յաճախեսցուք յայն եւ կերակրեսցուք յուսով եւ երկնաւոր ինդութեամբ. կերիցուք ի հացէն՝ որ

1 Մատթ. ԻԶ. 29: — 2 Ա. Կորնթ. ԺԱ. 21:

հաստատէ զմարդ. արբոյժք ի գինեոյն՝ որ ուրախ առնէ զնա. եւ սաստցո՛ւք բերկրապատար սրտիւ. « Բաժակ քո՝ որպէս անապակ արբեցոյց զիս<sup>1</sup> »:

Հացիւ եւ գինեաւ վարեցաւ Յիսուս ի տալ մեզ զմարմին իւր եւ զարիւն, առ ի տալոյ Հաղորդութեան զտիպ զօրութեան եւ հաստատութեան, եւ զօրինակ ուրախութեան եւ հրճուանաց. եւ զի օրինակօք սովորական պարենի կենացս ուսուցցէ մեզ, թէ զոր ամենայն՝ ոչ միայն հաստատել՝ այլ եւ ջեռուցանել անկ է զսիրտս մեր. ոչ միայն զօրացուցանել զմեզ, այլ եւ արբենալ ընդ նմա, եւ մինչդեռ եմք իսկ ի կենցաղումս՝ ըմպել առատապէս զտէրն՝ որ երանելիս արասցէ զմեզ ի յաւիտեանսն:

**ԾԳ.** Հարողորքիւն յարեալ ի հասարակական սերակն՝ նմանագոյն է հնոյ արստէրի:

Մարթ է դարձեալ նշմարել եւ այլ ինչ կամս Քրիստոսի՝ ի կցորդէն զկոչուան հաղորդութեան ընդ սովորական սեղանոյն. այսինքն է, նմանողազոյն յարգարել Հնոյ զատիկն՝ որ նոյնպէս մասն էր հասարակ սեղանոյ. այս միայն էր իտիբ՝ զի զատիկն Հին՝ մի անգամ եւեթ կատարէր ի տարւոյ. իսկ նորս՝ զօր ամենայնեակա-

1 Մարմ. ԻԲ, 5.

տարի ի միջի մերում. զօր ամենայն խրախուճք են բրիստոնէկց. կենաք նոցա տոն է մշտնէնաւոր. հարկ է նոցա հանապաղ ուրախ լինել, որպէս ստէպ պատուիրէ նոցա Առաքեալն Պօղոս. և այնու կրթին յուրախութիւնսն եւ ի փառս յաւիտենականս: Տարի՛ առ Հրեայնոց նակ եւ էր համօրէն յաւիտենականութեան բովանդակութեան դարուց. իսկ այժմ՝ ամենայն օր զնոյն ցուցանէ մեզ. մերձագոյնք եմք քան օր զնոսա առ յաւիտենականութիւն. եւ անկ է մեզ առաւել եւս յանդիմանակայ նկատել զայս առաջի մեր: Մի անգամ եւեթ կատարէր զատիկն. մի անգամ եւեթ քահանայապետն մտանէր ի Սրբութիւն Սրբոց. եւ այս ամենայն առ ի նշանակել եթէ մի միայն է զատիկ, զատիկն Յիսուսի: Զի եթէ կցէ եւ մեզ պատէք եւ անցք, ի Յիսուս ինքն է. եւ անկ է նմա ամենայն փառօքն իւրովք անցանել, այսինքն մարմնովն եւ անդամօք: Միանգամ եւեթ են եւ մուտք Քրիստոսի՝ Քահանայապետին մեծի՝ յերկինս, յորժամ մտանէ անդր վասն մեր եւ վասն իւր, եւ առ ի պատրաստել մեզ տեղի: Մի անգամ ուրբեմն անցանէ նա. միանգամ եւեթ մտանէ ի սրբութիւնսն, ըստ ինքեանն, այլ ըստ անդամոց իւրոց՝ զոր ամենայն անցանէ յերկինս, զօր ամենայն մտանէ ի Սրբութիւնսն. եւ հանապաղօրէայ կատարումս խորհրդոյ հաղորդութեան՝ զօրհանապաղ առաջի առնէ մեզ զայս խորհուրդ: — Անցո՛ւք արդ ուրբեմն զօր հանապաղ առ Աստուած. անցո՛ւք ի Յիսուս հա-

նապագոր՝ եւս քան զեւս. կեանք նորա առաւել քան զառաւել յայանեսցին ի կեանս մեր, նմանողութեամբ լաւութեանցն առ ի նմանէ գործեցելոց: Մտցուք օր ըստ օրէ ի Սրբութիւննս նորին. մտցուք հաւատովք, ընթացուք առ նա անբիծ փափագանօք: Այս է զօր ամենայն կատարել զընթրինս Յիսուսի, որպէս անկն է քրիստոնէի:

ԾԴ. Հաղորդո՞րքիւն յարեալ ի հատարակ սեղանն, ուսուցանէ սրբել զամենայն կերակուր որ ի սնունդ մարմնոյ:

Ասացից զամենայն, ս՛կ Տէր. ասացից ցանձն իմ, ասացից եւ առ ամենեսին որք հանգիստիցին դրոցս՝ ըստ քոյ կամոց. ասացից նոցա զօր ինչ միանգամ ազդիցես ի միտս իմ՝ զբրոց խորհնդոց քոց, բանիւ քով սրբուի Տեսանեմ եւ այլ ինչ պատճառ կցորդելոյ քօ զհաղորդութիւն՝ ընդ հասարակ սեղանոյ. կամք էին քօ սուրբ առնել զամենայն կեանս մեր՝ գործովն՝ որ տածէ եւ պահէ զնոյն. կամք էին քօ ընկերել մարմնաւոր կերակրոյս՝ զհոգեւորն. որպէս զի ուսցուք զամենայն հոգեւորապէս գործել, նա եւ զպիտոյսն ի պահուստ մարմնոյ մերոյ: Զէ մեզ արժան

1 Զայս իմաստ՝ ոչ համարեալ մեզ կարևոր՝ յերկարէ հեղինակն:

անուցանել զմարմինս զայս, բայց միայն իբրեւ արժանաւոր գործի հոգւոյ. եւ զի այսու մտօք ընկալցուք զկերակուր եւ զըմպելի: Ի զէպ էր Հաղորդութեան՝ յառաջ քան զկերակուրն ընկալեալ՝ լինել կեցուցիչ բարեխառնութիւն հեշտութեանց զգայութեան, զի մի զառածես ցուք նովիմք, եւ մի յաղթահարեսցէ զհոգեկանն: Եւ թէպէտ եկեղեցի՝ որում ամանդեաց Քրիստոս զբաշխուին խորհրդոցն, յետ ժամանակաց զատոյց, եւ քաջ իմաստութեամբ, զոր թուէր Քրիստոսի միացուցեալ, եւ կատարէ զհաղորդութիւն ոչ ի ժամու սովորական կերակրոյն, այլ ոչ ջնջի խորհուրդ կամաց Քրիստոսի. խրատն զոր ետ մեզ՝ մնայ հանապազ: Յառնուլ մեր զկերակուր սեղանոյ՝ արժան է մեզ յիշել, զի ըստ նախնական կարգիս դրութեան՝ անկ էր այնմ զուգակցիլ ընդ հաղորդութեան. զի այսպէս արար Յիսուս. այսպէս առնէր եկեղեցի առ առաքելովքն. զի կամէին այնու ուսուցանել քրիստոնէից՝ եթէ արժան էր նոցա զամենայն գործս իւրեանց՝ նաեւ ըզյոյժ սովորականս՝ սրբութեամբ կատարել: Այս խրատ կայ մնայ հանապազ՝ Յուտելս մեր եւ յըմպել՝ յիշեսցուք զհոգեւոր ուտելն եւ զըմպել սեղանոյ Փրկչին. յարեսցուք մտօք ի հոգեւորս, եւ մի ի բաց կացուք ի նոցանէ. եւ եթէ ոչ կարելոյմք զուգել ի նոյն զընթրելումս սրբոց դրոց, որպէս առնեն ի տունս յատկապէս նուիրեալս Աստուծոյ, յարեսցուք խօսս սուրբս, գէթ մտածութիւնս սուրբս: Մի՛ ըս

պաս հարցուք զգայարանաց . եւ մի առ մար-  
մինս եղկելի, զոր ամօթ է պարարել եւ սնու-  
ցանել, ըսյց եթէ դարմանելով իբրեւ պաշտօ-  
նեայ եւ ծառայ հոգւոյ . ապա թէ ոչ՝ սնուցա-  
նել՝ իցէ աշխատ լինել վասն մահու, պարա-  
րել զորս նորա, եւ որդանց՝ զկերակուր նոցին :  
Արցուք կերակուր՝ կանոնաւ, եւ որպէս ասէր  
ոմն ի հնոցն, կերկցուք այնչափ՝ որչափ պէտք  
իցեն մեզ ի պահուստ կենաց . արբցուք՝ որչափ  
ողջախոհից անձանց վայելէ, որք զգուշանան ի  
գրգռելոյ զկամս զգայարանաց : Եւ համօրէն ա-  
սել, որ զինչ եւ արասցուք, եթէ ուտիցեմք եւ  
եթէ ըմպիցեմք, եւ եթէ այլ ինչ սպաս մար-  
մնոյ պարտ իցէ հարկանել, արասցուք ի փառս  
Աստուծոյ, եւ յանուն Յիսուսի Քրիստոսի,  
փառս տալով նովա առ Աստուած Հայր : «Ար-  
քայուցիւն Աստուծոյ ոչ է կերակուր եւ ըմ-  
պելի, այլ արդարութիւն եւ խաղաղութիւն եւ  
խնդութիւն ի Հոգին Սուրբ՝ » :

**ԾԵ.** Իշխանուքիւն սուշեայ Եկեղեցոյ առ ի  
փոխել զոր ինչ ոչ է յիսկուքնէն աստուածային  
կարգադրութեան : — Հարդրոքիւն ընդ միոյ  
տեսակաւ՝ բաւական եւ կարտարեայ :

Որպէս զի մեծ իշխանութիւն եւ Քրիստոս  
եկեղեցոյ իւրում՝ ի սնտեհութեան խորհրդ-

1 Ա. Կորնթ. Ժ. 31 : Կոր. Գ. 17 : Հռովմ. ԺԳ. 17 :

դոց իւրոց : Հաստատեաց զՀաղորդութիւն ի  
կոջուս, յընթրիս, յերեկոյեան պահու . եւ  
զայս արար ի խորհուրդ իւր եւ ի խրատ մեզ :  
Այլ սակայն թոյլ եւ եկեղեցոյ իւրում բա-  
ժանել զոր ինքն զուգեալ էր ի միասին, թէ-  
պէս եւ աշակերտք իւր եւս նովին օրինակաւ  
երկիւղածութեամբ վարեալ էին . եւ ոչ միայն  
դադարեաց եկեղեցի առնել՝ զոր արարն Յի-  
սուս, եւ որում Առաքեալքն հետեւեցան, այլ  
նա եւ ազատօրէն արգել խստիւ՝ զայդ կիրա-  
ւութիւն : Ի սեղանի գոլով եւ ի խրատձանի,  
յուտեղն զայլ կերակուր՝ հրամայեաց Քրիս-  
տոս Առաքելոցն ընդունել զհաղորդութիւն .  
խկ եկեղեցի՝ արգել եւ անհրաժարելի պար-  
տուք պարաւանդեաց հաղորդել ծովնապահու-  
թեամբ : Հաղորդութիւն՝ որ ի հաստատու-  
թեանն՝ ընթրիք էր, ոչ եւս է այնպէս . արգ-  
առաւօտուց ընկալեալ լինի, եւ յառաջ քան  
զամենայն կերակուր . ընկալեալ լինի ուրոյն եւ  
զատ ի հասարակ ճաշոյ . եւ ոչ եւս է ներելի  
ընդունել զայն՝ որպէս Քրիստոս եւ եւ որպէս  
Առաքեալքն ընկալան : — Արդ յայտ է թէ այս  
ամենայն չէ յիսկութեան կարգադրութեան  
Փրկչին : Այլ միթէ կամէր Յիսուս զի մարդիկ  
ըստ մտաց իւրեանց որոշեացին զխկականն ի  
կարգադրութեան իւրում՝ յոչ խկականնն :  
Ոչ մանաւանդ կամեցաւ ցուցանել նոցա՝ զի  
թողու զեկեղեցի իւր թարգման հաւատարիմ  
կամաց իւրոց եւ անտես իմաստուն խորհրդոց  
իւրոց : Արդ, որ համարելի եթէ զի տեսան

եւեթ ընդունելով՝ անկատար իմն ընթրիս եւ հաղորդութիւն ընդունիցի, նա ոչ է խելամուռս եթէ Եկեղեցին է որ գիտէ զբաղանիս Քրիստոսի. այն որ գիտէն զինչ ինչ խիստպէս սրտաշաճիցի կարգադրութեան նորին, զինչ առ իւրաքանչիւր ոք տալի իցէ, զինչ այլազոք բաշխելի՝ ըստ ժամանակին եւ ըստ այլեւայլ պատեհից:

Զարմանաս զի բաժանեն զեղեակն ի միասին ի Քրիստոսէ, եւ ասն զմարմինն՝ ի ճաշակել, առանց տալոյ ընդ նմին եւ զարիւնն յարբուսն. զարմացիր ուրեմն եւ ընդ որոշումն սրբազան ընթրեացն՝ ի հասարակ սեղանոյն: Այլ մանաւանդ մի զարմանար ընդ գործ զոր գործէ եկեղեցի: Ուսեալ է Հոգւոյն Սրբոյ եւ յաւանդութենէ բովանդակ դարուց՝ գիտէ նա զոր կամեցան առնել Յիսուս. եւ զի զոր նա խորհրդական իմն ցուցակութեամբ զատոյց, ոչ միայն զօրութեամբ միացեալ կայ՝ այլ եւ իսկութեամբ բն: Էր արդարեւ ի դէպ՝ առ կատարեալ ցուցակութիւն մահուանն՝ որոշեալ երեւել մարմնոյն յարեւնէն, եւ ուրոյն ուրոյն ընդունել զնոսին. այլ գիտէ նա՝ զի եւ զօրութեան մարմնոյն սուեցելոյ՝ նոյն զօրութիւն է արեանն հեղլոյ. եւ զի ոչ միայն զօրութիւնն՝ այլ եւ գոյացութիւն երկոցուն եւս՝ յետ յարութեանն անբաժանելիք են: Թողու ապա զմարմինն եւ զարիւնն ի խորհրդականն բաժանման. այլ սակայն գիտէ քաջ՝ զի զոր եւ մասն եւ ոք ընդունիցի՝ ընդունի զբոլորին զօրութիւն: Արժան է միայն միտ դնել էթէ որպէս կատարեաց Յի-

սուս զընթրիսն. քանզի եւ աւետարանիչքն նշանակէն որոշակի, եթէ զերկոսին մասունան ետ սակաւ ինչ ընդմիջութեամբ միոյն ի միւսսոյն. զի, ըստ Մատթէոսի, զմարմինն ետ ի ժամ ընթրեացն<sup>1</sup>, իսկ զբաժակ արեանն՝ յետ ընթրեացն, ըստ Ղուկասու եւ Պողոսի: Եւ ոչ շատացեալ ընդ բաժանելն իմն զերկոսին գործ սըն՝ այսու կերպարանաւ, կամեցաւ ցուցանել զի եւ իւրաքանչիւր մասն գործոյն իւրոյ՝ կատարեալ էր ինքնին. քանզի եւ յետ միոյ միոյ՝ ասաց, ըստ որոշակի նշանակելոյ զայն Պողոսի, Զայդ արարէք առ իմոյ յեշտակի: Ապա զ'ըր եւ մասն ընկալոյ՝ կատարեմ զյեշտակ մահուան Քրիստոսի, յարեմ յետ զբովանդակ զօրութիւնն, մարմնախառնիմ ի Յիսուս: Զի ոչ ապաքէն ընդխառնիմ ընդ մարմնոյ նորա յընդունել իմեմ զմարմինն զայն. ոչ ապաքէն այնու լինիմ ոսկր յոսկերաց նորա եւ մարմին ի մարմնոյ նորա<sup>2</sup>, եւ մի մարմին ընդ նմին, որպէս տեսաք յառաջագոյն: Զինչ եւս այլ պիտոյ է ինձ ի լրումն գործոյ փրկութեան իմոյ, մանաւանդ ի ճաշակել զմարմինս զայս՝ որպէս զհացն իլեալ յերկնից, այսինքն է մարմին Աստուծոյ, մարմին միացեալ ընդ կենաց իսկ, եւ լցեալ վասն իմ հոգւով կենդանարարաւ: Մեթէ ոչ միահաղոյն ընկալոյ զմարմին նորա եւ զողին: Որ ինչ մայն կարէ ինձ ընծայել լրացոյն եւս բացայայտութիւն մահուան Քրիս-

1 Մտթ . յ. 9 . 26 : Ղուկ . յ. 18 . 20 : — 2 Եփես . Ե . 30 :

տոսի, այլ զբովանդակ իսկ զօրութիւն նորա  
ունիմ ես ի մարմնի անդ. վասն այնորիկ ոչ զար-  
մանամ եթէ ասիցէ Աւարեաւն Պօղոս, «Որ ու-  
տիցէ զհացս զայս եւ որ ըմպիցէ զբաժակս՝ ան-  
արժանութեամբ, պարտական եղիցի մարմնոյն  
եւ արեանն Տեանն<sup>1</sup>»: Այո, ասէ, եւ քաջ  
իսկ որոշակի ասէ, որ ոչ ընդունի անարժանու-  
թեամբ զմին կամ զմիւսն՝ պարտական լինի եր-  
կոցուն եւս. եւ յազադս նմին իրի՛ որ հաղորդի  
արժանապէս ի միոյ յերկոցուն՝ զերկոսին եւս  
միանգամայն պատուէ, եւ ընդունի զօգուսն  
եւ զարբութիւն. զի յերկոսին եւս մի զօրու-  
թիւն է, մի եւ անբաժանելի սրբութիւն: Արդ  
որ ընդունի զմին եւ որ զմիւսն, եւ որ զերկու-  
սին եւս ընդունիցի, հաւասար ընդունի զվեր-  
կութիւն իւր: Ոչ նուազ քան յերկոցուն՝ ի  
միուսն եւս գտանի գոյացութիւնն. զի ուր գո-  
յացութիւն Քրիստոսի է, անդ՝ որպէս բանիս  
կարգ է ասել, է եւ քոլոր գոյացութիւն կե-  
նաց եւ փրկութեան: Զի որպէս ասէ իսկ Սկե-  
ղեցի ի ժողովին Տրիտենդեայ, Այն որ ասացի,  
« Եթէ ոչ կերելիք ի մարմնոյ խմել եւ ոչ արբ-  
ջիք յարեան խմել ոչ ունիցիք կեանս յանձնս  
ձեր », եւ որ ասացն՝ Թէ, « Որ ուտէ զմարմն  
իմ եւ ըմպէ զարիւն իմ՝ կեցցէ ի յաւիտեան ».  
ասաց եւս, « Հացն զոր ես տաց՝ մարմն իմ է,  
զոր ես տաց վասն կենաց աշխարհի ». եւ որ  
ասացն, եթէ « Որ ուտէ զմարմն իմ եւ ըմպէ  
զարիւն իմ՝ նա յիս բնակեսցէ եւ ես ի նմա<sup>2</sup> », 1

նոյն եւ ասաց. « Որ ուտէ զհացս զայս՝ կեցցէ  
յաւիտեան. եւ Որ ուտէն զիս՝ կեցցէ վասն իմ »:

Ի վերայ այդ անխախտելի հիման՝ մատակա-  
րարեաց Յկեղեցի զՀաղորդութիւն՝ բաղում  
օրինակաւ. ետ զայն յեկեղեցւոյ, տարաւ բա-  
ցակայից. ընկալան զայն հիւանդք միով տեսա-  
կաւ, մանկունք մատաղք միւսովս. հաւատա-  
ցեալք տանէին զայն ի տունս իւրեանց, Թէ-  
պէտ եւ Քրիստոսի չէր արարեալ կամ ասա-  
ցեալ ինչ այսպէս, եւ տանէին ընդ տեսակաւ  
հացին միայն: Յոյնք խառնեցին ընդ իրեար զեր-  
կոսին տեսական, եւ այնպէս ետուն զերկոսին  
միանգամայն՝ ժողովրդեանն: Բարի է ամենայն.  
չատ է Թէ ընդունիցի ոչ զՔրիստոս ի ձեռանէ  
եկեղեցւոյ. զի այդ իսկ են ճմարիտ արդիւնք՝  
զոր անկ է ներգործել ի հաւատացեալս այլ եւ  
այլ եղանակաց հաղորդութեանն. անկ է ա-  
սեմ՝ նոցին ուսուցանել մեզ, եթէ կատարե-  
լագոյն եւ կարեւորագոյն պատրաստութիւն  
յընդունելութիւն հաղորդութեան՝ է մատչելն  
աներկմիտ եւ կատարել սերտութեամբ յե-  
կեղեցի. մարմն է նա Քրիստոսի. հարկ է ընդ-  
խառնել յեկեղեցի առ ընդխառնել ընդ Քրիս-  
տոսի:

Ո՛վ Յիսուս, այսպէս հաւատամ. վայ այնու-  
ցիկ որք խճբիծս գնեն եկեղեցւոյ քում. բըծ-  
կանքդ այդ եւ վէճ՝ ընդդէմ քո էն: Եթէ այդ-  
պիսեաց ոչ բժկանաց միտ դիցէ՝ երկբայիցի եւ  
ընդ մկրտութիւն նորին: Ասացեր դու, մկր-  
տեցէք, ընկղմեալ ի ջուր, ի նշանակ թաղման



ընդ իս. իսկ եկեղեցի թո բաւական համարի եւ կաթիլս ինչ ջրոյ հեղուլ ի գլուխն: Գու առաջեր, « Ուսուցէք եւ մկրտեցէք, եւ որք հաւատան եւ մկրտին՝ կեցցեն <sup>1</sup> »). այդ բանք նշանակեն զհաւատս եւ զուսուցմն՝ որպէս պատրաստութիւն մկրտութեան. այլ ներհակաբար՝ մէք մկրտիմք մինչեւ եղեալ կարողք ի հաւատալ եւ յուսանել. եւ ոչ եւս ուսուցմն է որ պատրաստէ զմեզ ի մկրտութիւն, այլ մկրտութիւնն հըրա առնէ զմեզ յընդունելութիւն ուսման: Ընկալեալ լինիմք մէք հաւատովք այլոյ. այլք փոխանակ մեր ասեն, Հաւատամ, Հրաժարիմ՝ եւ Եկեղեցի թո ընդունի զպատասխանին, Թէ պէտ եւ չէք ինչ գրեալ զայնմանէ ի բանս թո: Ո՞ր ապահովութիւն մնայր մեզ՝ եթէ ոչ իմանայաք՝ եթէ հաստատուն հաւատք եկեղեցւոյ, մեկնութիւն եկեղեցւոյ, անդրժեշտ կերտառութիւն եկեղեցւոյ՝ արդարեւ այնպէս բան թո է, որպէս թո իսկ բանքն տառատպեալք ի Գիրս: Այս. որ ինչ գրեալ է թո ի սիրտս, եւ զոր միշտ քարոզեալ է Եկեղեցւոյ, շնամրտութիւն է այն: Յայս հաւատս կեամ ես. եւ ոչ գուլ եւ մտօք միանամ ընդ եկեղեցւոյ քում եւ ընդ վարդապետութեան նորին. պարզ մտօք միանամ ընդ եկեղեցւոյ քում եւ ընդ վարդապետութեան նորին. պարզ մտօք դաւանելով առաջի թո, զի հաճ եւ հաւան եմ ընդ խորհուրդս թո (կարգեալս յեկեղեցւոյ), որ

1 Մարկ. ԺԳ. 16:

պէս զխորդ եւ բաշխիցէ ինձ նա՛ զոր կարգեցեր տնտես նոցին:

ԾԶ. Երկրպագութիւն, դուռն ի Բագնոցի,  
եւ պահուռն Սրբորեան:

Եւ քանզի, ո՞վ Տէր, խճբիճք աստամբացն յԵկեղեցւոյ քումմէ՝ վարեն զիս առ լիակատար ծանօթութիւն շնամրտութեան թո, կամիմ ի քնին առնուլ եւ զբազայս նոցին որ զերկրպագութենէ, զպահեցոյ եւ զընեցոյ ի բազմոցի զերկրպագելի խորհուրդ թո: Ոչ նշանակի, ասեն, յաւետարանս, եթէ առաքեալքն երկրպագութեամբ ընկալան զմարմին եւ զարիւն Քրիստոսի: — Իսկ երեւելցի՞ ուրեք եթէ երկրպագելն Քրիստոսի՞ որ հանապազ նստէր ընդ նոսա՞ երեւելի եւ բնական կերպարանօքն: — Աստուած իմ, զիմորդ ոչ տեսնեն վիճասէքդ, զի զոր ինչ եւ պատասխանիցեն՝ անձամբ անձանց դատախազք լինին: Առաքեալքն երկրպագէին Քրիստոսի՞ ընդ սեփական եւ բնական կերպարանաւն: — Հաւատան այսմիկ, Թէ պէտ եւ չիցէ գրեալ: Ո՞չ երկիրպագանէին նմա: Եւ զբնչ կամիցին ի վերայ բերել այնու՝ զի չէ գրեալ եթէ երկրպագէին նմա ի հաղորդութեան: Քանի՞ Թանձրամիտք են արքդ այդօքիկ, որք առ նրբամիտս ունին զանձնս, եւ զայլս առ Թանձուսս. քանզի ոչ լինին խեղամուտ եւ

եթէ զլ՞նչ իցէ ճշմարիտ երկրպագութիւն: Չի  
 եթէ եւ ըստ բառին եւեթ յառեցուցուք ի պատ-  
 մութիւն ընթերցան, առանց լրացուցանելոյ  
 զբան ինչ աւետարանին՝ այլովք նորին բանիւք,  
 զլ՞նչ իցէ՝ հաւատալ ի Յիսուս, յասել նորա՝  
 Առեք, կերայք, այս է մարմին իմ՝ հաւատան,  
 ասեմ, առանց երկմտութեան, առանց հակա-  
 ռակութեան՝ յասելն նորա զայսպիսի զարմա-  
 ցուցիչ բան. առնել զոր ասացն, ուտել զհացն  
 ըստ երեւութին՝ աներկբայ հաւատով՝ եթէ  
 մարմին է նորա, նոյնպէս եւ զբաժակն առնել  
 այսպիսի պարզ եւ բարձր ներգործութիւն հա-  
 շատոյ առնել, չիցէ այս երկրպագել Քրիստոս  
 սի: Խտրելն ընդ Պօլոսի զմարմին Փրկչին, այն-  
 պէս խտրել զի իմասցի եթէ մարմին է՝ ոչ մար-  
 դոյ լոկոյ՝ այլ Աստուծոյ, եւ հաց ճշմարիտ  
 ինչեալ ի յերկնից. ի նա դնել զյոյս, ի նմին  
 ինդրել զկեանս, ի նա յառել զամենայն սէր  
 սրտի, միթէ չիցէ այդ կատարելապէս սրա-  
 տել զնա. եւ զլ՞նչ յաւելցէ յայդ հաւատս՝  
 ծնրադրութիւնն, խոնարհումն մարմնոյ, տա-  
 րածումն ի գետին, միով բանիւ՝ արտաքին եր-  
 կրպագութիւնն, եթէ ոչ զգալի ինն վկայու-  
 թիւն կրից սրտին:

« Հաւատասցու յոր յորդի Աստուծոյ », ասէր  
 Փրկչին առ կոյրն ի ծնէ՝ զոր բժշկեացն <sup>1</sup>: « Ո՞վ  
 է զի հաւատացից, պատասխանեաց նա. եւ Յի-  
 սուս ասէ. Որ խօսիդ ընդ քեզ: Ետ պատաս-

1 Յովն. Թ. 35, և այլն:

խանի կոյրն, Հաւատամ Տէր. եւ երկիր եպագ-  
 նմա »: Եւ զլ՞նչ երկրպագութեամբն արար.  
 բայց եթէ այլով օրինակաւ եւ այլով լեզուաւ՝  
 կրկնեաց զոր բերանովն ասէր (« Հաւատամ,  
 Տէր »): Եւ որք ասեն Հաւատամ՝ առանց եր-  
 կիր պագանելոյ առաջի նորա, պաշտիցէն զնա.  
 եւ կամ այնոքիկ զորոց չէ գրեալ թէ արարին  
 այդպէս, միթէ նուա՞ղ քան զայլն պաշտիցէն  
 զնա: Եւ կինն որ մերձեցաւ ի նա՝ զի բժշկիցի,  
 միթէ ՚չ երկիր եպագ նմա ի սրտին՝ մինչեւ  
 անկեալ առ ոտս նորա: Եւ յորժամ ասէին Ա-  
 ռաքեաւքն, (« Տէր, յաւել մեզ հաւատս »), մի-  
 թէ ո՞չ գիտէին որպիսի ոք էր նա ամենայնիւ,  
 եւ ո՞չ ի ներքուստ պաշտէին զնա որպէս զԱս-  
 տուած, թէպէտ եւ ոչ անկեալ կային առ ոտս  
 նորա:

Արդ ո՞ ոչ տեսանէ՞ եթէ հաւատալ ի Յիսուս՝  
 որ ասէ, Այս է մարմին իմ, Այս է արիւն իմ,  
 եւ ընդունել զայն այսու հաւատով, եւ խըտ-  
 րել զի մարմինն այն մարմին է Աստուծոյ՝ որով  
 տուաւ մեզ կեանք, թէպէտ եւ աւելի քան  
 զայս ոչ տեսանիցի, եւ ոչ գտանիցի ի Վերս  
 Սուրբս՝ որ ինչ պատշաճն է Քրիստոսի, եցէ  
 գերօրինակ ինն երկրպագութիւն. եւ ամենայն  
 տարածմունք ի գետին առաջի Քրիստոսի՝ չի-  
 ցեն այլ ինչ՝ բայց բացատրութիւն եւ վկայու-  
 թիւն այնորիկ: Իրաւամբք ապա առագրել Հա-  
 զորդութեան՝ ներքին եւ արտաքին պաշտօն,  
 այսինքն է իմացումն եւ նշանակն, հաւատքն եւ  
 վկայութիւնն: Իրաւամբք, ըստ Սրբոցն բանից,

արտաքուստ՝ դրեւք մարմնոյն յայանիւր մտացն խոնարհուամն, եւ թէ « Ոչ ոք ընդունի զմարմինն զայն՝ եթէ ոչ իցէ յառաջագոյն երկրպագեալ նմին », ըստ ապեւոյ Սրբոյն Օգոստինոսի, եւ ըստ անայլայլակ վկայութեան հրահանգաց եկեղեցւոյ: Այլ ընդէր է խնդրել վկայութիւնն ըստ մինչ ուտելն եւ ըմպել զմարմինն զայն եւ զարեւանն՝ իբրեւ մարմին եւ արեւն Աստուծոյ, եւ յայն դնել զյոյսն, այնպիսի գերագոյն երկրպագութիւնն է՝ զի հարկ է նմին բովանդակել յինքեան զայն ամենայն:

Ատէք. Իսկ ընդէր դնել ի բազմոցի. ո՞ւր գըրեալ իցէ այդ. կատարէր այդպիսի ինչ նախ կին եկեղեցին: — Ո՛վ թանձրամիտ եւ մարմնաւոր. ո՞ր մեծ իցէ, դնելն արտաքս յեկեղեցւոյ զմարմին Փրկչին, եթէ տանելն ընդ իւր եւ պահել ի տան: Եւ յետինս այս գրեալ իցէ առւել քան թէ միւսն: Արդ ո՞ք ոչ տեսնէ, զի իսկութիւնն գոլով գրեալ եւ քաջ խնայեալ յեկեղեցւոյ, ամենայն որ ինչ զհետ նորին երթայ՝ պէսպէս օրինակաւ ի կիր արկաւ, ըստ ի մաստուն տնտեսութեան նորին ինքեան Եկեղեցւոյ, ի շինութիւն ժողովրդեանն Սրբոյ:

Զուգընթաց լիցուք այսմիկ, եւ մի եւս յապողեսցուք. երթիցուք երկիր պագանեւ Յիսուսի բազմեւոյ ի վերայ սեղանոյն: Ո՛հ, անդ պահի նա վասն իմ. անդուստ բերցի ինձ յաւուր միում ի թոշակ, առ ի տալ ինձ խաղաղութեամբ անցանել ի կենաց աստի ի հանդերձեալն: Հայ ուղեւորաց, որ լիցիս յաւուր միում

հաց ժամանեւոյ, հաց այնոցիկ՝ որք կեցցեն յերկնաւորն հայրենիս, երկիր պագանեւմ քեզ, հաւատամ ի քեզ. քեզ վաճառեմ. դքեզ ճաշակեմ հոգւովս. դու ես կերակուր իմ. դու ես կեանք իմ:

### ԾԷ. Պատարագն:

Քաւ լիցի մեզ մոռանալ զսուրբ գործ պատարաին, եւ զխորհուրդն սրբադործութեան: Սեղան տեսնեմ. պատրաստութիւն է պատարագի. պատարագ քրիստոնէից. պատարագ եւ նուիրումն մաքուր, զորմէ գրեալ է՝, « Յարեւելից մինչեւ ի մոտոս արեւու մատչի պատարագ սուրբ »: Ոչ եւս այն պատարագ՝ զոր անկ էր մատուցանել ի տաճարին Երուսաղէմի, եւ ի միում եւեթ տեղոյ ընտրելում յԱստուծոյ. այլ պատարագ որ մատչեցի ի միջի հեթանոսաց, եւ առ ամենայն ազգս երկրի: Իսկ ո՞ւր իցեն սարսք պատարագիդ. ո՞ւր իցէ հուրն. ո՞ւր իցէ սուրն. ո՞ւր սպանդքն: Հարիւր զուարակք եւ հարիւր երկնք՝ չեն բաւական ի ցոյց մեծութեան Աստուծոյ մերոյ. դից անգամ մատուցանէին հարիւրեղեան պատարագս: Այլ աստանօր եւ ոչ մի յայդցանէ ոչ տեսնեմ:

Քանի պարզագոյն է զո՞ք քրիստոնէի: Հաց մի

եւեթ տեսանեմ ի վերայ սեղանոյն, կամ եթէ շատ՝ հացս ինչ, եւ սակաւ մի գինեակ ի բաժակին. եւ այդ շատ է ի կատարումն սրբադուռնի, վեմնականի եւ ճոխագոյն պատարագի՝ յոր հասանել բաւիցեն միայ մարդոյ: Այլ չգուցէ միս. չգուցէ արիւն ի զոհիդ: Այո, իցէ միս, այլ ոչ ի մնոյ սպանդից անասնոց. իցէ արիւն, այլ արիւն Քրիստոսի. եւ միտք այդ եւ արիւն՝ խորհրդապէս բաժանեացին ի միմեանց: Եւ ուստի դայցէ միտք այդ եւ արիւն: Եղիցի ի հացէ այտի եւ ի գինւոյ այտի. հացէ բան մի ամենազօր, որ զհացդ զայդ՝ արասցէ մարմին Փրկչին, եւ զգինիդ՝ արիւն նորին. զոր ինչ եւ արտաբերիցէ բանդ այդ՝ անդէն եւ անդ եղիցի ըստ արտաբերութեանն. զի այն բանն է որ արար զերկինս եւ զերկիր, եւ որ առնէ զոր կամի յերկինս եւ ի յերկրի: Այդ բանն ի սկզբանն արտասանեալ յՈրդւոյն Աստուծոյ՝ արար զհացդ մարմին իւր, եւ զգինիդ՝ արիւն իւր. այլ ասաց առ աշակերտսն. Չայդ արարէք. եւ աշակերտք նորա ուսուցին մեզ անէն զայն՝ մինչեւ եկեացէ նա, մինչեւ ի վերջին դատաստանն՝: Այսպէս՝ նոյն բան կրկնեալ ի պաշտօնէից Քրիստոսի՝ ունիցի զնոյն զօրութիւն մինչեւ յաւիտեան: Փոխին հացն եւ գինին. զոեղի նոցա ունին մարմինն եւ արիւնն Քրիստոսի: Ո՛վ Աստուած. նոյն իսկ մարմին եւ արիւն նորին են ի վերայ սեղանոյն. մարմինն այն տուեալ վասն մեր, արիւնն

այն հեղեալ յաղագս մեր: Որպիսի՝ հիւսիւրաց քանչեւիք են: Զարմանալիք են վասն մեր. այլ ոչ ինչ զարմանալի առ Որդին Աստուծոյ, որ առնէ զամենայն բանիւ իւրով: « Եղիջի որդ » . եւ ողջանայ. « Արի՛ » . եւ կենդանանայ, եւ վերագառնան կեանքն խուսափեալք: Ասաց նա, « Այս է մարմին իմ » . ոչ եւս է հաց. այլ որ ինչ ասաց. « Այս է արիւն իմ » . ոչ եւս է գինի ի բաժակի, այլ որ ինչ ասացն Յիսուս: Մարմին եւ արիւն նորա են այդօքիկ. անջատեալք են, այո, անջատեալք. աստի մարմինն, անտի արիւնն. սուր եղեւ բանն, սուր հատու՝ որ արար զխորհրդականդ որոշումն: Զօրութեամբ բանին՝ մարմին եւեթ է այնուհետեւ, եւ արիւն սոսկ. եւ զի գտանին մին ընդ մեւոյն, յայն սոսկ է՝ զի յեւ յարութեանն Քրիստոսի անբաժանելիք են յայնմ՛հետէ. զի ոչ եւս մեռանի նա այսուհետեւ: Այլ առ ի տպաւորել ի վերայ Յիսուսի՝ որ ոչ եւս մեռանի, զտիպ մահուն զոր կրեացն ստուգապէս, դայ բանն եւ զատուցանէ զմարմինն ի մի կողմն, եւ զարիւնն ի միւս կողմն, եւ զերկաքանչիւր այլեւայլ նշանակօք. եւ ահա զբեցաւ զտիպ մահուն իւրոյ՝ Յիսուսդ այդ երբեմն զոհ մեր հեղմամբ արեանն իւրոյ, եւ արդ զոհ մեր՝ այլով օրինակաւ, խորհրդականն բաժանմամբ արեանն ի մարմնոյն:

Այլ զիւրօք այդ մարմին, զիւրօք այդ արիւն: Իցէ՛ հնար այդմ՝ լինել. իցէ մարթ մարմնոյ մար-

գոյ լինել ընդ անօր տարածութեամբդ: Եւ ՚՞  
 ընդ այդ երկմտիցի՛ եթէ բանն այդպէս կամիցի:  
 Ամենազօր է բանն. բանն սուր է հատու որ հա-  
 սանէ, որոշէ մինչեւ ի սպառ. որոյ եթէ կամք  
 իցեն՝ բառնայ ի մարմնոյ այտի զետրտագոյն  
 յատկութիւնսն, թողով մեզ զսոսկ եւ զպարզ  
 գոյացութիւնն, զի այդ իսկ պիտոյ է ինձ. յայդ  
 պարզ գոյացութիւն միացաւ Բանն Աստուծոյ.  
 Եւ միութիւնն նորա գոյացական է. միութիւնն  
 նորա ի գոյացութեան կատարի. եւ միութիւն  
 զոր ընդ ինն կամի՛ եղիցի գոյացութեամբ մար-  
 մնոյ եւ արեան իւրոյ. ասաց զայն եւ եղեւ իսկ  
 եւ իսկ: — Այլ ես ոչ ինչ նոր տեսանեմ ի վե-  
 րայ սեղանոյդ: Այո, այդպէս է. բանն կարէ  
 բառնալ ի զգայութեանց զոր ինչ եւ կամի,  
 յորժամ հաճիցի կրթել զհաւատս: Քրիստոս  
 յորժամ կամեցան՝ աներեւոյթ արար զինքն  
 ի մարդկանէ. էանց ի միջի նոցա, եւ ոչ ոք է-  
 տես զնա. աշակերտքն՝ ընդ որս խօսէր՝ ոչ ծա-  
 նեան զնա, մինչեւ ի պահուն յորում կամե-  
 ցաւ. Մարիամ՝ պարտիզպան կարծեաց զնա,  
 մինչեւ սթափեցոյց զնա, եւ եբաց զաչս նորա  
 բանիւն իւրով: Մտանէ եւ ելանէ, եւ ոչ ոք  
 տեսանէ զմուսս եւ զելս նորա. երեւի եւ ան-  
 երեւութանայ, որպէս եւ կամի: Արդ ո՞ երկ  
 բայիցի՛ թէ կարասցէ նա աներեւոյթ առնել  
 մեզ զայն՝ որ ի բնէն չիցէ այնպէս: Բանն, սուրն  
 այն հատու, եհաս, եւ բաժանեաց ի մարմնոյ  
 այտի եւ յարեանէ, ոչ միայն զայն ամենայն՝ որ  
 երեւելիս զնոսս առնէին, այլ եւ զամենայն՝ ու

րովք ընդ այլ ի զգայարանաց մերոց հարկա-  
 նէին: — Այլ ես տեսանեմ զամենայն զոր եւ  
 յառաջն տեսանէի. եւ եթէ հաւատացից զգա-  
 յարանացս՝ ահա միայն հաց եւ գինի է ի վերայ  
 խորհրդական սեղանոյդ: — Իցէ անդ հաց. իցէ  
 անդ գինի: Ո՛չ, ամենայն ծախեցաւ. հուր ան-  
 երեւոյթ էջ յերկնից. էջ բանն ի յերկնից եւ  
 թափ էանց ի ներքս ի հացդ եւ ի գինիդ. եւ  
 չեթող ի սեղանի անդ գոյացութիւն՝ բայց զայնր  
 զոր անուանեացն. մարմին եւ արիւն միայն կայ  
 արդ: Իսկ զխորդ: — Ամենազօր է բանն. ամե-  
 նայն ինչ տեղի ետ նմա, եւ չմաց ինչ աստ՝  
 բայց այն զոր հուսակեացն. հուրն այն յինքն  
 փոխեաց զամենայն. բանն այն փոխեաց զամե-  
 նայն յոր ինչ եւ ասացն: — Այլ միթէ՞ ոչ ըզ-  
 նոյն արտաքինն (երեւոյթ) տեսանիցեմ: — Այո.  
 քանզի բանն եթող միայն զայն՝ որ պիտոյն էր  
 ինքեան, առ ի ցուցանել մեզ՝ եթէ ՚ւր արժան  
 իցէ ընդունել զմարմինն եւ զարիւնն զայն.  
 միանգամայն եւ սքօղել զնոսին յաչաց մերոց:  
 Հրեշտակք՝ մարդկեղէն կերպարանօք երեւե-  
 ցան. նա եւ Հոգին Սուրբ՝ աղաւանկերպ յայա-  
 ցան. նա եւ անսակօք հացին, քանզի  
 երեւեացի մեզ ընդ տեսակօք հացին, քանզի  
 պիտոյ էր նշանակի՛ առ ի յայտնել մեզ՝ եթէ  
 ՚ւր արժան իցէ ընդունել զայն. եւ զոր կամե-  
 ցան՝ կատարեցաւ: Մտնեաց նա զամենայն գո-  
 ցութեանն, եւ զոր տեսանեսդ՝ մոխիր իմն  
 յացութեանն, հուրն այն, նա մանաւանդ ոչ իսկ  
 է զոր եթող հուրն այն, նա մանաւանդ ոչ իսկ  
 մոխիր, զի մոխրոյ է գոյացութիւն. եւ մնա-

ցորդդ այդ ողջակիզին՝ պատեանն իմն է մարմնոյն  
 եւ արեանն. եւ բովանդակ ասել, այն միայն է՝  
 զոր թողուլ կամեցաւ բանն, առ ի նշանակել  
 մեզ քնածկեալն՝ այլ զստոյգ ներկայութիւն  
 մարմնոյ եւ արեանն Քրիստոսի, զոր կամէրն  
 դնել անդ ճշմարտապէս եւ գոյացապէս, այլ  
 միայն հաւատոց մերոց կամէր ցուցանել: Շատ  
 լիցի այսքանս ասացեալ. զի այլն ամենայն ան-  
 հասանելի է, եւ միայն արարողին իւրում տե-  
 սանելի:

Ահաւագիկ նշանն զոր եթող մեզ Քրիստոս.  
 նշան՝ որով ճանաչեմք զնա ճշմարտապէս գողները  
 կայ. քանզի բանն ասէ մեզ զայդ: Եւ չէ ար-  
 ժան տագնապել, եթէ որով օրինակաւ զասա-  
 ցեալն կատարիցէ. շատ է զմտաւ ածել զայն  
 զոր նշանակէն. քանզի է ի նմա զօրութիւն առ-  
 նելոյ զամենայն՝ զոր կամիցի առաքող նորին:  
 « Առաքեաց, ասէ, զԲան իւր եւ բժշկեաց ըզ-  
 նոսա՝ փրկեաց զնոսա յապականութենէ իւ-  
 րեանց <sup>1</sup> »: « Մի՛ դարձցի դատարի՛ բանն այն,  
 մինչեւ կատարեսցէ զոր կամիցի <sup>2</sup> »:

Սասցից արդ միւսանգամ եւս, քաջ խմցիր  
 զբանդ՝ « Այս է մարմին իմ ». եթէ պարզ նշա-  
 նակ մի եւեթ կամէր թողուլ, ասէր ապաքէն.  
 Այդ է նշանակ. եթէ կամէր զի մարմինն լիցի  
 ընդ հացին, ասէր. Աստ է մարմին իմ. չասէ,  
 աստ է այն, այլ Այս է. եւ այդու յայտ առնէ  
 մեզ՝ զոր ինչ էրն եւ զոր էն: Եթէ հարցցեն

1 Սաղմ. ԺԶ. 20: — 2 Ես. ԵԵ. 11:

զբեզ, Զինչ է այդ, մի բան է քեզ պատասխա-  
 նոյ. Այս է մարմին նորա. բանն՝ արար զսքան-  
 ճեւիտ: Ոչ զկայ առեալ մնայ, ելեալ ի բերա-  
 նոյ քահանային որպէս ի բերանոյ Որդւոյն Աս-  
 տուծոյ, արար ի վերայ սրբոյ սեղանոյն՝ զփո-  
 փոխութիւնդ հրաշալի. յետ այնր ի մեզ յա-  
 մենեսին փոխանցէ զզօրութիւն իւր՝ ի ներ-  
 կայքս պատարագին. ընդարմացուցանէ զամե-  
 նայն զգայարանս մեր. ոչ եւս տեսանեմք, ոչ  
 եւս ճաշակեմք՝ ըստ առ ի միտս խորհրդոյս:  
 Որ հաց երեւին մեզ ոչ եւս է հաց, որ գինին  
 երեւի՝ ոչ եւս է գինի. մարմին է եւ արիւն է  
 Քրիստոսի: Ոչ եւս հաւատամք դատման զգա-  
 յարանացս. Բանին հաւատամք, որ զամենայն  
 փոխեաց. եւ մեք իսկ ոչ եւս եմք՝ որ ինչ էա-  
 քըս, մարդիկ ընդ զգայարանօք գրաւեալք, այլ  
 մարդիկ՝ բանին հնազանդեալք: Յայսմ պայ-  
 մանի մերձեամբ ի սեղանն սուրբ: — Ե՛կ, ցան-  
 կալիդ սրտի իմոյ. « Մարաւեցաւ առ քեզ հոգի  
 իմ. քանիպատիկ եւս եւ մարմին իմ <sup>1</sup> »: Այո,  
 մասնակից լինի մարմինս՝ ըզձեց հոգւոյս, քան-  
 զի ի նմա կատարի որ ինչ պատճառէ հոգւոյն  
 զհրճուանս: « Սիրտ իմ եւ մարմին իմ ցըն-  
 ծասցեն առ Աստուած կենդանի. Եւ ամենայն  
 ոսկերք իմ ասասցեն, Տէր, ՚՛ղ նման է քեզ <sup>2</sup> »:  
 Ո՞ նման է քեզ ի զօրութեան: Այլ ՚՛ նման իցէ  
 քեզ եւ ի բարութեան եւ ի սէր:

1 Սաղմ. 49. 2: — 2 Սաղմ. 149. 10:

ԾԸ. Պարզորբիւն եւ մեծորբիւն պատարագիս:

Քանի՛ մեծ, քանի՛ շքեղ է զո՛հ քրիստոնէից. այլ եւ քանի՛ տարդ, քանի՛ խոնարհ: Սակաւիկ մի հացի, սակաւիկ մի գինւոյ, եւ բառք չորք. ահա բովանդատին: Ճանաչեմ՝ ես զտիպ կերպարանաց Տեառն Յիսուսի: ԶԲ՛նչ տեսանես. — մարդ մի. — Իսկ զո՞ հաւատաս. — զԱստուած: Պօ զոս ասէ. «Որ ուտէ ի հացէ այտի՛» . ասիցես, զհացէ խօսի դա: Զերեւեցելոյն առ աչա՛ խօսի. եւ հաճի նշանակել որ ինչ խոնարհ, որ ինչ հասարակ եւ ծանօթ իցէ ի զո՛հիդ: Այլ դու քաջ խորամուկ լեր ի պարզութիւն բանիդ. միտ գիր նա եւ յետ այնր եւ յառաջագոյն ասացելոցն, եւ ապա ի վերայ հասցես զօրութեան եւ մեծութեան բանիդ. «Որ ուտէ ի հացէ այտի»): Քանզի հացդ այդ, այսինքն հացդ մօր մին եղեալ, հացդ ըստ երեւութի, այլ իսկապէս մարմին, հացդ՝ որով այլ հաց, եւ հաց կէնաց յաւիտեանակեանաց՝ տուեալ է մեզ: Ահա զայդ նշանակէ հացդ: Զնոյն է իմանալ եւ զբաժակէ Տեառն: Բաժակք խորհրդոյ հաղորդութեան ի պատուականագոյն նիւթոց կազմեցան, անդստին ի սկզբանց քրիստոնէութեան, եւ անգամ ի ժամանակի հարածանաց եւ ալքատուութեան եկեղեցւոյ: Ոչ զարմանամ ընդ

1 Ա. Կորնթ. ԺԱ. 27:

այդ. զվե՛ծ արժանաւորութիւն մարմնոյ իւրոյ ծանոյց մեզ Քրիստոս, յորժամ թոյլ եա եւ հաւանեցաւ այնքան անուշահոտ իւզովք եւ խնկօք՝ ոչ միայն ի կենդանութեանն պատուիլ, այլ եւ յետ մահուն օծանիլ: — Բայց թէպէտ հաճի՛ նա ընդ այս, եւ եկեղեցի հետեւի այդմ, այլ ոչ յարտաքին երեւոյթից այդ յարեալ կայ: Մարթ է հալածանաց կողոպտել ի նմանէ զտկին եւ զարծաթ՝ զկարգեալն ի սպաս Որդւոյն Աստուծոյ. այլ միթէ կարիցէն տալ նմա կորուսանել զփարթամութիւն զօհին: Ոչ շատ են նմա սակաւիկ մի հացի, սակաւիկ մի գինւոյ՝ առ ի մատուցանել Աստուծոյ զլէհագոյնն պատարագաց, եւ ի պարգեւեւ մարդկան զվե՛ծա մեծարն խրախճան: Ահաւագիկ ճշմարիտ ճոխութիւնք եկեղեցւոյ. զայն ամենայն ոչ միայն մարթ է զերծուլ ի նմանէ, այլ եւ ինքնին իսկ բազում անգամ ի բաց թողու: Գովեաց զեւ պիսկոպոսունս՝ որք առ ի պաշտել զպէտս ալքատաց՝ կարօտանային կողովով տանել զմարմին Քրիստոսի, եւ պարզ սոսկ ապակեաւ զարեան նորին. եւ զայնոսիկ՝ որք ի փրկանս գերեաց եւ ի գին գեանոյ թաղման մեռելոց՝ ծախէին զսպասս սրբութեան: Արդ ի պատիւ խորհրդոց՝ նախանձու եռանդեան պէտք են. եւ ոչ է պարտ խնայել յոսկի եւ յականս պատուականս՝ եթէ պէտք իցեն յորդորել այնու զժողովուրդն ի մեծարանս: Այլ սակայն մի լիցին ի մէնջ մոռացօնք, զի ճոխագոյնն ինչ ի զօհի աստ՝ ծածկաղոյնն եւ խոնարհագոյնն է:

Իսկ զԼինչ գործէ անդանօր Քրիստոս. — չտե-  
սանեմ ինչ արժանաւոր ինքեան գործել: Ե-  
ւ այդ իսկ է մեծ. քանզի այդու իսկ յայտ առնէ  
էթէ ամենայն մեծութիւն իւր յինքեան է .  
այդու իսկ ցուցանէ՝ էթէ ամենայն մեծու-  
թիւն իւր եւ ամենայն երանութիւն մեր՝ ի մա-  
հու անդ իւրում է: Որքան առաւել ունայնա-  
նայ, որքան յաւէտ մեռանի, այնքան առաւել  
փոխէ ի մեզ զկենսն իւր: Արժանաւոր յիշա-  
տակ Աստուծոյ՝ որ ունայնացոյց զանձն իւր:

ԾԹ. Գառնն առաջի արտոյն Աստուծոյ:  
Յայտն. Ե. 6:

Երկինք բացեալ լինին. Թափ անցանեմ ընդ  
վարագոյրն. մտանեմ ի սրբութիւնսն յաւիտե-  
նականս. եւ ընդ Սրբոյն Յովհաննու տեսանեմ  
առաջի աթոռոյն, զԳառնն զենեալ, եւ շուրջ  
զնովաւ զքսան եւ չորս երկցունսն<sup>1</sup>: Ձայս տե-  
սանեմ յերկինս. զայս տեսանեմ եւ յերկրի:  
Անդ Յիսուս որպէս զենեալ, որպէս մեռեալ  
սպեօք խոցուածոցն, ի միջի սրբոց իւրոց. աստ  
նոյն ինքն Յիսուս՝ որպէս սպանեալ, եւ զբե-  
ցեալ զսրբազան նշանս չարաչար մահուանն զոր  
կրեաց, շրջապատեալ ի քահանայից իւրոց:  
ԶԼինչ ասիցէ մեզ Պօղոս զՅիսուսէ՝ նկատելով  
յերկինս. զի « յանդիման լինի երեսացն Աս-

1 Յայտն Ե. 6:

տուծոյ վասն մեր... քանզի միշտ կենդանի է՝  
լինել բարեխօս վասն մեր<sup>1</sup>». բարեխօս լինի  
վասն մեր յանդիման կալով: ԶԼինչ եւ մեք ա-  
սասցուք՝ ըստ նորին օրինակի՝ զՅիսուսէ եգե-  
լայ ի վերայ սեղանոյն սրբոյ, էթէ ոչ զի միայն  
յանդիմանակացութիւն նորա եւ կերպարան-  
առնութիւն մահուն՝ մշտնջենաւոր բարեխօ-  
սութիւն է վասն ազգի մարդկան: — Յաւել-  
ցուք ուրեմն ի գործս յայս՝ աղօթս մաքուրս.  
բարձցուք զուխտս մեր ի վերայ Յիսուսի յան-  
դիմանակացի: Ոչ կարեմք աղօթել, բայց Յի-  
սուսիւ. եւ ահա առաջի մեր կայ. արդ աղօ-  
թեսցուք նովաւ եւս քան զէս:

Գանն անարատ, դառն՝ որ բառնաս զմեզս  
աշխարհի, ի բաց դարձո զաչս Հօր քո ի մե-  
ղաց իմոց: Յանդիման լինիմ աթոռոյ նորա,  
յորմէ տեսանեմ ելանել փայլատակունս եւ ու-  
րոտմունս, եւ ձայնս ահաւորս եւ շոռափ-  
նաթափս ի վերայ իմ եւ ի վերայ անօրէնու-  
թեանց իմոց<sup>2</sup>: Ո՛ր թաքեայց. ի կորուստ  
մտանիմ. շանթահար լինիմ: Այլ տեսանեմ ըզ-  
քեզ միջնորդ կացեալ, ո՛վ դառն անարատ. ար-  
դեւուս դու զկայծակունսն, եւ հուր արդարու-  
թեանն Աստուծոյ նուազի առաջի քո. ոգի առ-  
նում, յուսամ եւ կեամ: — Այլ գանձդ այդ  
քաղցրիկ եւ հեղին՝ ասէ ցիս յառաջոյ աթո-  
ռոյն. « Երթ, եւ մի եւս մեղանչեր<sup>3</sup> »: Այսու-  
եւեթ պայմանաւ թողու զմեզս:

1 Եբր. Թ. 24. Է. 25: — 2 Յայտն. Դ. 5: —  
3 Յովն. Ը. 11:



Կ. Յիսուս զո՞ն մեր տոշեալ ի խաչին, տոշեալ  
 ի Հաղորդութեան: — Ղռչի. ԻՔ. 19-20:

Քանի՜ քաղցր է ինձ խոկալ ի բանս քո. քանի՜  
 քաղցրութիւն է ի բանիդ՝ որով Հաստատես եւ  
 յարակայես զկոչունսդ, որ եւ զո՞հ է: Ոչ ձան-  
 ձրանամ ի խոկալոյ յայդ. քննեմ ամենայն մա-  
 սամբ. որո՞ճամ իսկ եւ յեղյեղեմ անդադար  
 ի բերանի իմում՝ առ ի ճաշակել, առ ի ծծել  
 զամենայն հիւթ նորին: Այս է մարմին իմ աը-  
 լեալ վասն ձեր, ըստ ներկայ ժամանակի. «Որ  
 տուեալ լինի»». Այս է արիւն իմ հեղեալ, վասն  
 ձեր». ի նմին ժամանակի. «Որ հեղանի»». այս  
 պէս ասէ Մատթէոս, այսպէս Մարկոս, Ղու-  
 կաս, Պօղոս, չորք վկայք համաձայնք բանի քում:  
 չորքքին եւս ասեն ըստ ներկայի. որպէս է ըն-  
 թեռնուլ ի բնագիրսն. եւ լստինն որ թարգ-  
 մանէ յապառնի, Իսայի, Իկերոզոս, ի խաչն վե-  
 րաբերելով, յորում արգարեւ տուեալ լինե-  
 լոց էր մարմին եւ հեղոց էր արիւնն, պահ-  
 զներկայ ժամանակ ի Ղուկաս. Այս մարմին որ  
 վասն ձեր տուեալ լինի<sup>1</sup>. որպէս զի ծանխցուք  
 թէ ոչ միայն՝ յասելն Այս է մարմին իմ, իմա-  
 նայր Քրիստոս զնոյն զմարմինն որ տուեալ լի-  
 նեղոց էր վասն մեր, այլ իմանայր եւս, զի նոյն  
 մարմին որ մասնելոցն էր եւ տուեալ լինեղոց

1 Hoc corpus quod pro vobis datur.

վասն մեր, տուեալ իսկ էր կանխագոյն ի խոր-  
 հըրդական սրբագործութեանն, եւ այնպէս  
 լինեղոց էր յամենայն նուագս մատուցման պա-  
 տարագին: Հաւատասցուք ուրեմն՝ զի ոչ միայն  
 մարմինն Քրիստոսի տուեալ լինեղոց էր վասն  
 մեր ի խաչին, եւ եղեւ իսկ, այլ զի եւ յամե-  
 նայն նուագի յասելն զնոյն բան, նովին բանիւ-  
 ներկայապէս տուեալ լինի մեզ. Այս մարմին  
 իմ որ վասն ձեր տուեալ լինի: — Այսպէս մտք  
 բանին են, թէ ոչ միայն մարմինն այն տուեալ  
 է մեզ ի հաղորդութեան, «Առէք կերայք, այս  
 է մարմին իմ», այլ եւ զի տուեալ է ի նմին՝  
 վասն մեր, ընծայեալ վասն մեր, որպէս եղեւն  
 ի խաչին. եւ այս յայտ առնէ զի եւ աստանոր  
 զո՞հ մեր է նա, եւ դարձեալ նուիրի աստ, թէ-  
 պէտ եւ այլով օրինակաւ: Արդ բանն՝ «Տուեալ  
 վասն ձեր» ասի զՅիսուսէ ի խաչին, ասի եւ  
 զՅիսուսէ ի հաղորդութեան, եւ ի դէպ գայ  
 երկաքանչիւր եւս պայմանի Յիսուսի մարմնոյն  
 ներկայ եղեղոց յերկոսին եւս: Վասն այնորիկ  
 Փրկիչն ոչ միայն ներկայ ժամանակաւ խօսի առ  
 ի ցուցանել էթէ աստ է որպէս եւ էն ի խա-  
 չին՝ ի տալն մեզ զինքն ներկայապէս, այլ եւ  
 ընտրէ ասացուած՝ որ պատշաճիցի սրբազան  
 մարմնոյ իւրում յերկոսին եւս պայմանս: Եւ  
 թէ ասացեալ էր, Այս է մարմին իմ որ խաչե-  
 ցաւ, բեւեռօք վիրաւորեցաւ, եւ ի մահ մատ-  
 նեցաւ վասն ձեր, չէր ի դէպ ասել թէ պատ-  
 շաճիցի այդ ի հաղորդութեան, զի ոչ մեռանի  
 ի սմին. եւ անկ էր բացատրել հարկաւորապէս

եւ սոսկապէս, եթէ Այս է մարմինն որ ի խաչ  
եղանիցէ վասն ձեր, եւ աւանդեսցէ ի նմին զողի  
լեւր ի փրկութիւն ձեր: Այլ ասաց. « Այս է  
մարմին իմ տուեալ », որ ի ճաչ գայ երկոցուն  
եւս պայմանացն. մարմինս այս տուեալ է ի  
խաչ. նոյն մարմին տուեալ է եւ ի հաղորդու  
թեան. եւ յերկոսին եւս դէպս՝ տուեալ վասն  
ձեր: Անդէն ընդ լինելն ի հաղորդութեան առ  
ի տուեալ լինել ձեզ, տուեալ է ձեզ. մինչչեւ  
տուեալ ձեզ յուտել, բանն Քրիստոսի յան  
դիման կարգէ զայն. եւ այն խկ յանդիմանա  
կացութիւնն՝ վասն ձեր է: Քրիստոս յանդի  
ման կայ վասն ձեր առաջի շօր իւրոյ. յանդի  
ման կայ ձեզ, նուիրէ զանձն վասն ձեր. և յան  
դիմանակացութիւնն իսկ՝ ամենազօր բարեխօ  
սութիւն է վասն ձեր: Ահա զայս գործէ ի հա  
ղորդութեան պատուական ասացուածն՝ « Այս  
է մարմին իմ »:

Այլ միթէ եւ այլքն ասացուածոց՝ զոր սրբա  
զան գրիչքն ականդեսցին, չիցէն նովին ընտրու  
թեամբ արտասանիչք, եւ չպատշաճիցլին զու  
գապէս երկոցուն եւս պայմանաց ներկայու  
թեան Քրիստոսի: Տեսցուք, ընթերցուք, քնը  
նեսցուք: « Այս է արիւն իմ հեղեալ ». հեղեալ  
է ի խաչին. այլ միթէ չիցէ հեղեալ եւ ի բաժա  
կին: Միթէ չիցէ ի բաժակիդ յայդմիկ փրկաւե  
տագոյն հեղումն առ Աստուած՝ ի փրկութիւն  
անձանց մերոց: Է անդ արիւն հեղլի ի վերայ  
հաւատացելոց. անդ է ի վիճակի հեղման եւ ընդ  
հեղանիւթ տեսակաւ, որոյ յատուկ է հեղա

նիւն: Արիւնն որ հեղաւ ի խաչին եւ հոսեաց  
յամենայն պատառուածոց երակաց Փրկչին,  
հեղու դարձեալ ի բաժակին յայնմիկ յամենայն  
վերաց նորին, եւ առաւել ի սրբազան կողէն.  
յայս սակս սակաւ ինչ ջուր խառնեմք ի բաժա  
կըն, ի յիշատակ ջրոյն՝ որ ընդ արեան հոսեցաւ  
ի կողէն բացելոյ: — Տէր Յիսուս, դու ես բան.  
եւ բանք քո ասացան քոյնիակայել ընտրանօք.  
յասելք « Այս է արիւն իմ հեղեալ վասն ձեր », ներկայ  
եղանակաւ, նշանակես ինձ՝ եթէ հեղաւ  
վասն իմ ոչ միայն ի խաչին, այլ զի հեղանի  
վասն իմ եւ ի թողութիւն մեղաց իմոց՝ ի բա  
ժակին, առ հաւատարիմ առնել ինձ, առ վե  
րածել յիս եւ առ յարակայել մշտնջեհաւորա  
պէս զամենազօր բարեխօսութիւնդ՝ զոր վասն  
իմ արեամբդ այդու առնես:

Որոճեսցուք դարձեալ զսրբազան բանսք.  
Այս է մարմին իմ տուեալ վասն ձեր, ըստ ա  
ւետարանչին Ղուկայ. իսկ Պօղոս փոխանակ  
այսր բանի՝ ասէ. Այս է մարմին իմ բեկեալ  
վասն ձեր<sup>1</sup>, ըստ յոյն բնագրին. եւ զինչ կա  
միցի ասել բանդ այդ՝ ըստ ոճոյ Սուրբ Գրոց:  
— Եսայի մեկնեսց մեզ զայդ, ասելով, « Բըր  
դեա զհաց քո քաղցելոց<sup>2</sup> ». տուր նմա զհացդ,  
հան նմա մասն. ապա քաջ մեկնաբանէ Պօղոս  
զբանն՝ Այս է մարմին իմ տուեալ վասն ձեր,  
բանիւն՝ Այս է մարմին իմ բեկեալ վասն ձեր:  
Մարմինս այն փոխեալ է ի վիճակ տուեալ լի

նեղյ մեզ, բաշխեցյ մեզ, եւ բեկանեցյ վասն մեր ի հաղորդութեան. եւ անդէն ընդ մտանէն յայդ վիճակ՝ արդէն բեկեալ է եւ տուեալ վասն մեր, ըստ սահմանեցոյն եւ ըստ բանից Քրիստոսի: Այ սոյն խի սասցուած վերաբերի եւ առ մարմինն ի խաչին, առ մարմինն արբորեալ հարուածովք եւ խոցեալ վիրօք, կախեալ ի խաչի՝ այնպէս բռնաբար, զի յամենայն կողմանց երակքն պատառեալք՝ վտակս հոսեն արեան: Արդ, բռն բեկման ի դէպ դայ երկոցուն եւս պայմանացն, եւ խաչեցեցյ Յիսուսի եւ պատարագեցեցյ Յիսուսի. յերկոսին եւս պայմանքդ՝ տուեալ լինի մարմինն, յերկոսին եւս բեկանի. նոյնպէս եւ արիւնն: Ամենայն ուրեք տուեալ է մեզ մարմինն. ամենայն ուրեք զո՛հ մեր է այն. ամենայն ուրեք հեղանի վասն մեր արիւնն. հեղաւ վասն մեր ի խաչին, հեղանի վասն մեր եւ ի սրբազան բաժակին:

Ո՛վ, որպիսի՞ պատարագ, Փրկիչ իմ. քանի՞ քաղցր է խորհել ի բանս քո. նորանոր ճաշակս գտանեմ ի նմա՝ որպէս ի մանանայն. մարմին քո եւ արիւն՝ նուէրք իմ են, պատարագ իմ, զո՛հ իմ, եւ ի վերայ խաչին եւ ի վերայ սրբոյ սեղանոյն. եւ հանգոյն խաչին մատուցարան է եւ սեղանդ այդ: Այո, արգարեւ ստոյգ է բան Առաքելոյն. « Ունիմք մէք սեղան՝ ուստի ոչ ունին իշխանութիւն ճաշակել որք պաշտեն զպաշտօն խորանին » հնոյ, եւ ի սեղանն օրինաց յարեալ կան: Առ ի հաղորդել ամին՝ պարտ է մտանել մտօք « ի տասանակն անձեռագործ:

ԿՍ. Հարոյրոչքիւն՝ սրիւն է նորոյ ոչխտի:  
— Մատթ. Խց. 28:

Դառնամ վերստին նորով խորթանօր ի բանս հաստատութեան խորհրդոյն, եւ գտանեմ զայս բան գորովալի. « Այս է արիւն իմ, նորոյ ուխտի »: Ոչ գիտեմ որպիսի՞ ինչ է ի բառիդ յայդմ՝ Ոչխտի, որ ընդոստուցանէ եւ գորովէ զիս: Ուխտ՝ կտակ է աստանօր. գրաւական ժառանգութեան իմոյ. այլ հարկ է առ այս՝ մահ կտակողին: Բանամ զաստուածախօս Թուղթի՞ն որ առ Եբրայեցիս, եւ գտանեմ ի նմին զբանքս. « Ուր կտակ է՝ հարկ է զմահ ի մեջ բերել ըզկտակագրին. զի կտակ յետ մահու հաստատուն է. ապա թէ ոչ զեմբդ եցէ հաստատուն, մինչ կտակագրին կենդանի է: Ուստի եւ ոչ առաջինն (կտակ) առանց արեան նորոգէր: Քանզի իբրեւ պատմեցաւ ամենայն պատուիրանք օրինացն ի Մովսիսէ՝ ժողովրդեանն, առեալ զարիւն ցուցն եւ նոխազացն... զկտակարանօքն իսկ եւ զամենայն ժողովրդեամբն սրսկեաց, եւ ասէ. Այս է արիւն կտակին՝ զոր պատուիրեաց ձեզ Աստուած՝ »: Տեսանեմ արդ աւագիկ զերկնաւորն ժառանգութիւն տուեալ կտակաւ՝ առ որդիան նորա. Քրիստոս է կտակագրին. հարկ

է զի մեռցի: Կտակ՝ ոչ է հաստատուն եւ ոչ ընդունի զվերջին զօրութիւն՝ բայց մահուամբ կտակագրին. մինչեւ զայն վայր ոչ ինչ զօրէ, եւ մարթ իսկ է փոփոխել զայն. վասն այնորիկ համարի սրբապան եւ անգրգեղի. տուչութիւն լիակատար զօրութեանն, եւ իշխանութիւն ժառանգին ի ստանալ զԹողեալն ի կտակագրէն՝ մահուամբն կատարի: Այս ամենայն լիովին կատարի ի Յիսուս, որ մեռանի առ ի հաստատուն առնել մեզ զժառանգութիւնս զայս. վասն այնորիկ եւ հին ուխտն՝ որ նորոյս էր օրինակ, ոչ առանց արեան սրբեցաւ. ամենայն ժողովուրդն եւ գիրք օրինացն եւս՝ յորում խոստումն ժառանգութեանն բովանդակեալ էր՝ սրբէին սրսկմամբ արեան. ամենայն ինչ արիւնսանայ. յամենայնի մահուն կերպարան տեսանի. եւ ի սրսկել Մովսիսի զարիւնն զգրովք ուխտին, զկտակի օրինակ տայր նմին, ասելով՝ ըստ մեկնութեան Պօղոսի, « Այս է արիւն կտակին՝ զոր պատուիրեաց (կամ պատրաստեաց) ձեզ Ստուած<sup>1</sup> »: զայս կատարեաց Յիսուս՝ ասելովն, « Այս է արիւն, ոչ հնոյ՝ այլ նորոյ ուխտի »:

Արդ բանքս այսոքիկ, եւ յարնչութիւն նոցին ընդ հնոց օրինակաց՝ յայս զայս առնեն, զի արիւնն Յիսուսի հեղեալ ի խաչին, եւ հեղեալ ամենեւին իրապէս եւ ստուգապէս, թէպէտ եւ այլով եղանակաւ, է « արիւն նորոյ ուխտի »:

տի »: այսինքն է՝ արիւն հեղեալ առ ի տալոյ նմա լիովին զօրութիւն: Են կտակք՝ զորս պահանջեն օրէնք գրել ձեռամբ կտակողին. իսկ օրինաց կտակին Յիսուսի՝ վայել էր հաստատել եւ իբրու բովանդակ գրել արեամբ իւրով: Պատճէն կտակին է գործն յորում գրեցաւ, այս է՝ Հաղորդութիւնն: Խոստումնք Քրիստոսի եւ նորոյ ժառանգութեանն՝ եղեն մեզ ի ձեռն մահուան նորին, որով թափէ զմեզ ի դժօխոց եւ երաշխաւորէ զերկինս. եւ պատճէնն յորում խոստումնքն յօգեալ են, մուրհակն՝ յորում կամք եւ հրամանք չօր մերոյ գրեալ են, պատճէնն այն, մուրհակն այն՝ ամենայնն արեամբ նորին գրեալ է. միով բանիւ, կտակ նորա՝ Հաղորդութիւնն է: — Եւ արդ, ո՞ ոչ խանդաղալիցի՝ լսելով զօր ամենայն զբանս Փրկչին, « Այս է արիւն իմ նորոյ ուխտի », կամ որպէս Ղուկաս փոխաբերէ, « Այս բաժակ է նոր ուխտ խմով արեամբ վասն ձեր հեղոյ<sup>1</sup> »: զի այսպիսի է բնութիւն կտակին՝ զի բովանդակ գրեացի արեամբ կտակողին: — Եկայք ընթեռնուչ՝ բրիստոնեայք, ընթեռնուչ զկտակս զայս զարմանալի. եկայք լսել զհրապարակագոչ քարոզումն նորին ի մատուցման սրբոյ Խորհրդոյն. եկայք վայելել զբարութիւնս Փրկչին ձերոյ, չօր ձերոյ, զաստուածային կտակագրին. որ արեամբ իւրով գնէ զժառանգութիւն ձեր, եւ նովին արեամբ գրէ զկտակն՝ որով թողու ձեզ զայն:

Եկայք ընթեռնուլ զկտակդ զայդ. եկայք ստա-  
նալ, եկայք վայելել. ձեր է ժառանգութիւնն  
երկնային:

ԿԲ. Նոր Ոչխտ է արեակը Փրկչին մերոյ:

« Այս բաժակ նոր ուխտ իմով արեամբ » .  
այսպէս փոխաբերեն Ղուկաս եւ Պօղոս զասա-  
ցեալն ի Մատթէէ եւ ի Մարկոսէ՝ « Այս է  
արիւն նորոյ ուխտի <sup>1</sup> » : Ձեք երկբայեւ զի ի  
տալ Քրիստոսի զմարմին իւր՝ զայս բանս ասաց,  
« Այս է մարմին իմ » . քանզի ամենեքին որք  
գրեցին զհաստատութիւն խորհրդոյն, Մատ-  
թէոս, Մարկոս, Ղուկաս եւ Պօղոս՝ միաբան  
այսո՛ւ բանիւք աւանդեն: Ձեք դարձեալ երկ-  
բայեւ զի եւ նովին բանիւք՝ որով զմարմինն սըր-  
բագործեաց՝ եւ զարիւնն նոյնպէս սրբագոր-  
ծեաց. այսինքն, ըստ աւանդելոցն ի Մատթէո-  
սէ եւ ի Մարկոսէ, « Այս է արիւն իմ նորոյ  
ուխտի <sup>2</sup> » : Այլ քանզի էր ինչ մտադիւր իմն  
ուշով նկատելի՝ յ'արեան անդ նորոյ ուխտին,  
եւ զի անկ էր արեանն հեղլոյ վասն մեր ի խա-  
չին, եւ հեղլոյ վասն մեր եւ փոխելոյ յըմպելի  
ի Հայրդութեան, լինել հաստատութիւն եւ  
վկայ հաւատարիմ յետին կամաց Հօր մերոյ,

1 Ղուկ իԲ. 20: — Ս. Կորնթ. ԺԱ. 25: — 2 Մտթ.  
ԻԳ. 28: — Մարկ. ԺԳ. 24:

Ղուկաս եւ Պօղոս պարզաբանեն այսպէս. « Այս  
բաժակ նոր ուխտ է՝ իմով արեամբ » . որպէս  
թէ ասիցէ. Չոր օրինակ թողութս յորում գը-  
րեալ է ձեռամբ Հօր ձերոյ յետին կամք իւր՝  
կտակ նորին է, այսպէս եւ բաժակս սուրբ՝ կը-  
տակ է Յիսուսի, արեամբն բովանդակելով ի  
նմին, եւ որոյ յետին կամք գրեւոց էին:

Ձեք պարզագոյն քան զբանս Քրիստոսի՝ զոր  
ասացն, « Այս է մարմին իմ. Այս է արիւն իմ  
նորոյ ուխտի » . չեք բնաւ առակ օրինակի ի  
զմին. եւ ամենայնն ստոյգ է ըստ գրոյն: Ի  
բանս անդ Ղուկայ եւ Պօղոսի, կամ մանաւանդ  
ի բանս Քրիստոսի՝ ըստ փոխաբերելոյ երկոցոսն  
սրբազանից գրչացս, « Այս բաժակ է նոր ուխտ  
իմով արեամբ », ձեւաւոր իմն է ո՞՞՞ ասացուա-  
ծոյն, այլ գիւրիմաց եւ ընտրելագոյն եղանա-  
կաւ, նման այնմիկ որ կտակ կոչէ զմուրհակն  
յայտարար յետին կամաց կտակողին: Այլ ընդ  
նմին հզօրագոյն եւս օրինակաւ նշանակի ստու-  
գութիւն արեանն. քանզի յայտնապէս նշա-  
նակի այս, զի թէ բաժակն որ ընծայի մեզ՝ իցէ  
ուխտ Քրիստոսի, էթէ իցէ մուրհակ սրբազան՝  
յորում յետին կամք իւր բացատրին, ի ձեռն  
արեանն Քրիստոսի է բովանդակելոյ ի նմին.  
քանզի կտակն այն՝ որպէս եւ տեսաք՝ գրելի  
իմն էր, ոչ իւրով իսկ ձեռամբ, այլ նորին իսկ  
արեամբ կտակողին: Եւ զայս իմաստ քաջայայտ  
առնեն բանք Ղուկասու. քանզի էթէ թարգ-  
մանել ոք կամիցի ի ընագրէն՝ բառ առ բառ,  
հարկ է թէ բանն « հեղեալ վասն ձեր », ոչ

յարիւնն վերաբերցի, այլ ի բաժակն, և հարկ է թարգմանել այսպէս. Այս բաժակ հեղեալ վասն ձեր՝ նոր ուխտ է իմով արեամբ. ոչ միայն արիւնն հեղեալ է վասն ձեռք, այլ բաժակն. որպէս եւ սովորութիւն է հանապազ սասել վասն հեղուկի թափելոյ, եթէ հեղաւ ամանն յորում էր այն: Այսպէս եւ աստ իմացուք զբաժակն հեղեալ վասն մեր. այսինքն, եթէ ոչ միայն արիւնն որ ի նմին՝ հեղաւ վասն մեր ի խաչին, այլ ցորչափ հեղանի նա ի բաժակին եւ անտի ի վերայ մեր, հեղումն է ի փրկութիւն մեզ, եւ նուիրումն ճշմարիտ:

Գոհացուք զՔրիստոսէ, որ այսքան բազմապատիկ օրինակօք եւ այսպէս պարզ եւ մեկին բացատրեաց զզոհն, զոր հանապազորդ մատուցանէ վասն մեր ի Հաղորդութեան: Տեսցուք տակաւին ի նմին հեղեալ վասն մեր զարիւնն փրկութեան՝ ճշմարտապէս, որպէս ի խաչին, թէպէտ եւ ընդ օտար կերպարանաւ: Հզօր է նա ի կատարել զամենայն զոր ասացն. աստ է արիւն նորա. լի է նովմբ բաժակս այս, յորում հեղու նա զօր ամենայն. այսու արեամբ գրեալ է կտակ Հօր մերոյ: Եւ ո՞ր իցէ կտակն՝ եթէ ոչ այն զորմէ գրեալ է. « Այս է ուխտն զոր ուխտեցից... տաց զօրէնս իմ ի միտս նոցա, եւ ի սիրտս նոցա գրեցից զնոսա... եւ զմեզս նոցա ոչ եւս յիշեցից <sup>1</sup> »:

Եւ առ ի՞նչ կտակիցէ մեզ զուխտ քառու

թեան մեղաց. — որպէս զի բարձցէ զարգելին մոլից մերոց յերկինս, որ ճշմարիտ ժառանգու թիւն մեր է: Եւ վասն էր կտակաւ կացուացէ զայս: — Առ յուշ առնելոյ մեզ՝ եթէ առ ունել իրաւունս կտակելոյ մեզ զերկնաւորն ժառանգութիւն, հարկ էր մեռանել կտակողին մեզ զայն՝ իւրով ուխտիւ: Եւ վասն էր տայցէ մեզ զարիւն նորոյ ուխտին, կամ՝ որպէս Ղուկաս եւ Պօղոս փոխաբանեն, կնքեալ, հաստատեալ, գրեալ արեամբ կտակողին: — Առ ի հաստատել զհաւատս մեր եւ ի բորբոքել զսէր մեր: Եւ ո՞ ոչ խանդաղատիցի՝ տեսանելով կտակ այսպիսի օրինակաւ գրեալ: Քանի՛ մեծ է ժառանգութիւնն ուխտեալ մեզ այսպիսի վսեմական եւ պատուական կտակաւ: Ո՞ր սիրտ սալացեալ՝ տեսանելով հեղու տակաւին ի բաժակէ այտի սրբոյ՝ զարիւն ուխտիդ՝ որով մեղք մեր ջնջին, ոչ գարշիցի ի նոցունց, եւ ի՞չ արմատաքի խլիցէ զնոսին, յանդիման կալով արեանն եւ զօրութեամբ նորին:

ԿԳ. Պատարագ՝ հանապազորդարքիւն է  
Ընրրեաց Քրիստոսի:

Արդ, ի միտ առցուք, ՚քրիստոնեայք, զի ամենայն բարեօք լի եւ առաւելեալ է զոհս այս: Մի անգամ մեռաւ Յիսուս, եւ չէր մարթ այնու օրինակաւ միւսանգամ նուիրել. ապա թէ

ոչ՝ հարկ էր անբաւական ասել զզօրութիւն մահուն. այլ զոր արար միանդամ այնու օրի. նախաւ, այսինքն է նուիրել արիւնաթաթաւ եւ վիրալից, եւ աւանդել զողին ընդ արեանն, զնոյն հանապազորդէ զօր ամենայն՝ նորով իմ օրինակաւ յերկինս, յոր, որպէս տեսաք ընդ Պօղոսի, ոչ դադարէ յանդիման լինել վասն մեր, եւ յեկեղեցւոյ՝ ուր զօր ամենայն առաջի կայ ընդ այսու կերպարանօք մահուն: — Ո՛վ ժողովուրդ գնեալ, խումբ առեալ գումարեաց ի բարեբանել զօղորմութիւնս Հօր քո երկնաւորի, ի ձեռն Յիսուսի Քրիստոսի՝ զենլոյ վասն քո: Ուր մարմին Յիսուսի է՝ անդ եւ տեղի գումարման քո. ուր մարմինս այս՝ անդ ժողովեացին արծուիք <sup>1</sup>: Եւ զի՞նչ արասցուք անդ: — Զի՞նչ արար Յիսուս: « Էառ զհացն, օրհնեաց գոհացաւ », ասաց աղօթս սուրբս. « Էառ բաժակ », եւ նոյնպէս արար: Զնոյն նմին նման առնէ եւ քահանայ. ուտի մարմինն այն, ըմպի արիւնն այն. գոհութիւնք մատուցանին, եւ ի բաց արձակին: Քաջ միտ դիցուք. հետեւեցուք քահանային՝ որ յանուն մեր գործէ, խօսի փոխանակ մեր. յիշեցուք եւ զառաջնոցն սովորութիւն, իւրաքանչիւր ուրուք զիւր հաց եւ զիւր զինին մատուցանելով՝ հայթայթել զնրեթ երկնաւոր զօհին: Զեւ արարողութեանն փոխեցաւ, ողին մնայ: Արեւնէքին մեք մատուցանեմք ընդ քահանային. հաւանիմք ամենայնի զոր գոր-

ծէն, ամենայնի՝ զոր ասէն: Եւ զի՞նչ ասիցէ: — Աղօթս արարէք, եղբարք, զի հաճոյ լնցի Աստուծոյ մերոյ պատարագս իմ եւ ձեր: Եւ զի՞նչ տայք պատասխանի: — Ընկալցի Տէր ի ձեռաց քոց: Բա՛րէ, պատարագս մեր եւ քո: Եւ զի՞նչ դարձեալ ասիցէ քահանայն: — Յիշեա, Տէր, զճառայս քո, վասն որոյ մատուցանեմք քեզ: Ա՛յսչափ միայն: — Յաւելու նա. « Եւ որք մատուցանենք եղ զպատարագս զոյս »: Եւ արդ մատուցուք եւ մեք ընդ նմին. մատուցուք զՅիսուս. մատուցուք զանձինս մեր ընդ համօրէն կաթողիկէ եկեղեցւոյ՝ սփռելոյ ընդ ամենայն երեսս երկրի:

Օրհնէ քահանայն եւ գոհութիւն մատուցանէ ի վերայ հացին եւ գինւոյն՝ որ փոխելոց է ի մարմին եւ յարիւն. աղօթէ վասն ամենայն եկեղեցւոյ. Օրհնեցէք, գոհացարուք, աղօթեցէք: Ժամանեալ հասանէ յառանձինն յայն օրհնութիւն, որով սրբագործի մարմինն այն եւ արիւն: Լուարուք, հաւատացէք, հաւանեցարուք: Ընծայեցէք ընդ քահանային. ասացէք առեւ, յաղբսեւն նորս, եւ յաղօթել: Եւ ահա աւաղիկ, առաջի կայ. ներդործեցին աղօթքն. ահաւաղիկ Յիսուս այնպէս ներկայ՝ որպէս ի խաչին՝ ուր երեւեցան՝ անձամբ զանձն նուիրելով. այնպէս ներկայ՝ որպէս յերկինս է, եւ ուր յանդիման կայ վասն մեր առաջի երեւսաց Աստուծոյ <sup>1</sup>: Այս նուիրագործութիւն,

այս սուրբ արարողութիւն, այս պաշտօն արիւն-  
նալից՝ այլ ոչ արիւննաշաղախ, յորում մահ  
տեսանի յամենայնի, այլ կենդանի կայ նշխարն,  
այս է Ճշմարիտ պաշտօն բրիտանոնէից. զգալի  
եւ հոգեւորական, խոնարհ՝ ընդ նմին եւ վսե-  
մական:

Այլ դու, բճբէ, առաջի կալով այդքանոյ  
հրաշափառ խորհրդոյ, եւ ո՞չ մի հառաչանս  
արձակիցես ի վերայ մեղաց քոց. եւ ո՞չ մի կիրս  
ապաշաւանաց: Մարմնով միայն կաս առաջի:  
Իսկ Յիսուս մարմնով եւեթ կայցէ առաջի. մի-  
թէ ո՞չ եւ հոգի նորա ընդ մեզ իցէ: Եւ զի՞նչ  
կամիցի ասել քահանայն ի տալն ողջոյն մեզ եւ  
յասել. Տէր ընդ ձեզ (Խաղաղութիւն ամենեւ-  
ցուն). եւ դու պատասխանես. Եւ ընդ հոգւոյդ  
քում: Ապաքէն ընդ հոգւոյ քահանային, ընդ  
հոգւոյ զո՞հն՝ խնդրես միանալ եւ տակաւին  
մարմին քո կայ անդանօր որպէս մեռեալ, ան-  
հոգի, անհաւատ: Եւ արդ զի՞արդ, ոչ ինչ ո՞չ  
զգայցես. չառնուցնա ի միտ էթէ տեսակքդ  
սրբազանք՝ պատեանք իմն են յորս պարունակի  
մարմին Փրկչին քո, որպէս ի պատանան՝ որովք  
պատեցաւ ի մահուն: Առ գերեզմանի կաս,  
յորում եղաւ հայր քո մեռեալ խոցուածովք  
վերաց, առ ի վրկէլ զքեզ. եւ տակաւին թըմբ  
րեա՞լ կայցես: Ընդոստնուս ի բանիցս. այլ յի-  
շիցես զի Յիսուս որ առաջիդ կայ՝ չկամի քեզ  
եւ ոչ գոյզն ինչ խէթ ունեւ ընդ եղբօր քում,  
կամ որպէս նա ինքն ասաց, էթէ եղբայր քո  
ունիցի ինչ խէթ զքէն: Այդպէս եւ յայլոյ

անկարգ գնացից քոց գարչի նա՛: Երթայք յի-  
նէն, կեղծաւորք, որք շրթամբք եւեթ մեծա-  
րեալ պատուէք, եւ սրտիւք հեռացեալ մե-  
կուտի էք յինէն. ի բաց գնացէք՞: — Ոչ այդ-  
պէս. եկայք. ոգի առէք, զգաստացարուք: Հա-  
ռաչեցէք գէթ առ անգամ մի ի վերայ ողոր-  
մելի պայմանի հոգւոյ ձերոց. ասացէք դոգէք.  
« Պատմեցից ինձէն զմեզս իմ, եւ դու թողցես  
զամենայն ամբարշտութիւնս մեզաց իմոց »:  
Այո, մարթ է քեզ խոստովանել այնքան զղջ-  
մամբ եւ սրտի մտօք, մինչեւ արժանի լինել  
ներեւոյ թողութեան:

ԿԳ. Հարոյրոտքիւն. Պարտ է հարոյրել զիք  
հոգւով:

Հասանէ ժամ հաղորդութեան. ժամ հաշ-  
ւոր. ժամ ըզձալի: Հաղորդեցաւ քահանայն.  
պատրաստ լեր եւ դու. հաշ ընդ հուպ հասցէ  
եւ քեզ կարգ: Հաղորդեաց նախ հոգւով. հա-  
ւատա, պաշտեա, ըզձա: Գա է կերակուր իմ.  
դա է կեանք իմ. փափագեմ զմին, կամիմ զայդ:  
Զիցես պատրաստ ի հաղորդել. լաց եւ հառա-  
չեաց: Եղբւ՛ւ մեզ. ո՞րք իցէ ժամանակն այն՝ յո-  
րում հաղորդողք միայն առաջի կային. յո-  
րում ի բաց հանէին, կշտամբէին, կամ գէթ



յանդիմանէին զայնոսիկ՝ որք կային առաջի եւ ոչ ճաշակէին: Եւ արդարեւ, զի՞նչ իցէ կալ առաջի եւ ոչ ճաշակել, եթէ ոչ՝ անպատուել զկոչունսն եւ խոտել զկերակոււմն: Որպիսի՞ արհամարհանք, որպիսի՞ խօթութիւն, որպիսի՞ զղուանք: Այլ չէ արդ սովորութիւն: — Լնւր, զինչ ասէ Տրիտենդեան ժողովն. Փափագէր Սուրբ Ժողով՝ զի որք առաջի կան պատարաբնի՞ հաղորդ եւս լինէին: — Եւ առ իմէ՞ փափագիցէ ժողովն, բայց զի փափագէ եւ Յիսուս. զի ոչ վայրագար փոխի նա ի կերակուր՝ այլ զի ճաշակիցի: Արդ իղձ է եկեղեցւոյ՝ զի որք միանդամ կայքդ առաջի պատարագին՝ հաղորդես ջիբ եւս: Սակայն չասէ ժողովն՝ փափագի, այլ փափագէր<sup>1</sup>: Եւ վասն էր: — Զիչիս Եկեղեցի բացարձակ յայտնել զփափագն առ մեծագոյնդ բարեաց. փափագէր՝ զի ամենայն ոք այդպէս առնէր, ամենայն ոք լինէր արժանի: Փափագեցարուք եւ դուք, քահանայքդ, զի ժողովուրդդ առ հասարակ ընդ ձեզ հաղորդեսցի: Եւ դուք ամենեքին՝ որք կայք առաջի՞ կատարեցէք զփափագ Եկեղեցւոյ եւ զպաշտօնէի նորին: Եւ եթէ ոչ հաղորդեալիք, ասացից միւսանդամ, դէթ լացէք եւ ողբացէք, եւ ի միտ առէք դողալով, եթէ անկ էր քրիստոնէի կեալ այնպէս՝ զի կարիցէ հաղորդել զոր ամենայն: Խոստացարուք Աստուծոյ՝ պատրաստ լինել վաղ վաղ ի հաղորդութիւն. եւ դռնեա հաղորդիք հոգեւո-

1 Optaret sancta Synodus.

րապէս: Հաղորդի քահանայն. կատարէ զխորհուրդն, արամելով զի ոչ ոք դատա հաղորդակից: Չէն ինչ նմա մեղք. զի թէպէտ եւ ոչ ոք մերձեցցի, սակայն արժան է ուղղել զսեղանն: Այդպէս առատ եւ բարերար է ամուստերն մեծ: — Արդ կատարեցաւ պատարագն. մեկնեցարուք արամելով զի ոչ ընկալայք լիովին ըզբաժինն որ միճակեալ էր ձեզ:

ԿԵ. Գովուրթիւն: — Մար. Իգ. 30:

« Եւ օրհնեցին. եւ ելին ի լեառն Զիթե նեայ »: Ելեալ զնայցին արգարեւ, այլ մինչչեւ էր մեկնեալ Յիսուսի՝ բազում անցք անցին, զորս տեսցուք յառաջիկայդ: Միտ գիցուք առ վայր մի օրհնութեանս, երգոց գոհութեան եւ ինդութեան, որով աւարտեցին Քրիստոս եւ աշակերտքն՝ զխորհուրդն սրբութեան: Զի՞նչ կարէին երդիլ՝ որք յաբեալքն էին Յիսուսի եւ արբեալ գինեաւ բաժակի նորին, բայց զայն՝ որով լցեալն էին: « Արժան է Գառնդ զնեալ՝ առնուլ զմեծութիւն եւ զինաստութիւն, եւ զգործութիւն եւ զպատիւ եւ զփառս, եւ զօրհնութիւն<sup>1</sup>: Եւ ամենայն արարածք որ են յերկինս եւ յերկրի եւ ի ծովու, եւ որ ի նոսա, լուսոյ զի ասէին. Որ նստի յաթոռն եւ

1 Յայտն. Ե. 12-3:

Քառնն՝ օրհնեալ բարձրացեալ եւ փառաւորեալ, յաւիտեանս յաւիտենից» : Երգէ աշխարհ՝ զաշխարհիս հրձուանս. իսկ զլինչ մեք՝ որք զերկնաւոր պարգեւան ընկալաք. զլինչ երգեացուք, բայց եթէ զհրձուաննս յաւիտենականս : Աշխարհ՝ երգէ զախոս կրիցն, զանհանձար եւ զանկրաւ տափանսն. իսկ զլինչ երգեսցուք մեք. բայց զերեւելն մեր : Աշխարհ հըռչակէ առհասարակ զպիղծ բերկրանսն. իսկ զլինչ հոչակեսցեն բերանք մեր՝ յեա ըմպելոյ զգինին անուշարար կուտից<sup>1</sup>, բայց զերգս ժողովարութեան եւ պարկեշտութեան : Այցալք մահուամբն Քրիստոսի՝ որ յանդիման մեզ ցուցաւ, եւ ի մարմնոյ զոհն նորա, զլինչ երգեսցուք մեք, եթէ ոչ զի « Աշխարհ ի խաչ ելեալ է վասն իմ, եւ ես՝ աշխարհի »<sup>2</sup> :

Մինչեւ ասացեալ զգոհութիւնս կայս, մինչեւ երգեալ զերգ փրկութեան աղղի մարդկան, մի մեկնիր ի սեղանոյ այտի : Բաբէ. տես, քանի՛ խնդութեամբ երգեսցին Մովսէս եւ ժողովուրդն հին՝ զերգ փրկութեան իւրեանց՝ յեւլանէն յԵգիպտոսէ եւ յանցանէն ընդ ծովն Կարմիր : Երգեալ եւ դու ժողովուրդ փրկեալ, զմովսիսականն երգ, եւ զերգ Քառնն, ասելով. « Ո՛րպէս զի մեծամեծ եւ սքանչելի են գործք քո, Տէր Աստուած ամենակալ, արդար եւ ճշմարիտ են ճանապարհք քո, թագաւոր ամենայն հեթանոսաց : Եւ ՚վ ոք ոչ երկկցէ

եւ փառաւորեացէ զանուն քո սուրբ. զի դու միայն ես սուրբ եւ արժանի երկրպագելոյ. զի ամենայն հեթանոսք եկեսցեն եւ երկիր պագեսն առաջի քո, Տէր, յորժամ արդարութիւն քո յայտնեսցի<sup>1</sup> : Ձի մահուամբ քով խափանեցեր զայն որ սենէր զիշխանութիւն մահուն 2. իշխան աշխարհիս այսորիկ ի բաց անկաւ<sup>3</sup> : Դու ջնջեցեր զձեռագիր մերոյ հակառակութեանն հրամանովք քովք. որ կայր մեզ հակառակ՝ բարձր զայն ի միջոյ, եւ բեւեռեցեր ընդ խաչափայտին. մերկացեր զիշխանութիւնս եւ ըզպետութիւնս. յայտ յանդիման խայտառակեցեր՝ նշաւակեալ զնոսա խաչիւ քով<sup>4</sup> : Եւ արդ յիշատակաւ այսպիսեոյ սքանչելի քո յողութեանդ, մատուցանեմք քեզ եւ բեւ չօր քում երկնաւորի՝ զպատարագս զայս օրհնութեան եւ գոհութեան, որ իսկապէս ոչ այլ ինչ է՝ բայց դու ինքն. քանզի չեք մեր այլ ինչ՝ բայց դու, ի նուէր գոհութեան ամենայն շնորհաց՝ զոր ի ձեռն քո ընկալաք :

1 Յայտն. թ. 3-4 : — 2 Եբր. թ. 14 : — 3 Յովն. թ. 31 : — 4 Կող. թ. 14-5 :



Faint, illegible text on the left page of an open book. The text is mirrored across the gutter, suggesting bleed-through from the reverse side. The paper is aged and yellowed.

Blank right page of an open book, showing the texture of the paper and some minor dust or foxing.

«Ազգային գրադարան»



NL0028044

